



SCS # 1106

PSALMORUM
DAVIDIS
Paraphrasis Poetica,
AUCTORE
G. BUCHANANO,

Cum Notis Philologicis NATHANIS CHY-
TRÆ, &c. Et Ecphrasi ALEXANDRI
JULII in loca Paraphraseos difficiliora.

Ad finem adjiciuntur Annotationes THOMÆ
RUDDIMANNI.

EDINBURGI.
Excudebat GULIELMUS ADAMI
Prostant venales apud Joanem Paton Biblio-
polam in area Parliament. et Davidem Ran-
dolphum, in Vico Canonicorum, vulgo the
Canongate. Anno Domini MDCCXXV.

A D

M A R I A M , I l l u s t r i s s i m a m Scotorum
Reginam

G e o r g ii B u c h a n a n i

E P I G R A M M A .

N y m p h a , Caledonia quæ nunc feliciter ora
Missa per innumeros scepira tueris avos :
Quæ sortem antevenis meritis, virtutibus annos,
Sexum animis, morum nobilitate genus :
Accipe (sed facilis) cultu donata Latino
Carmina, satidici nobile regis opus.
Illa quidem, Cyrrha procul & Permesside lympha,
Pane sub Arctoi sidere nata poli :
Non tamen ensus eram male natum exponere fætum,
Ne mihi displiceant que placuere tibi.
Nam quod ab ingenio domini sperare nequibant,
Decebunt genio forsitan illa tuo.

Ibid. v. 97. Quam cecidere s; idem recidere.

Ps. XIX. v. 1. In ianuam gens se pugna, Additam entem

In librum Psalmorum

ANNOTATIONES

THOMÆ RUDDIMANNI,

Ps. I. ver. 8. **Q**UAM non Editio And. Harti 1615, Quem non, male; hæc enim ad arborem referri ostendit, præter anima, proximo verlu vox [prodiga.]

Ps. II. v. 28. De calle recti] Lond. 1686, de calle recto.

Ps. V. v. 21. At tua fretus] Prima editio And. Harti, Ad tua.

Ps. VII. v. 9. Si verus index] Edit. Argent. secunda And. Hart. Elzev. 1628, Janzon. 1640, Wetsten. 1687, Si verus index, repugnante metro.

Ps. IX. v. 10. Conversus trepida terga dedit fuga] Qui-dam forte legendum malint trepida fugæ: ita enim Ovid. Met. V. 322.

----- Cunctosque dedisse Terga fuga -----

Et Met. XIII. 879.

Terga fugæ dederat conversa Symathius heros.

A Buchanano tamen stat Virgilius Geo. iv, 85.

Aut hos versu fuga victor dare terga subegit.

Et Aeneid. XII. 462.

----- Versique vicissim.

Pulverulenta fuga Rutuli dant terga per agros.

Ps. X. v. 37. Et occupatos multinodis nexibus,
Nasse involutos attrahit. Ita omnibus libris dispungitur hoc di-stichon: mihi vero sententiae hic ordo videtur, Attrahit occupatos involutos multinodis nexibus nasse: quo pacto cum nasse hic non dandi sed gignendi casu sit positum, incisum post nexibus delendum arbitror. Vide Julii Ecphrasin.

Ps. XII. v. 3. Nuda fides hominum fugit commercia.] Omnis libris virgula post [fides] interjicitur: male mea sententia. Vide Julii Ecph.

Pſ. XVII. v. 43. Facinusque patrant Mentibus absens. I. e. ut rete Julius interpretatur, facinus futurum animo admittunt, quod mihi absenti parant: sive, ut aliis verbis idem efferam, Tot insidia capiti meo fruunt, tam fixum immotumque eorum animo sedet mei perdendi consilium, ut quam mihi cædem moluntur, nondum licet re vera veractam, mente tamen cogitatione precipiunt, eamque quasi jam per� trare sibi videantur. Simili figura utitur Statius, de equis e canceribus ad cutsum emitti ardentibus, lib. VI. 396.

----- Face lumina surgunt,
Ora sonant morsu, spumisque sanguine ferruna
Uritur, impulsu nequeunt obſtare poſtes,
Clauſtraque, compreſſa transfumat anhelitus ira:
Stare adeo miſerum eſt, pereunt uestigia mille
Ante fugam, absentemque ferit gravis ungula campum.

i. e. jam videbantur currere in ſtadio, in quo nondum erant. Sic Val. Flaccus lib. III. 387.

Ille, velut refugi quem contigit improba Mauro
Lancea, ſanguineus vasto leo murmure fertur,
Frangit & absentem vacuis ſub dentibus hostem.

Nec multum abludit illud Virg. Aeneid. iv. 85.

----- Illum absens absentem auditque videtque:

Et noster Miscel. III. 22.

Unam inquieta follicitudine

Te spectat absentem -----

Ex hisce exemplis abunde liquere arbitror satis venuste ac Poetice dici batrare facinus absens, atque adeo præter rationem eos facere, qui, ſincerum (quod dicitur) vas incrustare cupentes, aliam adjectivo absens, præter vocem facinus, ſociam querant: dum alii ſcilicet e ſuperiore ſtrophe manus impiorum hic revocant, alii vero vocem absens e tua quaſi ſede revolſam eu in ſequente proximo versu voce [leo] copulandam volunt: utrique, me iudice, interpretationem, & in ſe ineptam, atque ab optimo um auditorum uſu & Buchananī mente juxta alienam ſibi comminifcentes.

Pſ. XVIII. v. 29. Si circum furvo] And. Hart. anno 1615.
So circum fulvo, male.

Ibid. v. 97. Quam cecidere fidem recidere.

Pſ. XIX. v. 1. Inſanientis gens ſapientia, Addicta menſem
Ita libris omnibus (præter unum Nath. Chyträ), dſtinguitur
post ſapientia: male, me judge; ordo enim eſt, Gens addicta
mentem erroribus impiis inſanientis ſapientia, i.e. interpretante
Julio, homines dedit falſis præceptis Philoſophia a pietate aliena,
qualia ſciz, Epicuri ſectam ſecuti poſtea profitebantur, qui, ut
Claudiani verbis utar, mundum ſortuna non arte reſi affirma-
bant. Buchanani oculis obverſabatur illud Horatii, lib. I.
Od. 34.

Parcus Deorum cultor & infrequens,
Inſanientis dum ſapientia
Confultus erro -----

Pſ. XXII. v. 47. Ad inſtar] Negat Servius reſte dici ad iſ-
ſar, dampnataque Serenum ita loquentem: verum non tolus Se-
renus, ſed Justinus etiam, Solinus & Apuleius ſic loquuntur.

Pſ. XXVIII. v. penult, Vita continuo fructibus affuat] Con-
tinuo hic pro continenter, affidue, uſque, uturpare noſter videtur:
quond barbarum tamen contendit accuratissimus Jo. Ker. Select.
de LL. obſerv. lib. II.

Pſ. XXXIII. v. 45. Despicit mundi pater] Longe major co-
dicum pars Despicit, male; Virgilii enim Aen. I. 228.

----- Jupiter aethere ſummo
Despiciens mare uelivolum, terrasque jacentes.

Claud. de Cons. Mall. Theod. ver. 6. de Virtute,

----- Immotaque cunctis
Casibus ex alta mortalia despicit arce.

Et alii paſſim. Despicere autem eſt e ſuperiore loco ſpectare.

Ibid. v. 59. At Deus justos oculo irretorto Semper respicit.] i.e.
Deus justos oculis immotis & nusquam deflexis intuetur, ſive
eorum ſaluti & incolumentati oculis perpetuo intentis invigilat.
Ceterum Buchanano a quibusdam vitio datur, quod hanc lo-
quendi formulam, a ſolo, quod ſciverim, Horatio ante usurpa-
tam, haud paullo diversa ab ea, qua ille uetus eſt, ſignificatione
adhibuerit. Horatii locus eſt lib. II. Od. 2.

*Quisquis ingentes oculo irretorto
Spectat acervos.*

Ubi per voces [oculo irretorto] intelligi volunt commentatores, oculo non invido, aut avaro, non auri fulgore aciem quasi perstringente retorto aut deflexo. Immerito autem mea sententia hic Buchananus arguitur : utrobique enim eadem servatur vocis vis & significatio, quippe qua nihil aliud innatur quam oculus rectus, immotus & constans, non obliquus, aut ab ea re in quam acies dirigitur retortus sive reflexus. Quod autem Buchanani ab Horatio discrepet sententia, id non ex nativa vocis indole, sed ex reliqua oratione diversaque tum spectantium tum rerum spectatarum natura provenit : & quidem, ut rem paullo clarius exponam, varii sunt animorum affectus, invidia puta, avaritia, libido, ira, odium, &c. quibus incitati res hominesve obliquis, torvis, limis, reflexis aut retortis oculis spectare dicimur : contra vero his affectibus vacui, aut contrariis animi motibus adducti, oculis rectis, fixis, immotis, æquis, adeoque irretortis, non reflexis aut detortis, intueri perhibemur. Proinde Deus, humanos quasi affectus induens, justos oculo irretorto adspicere, i. e. perpetuo amore prosequi, ac vigili semper cura tueri ac protegere, non minus Latine ac eleganter, quam vere & pio dici videtur. Videsis Miscel. III. 21.

Ps. XXXIX. v. 53. *Turbidas transegimus Vita brevis molestias*] Major codicum pars, & ii fere antiquiores, *Turbidas molestias Vita brevis transegimus*. Sed quam nos secuti sumus lectio venustior videbatur magis tamen arrideret *tranfigimus*, si syllabæ modulus pateretur.

Ps. XL. v. 45. *Defendant igitur*] Hart. anno 1615, *Defendant*: at obstat carminis lex.

Ps. XLII. v. 33. *Tu me si placido lumine videris*] Ita Hart. anno 1621 quod & numerosius nobis visum : ita enim Psal. LXXX.

Tu nos si placido lumine videris:

aliis autem omnibus, *Tu si me placido l. v. legitur*. Horat. lib. iv. Od. 3. unde hæc deprompta sunt, litem non ditimit.

Ps. XLIV. v. 49. *Obrasti tot cladibus*] Supplendum licet semas; quod duriusculum viderer:

Ps.

Annotations.

Pſ. XLV. v. 60. *Nec tu carminibus Regina tacebere nostris*] Ita omnes libri, præter duos Lōndinenses, Tho: Vautrollerii sciz. anno 1580, & Alex. Julii 1620, quibus

Nec tu carminibus, Rex magne, tacebere nostris,

Scriptum est, & forte rectius: hæc enim ab omnibus fere interpretibus ad J E S U M C H R I S T U M referuntur.

Pſ. XLIX. v. 22. *Nec pretio Deum Editt.* Julii & And. Harti anno 1621, *Non pretio Deum.*

Pſ. L. v. 2. *Regum colla minacium*] Non minantium, quod aduersus meliorum membranarum fidem Horat. lib. 2. Od. 12. (unde hæc noster mutua desumfit) nuperis editionibus receptum ægre fert Criticorum Princeps Rich. Bentley.

Ibid. v. 5. *Tum sacer ardua*] Quidam Deum haud recte sacram dici existimabunt, quod, juxta Popmam de Differ. verb. inanima tantum *sacra*; *sancta* autem tam animata quam inanima proprie appellantur. Verum optimi etiam scriptores hanc distinctionem haud raro neglexerunt, Liv. lib. III. *Quibus ipse Dii neque sacri neque sancti sunt.* Et Horat. lib. iv. Od. 9. *Carent quia vate sacro.*

Pſ. LI. v. 51. *Spiritu motus animi rebelles Principe firma*] Sequens hic præcipue videtur versionem LXX. viralem, aut vulgaritatem, *spiritu principali confirmam me*: ad quæ verba sic Isidor. Clarius, *Spiritu illo principe muni me, spiritu digno principilus, & ad eorum officia necessario, quos oportet plurimis sapere.* Aliis tamen, rectius forte & Hebraico textui convenientius, vertitur *Spiritu liberali, voluntario, ingenuo, &c.*

Pſ. LIX. v. 23. *Et instar oblatrantium*] And. Hartus anno 1621, *Et Instar oberrantium*: at metrum repugnat.

Pſ. LX. v. 13. *Eripiasque tuos gelidi fermidine letbi*] Forte legendum e formidine: secus enim eripio Dativum fere postulat.

Pſ. LXIV. v. 9. *Linguas ceu gladios exacuunt suas*] Ita quinque e libris meis exhibent; reliquis omnibus suos editum est.

Pſ. LXXI. v. 10. *Pendentem ab uno subsidio tuo*] And. Hartus anno 1621, *Præsidio tuo.*

Pſ. LXXII. v. 26. *Bonæ paces vigeant*] Paces hic pluraliter adhibuit, aduersus Grammaticorum quidem placita; non tamen absque exemplo. Ita enim locutus est Plautus Pers. V. 1. 1.

Lu-

Lueret. V. 1229 &, quem præcipue respexisse noster videtur,
Horat. 2. Epist. I. 102.

Hoc paces habuere bona ventique secundi.

Ibid. v. 31. *Sit idem terminus orbis, Forte orbi legendum.*

Pf. LXXIV. v. 67. *Ne trāde vitam turturis tua feris* Contra linguae latinae consuetudinem, turtur hic fœminum posuit: nec tamen temere id ab eo factum; principes enim Bibliorum interpres Leo Judæ, Tremellius, Arias Montanus, Castellio, Vatablus, Hebræum textum secuti, vitam sive animam turturis tue, hoc in loco verterunt. Variant quidem LXX, Interpp. eosque plerumque secuta versio vulgata: quæ hunc locum sic reddit, *Ne tradas bestiis animas confitentes tibi.* Cæterum notat magnus Vossius turpiter cæcutuisse Servium, qui ex illo Virgilii Ecl. 1.

Nec gemere aeria cessabit turtur ab ulmo,

turtur fœminino positum existimavit: cum nihil sit apertius,
aeria cum ulmo, non vero turtur, illuc convenire.

Pf. LXXVI. v. 25. *Templa mundi*] Terent. Eunuch. III.
5. 42.

At quem Deum? qui templa cœli summa sonitu concutit.
Ennius,

Urus erit quem tu tolles ad carula celi
Templa -----

Lucret. I. 1098.

Neve ruant cœli tonitralia templa superne.

Sic Buchan. Pf. LXXVII.

Qui templa picti sideribus poli
Condideris -----

Pf. LXXX. v. 25. *Fam tremulo friore texerat montes*] Tre-
mulo frigore pro umbra: audax metonymia.

Ver. 33. *O Rex armipotens* Ita Editio Alex. Julii 1620,
alii omnes, *O Rex omnipotens*: at priu illud rectius videtur, ut
alibi hoc Psalmus, & hoc loco textus Hebraicus, & omnes quas
viderim versiones.

Ver. 47. *Hunc*] Heb. *Virum dexteram tua*: proinde haud scio
an recte a Julio ad ramum pronomen [*hunc*] referatur.

Ver. 51. *At nos* Melius forte *Ac nos*:

Ps. LXXXIV. v. 7. *Artus atria vivi visuri proprius Dei* | Julius (qui artus visure interpretatur membra invisura,) visuri recto plurali positum existimasse videtur; ego vero genitivo singulari, subauditio mei collocatum arbitror: neque enim artus, sive membra; quidquam visere seu conspicere possunt: nec id vel mini um inauunt Regii vatis verba.

Ps. LXXXVI. v. 4. *Nec semper ire vindicis* | Hæc verba non Deum, sed Davidem ipsum respiciunt: Vatablus. quem præcipue noster sequitur, quia misericors sum: alii quia sanctus sum, vel bonus, vel pius.

Ps. LXXXVII. v. 3. *Imminet qua montium*] Rectius forte eminet,

Ps. LXXXVIII. v. 23. *Acerba morte perento*] Perentum forte Buchananus scripsit.

Ps. LXXXIX. v. 19. *Et undæ Dejicis insana tumidos ad sidera fluctus* | Male in ora libri sui pro sidera reponendum conjectat littora quidam vir doctus, qui nimis absurditer dici existimabat, dejicere tumidos fluctus ad sidera: at illum, quisquis fuit, fecellit verborum ordo, qui hoc pasto collocandus est, Dejicis fluctus insana undæ, tumidos, (i. e. qui modo intumuerant usque) ad sidera. Virg. Aeneid. III. v. 423. de Charybdi loquens,

----- Imo barathri ter gurrite vastos
Sorbet in abruptum fluctus, rursusque sub auras
Ergit alternos, & sidera verberat unda.

Ver. 75. *Esto mi Sol testis ad haec* | And. Hartus 1621, ad hec.

Ps. XC1. v. 6. *Sortisque mortisque, & tetricas minas* | Duæ Stephanorum, utraque Plantiniana, & Argentor. terrificas minas; quod metrum non patitur.

Ps. CIV. v. 36. *Quique hilaret vultus*] Editio hujus Psalmi Lond. 1620, *Quique hilaret vultum.*

Ver. 73 *Sic eat: o nullo* | Eadem Edit. *Sic eat, & nullo.*

Ver. penult. *Ac nos*] Modo dicta & Al. Julii Editi. *At nos.*

Ps. CV v. 22. *Hos tamen*] Edit. Al. Julii Eam tamen. Rob. Stephani anno 1580, *Hanc tamen.*

Ver. 41. *Deo favente*] Tres Stephan. duæ Plant. & Argent: *Deo favente.*

Ps. CVI. v. 29. *Donec tyranno liberati*] Altera And. Hart. editio, *Donec tyranno.*

Pſ. CVII. v. 51. *Spumis canentibus]* And. Hartus anno 1615,
ſpumis Cudentibus: at prius illud magis arrideret. Sic Ovid.
 Epift. 3.

Quam ſine me Pthiis canefcant aequora remis.

Ver. 86 *Nulla hominum tritam monſtrant veſtigia calleſ]* Ita
 quatuor Stephanorum libri, duo Plantini, tres Raphelengii,
 duo N. Chytræi, uterque And. Harti, Argentor. Tho. Vau-
 trollerii, Elzev. 1628. Iac. Stoefi 1591, Gid. Lithgou 1660,
 Rob. Sanderi 1684: reliquias vero omnibus [*tritum*] legitur.
 Nos ideo priorem lectionem praetulimus, quod ita ferant omnes
 libri Buchanano adhuc vivente editi. Non me latet hoc vocabu-
 lum a Grammaticis vulgo masculinum statui: at femino in-
 terdum legi ostendit Nonius e Livii lib. xxi. cap. 14. *Nos hic*
pecorum modo per aſtivos saltus deviaſque calles exercitum ducimus;
quomodo etiam exhibent Jani Gruteri & utriusque Gronovii
editiones: quanquam nonnullis libris devios calles edatur, quod
Lipsius & Gothofredus, ſufragante etiam Rich. Jonſono Gramm.
Comment. pag. 43. in Colles mutatum voluere: Sed potior
fides veterum librorum (quibus, teſtante Sigonio, calles non col-
les est scriptum) in primis vero omnibus ætate prioris Nonii,
*qui porro addit *Livium* ſic frequenter loqui.*

Pſ. CVIII. v. 1. *Mens invicta malis.]* Prioris 12 hujus Psalimi
 versus habentur Pſ. LVII. Posteriores 20 Pſ. LX.

Pſ. CIX. v. 25. *Inſcribatque penates]* i. e. tabula ex ædibus
 pendente, vel foribus parietibusque affixa (ut nunc fit) ejus do-
 mum vendendam locandamve esse indicet, Plaut. Trinum.
 I. 2. 131. *Aedes venales hæſce inſcribit literis.* Terent. Heaut.
 I. 1. 92. *Inſcripti illico aedes.* Hoc ideo, quod neque Julius ne-
 que Chytræus rem explicent, hic notare libuit.

Ver. 30. *Mors falce totam demetat ſemel domum [Ita omnes*
libri: mihi vero vix dubium eſt quin. ſimul non ſemel legi
debeat: quas voces alteram in alteram nonnunquam mu-
tatas interpretes animadvertunt. Vide Cl. Bentleium ad Horat.
I. Epift. 7. 96.

Ver. 40. *Maledicta in illum & exſecratio carent] Ita conſtan-*
ter omnes libri: at mihi fere perſuafum eſt eadant legi oporten-
tere, ut mox

Sic nullas illi cupiat aut dicat bene.

Textu autem Hebraico, omnibusque quos viderim interpretibus, eodem semper tempore hæc enunciantur.

Pſ. CXV. v. 55. *Quos mors tegit silentio*] Ita recte Julius legit, alii omnes teget.

Pſ. CXVI. v. 65. *Eruitus morti*] Melius forte Morte. Vide quæ nos de metris Buchan.

Pſ. CXIX. Beth. v. 5. *Tui oris erba semper ore mediter ut meo*] Quondam mihi suspicio suborta est legendum esse corde mediter; at mutare sententiam coagit textus Hebraicus, quem sic reddit Arias Montanus, *In labus meis narravi omnia iudicia oris tui. proinde meditari eodem fere sensu accipiendum quo apud Virg. Ecl. I.*

Silvestrem tenui Musam meditaris avena.

i. e. modularis, seu cantando exerces. Et Ecl. 6.

Omnia que Phœbo quondam meditante beatus

Audiit Eurotas --

i. e. canente. ut Servius interpretatur. Meditari ergo verba Dei ore, idem est ac ea assidue recolere, as iis in omni sermone memorandis semet exercere.

Pſ. CXXVI. v. 12. *Angustam populo urbem*] Hart. anni 1621, *Augustam,*

Pſ. CXXVI. v. 15. *Testamur gaudia*] Editio. Al. Julii testemur, &c in Ecphrasi laetitiam demonstremus: sed potior, mea sententia, aliorum codicum lectio utpote Hebraico textui mage consona, qui ab interpretibus fere redditur, *Facti sumus laetae vel laeti, non vero erimus aut simus.*

Pſ. CXXXI. v. 26. *Unum Deum parentum*] Omnes cum Chytræi Collectaneis editi, *Unum Deum parentem.* Male.

Pſ. CXXXII. v. 37. *Stirpi Prospiciam seræ solium qui illustret editum*] Ita omnes libri, præter unum Al. Julii, in quo que illustret est editum: sed altera lectio magis arridet, supplendo rirum vel Regem, e posteris Da·idis, i. e. CHRISTUM. Vid. Vatabli Annot. in loc.

Ver. 42. *Cingetque sacrum diademate crinem*] Edit. Tho. Vautrollerii *Cingantque sacrum diademata crinem.*

Pſ. CXXXVII. v. 13. *Quale canebamus*] Supple carmen: vox enim quale, non ad proxima verba, sed altero ante versu carmina refertur, singulari numero pro plurali, metro cogente, substituto, quod, pauclo licet insolentius, minus tamen durum mihi, videtur, quam quale hic pro qualiter positum existimare.

F I N I S.

ERRATA.

Paucula hæc admissa errata B. L. sic corrigito.

PSal^m 41, Ver 6, *cōporis Lege corporis*. Ps. 60 v. 1. *abactus*
l. *abactos*. Ps. 65, v. 6. *Tu potentes* l. *Tu potens*. Ps. 66;
v. 6. *ira* l. *ire*. Ps. 69, v. 36, *numem* l. *numen*. Ps. 75 v. 5,
l. *sic furitis?* Ps. 89. v. 38, *aquavum* l. *Æquavum*. Ps. 90, v. 8,
æce l. *nec*. Ps. 91 v. 12. *Objicibus* l. *Objicibus*. Ps. 97. v. 3.
fulmins l. *fulminis*. Ps. 102, v. 22, *templo* l. *templa*. Ps. 105.
v. 5, *relinquerit* l. *reliquerit*. Ps. 106. v. 7, *Mam* l. *Nam*. v.
34, *paruerunt* l. *paruerunt*. v. 45, *averit* l. *avertit*. Ps. 107,
v. 37, *moderatur* l. *moderetur*. Ps. 119, v. 103 *mei* l. *meis*. Ps. 12c,
v. 7, *exasperet* l. *exasperat*. Ps. 123. v. 2. *oculos* l. *cculis*. Ps.
141, v. 4, *in erroris* l. *erroris*. Ps. 143, v. 2, *viam* l. *vitam*
Ps. 148, v. 3, *illuminas* l. *illuminas*.



CARMINUM GENERA,

Quibus in hoc opere Poeta usus est.

CArminum in Psalmorum Paraphrasi occurrentium generæ sunt undetriginta.

I. Genus monocolon. Versus sunt Heroici hexametri, sex regionibus constantes, quarum sextam Spōndæus, quintam Dactylus, quatuor reliquas indiscriminatim Dactylus aut Spōndæus obitnet, hoc modo;

1	2	3	4	5	6
--	-vv	--	--	-vv	--
-vv	--	-vv	--vv		

Eo utitur Psal. 1, 18, 45, 78, 85, 89, 104, 107, 132, 135.

II. Dicolon distrophon, ad imitationem Horatii lib. 5. Od. 16. vel potius Prudentii, hymno 9. Versus prior est hexameter heroicus modo memoratus. Posterior Iambicus Hipponaëtus trimeter acatalectus, constans sex pedibus quorum ultimus semper est Iambus, [sive Pyrrhichius] secundus & quartus Iambus, & ejus loco haud raro Tribrachys: locis autem imparibus, i. e. primo, tertio & quinto, præter Iambum, Spōndæum etiam, Anapæstum, Dactylum aut Tribrachyn recipit, juxta hoc schema;

1	2	3	4	5	6
v-	v-	v-	v-	v-	v-
vv-	vvv	-vv	vvv	vv-	vv
--		--		--	
-vv		vvv		vv	
vvv		vv-		vvv	

Eo utitur Psal. 2, 20, 24, 57, 60, 69, 83, 93, 95, 97, 108, 109, 118, 126, 136, 147.

III. Dicolon distrophon, ad exemplum Horatii lib. 5. Od. 1. Martial. lib. 1. Ep. 50. Prudentii secunda præfat. Apotheosis, Auson. Epig. 26. Primus quisque versus est Iambicus senarius acatalectus, cuius modo in II. genere meminimus Secundus vero est Iambicus dimeter, seu quaternarius, acatalectus, con-

stant quatuor pedibus, quorum ultimum constituit Iambus, [vel Pyrrhichius ;] secundum Iambus, vel ejus compar Tribachys ; primum & tertium Iambus, Spondæus, Anapæstus, Daëtylus aut Tribachys. Quanquam Buchananus nunquam, quod me minerim, tertio loco Tribachyn aut Daëtylum usurpat. Cæterum dimetros quibus ille usus est, hoc modo metiri possis ;

1	2	3	4
v-	v-	v-	v-
--	vvv	--	vu
vv-		vv-	
vvv			
-vv			

Eo utitur Psal. 3, 6, 10, 21, 22, 27, 34, 38, 39, 41, 44, 48, 53, 62, 74, 76, 79, 87, 92, 110, 112, 115, 120, 127, 133, 134, 139, 141.

IV. Dicolon distrophon, quale est Horat lib. 1. Od. 7. Versus prior est Hexameter heroicus, ut supra. Posterior Alcmanius Daëtylicus tetrameter acatalectus, quatuor ultimos habens pedes carminis heroici, hoc modo ;

1	2	3	4
-	-vv	-vv	--
-vv	--		

Eo utitur Psal. 4, 111.

V. Dicolon tetrastrophon, quale est Catulli carmen 11. Horat. lib. 1. Od. 2. Statii Silv. 4. carm. 7. Prudentii Cathemericinæ Hymn. 8. Eccl. Verlus primus, secundus & tertius Sapphicæus hendecasyllabus pentameter acatalectus, constans Trochæo Spondæo, Daëtylo & duobus Trochæis, vel ultimo Spondæo, hoc modo ;

1	2	3	4	5
-v	--	-vv	-v	-v

Quartus autem quisque est Adonius pentasyllabus dimeter acatalectus, constans Daëtylo & Spondæo, seu duobus postremis carminis heroici pedibus, hoc modo ;

1	2
-vv	--

Eo utitur Psal. 5, 17, 51, 55, 65, 72, 90, 101, 103,

VI. Tricolon tetrastrophon, ad exemplum Horati lib. 1. Od. 9. quibusdam carmen Horatianum appellatum : Versus primus & secundus est Daëtylicus Alcaicus acatalectus, constans ex peuthemimeri Iambicâ, i. e. Spondæo vel Iambo, (sed sèpius

Spondæo,) Iambo, & cæsurâ, seu syllabâ longâ, deinde duobus Dactylis [vel ultimo Amphimacro, sive Cretico] hoc modo;

1	2	3	4
-	v-	-	-vv
v-			-v-

Tertius est Iambicus Archilochius dimeter hypercatalectus: pes primus & tertius Spondæus, & nonnunquam Iambus; primus quidem rariùs, tertius vero rarissime, secundus & quartus semper Iambus cum syllaba in fine residuâ, hoc modo;

1	2	3	4
-	v-	-	-v
v-		v-	v-

Quartus est Dactylicus Alcaicus, vel, ut alii nominant, Pindaricus, in quo duos Dactylos continuos sequuntur duo Trochæi [vel ultimus Spondæus,] hoc modo:

1	2	3	4
-vv	-vv	-v	-v

Eo utitur Psal. 7, 11, 15, 19, 30, 46, 50, 56, 58, 77, 82, 91, 123, 125, 140, 146.

VII. Dicolon distrophon. Versus primus Sapphicus, de quo in V. genere; secundus Iambicus dimeter, de quo in III. genere supra egimus.

Eo utitur Psal. 8.

VIII. Tricolon tetrastrophon, ad imitationem Horatii lib. I. Od. 5. Versus primus & secundus est Asclepiadeus Choriambicus tetrameter acatalectus qui quatuor habet regiones, quarum primam Spondæus, secundam & tertiam Choriambus, quartam Iambus [seu Pyrrhichius] obtinet, hoc modo;

1	2	3	4
-	-vv-	-vv-	v-
			vv

Alii autem metiuntur per Spondæum, Dactylum & cæsuram, seu syllabam longam, ac deinde duos Dactylos, vel ultimum Amphimacrum, hoc modo;

1	2	3	4
--	-vv	-vv	-vv
			-v-

Tertius est Pherecratius hercicus, trimeter acatalectus, constans Spondæo, Dactylo & Spondæo, hoc modo;

Quar-

1	2	3
--	-vv-	--

Quartus denique est Glyconius Chorambicus trimeter acatalectus, constans Spondzo, Choriombo & Iambo [seu Pyrrhichio, hoc modo ;

1	2	3
--	-vv-	v- vel vv

Eo utitur Psal. 9, 64, 84, 150.

IX. Dicolon distrophon, quale est Horatii lib. 4. Od. 7. Prior quisque versus est hexameter heroicus, de quo supra. Alter verò Archilechius Dactylicus dimeter hypercatalectus, vel, ut alii volunt, penthemimeris heroicā, constans duobus Dactylis & syllabā, hoc modo ;

1	2	--
-vv	-vv	

Eo utitur Psal. 12.

X. Monocolon. Versus Iambicus dimeter, cuius in tertio genere meminimus. In hoc imitatus est Prudentium hymno 1. Cathemerinōn, &c. Sedulium hymno ultimo, hymnosque complures Ecclesiasticos : &, quamadmodum illi, ita Psalmi hoc genere carminis compositi per tetraesticha progrediuntur.

Eo utitur Psal. 13, 31, 37, 47, 52, 54, 59, 86, 96, 98, 117, 148, 149, 150.

XI. Dicolon distrophon, ad exemplum Horatii lib. 1. Od. 3. Versus prior est Glyconius trimeter ; posterior Asclepiadeus tetrameter : de uttoque hactenus in VIII. genere dictum est.

Eo utitur Psal. 14, 35, 43.

XII. Tricolon triastrophon, quali utitur Prudentius Praefat. Cathemer. Primus quisque versus est Glyconius trimeter, secundus Asclepiadeus tetrameter, de quibus modo, & in VIII. genere egimus. Tertius autem quisque est Chorambicus Alcaicus pentameter acatalectus, qui constat e Spondzo, tribus Choriambis & Iambo [sive Pyrrhichio] hoc modo :

1	2	3	4	5
--	-vv-	-vv-	-vv-	v-

Eo utitur Psal. 16.

XIII. Dicolon tetraestrophon, quale est Horatii lib. 1. carm. 6. Versus primus, secundus & tertius Asclepiadeus tetrameter, quartus vero Glyconius trimeter, de quibus superius egimus in genere VIII.

Carminum Genera.

V

Eo utitur Psal. 23, 42, 75, 99, 102, 144.

XIV. Monocolon. Versus Iambicus Hipponaëtus trimeter acatalecticus, ad exemplum Horatii lib. 5. Epod. 17. Catulli car. 20. Prudentii Cathemerinôn hymn. 7, &c. De eo supra in genere II.

Eo utitur Psal. 25, 94, 106.

XV. Monocolon, quale est Stat. 4. Sil. 5. Claudiani carmen Fesceninum in nuptias Honorii & Mariæ, Prudentii hymn. 14. Versus Daëtylicus Alcaicus acatalecticus, quem in VI. genere explicavimus. Hic quoque observandum (quod de Iambicis dimetris supra monuimus) puros hosce Alcaicos in tetristicha semper divisos esse.

Eo utitur Psal. 26, 29, 32, 49, 61, 71, 73, 143.

XVI. Monocolon, quale est Horatii lib. 1. Od. 1. Prudentii hymn. 5. Cathem. Versus est Asclepiadeus tetrameter (de quo supra genere VIII.) Notandum vero Buchananum (ad exemplum Prudentii) Asclepiadeos hosce quaternos junxisse.

Eo utitur Psal. 28, 40, 80.

XVII. Dicolon distrophon, quo Boet. lib. 2. metr. 3. imitatur Versus primus est Sapphicus pentameter, de quo supra in genere V. Alter est Glyconius trimeter, de quo in genere VIII. diximus.

Eo utitur Psal. 33, 70, 121, 142.

XVIII. Dicolon distrophon, ad exemplum Boetii lib. 3. metr. 3. Versus primus est Iambicus trimeter, cuius in II. carminis genere meminimus. Secundus vero est pentameter Elegiacus acatalecticus, cuius prima & secunda sedes indifferenter Spondæum vel Daëtylum recipit, tertia semper postulat Spondæum, quarta & quinta Anapæstum, hec modo;

I	2	3	4	5
-vv	--	--	vv-	vv-
--	-vv			

Vel, ut aliis placet, versu in duo quasi membra diviso, per Daëtylum aut Spondæum primâ & secundâ regione indiscernatim positum, sequitur cæsura penthemimeris, qui primam partem terminat: alterum autem membrum post duos Daëtylos alterâ itidem cæsurâ clauditur, hoc modo;

I	2	3	4	-
-vv	--	-	-vv	vv-
--	-vv			

Eo utitur Psal. 36, 63.

XII

XIX. Dicolon tristrophon. Versus primus & secundus est Trochaicus Alcmanius dimeter, seu quaternarius, acatalectus, constans quatuor pedibus, quorum primus & tertius, seu loci impares, Buchanano semper est Trochaeus, secundus præter Trochaeum Spondæum etiam, ejusque compares Anapæstum & Daëtylum recipit, quartus denique est Trochaeus [vel Spondæus,] hoc modo ;

1	2	3	4
-v	--	-v	-v
	-v		--
vv-			
-vv			

Versus autem tertius est Trochaicus Euripidæus dimeter catalectus, qui eodem habet pedes quos duo priores, præter ultimum, qui postremâ syllabâ detruncatur, hoc modo ,

1	2	3	
-v	-v	-v	v
	--		
vv-			

Alii metiuntur tanquam Iambicum dimetrum cuius initio desit syllaba, hoc modo

1	2	3	4
-	v-	--	v-
vvv	v-		

Eo utitur Psal 66.

XX. Dicolon distrophon. Versus prior heroicus hexameter, de quo in I. genere. Posterior Anapæsticus Partheniacus dimeter catalectus ; qui constat tribus pedibus, quorum primus & secundus Anapæstum vel Spondæum indifferenter recipit, tertius solum Anapæstum, ac deinde superest syllaba, hoc modo ;

1	2	3	
vv-	vv-	vv-	
--	--		

Vel potius est posterior pars carminis hexametri heroicæ, cuius primus pes unâ syllabâ mutilus est, semimetro tantum superstite, i.e. syllabâ longâ, vel duabus brevibus, cui deinde tres ultimi pedes carminis hexametri subjunguntur, hoc modo ;

1	2	3	4
-	-vv	-vv	--
vv			

Eo utitur Psal. 68.

XXI. Dicolon distrophon, ut Horatii lib. 5. Epod. 14. Ausoni Epist. 10. Primus quisque versus est heroicus hexameter, secundus autem Iambicus dimeter : quorum supra in I. & III. metrorum generibus meminimus.

Eo utitur Psal. 81.

XXII. Dicolon distrophon. Carmen est Elegiacum omnibus notum, ex hexametro & pentametro junctis conflatum . de hoc in XVIII. de illo in I. genere superius egimus.

Eo utitur Psal. 88. 114, 137.

XXIII. Dicolon distrophon. Primus quisque versus est Trochaicus Euripideus dimeter, de quo in genere XIX. dictum est. In illo autem versiculo, *Agite festis laudibus*, Trochaei vicem occupat Tribraчhys, Secundus autem est Iambicus dimeter, quem in III. genere enarravimus.

Eo utitur Psal. 100.

XXIV. Monocolon, quali usi sunt Plaut, Terent Seneca, &c. Prudentius Cathem. hymn. 9. Auson. dict. Solon. veteris illius carminis, cui titulus est Pervigilium Veneris, auctor ; Venant. Fortunat. Hymn, de cruce Domini, &c. Versus est Trochaicus octonarius cataleucus, constans septem Trochaeis & syllabâ, recepto tamen in locis imparibus Tribraчhys; in paribus vero, præter Tribraчhyn, Spondæo etiam, Dactylo & Anapæsto, hoc modo ;

1	2	3	4	5	6	7	8
-v	-v	-v	-v	-v	-v	-v	-
vvv	vvv	vvv	--	vvv	vvv		
--		-vv		--			
vv-				vv-			
-vv				-vv			

Eo utitur Psal. 105, 119, 124, 129.

XXV. Monocolon, quali utitur Boet. lib. 1. met. 5. & Seneca passim in choris. Versus est Anapæsticus Pindaricus dimeter acataleucus, constans quatuor pedibus, in quorum singulis recipit Anapæstum ; cuius tamen vices promiscue supplent Spondæus, & Dactylus, & ultimo etiam loco interdum Tribraчhys, Amphimacer, vel Trochæus] hoc modo ;

1	2	3	4
vv-	vv-	v <u>v</u> -	vv-
--	--	-vv	--
-vv	-vv	--	-vv
			vvv
			--v-
			-v

Eo utitur Psal. 113.

XXVI. Dicolon tetrastrophon, ad exemplum ferè Catulli, carmine 34. Primi tres versus sunt Choriambici Glyconii trimetri acatalecti, Spondæo, Choriombo & Pyrrhichio [vel Iambo] constantes ; sed loco Spondæi interdum recipiunt Trochæum, hoc modo ;

1	2	3
--	-vv-	vv
-v		v-

Quartus autem quisque est Pherecratius heroicus trimeter acatalectus, constans Spondæo, Dactylo & Spondæo, hoc modo ;

1	2	3
--	-vv	-

Eo utitur Psal. 116, 122, 128.

XXVII. Monocolon, ad exemplum Prudentii hymno 6. Cathem. Versus est Iambicus Anacreontius dimeter cataleptus, qui constat tribus Iambis & syllabâ, recepto tamen sæpiissime in prima sede etiam Spondæo, hoc modo ;

1	2	3	4	5	6
v-	v-	v-			

Eo utitur Psal. 131.

XXVIII. Tricolon tristrophon, quale est Horatii lib. 5. Od. 13. Primus quisque versus est heroicus hexameter, de quo in primo genere: secundus autem est Iambicus dimeter, de quo in genere III. egimus. Tertius verò est penthemimeris heroicâ, constans duobus Dactylis & syllabâ, cuius in genere IX. meminimus.

Eo utitur Psal. 138.

XXIX. Tricolon tristrophon, idem fere quod præcedens, nisi quod ordo paullum sit inversus ; nam qui illuc secundum locum tenebant, hic tertium, & è contrario, versus occupavere : cæterum Horatii Epop. 11. per omnia si ile est, præterquam quod illi primus versus est Iambicus senarius, Buchanano autem hexameter heroicus : secundus verò utriusque est penthemimeri heroicâ. tertius denique Iambicus dimeter.

Eo utitur Psal. 145.

Georgi

GEORGII BUCHANANI
 PARAPHRASIS
 In Primum Librum
 PSALMORUM.

PSAL. I. CARM. GEN. I.

*Boni, qui abstinent a malo, & student bono, soli felices sunt,
 mali vero infelices.*

Felix ille animi, quem non de tramite recto
 Impia sacrilegæ flexit contagio turbæ :
 Non iter erroris tenuit, sessorve cathedræ
 Pestiferæ facilem dedit irrisoribus aurem :

i. *Felix animi*] est animo felici. *f.*

i. *Felix*] Sæpe apud Silium cum genitivo construitur ut *felix*
uteri, *felix famæ*, *felix leti*, &c. *Felix* interdum propitium
 aut benignum significat, scilicet eum qui alios felices reddit,
 Virgilii Eelog. 5. *Sis bonus o felixque leves quæcumque laborem.*
 Itaque *Felix animi* significat indolem felicem, vel indolem quæ
 felicem reddit.

Tramite] *Trames* proprie est semita transversa et acclivis
 qua montes quasi transmeando descenduntur Ovid. 10 Metamorph.
Carpitur acclivis per muta silentia trames. Quo circa hic, Buchananus
 epitheto addito propriam significationem quodam modo correxit,
 sicuti etiam fecit. Ps. 18. *Avertere meos recto de tramite gressus.* C:

i. *Pestiferæ*.] Qui iniquitati operam dant pestiferi dicuntur,
 quod alii in alios morbum transfundentes simul ægrotent et pe-
 reant.

P S A L I. I.

- 2 Sed vita rimatur iter melioris, & alta
Mente Dei leges noctesque diesque revolvit.
- 3 Ille, velut riguæ quæ margine consita ripæ est
Arbor, erit: quam non violento Sirius æstu
Exurit, non torret hiems: sed prodiga lato
Proventu beat agricolam: nec flore caduco
Arridens, blanda dominum spe laetat inanem.
- 4 Non ita divini gens nescia fœderis, exlex,
Contemtrixque poli: subito sed turbine rapti
Pulveris instar erunt, volucrī quem concita gyro
Aura levis torquet vacuo ludibria cœlo
- 5 Ergo ubi veridicus judex in nube serena
Dicere jus veniet, scelerisque coarguet orbem:

2. *Rimatur*] Rimari est diligenter et valde sollicite scrutari et tanquam per rimas aliquid inquirere, Græce ἐπεύρεται Virg. Æn. 11. *Partes rimatur apertas*, et Æn. 7, *Quod cuique reperitum Rimanti, telum ira facit*. Dicitur etiam de animantibus et volucribus, rostro terram vel eruentibus, vel requirentibus prata et stagna alimenti causa. Virg. 1. Georg. de avibus palustribus: Dulcibus in stagnis rimantur prata Caystri, Vide Nonium in voce Rimari. C.

2. *Alta mente.*] Cic. pro Milone. *Homo Sapiens et alta mente præditus*. Sic altior pavor qui paulo penitus inavfit, apud Tacitum, Annal. 16. Cap. 24. et altior iracundia Lib. 2 Hist. Cap: 91.

3. *Sirius.*] Stella est primæ, ut vocant, magnitudinis tota fere hinc in plaga meridionali sub Orione in ore Canis majoris conspicua quam alii Caniculam dixerunt, unde dies Caniculares nomen acceperunt, quod hac stella cum sole oriente æstus vehementissime fere augentur, & canes nonnunquam rabie corripiantur. C.

3. *Non torret hyems.*] Hiemale frigus non exuccam et sterilem reddit. J. Voces *Torreo, Torridus, Uro, Aduro*, &c. tam frigori quam calori attribuuntur. Varro. ante lucem suscitat, frigore torret. Cic. pro Leg. Agrar. *Pecora frigore torrida*. Virg. Georg. Lib. 1. *Boreæ penetrabile frigus adurit*.

3. *Prodiga lato,* &c.] Quæ admodum liberalis cultorem suum magna fructuum copia ditat, et possessorem ob florem nec marcescentem nec deciduum gaudio perfundens, eum spe fœconditatis tantum seu blanditiis captum, indeque nihil præterea fructus percipientem, non unquam fallit. J.

- Non coram impietas mœstos attollere vultus,
Nec misera audebit justæ se adjungere turbæ.
6 Nam pater æthereus justorum & fraude carentum
Novit iter, sensumque tenet: curvosque secuta
Impietas fraudum anfractus scelerata peribit.

5. *Impietas.*] Abstractum pro concreto, seu *Impietas* pro hominibus impiis. Orationis autem granditati seryit hæc figura quares pro personis accipiuntur, ita alibi *Vanitas* pro hominibus vanis. C.

6. *Anfractus*] Sunt obliqui et sinuosi flexus viarum in quibus circuitione opus est, dicti ab ambitu et frangendo. Varro in neutro quoque genere usurpavit. *Irrigavit cavata aurium anfracta.* Utitur eadem voce. Psal. 25. C.

P S A L. I I. C A R M. G E N. ii.

*Impiorum conatus in regnum Davidis & Christi irritus proponitur:
exitium reluctantibus, obsequentibus salus depuntiatur.*

- Q**uid trepidæ gentes vano fremuere tumultu?
Minisque populi sæviunt inanibus?
2 Et cum principibus magni coiere tyranni,
Dominumque Christumq; Domini adversum truces?
3 Vincula quin horum fortes dirumpimus, ajunt,
Et lora nostris demimus cervicibus?
4 At pater æthereus, rerum cui summa potestas,
Ridebit impotentium irritas minas.

1. *Trepidæ gentes*] *Trepidus* idem frequenter apud Poetas quod festinus, ita Servius ad Virg Ænid. 3. *Hic me, dum trepidi crudelia limina linquunt.* Idcirco Julius Ecphæastes noster hunc Buchananani locum explicat *Gentes magna festinatione usæ.*

1 *Fremuere tumultu*] *Fremere*, inquit Papias, est furorem mentis usque ad vocis tumultum excitare, et quod *Fremor* est murmur hominum, *fremitus* vero ferarum.

3. *Quin*] *Quin* i. e. cur non, ita Terentius *Quin taces?*
3. *Fortes dirumpimus*] *Quasi fortiter dirumpimus*, Adjectivum adverbialiter positum more Græcorum ita Virg. 3. Georg. *Nec gregibus nocturnus obambulat.* i. e. *Noctu* Hac de re plura vide in Vechneri Helenolexia.

P S A L. I I.

- 4 Tum justâ accensus miseris affabitur irâ,
Et per furorem cæca consilia suum
- 5 Turbabit : Cingamque meum diademate Regem,
Inquit, Sionis jura sanctis collibus
Qui dabit, & late fundet mea iussa per orbem.
- 7 Deinde allocutus Dominus est me : Filius
- 8 Tu meus es, genui te hodie : me posce, daboque
Omnes ut hæres gentium fines regas,
Qua circumfusis tellus se porrigit undis,
- 9 Regasque sceptro sempiternum ferreo ;
Cumq; voles, tumidosq; premas, frangasq; rebelles,
Ut facta fragili vasa franguntur luto.
- 10 At vos, in populos quibus est permissa potestas,
Et jus ab alta sede plebi dicitis,
Errorum tenebras depellite, discite verum :
- 11 Servite Domino cum tremore : gaudiis
Et timor & Domini accedat reverentia vestris,
- 12 Ut missum ab illo filium amplectamini :
In vos ne justæ vindictam exerceat iræ,
- 13 De calle recti devios. Nam cum brevi
Sæviet injustos contra justa ira, scietis
Quam sint beati, spes in illo qui locant.

6. Diademate] Diadema vox Græca a verbo διαδέω id est, circumligo aut corono. Olim fascia fuit lintea purpurâ intertexta, et gemmis oblita, gestamen Regibus tantum proprium. Unde & pro corona fere accipitur. C.

6. Fundet mea Iussa, &c.] Leges a me latas gentibus passim toto orbe sparsis promulgabit. J. Metalla præcōrie fusæ, id est, liquefacta dicuntur, sed quoniam quæ fusæ, ac liquida sunt, spargi sua natura solent, fit ut fundere pro spargere, et largiter vel abundanter præbere, loqui &c. accipiatur. *Doletus.*

10 Jus dicitis] Jus dicere administrare est: Sueton. Cæs. cap: 7.
Cum jure dicundo conventus circumiret.

12. De calle recti.] Callis proprie est via bene trita, et quasi callo pedum obdurata. C.

PSAL.

C A R M . G E N . i i i .

David de gravitate afflictionum conquerens, Dei natura & experientia fidem suam confirmat, Deumque orat pro salute sua et populi.

H Eu quanta numero viribusque factio
Me vexat odiis impiis !
Quam perditorum firma conspiratio
Conjurat in meum caput !

- 2 Et asleverant spem salutis in Deo
Supereffe jam nullam mihi :
- 3 Cum tu sub umbra præliantem me tui
Tam sæpe scuti texeris :
- 4 Cum laudis auctor sis meæ, cum gloriâ
Meum corones verticem.
- 5 Cum nocte Dominus invocantem me suo
De monte sancto exaudiat.
Curis solutus & recumbo & dormio,
Resurgo libera metu.
- 6 Domino excubante: Nec meum formidine
Pectus movebunt agmina
Numerosa, nec si læva feritas omnium
Conjuret in me gentium.
- 7 Tu, Domine, in aciem ducor, ut me liberes,
Prodibis : hostium omnium

1. *Perditorum.*] *Perditi* dicuntur qui vitiis ita contaminati sunt ut de iis nulla supersit spes : in hoc sensu hac voce utitur Cicero Lib. 1mo. Offic et Orat in Verrem.

1. *Conjurat in meum caput*] Adversus Vitam meam. *J.* Caput pro vita ponitur ut *Capitis res est*, id est, de vita periculum est. Plaut in Trinum. *Capitis causam dicere* et *Capitis damnari*. Cicero.

3. *Cum tu sub umbra,* &c.] Ordo est, *Cum tu sæpe texeris* me præliantem sub umbra scuti tui.

3. *Cum laudis auctor sis meæ.*] *Cum causa sis cur lauder.* *J.*

3. *Meum corones Verticem.*] *Vertex* proprie ea pars est *capitis* qua capilli colliguntur, et in qua cæsaries vertitur, unde et dicitur.

Malasque

6 P S A L. I V.

- Malasque franges, impiorum & conteres
 Dentes potenti dexterâ.
 9 At tu, salutis una spes, populum tuum
 Bonitate solitâ amplectere.

P S A L. I V. C A R M. G E N. iv.

David opem Dei implorat contra hostes coniuratos, adhortans eos ut resplicant, oransque Deum se ab eis liberatum verbo spiritu dirigat.

- O** Pater, ô hominum, divûmque æterna potestas,
 Sinceræ mihi conscie mentis,
 Qui mihi consiliique inopi, incertoque salutis,
 Imploranti rebus in artis,
 Tutum pandis iter, latumque educis in æquor
 Nunc obfesso fraude malignâ
 Da mihi te facilem, & justis bonus annue votis,
 Non durâ placabilis aure.
 2 O hominum cæcæ mentes, quo me usque relicto
 Intenti mendacibus umbris.
 Solicita in vanastorquetis pectora curas?
 3 Tandem credite vera monenti.
 Quem Deus electum miro dignatur honore,
 Per discrimina cuncta tuetur
 Me Dominus clamantem ad se, auxiliumq; rogantem,
 Mitis & exorabilis audit.
 4 Ergo Dei, miseri, nunc saltē agnoscite Numen,
 Et vitiis absistite pravis:
 Vobiscum in tacito per noctem expendite lecto
 Longi dicta ac facta diei.

- 5 Non pecudum fibris Domino, sed mente litatur
 Innocuâ: si adntoveris aris
 Hanc; poteris sperare animi securus ab alto,
 Dextrâ munera larga benignâ.
- 6 Poscit opes modò degeneres pars maxima vulgi,
 Hæc animos vota una fatigant.
- 7 At tu me placido tantùm bonus aspice vultu ;
 Aura tui jucunda favoris
 Me super irradiet ; sat, amico te mihi, felix.
 Alter frugibus horrea stipet,
 Impleat & multas generoso nectare cellas,
 Et congesto gaudeat auro :
- 8 Ast ego curarum vacuus de nocte recumbam,
 Et sine solicitudine somnos
 Accipiam : tu securam mihi robore mentem,
 Tu certa spe pectora firmas.

5. *Non pecudum fibris.*] Fibrae in radicibus plantarum sunt tenuia quædam et minuta filamenta, ipsæque adeo radiculæ extreæ; quomodo utitur Psal. 80. *Fam radix teneras fuderat undique Fibras.* In corporibus vero animantibus sunt hepatis et Pulmonum extremitates prominentiores. *Neque enim mihi cornea fibra est.* Persius. Hic pro ipsis visceribus accipiuntur. C.

5. *Mente litatur.*] Inter Sacrificare et litare hoc interest inquit Nonius, *Sacrificare est veniam petere, litare est propitiare et veniam impetrare.* Virg. 4. Æn. *Tu modo posce Deos veniam, sacrificare litatis,* id est, impetratis Plaut Pænulo. *Si hercule unquam factum est, tum me Jupiter faciat ut semper sacrificem,* neque unquam litem. Sic Suetonius in Nerone Attendit et extispicio, nec unquam litavit. Hinc verbum *perlitare* quo utitur. Psal. 20. quod est perfœcte litare, et sacrificio facto Deum placare, votique sui compotem fieri, Gell. L. 1. C. 7. *Si hæc res divina factæ, riteque perlitata essent;* avuspices dixerunt, omnia ex sententia processura. Græcis est καλλιερεομαι utor numine propitio, facio feliciter. C:

David fatus testimonio conscientiae petit se a Deo exaudiri, & certus de iniuria hostium, Dei beneficentiam implorat, petitque se ab eo regi, hostes retundi, ecclesiae laudis argumentum subministrari.

O Potens rerum Deus, aure leni
Mitis exaudi mea verba, mentis
Mente non durâ tetricusque tristes
Percipe questus

2 Adspice attentus, mihi quanta tendat
Vox latus: quando mihi Rex Deusque
Solus es, solum veneror precorque
Rebus in arctis.

3 Manè clamantem Deus æquus audi:
Nam tuum casta prece, non inanem
Spem fovens, nomen jubar ante Eoum
Mane ciebo.

1. *Percipe questus*] Questus sine diphongo querela est seu querimonia, a queror questus sum, unde conqueror. Quæstus cum diphongo emolumentum & lucrum est a quæro quæsivi, unde conquiro. C.

2. *Quanta tendat vox latus*] Animadverte diligenter, quam vehementer oratio latera et pectus, ex motu pulmonum, mihi quasi dilatet. F.

3. *Jubar ante eoum*] ἡως Græcis aurora est, unde Eous apud poetas significat aliquid quod est matutinum aut versus orientem. variatur autem primæ syllabæ quantitas quando quidem ἡως & ἔως pro eodem fere accipiuntur. Virg. i Georg. Ante tibi Eœ Atlantides abscondantur. & 11. Æn. Vota deum primo vîctor solvebat Eoo. Ita Propert. Sive illam Hesperiis, sive illam ostendit Eois. Quod noster est imitatus hic & Psal. 29. Radiis Hermon tepefactus Eois. C.

3. *Nomen jubar ante eoum Mane ciebo.*] Ante luciferi & solis exortum te inclamabo. F.

3. *Ciebo*] a cieo, civi, citum penult. brevi. ciere, id est movere, ut fontes & stagna ciere dicuntur ranæ apud Ciceronem de Divinat. Hinc excito, concito, item percitus, excitus, concitus penult, brevi. Alterum ejusdem fere significationis est, cio, civi citum penult. longa: cire, id est, vocare unde accitus, excitus; penult, itidem longa pro advoco aut evocato,

- 4 Tu Deus, latus pietate verâ,
Impii ritûs scelus exfeararis :
Nec frui pravi studiosa mens te
Speret amico.
- 5 Vis tuos vultus metuit, nefasque :
- 6 Hostis es fraudum & cupidæ croris
Cædis : audacem simulare linguam
Falsa recides.
- 7 At tua fretus bonitate sacrum
Limen accedam, tua templa inibo :
Rite adorabo tua sancta castis
Numina votis.

4: *Tu Deus, latus, &c.*] Tu autem Religione sincera gaudens, cæremonias impias et sceleratas detestaris, nec qui studio suo indulgentes mala perpetrant, ullam ex amicitia tua fructum se percepturos sperent. *F.*

6. *Hostis es, &c.*] Inimicus es omnis crudelitatis cupientis cruxorem fundere, linguam quoque mendacia fingere audentem abscondes. *F.*

6. *Audacem simulare*) id est, in simulando. Sicut Horat, dixit *Audax omnia perpeti*, Sufficiat autem semel indicasse, hunc Græcum, qui ut apud Horatium, ita in hoc quoque poemate creberimus est: Eodem enim modo Græci dicunt, ἀδιδακτὸς πάγκειν quod Flacco est pati indocilis, ad cuius imitationem Psal. 15. canit: fidemque indocilis temerare pactam. *C.*

7. *Rite adorabo*] Venerabundus, ex præscripto legis, precibus puris sanctitatis ergo colam. *F.* Rite idem quod legitime, recte, ordine. Varro a ritu dictum putat, propterea quod quæ secundum ritum fiant, recta et rata sint. *Deos rite colere* Cicero *Sacrificium rite perpetrare*. Livius:

Si semel optandum est: Augusti Numen adora;
Et quem sensisti, rite precare Deum.

Ovidius Lib. 3 Elegia 8.

7. *Numina*] Vox *Numina* pro Divinitate penitur. Ita Virgilius multis in locis. Georg. lib. 1: *Ac tua nautæ Numina sola colant et Æneid.* lib. 2. *Orandaquæ Divæ Numina conclamat:*

- 8 Tu mihi, ut casses fugiam dolosos
 Hostium, lumen, Deus, æquitatis
 Dux tuæ præfer, dubioque cæcos
 Dirige gressus.
- 9 Hostium verum fugit ora, pectus
 Incolit fraus spurcitesque : guttur
 Tetrius putri est quod hiat recludens
 Funera busto.
 Lingua adulatrix tacito veneno
 Blandiens, cæcos meditatur iætus ;
- 10 O Deus, rerum ô Pater alme, gentem
 Perde nefandam.
 Redde conatus, Pater alme, vanos ;
 Quique te linquunt, scelerum suorum
 Sentiant poenas meritas, ab ima
 Stirpe recisi :
- 11 Sed tuâ semper bonitate tuti
 Gaudeant qui spem posuere in uno
 Te sibi certam impavidi, tuumque
 Nomen adorant.
- 12 Namque tu rectos animique puros
 Larga opum dextrâ recreas benignus,
 Et tui (tanquam clypeo) favoris
 Protegis umbra

9. *Guttur Tetrius putri, &c.*) Ordo, Guttur est tetrius putri
 busto quod hiat recludens funera.

9. Sermo verus ex hostium ore nullus exit, dolus & impuritas
 in eorum animis habitat, guttur fœdus est sepulchro putrido &
 malè oleni, quod apertum est cadavera ostendens : lingua quo-
 que eorum palpans, blandeque me compellans, cum intus dolus
 abstrusus lateat, cogitat mihi occulta vulnera infligere. f.

9. *Bustum*] propriæ locus est ubi cadaver alicujus combustum
 & sepultum est, unde Statius dixit *fumantia busta*. accipitur fere
 pro ipso sepulcro. Cic: 2. de leg. *Bustum aut tymbon violare*. C:

David agrotus, iram Dei flagellumque deprecatur, misericordiam implorat, & salutem petit, quibus fide impetratis de attentione et beneficentia Dei contra hostes gloriatur.

D Um fervet ira, Domine, dum mens æstuat,
Ne me merentem corripe :
Dum sœvientis flagrat in cursu furor,
Exigere pœnas abstine.

2 O parce, parce : languor ægrum conficit :
Manum salutarem admove.
Corpus, solutis ossium compagibus,
Enerve vires deserunt.

3 Mentreque graviter mœror angit turbidam,
Quo me usque miserum negliges ?

4 Quo me usque linques ? jam reverte, ac libera
Ægrum inferum de faucibus.

5 Ubi sœva duram mors manum injecit semel,
Quis amplius meminit tui ?
Quis mortis altâ subratus caligine
Nomen celebrabit tuum ?

6 De nocte pectus anxium suspiriis
Pulsans, gemensque, lacrymis

1. *Dum fervet ira, &c.]* Dum ira tua, Jehova, severior incandescit, dumque animus, ceu perturbatione illa ætus exardescit, ne me, quæso, qui poenas merui, castiges : dum icquam indignatio tua succensentis delictis meis ardet, & adhuc paulatim increscit, noli de me supplicium sumere. *J.*

2. *Corpus — enerve vires deserunt]* Corpus invalidum vires destituunt *J.* Enervus vel Enervis, debilis, mollis quasi sine nervis.

5. *Ubi sœva duram mors manum injecta]* Postquam mors crudelis, tanquam manu inexorabili injecta, me semel sibi assumptum pro suo vindicavit. *J.* Ubi sœpe pro postquam usurpatur Cic. pro Rab. Ubi semel quis pejeraverit, ei credi postea, etiamsi per plures Deos juret, non oportet.

- Lavo cubile : strata fletuum madent
 Rorata largis imbribus,
 7 Caligat acies lumen doloribus,
 Hebetata longis : hostium
 Interque risus & dolos emarcuit
 Color vigorque corporis.
 8 At tu sceleribus turba gaudens impiis,
 Facesse, spem pone irritam :
 Lamenta Dominus & meorum fletuum
 Placatus audiit sonum.
 9 Dominus benignus supplicem me exaudiit,
 Orationique annuit ;
 10 Subitus ut hostes obruat pudor meos,
 Vultusque confundat rubor ;
 Tristi repente ut palleant infamia,
 Fugamque turpem mœreant.

7. Pupilla oculorum dolore morbi diuturni obtusa velut in caligine parum videt ; interea dum hostes exultantes me rident, & fraudibus struendis intenti sunt, color & vegeta membrorum omnium vis debilitata est.

10. Ut repentina scelerum infamia hostibus inusta, eorum arrogantium imminuat, ruborque, ex pudore ortus, ora eorum turbata inficiat, ut pallidi sint hostes mei ob ignominiam eos contristantem, & dishonestum a me discessum doleant.

C A R M. G E N. vi.

David confidens Deo, exoptat a perfida accusatione liberari: professus bona conscientiae testimonium, mala quæ in se struebantur, averti cupit: pronunciat improberum exitium, & Dei laudem a piis prædicatum iri.

IN te salutis spem posui meæ,
Servator orbis: faucibus hostium
Me libera, qui mente sæva
Interitum mihi moliuntur.

2 Si nemo vindex asserat, ut leo
Imbellè crudus dilaniat pecus;
Sic me ferus discerpit hostis,
Innocui sitiens cruoris.

3 Si verus index me meritò arguit,
Nec falsa mendax crimina texuit,

Servator Orbis] Ita Dominum Deum, conditorem & conservatorem rerum omnium nominat, aliàs nomen hoc proprie tribuit Salvatori nostro Jesu Christo. Apud Propert. lib. 4 Eleg. 6 eundem titulum Apollo tribuit Augusto hoc disticho.

*Mox ait, o longa mundi servator ab Alba
Auguste, Hectoreis cognite major avis.*

Gentibus quoque celebris fuit ζεὺς σωτῆρ quæ Herculi quoque idem nomen tribuere.

2. *Leo crudus]* Pro crudeli aut cruento, *Crudus* enim a cruore, ut quidam putant, derivatur. Alias, *crudum* dicitur quod incocatum est, inde Medicorum *Cruditatis*. C.

2. *Sitiens cruoris]* Elegans Metaphora rei cuiuscunque aviditatem exprimens. Unde Cic. dixit *Sitiens Voluptatis*, item *Sitiens virtutis*. Et apud Horat. est, *sitis argenti*, apud Juvenal. *sitis famæ* apud Claudianum, *sitis præde*: Cyrus quoque, apud Xenophontem, ardentissimam suam aliis beneficiendi cupiditatem volens indicare, dicit διψα χαριζεῖσθαι id est *situs* aliis gratificari. C.

3. *Si verus index]* Index est qui aliquid notum facit dicendo
4. *Catilin Hec omnia indices detulerant rei confessi sunt.* Hinc *Indicium* quod propriè est delatio, detectioque rei sive criminis.

3. *Crimina texuit]* id est, calumnias & mendacia concinnavit.
Ita Propert. Causas texere lethi & Cicero texere opus, texere epistolam. C.

- 4 Si damna tranquillo creavi,
Promerito malè ni perpercí :
- 5 Me persequatur dum capiat sequens,
Captumque sternat, stratum & humi pede
Conculcet, & sceptri superbū
Proterat, abjiciatque fastū.
- 6 Exsurge, justas te furor impius
Meorum in iras excitet hostium :
Exsurge, promissamque redde
Perfidiae, Deus, ultionem.
- 7 Exsurge, terris luceat omnibus
Augusta majestas tua ; te suum
Accurrat agnoscatque Regem
Concilium populi, patremque.
- 8 O qui potenti sceptra tenens manū,
Gentes per omnes crimina vindicas,
Me vindica, si ritē pœnas
Ore pio innocuoque posco.
- 10 O juste judex, cordis in intimo
Quem nil recessu præterit abditum,
Frange impios ausus malorum ;
Fulci animos refoveque justos.
- 11 Securus hostes nil metuo, Deo
Custode : quem simplex animi juvat

6. *Me persequatur*] Bellam hi versus gradationem continent, quæ hoc modo soluta oratione expressa fiet conspectior. Index persequens me capiat, captum sternat, stratum proterat, prostratum conculcet, conculcatum sepulchro inferat: In Heroico dixisset: *Me capiat captumque necet, tumuletque necatum.*

7. *Exsurge, terris, &c.*] Expergiscere, ut tua amplitudo venerabilis omnibus terrarum incolis appareat, ut populi cœtus properè convenias, teque gubernatorem & creatorem suum esse fateatur. *f.*

- 12 Candor: pios servat, malisque
Exitium assidue minatur.
- 13 Si perstet hostis, jam gladium tenet,
Jam tendit arcum promptus, & arripit
Ferae telum, & igne sævo
Lethiferas acuit sagittas.
- 14 En, qui nefandum parturiit scelus,
Concepit ærumnam, pariet velut
Quæ vana per somnum inquietas
Ludificant simulacra mentes.
- 15 Fodit dolosam, ut me caperet, scrobem:
Incautus in fossam ipse suam ruit.
- 16 In verticem ipsius recurret
Pernicies, recidentque fraudes.
- 17 Ergo expeditus fraudibus & metu,
Rerum parentis justitiam canam,
Nomenque sanctum: gratiasque
Lætus agam, repetamque laudes.

13. *Ferae* prima longa, est quicquid funestum, dirum, et cum exitio et abominatione conjunctum est. C:

13: *Lethiferas sagittas*] Id est, mortiferas et veneno illitas, *Le-*
thum enim Poetis mors est ab oblivione: Græci ληθὴν vocant, quia
mors omnium rerum oblivionem inducit. Alii sine aspiratione
scribunt, et deducunt a deleo, unde letum quasi deletum, quod
omnia deleat. C.

15. *Scrobem*] Fossam. Scrobs proprie fovea in terra effossa, ad ar-
bores conserendas aut depangendas. C.

17. *Expeditus*] Liberatus, a pedibus animalium quicùm stupa,
aut lino, aut quoconque alio filamento implicantur, dicuntur
impediti: id autem si inde tollatur, et pedes liberi fiant, dicuntur
proprie *expediti*: C.

C A R M. G E N. vii.

David extollit majestatem Dei ab operibus in cœlo & in terra, maxime vero in homine, tum creato, tum instaurato per Christum.

Gentis humanæ pater atque custos,
Quam sancta Majestas tui
Nominis terras stupefecit omnes,
Sol quas recurrens adspicit !
Et super cœli radiantis orbes
Tua magnitudo se extulit.

2 Quàm piâ mundum tueare cura
Laetentis ævi infantia
Prodit : ut linguas temerè obstrepentum
Tibi refutes hostium :
Hostium, quorum vomit os furorem
In te, sititque sanguinem.

3 Luce cum cœlos vitrea serenos,
Pollentis opera dexteræ,
Cerno : cùm lunam, nitidasque stellas
Per te creatas conspicor ;

4 Quantulus (mecum tacitus revolvo)
Homo est, ut ejus sis memor !
Quantula humanæ est sobolis propago,
Dignere ut illam visere !

5 Hunc Deo æqualem prope reddidisti :
Ornasti honore & gloriâ :

1. *Gentis humanae, &c.*] Versus Horatii lib. 1: Ode. 12.

2. *Laetens*] a laeteo, laetes, laetere penultima longa, quod est lac fugere, et proprium est infantis aut catuli ab uberibus pendens. Aliud est lacto, lactas, laetare, quod est lac præbere, et proprium est Matris. C.

3. *Pollentis*] validæ, potentis. *Auster fulmine pollens*, et *pollens opibus* est apud Lucretium, *Hostis equo pollens* apud Ovidium. C.

- Et tuæ dextræ super universa
 Opera creasti principem :
 Cuncta vitalis quibus haustus auræ est,
 Illi dedisti sub pedes.
- 7 Huic boves parent & oves, pecusque
 Quodcunque campis pascitur :
- 8 Quique pennarum celeri volatu
 Meritur ales æera :
 Quique pennarum celeri natatu
 Piscis pererrat æquora.
- 9 Gentis humanæ pater atque custos
 Quam sancta majestas tui
 Nominis terras stupefecit omnes,
 Sol quas recurrens adspicit !

6. *Haustus auræ vitalis*] Poetice accipitur pro ipsa vita, quæ tamdiu inesse corpori creditur, quamdiu vitali vescitur aurâ, seu quamdiu spiritum dicit. C.

8. *Ales*] In auguriis veterum aliæ volucres vocabantur *Oscines* quæ voce & cantu, aliæ *Alites*, seu *Præpetes* quæ volatu aliquid prænuntiare putabantur. Utrumque complexus est Virgilius de Augure loquens. *Qui volucrum linguas, qui præpetis omina pennæ,* &c. Hic pro quavis ave usurpatur. C.

8. *Pennarum*] *Pinna* Vocabulum est homonymum, sunt enim etiam Pennæ ædificiorum & murorum partes ad modum fastigii acuminatæ ; hic autem sunt pennæ piscium Germ. *Fischfedern*. C.

P S A L. I X. C A R M. G E N. viii.

David gratias agit Deo de Goliatho occiso, & fusis Pelisthæis : & pios secum hortatur, ad Dei Majestatem, officium, & opera celebranda : additur forma precationis, quam tunc fideles habuerunt pro salute sua, & hostium dejectione.

RErum certa salus, te cano, gratias
 Exsolvo meritas ex animo tibi :
 Et miranda futuris
 Pandam facta nepotibus:

- 2 *Tutus præsidio nil metuam tuo :*
Lætus læta canam sed tibi carmina,
Te laudabo supremi
Æternum ætheris arbitrum.
- 3 *Spes hostis temerè elatus in improbas,*
Conversus trepidâ terga dedit fugâ,
Et virtute potentis
Dextræ pessum abiit tuæ.
- 4 *Tu vindex cupidos exitii mei*
Perdis, tu trepido præsidium es reo :
Tu litem mihi judex
Ex alto dirimis throno :
- 5 *Tu gentis valido robore barbaræ*
Compescis furias : destruis impios,
Ut nec nomina feris
Narret fama nepotibus.
- 6 *En, hostis tumidæ quò recidunt minæ !*
En, qui sternit humi funditus oppida,
Et prostrata perennis
Condit nube silentii !
- 7 *At rerum Dominus perpetuus thronum*
Fixit perpetuum iustitiæ sibi,

2. *Æternum ætheris arbitrum*] Periphrasis Dei, cuius arbitrio cœlum & terra condita sunt et conservantur. C.

3. *Pessum abiit*] Pessum Adverbium idem significans quod Græcis νατω, id est deorsum & tanquam sub pedes depresso. Lucret. *Pessum subsedere suis pariter cum civibus urbes.* loquens de terræ motu. Columel lib. 12. c. 6. *Est aliud murie mature experientum : nam ubi dulcem caseum demiseris in eam, si pessum ibit, scies esse adhuc crudam. si innatabit, maturam.* Hinc dare pessum & pessundare, item, ire venum seu venire, id est, venalem esse. C.

6. *Condit nube silentii*] Bella translatio. Sicut enim nubes splendorem radiorum solarium adspe&tū nostro aufert ; ita silentium, & hominis & rerum ab ipso gestarum memoriam aboler, earumque oblivionem inducit. Sicuti ex adverso, multorum vox et celebratio, nominis claritatem efficit & conservat. C.

Orbem ut legibus æquis,

Ut juste populos regat.

8 Cum vis incubuit foeta superbiâ
Infreni, miseris præsidium pates,
Tuti pandis asyli

Arcem rebus in asperis.

9 In te uno meritò spem solidam locant,
Qui novere tuum nomen, & ultimo
Ut discrimine amicos

Nunquam destitucas tuos.

10 Ergo arcis meritâ laude Sioniæ
Custodem Dominum pangite; consili
Decreta ardua gentes

Latè ferte per exterias.

11 Vindex innocui sanguinis expetit
Pœnas: vi tenues nec finit opprimi
Impune: applicat aurem
Clamantium querimoniis.

8. Foeta superbia] Fœtus, substantive, est rerum tam animatarum quam inanimatarum 4 Georg. Aut fœtus *nixibus edunt*. Nemorum fœtus, & *Largo pubescit vinea fœtu*. Hic, adjective, idem significat cum gravido aut pleno. Fœtum enim dicitur animal prægnans, ante & paulo post partum; eleganti igitur translatione, vim superbia fœtam dixit. Violentia enim plerunque cum superbia conjuncta est. Virg. *Loca fœta furentibus Austris*. Et *Non insueta graves tentabunt pabula fœtus*. Hor. *Vulpes fœta*. Et hic noster, Psalmo 105: *Regia fœta ranis*; C.

8. Asyli arcem pandis] σύλα, Græcis, præda seu rapina inde συλλα spolio vel aufero hinc ἀσύλον arx, templum, statua principis, vel area sacra dicta est, in quam fontibus tutus erat receptus, unde nefas erat quempiam extrahere vel abripere. Virg: 8: Æneid. *Hinc lucum ingentem quem Remulus acer asylum Rettulit. ἀσύλα pro eo jure libertatis veniæ*. C.

10. Dominum pangite] Proprie pangī dicuntur plantæ quæ in scrobes defiguntur; hinc versus quoque pangī, id est stylo in tabellam ceream impresso quasi exarati videntur Cicero Tironi: *An pangis aliquid Sophocleum*. Horat. *Ego mira poemata pango*. C.

- 12 Afflitas bonus ô res proprias meas
 Contemplare, odiis quem petit improbis
 Vis hostilis: & atræ
 Mortis faucibus eripe.
- 13 Ut, quâ mole Sion crescit in æthera
 Latè conspicua, laudibus efferam
 Te, lætusque salutem
 Acceptam referam tibi.
- 14 Demersit meritò fraus sua perfidas
 Gentes exitio: queis alios plagi
 Irretire parabant,
 Hædere impliciti pedes.
- 15 O miranda Dei judicis æquitas !
 Fraudis fraude suâ prenditur artifex.
 O res peccatoris altis
 Condenda in penetralibus !
- 16 Sic est: interitu devorat impios
 Improvisa dies: immemores Dei
 Gentes mors inopina
 Æternis tenebris premit.
- 17 At confusa Deo nudâ modestia
 Æternum Domini non animo excidet,
 Nec læto miserorum
 Spes frustrabitur exitu.

14. *Plagæ irretire*] *Plagæ* quoque est verbum homonymen, quod primâ brevi, ut hic, significat retia rariora ad capiendas feras, quod scilicet, ut nonnulli volunt, plagiæ, id est, foraminibus plenæ sint, unde Horat. *Trudere feras in obstantes plagiæ*. Et per Metaphoram *Plagæ amoris*, apud Lucilium. Eadem vox primâ brevi, significat spatiæ vel tractus cœli amplissimos. Hinc *plaga orientalis* aut *occidentalis*. Eadem denique primâ longa significat verbera. Græcis πλαγιæ: Hinc *plagæ adhibere*. Phryx *plagiæ fit melior*. Unde *plagofus Orbilius*, qui plagiæ inferendis delectaretur. C.

15. *O res pectoris altis condenda in penetralibus*] Expressit Paraphrastes his verbis vim vocis Ebraicæ Selah. C.

18 Rerum surge parens, neu sine ut impotens
 Adversus tenues crescat homunculus :
 Et juris preme frenis
 Gentes arbiter impias.

19 Circumsiste tuæ mole potentia,
 Terroremque feris mentibus ingere :
 Agnoscat male firmam
 Sortem gens hominum suam.

P S A L. X. C A R M. G E N. iii.

Queritur apud Deum Ecclesia, se in manus impiorum traditam, quorum malum animum, maledicta, maleficia, & blasphemias explicans, bonorum perpessiones ostendit : denique orat ut suorum misertus improbos contundat, & pios liberet.

QUONAM usque custos gentis humanæ tuos
 In rebus arctis negliges ?
 2 QUONAM aberis usque, dum pios tyrannide
 Premit arroganter impius ?
 O si scelestum vergat in caput scelus,
 Suisque pereat artibus.
 3 Dum mentis explet per nefas libidinem,
 Sic gloriatur impius,
 Sic gaudet in se, sempiternum ceu decus
 Rectis parârit artibus.
 4 Äqui atque iniqui negligit discrimina
 Infrenis arrogantia,
 Suæque plaudit suaviter prudentia,
 Nullum esse quod putet Deum.

2. *Vergat in caput] id est, recidat, ut quod sequitur suis pereat artibus, juxta illud Salomonis : Dolus recidit in cor fabricantium malum : In consiliarios autem pacis latitia. Est autem vergere leniter inclinare, demittere aut etiam se extendere. Hinc vergere in meridiem aut Septentrionem. Dies vergens in noctem. Invergere vero idem quod infundere est. Virg. Frontique invergit vina sacerdos. C. Felicitatis*

- 5 Felicitatis somnio indulget suæ,
Quòd cuncta cedant prosperè :
Nec te futurum cogitat vel judicem,
Vel perpetrati vindicem.
- 6 Hostes minoris æstimat nihilo suos,
Sic ipse secum computans,
Incommodi expers ad senectam usque ultimam
Securus ævum transfigam.
- Non cura lætis ulla fese gaudiis,
Non ægritudo interferet.
- 7 Os exsecranda despuit convicia,
Spumatque probris & dolis :
Bonis labores continenter pestilens
Lingua & dolores parturit.
- 8 Circa viarum compita insidias locat,
Ut innocentem clam involet :
Intentus oculis intuetur acribus
In transeuntes pauperes.
- 9 Qualis cruentus subter alta deliteret
Spelæa conditus leo :
Sic è latebris corde trepido palpitans,
Infirmioribus imminet :
Et occupatos multinodis nexibus
Nassæ involutos attrahit,

8. *Compita*] Loca ubi plures viæ seu itinera competit: Ovid.
In ternas compita sexta vias. C.

9. *Spelæa*] σπηλαῖον Latinis antrum, Spelunca vel caverna
unde *Spelæum ferarum*, pro antro feris latibulum præbente. Virg.
In sylvis, inter spelæa ferarum. C.

9. *Multinodis*] Penultima longa, a nexu multorum nodorum
It: Lucretius dixit *Multangulus*, Plin. *Multicaulis* Ovid. *Multi-*
formis. Varro, *Multinodus*, ad quorum similitudinem elegante
vocabulum hoc conformavit. C:

Nassæ] *Nassa* proprie textum vimineum in quod escâ imponi
sunt lissæ alliciuntur, ita ut ingressis non pateat exitus. Hic me-
ta horice accipitur pro dolis & machinationibus fraudulentis. C

Malisqu

- 10 Malisque subigit : & tenebris occulit
Crudelitatem callidus.
Ah, strage quantâ transeuntes perculit,
Graffatus istis artibus !
- 11 Sic deinde secum colligit male credulus,
Hæc prorsus ignorat Deus :
Avertit ora rebus humanis sua,
Fandi & nefandi negligens.
- 12 Exsurge, Domine, tolle in altum dexteram,
Librata fige vulnera.
Ope destitutos ne pios silentio
Oblivioso defere.
- 13 Tene impiorum pervicax vesania
Sic audeat contemnere ?
Secreta secum corde tacito ut murmuret,
Humana non curat Deus.
- 14 Cernis profectò cuncta, cernis ; & tuam
Scelestus in manum cadet,
Ut te labores & dolores pauperum
Non præterire intelligat.
Tibi relicitus est inops atque innocens :
Tu tutor orbos protegis.
- 15 Tu frange vires impii, violentiam
Tu mentis improbæ doma :

11. *Fandi & nefandi negligens*] Licitum & illicitum nihil cu-
rans. *f.* *Fandum & nefandum* idem quod *fas & nefas*, utrum-
que enim a fando dicitur, quia quod æquum est digne fari possu-
mus, quod iniquum fari non possumus. *Virg.* *At sperate Deos me-*
mores fandi atque nefandi.

13. *Pervicax*] quasi per vim perseverans nulli cedens: *C.*

13. *Vesania*] Vecordia crudelis & furiosa: Ita Catullus vocat
Ventum vesanientem: *C.*

A stirpe cæsa donec impietas simul.

Eliminetur & impius.

16 Tum firma Dominus sæculorum in sæcula
Sceptra obtinebis imperî,
Gentesque terræ finibus procul tuæ
Exterminabis impias.

17 Hæc vota duris obruti laboribus,
Has supplices fundunt preces :
Animosque stimulis incitati talibus,
Te lacrymantes postulant ;

18 Pupillum & inopem ut vindices potentium,
Ab impotenti audaciâ :
Homo ut feroce spiritus ponat, suæ
Infirmitatis conscius.

15. *Eliminetur*] Quasi extra limen ejiciatur est enim eliminare extra limen efferre. Horat. *Ne fidos inter amicos: Sit qui dicta foras eliminet.* C.

16. *Imperi*] Pro *imperii*, Apocope poëtis usitata. Virg. *Tuguri congestum cespite culmen.* Ita Psal 13 dixit *Auxili pro auxilio.* Ps. 55. *Consili pro consilii, & alibi Ingeni pro ingenii.* C.

P S A L . X I . C A R M . G E N . vi:

David ab hostibus contumeliis & persecutionibus affectus, graviter eos reprehendit, irrita fore eorum consilia prædictit : deumque Judicem cognoscere, probare, & judicaturum esse singulos ex aquo & bono ostendit.

QUum spe salutis non dubiâ fruar,
Deoque fidam, vos mihi dicitis,
Facesse rupes in remotas,
Antevolans pavidas volucres.

- 2 Intendit arcum (en aspicis) impius;
 Nervo sagittas admoveat, ut petat
 Incogitantes ē latebris
 Innocuos animique rectos.
- 3 At tu potenti, Rex bone, dexterā
 Domas rebelles, & facis irrita
 Decreta vesani furoris
 Contra humiles male nil merentes.
- 4 Æterna cœli templa colens Deus,
 Et lucido astrorum in folio sedens,
 Humana per terras acutis
 Facta oculis speculatur omnes.
- 5 Non justus illum, non latet impius
 Cuncta intuentem, sed studio ad nefas

2. *Nervo sagittas admoveat*] Quasi de arcu Scythico loquatur, cuius nervo crena seu incisura sagittæ immittitur a sagittario, postquam arcum tetendit. C.

3. *At tu potenti Rex bone, &c.*] At tu, Rex benigne, manu forti inimicos subigis, vanaque reddis consilia hominum insane & vehementer furentium, quæ contra simplices nihil commeritos ceperunt. F.

4. *Speculatur*] Quasi e specula cœli intuetur: Eodem pene verbo utitur Prudentius, in versibus omnium piorum observatione dignissimis, & cum hoc quoque Psalmi loco plane congruentibus.

Speculator adstat desuper,
Qui nos diebus omnibus,
Aetusque nostros prospicit,
A luce prima in Vesperum.
Hic testis, hic est arbiter,
Hic intuetur quidquid est,
Humana quod mens concipit.
Hanc nemo fallit Judicem. C.

5. *Non justus illum, &c.*] Vir bonus non est illi ignotus, vir malus non præterit illum in omnia intuentem, sed æquus mundi rector, & judex, odium ingens habet in homines pravo animo ad scelus proclives. F.

Pronos maligno justus orbis

Ex animo moderator odit.

6 Super scelestos retia depluet :

Ignes remisto sulphure flammeos

Ad impios eliminandos

Fulmineæ rapient procellæ.

7 Justosque justus justitiæ parens

Amore sancto amplectitur unicè,

Et fraudis ignaram ante vultus

Affiduè videt æquitatem.

6. *Remisto*] Pro, misto. Compositum pro simplici. Horat. de arte Peet. Sic veris falsa remiscet pro miscet. C,

P S A L . XII . C A R M . G E N . ix .

David a scilicorum calumniis pressus, opem Dei implorat, adducta promissione fidem suam confirmat, & salutem petit.

A Ffer opem, servator opem fer : pulsa recessit
Intemerata fides :

2 Nuda fides hominum fugit commercia : vana
Cum socio loquitur

Quisque suo, blandâ exercens mendacia linguâ,
Corde scelus meditans.

3 Ora Deus fraudum dulci medicata veneno
Conterat, & penitus

Grandiloquam ex ima linguam radice revellat,

4 Quique pudore carent,
Dicere nec metuunt ; Falsa ad perjuria linguas
Fortiter intrepidi

Affuescamus, & os age confirmemus ad omne
Flagitium : neque enim

Oris frena mei, linguæ repagula quenquam
Me nisi habere puto.

5 At Dominus planctus miserorum, & dura ferentum
Aure trahens gemitus,
Surgam, ait, atque inopem, tutâ ut respiret in arce,
Insidiisque procul,

6 Securum statuam. Hæc Dominus : quod ab ore fideli
Cunque fluit Domini
Auro purius est, auro quod fusile fecit
Septima flamma coquens :
Dum fæx in fumos exploratore camino
Crasfa abit & cineres.

7 Polliciti memor ergo malæ mala toxica linguae,
Sancte parens, inhibe :
Pestifera de gente hominum nos, optime custos,
Affere perpetuò.

8 Nam late impietas grassatur libera, passim
Omnia plena malis,
Quum penes injustos jus est, & iussa malorum
Sunt metuenda bonis.

4. *Repagula*] *Repagulum*, propriè in circo illud quasi obistaculum erat, quo demissio equi cursores ab excurrendi libertate prohibebantur, eodemque sublato ad cursum emittebantur. Accipitur etiam pro obice seu pessulo quo fores muniuntur. Utrumque Plautus in Cistel. conjunxit. *Ocludite aedes pessulis, repagulis.* Nonnullis etiam idem significat quod opereulum. C.

5. *Planctus*] propriè ejulatus cum pectoris percussione. C.

5. *Aure trahens*] Poetice pro exaudiens. C.

7. *Toxica*] *Toxicum* pro veneno accipitur, teste Plinio, dictum a taxo arbore venenata, vel quod τοξικόν, id est sagittis illineretur. Alii a τοξευω, id est, jaculor, deducunt, quod venenum in intimas corporis partes penetret. utuntur eo Plautus, Horatius, Propertius, & alii. vide Plin. lib. 16 cap. 10. C.

C A R M. G E N. X.

David de opis divine dilatione, infirmitate sua, & inimicorum importunitate expostulans, Deum orat pro salute sua, & hostium confusione, ad gloriam sui nominis.

- Q** Uousque, rector unice,
Me destitutum negliges ?
A sempiterna me obrutum
Oblivione deseres ?
Quousque vultum amabilem
Iratus abscondes mihi ?
2 Quousque curæ turbidæ
Mentis quietem distrahent ?
Quousque cor cruciabitur
Mœroris æstu fluctuans ?
Quousque, me prostrato, aget
Hostis triumphos insolens ?
3 Regnator orbis adspice ;
Opem fer, & lucem tuam
Infunde, ne mors lumina
Somno perenni sopiat :
4 Ne jaetet hostis arrogans
Me viribus fractum suis,
Ne me perosi perfidi
Meo dolore gaudeant.
5 Tu me salutis recreas
Spe, largus auxili : tuum,
Salute parta, laudibus,
Rex magne, nomen efferam.

4. *Meo dolore gaudeant] Vitium proprium diabolo homini-
busque prorsus malis. C.*

5. *Tu me salutis recreas, &c:] Tu me benigne juvans, inco-
lumitatis expectatione munificè reficis, incolumitate potitus, tuas,
Rex potens, laudes in astra tollam. F.*

C A R M. G E N. xi.

David Israelis impietatem a Dei & conscientiae ipsorum testimonio, & vanitate studii illorum ostendit, & futuram liberationem & latitudinem prædicat a sola Dei misericordia.

- S**Ecum insania callidè
Indulgens vitiis sic loquitur, Deum
Formido sibi credula
Commenta est hominum, quum temerario
Casu fors ferat omnia.
Ergo flagitiis se penitus dedit
Secura impietas Dei :
Nec quisquam ex animo recta sequi studet.
2 De templo æthereo Deus
Ad curas hominum lumina verterat,
Si quis non stolidè improbus
Ad cultum revocet pectora numinis :
3 Omnes in scelera omnia
Conjurâsse putas : fœda, nefaria,
Detestandaque perpetrant :
Nec cuiquam est studium recta capessere.
4 Nam qui recta capesserent ?
Quem sanis aditum consiliis darent,
Quorum nequitia & scelus
Inficere animos ? qui populum meum,

1. *Secum insania callide, &c.]* Stulti flagitiis suis faventes, sceleraque sua foventes, sic intra se tacitè & astute cogitant ; homines timidi nimium facile sibi credentes finixerunt Deum, cum fortuna actiones omnes sine ulla ratione sursum ac deorsum veritat : ergo impii Deum non timentes, sese ex toto animo facinoribus turpibus devoverunt, nemoque laborat tota mente justitiaæ iter insistere. *F.*

4. *Nam qui recta capesserent ?* Quomodo enim ullum negotium justum instituerent. *F.*

Ceu prædam fera, devorant :

Nec rerum Dominum mente colunt Deum.

5 Ast illos gelido metu

Horror concutiet, justitiae Deus

Cum patronus opem feret

Insonti : increpitans talibus impios,

6 Vobis ludibrio fuit

Insontum pietas : vos inopum pium

Risistis studium, preces,

Spes lentas, trepidas sollicitudines :

At, cui fudit inops, Deus

Spes & vota bonos ducet ad exitus.

7 O si mittat opem suis

|Speratam Deus è rupe Sionia.

Nam cum vincula ruperit,

Exsolvetque suos, pectore libero

5. Ast illos gelido metu, &c.] Atqui aliquando erit, cum tremor hostes, timore frigus inducente, commovebit, cum scilicet summe justus, justorumque defensor, innocentes juvabit, talibus verbis homines Dei negligentes redarguens. *f.*

5. Patronus opem feret] Patronus est, qui clientem habet cui se ut patrem praestat. Nomen a Romulo inventum fuisse dicitur, qui cum potentiores se crevisset a plebe & plebeios illis tuendos regendosque commendasset, illos Patronos hos Clientes appellavit. Liberti etiam Dominos suos a quibus manumissi erant Patronos vocabant. Est etiam in genere Patronus, defensor, idcirco omnes qui accusatorum causas agebant Patroni dicebantur, cum discrimine tamen ab Advocatis. Asconius in Divinat: Ciceron. *Qui defendit alterum in judicio, aut Patronus dicitur, si Orator est ; aut Advocatus, si aut jus suggerit, aut presentiam suam commodat amico ; aut Procurator, si absentis negotium suscipit ; aut Cognitor, si presentis causam novit & sic tuetur ut suam.*

Gaudebunt Abrahamidæ,
Et justâ Isacidæ lætitiâ frement.

7. *Gaudebunt Abrahamidæ, &c.*] Posteri Abrahami animo quieto lætabuntur filiique Isaaci merito gaudio gestient. *f.*

7. *Lætitia frement*] Verbum *Fremo* frequenter usurpatum in argumento indignationis. Vide Annotata ad Psalm. 2. Virgilius frequenter hac voce utitur, pro consensu aut lætitiae sono. Ita Æneid. 1. *Cuncti simul ore fremebant Dardanidæ.* id est, Trojani omnes murmure approbabant. & Æneid. 9. *Lætitia ludisque viæ plausuque fremebant.*

P S A L. X V. C A R M. G E N. vi.

David offendit vera ecclesiæ præsentis & sempiternæ membra ex integritate vite, justitia, & veritate innotescere.

Sanctæ Sionis templa quis incolet,
Rex magne, tecum? quem statues tuum
Sanctum super montem, ut malorum
Liber agat placidam quietem?

2 **Q**uem fraudis expers simplicitas juvat,
Urgetque rectum propositi tenax:
Nec mente sævus grata blandam
Edocuit simulare linguam.

3 **N**ec ore mendax exitiabiles
Concinnat artes: nec mala proximis
Excogitat: nec dulcem amicum
Opprobriis maculat pudendis.

4 **Q**ui fastuosum despicit impium,
Dei timentem suspicit & pium:
Tenaxque promissi, fidemque
Indocilis temerare pactam.

2. *Nec mente sævus grata, &c.*] Nec animo crudelis, linguam adulatricem jucunda auditu fingere assuefecit. *f.*

4. *Dei timentem suspicit*] Qui religiosum Dei cultorem reveretur. *f.* *Suspicere* est admirari & venerari, aspicere quasi supranos collocatum Cic. lib. 2: *Offic:* *Itaque eos viros suspiciunt maximisque efferunt laudibus.*

32 P S A L. XVI.

5 Qui non egenos fœnore perdidit,
Non innocentes munere prodidit.

In monte sancto, hæc qui peregit,
Perpetuâ requie fructur.

P S A L. XVI. C A R M. G E N. xii.

David Deum orat, ut se ab omni idolatria purum conservet; idololatram miseriam, bona piorum in Deo prædicantur: præsentia sunt, justitia & sanctificatio per Spiritum; futura sunt, resurrectio Christi, & per eum omnium piorum, ac vita eterna.

O Rerum sator, & salus
Humani generis certa, periculis,
Qui te respicit unum, famulum instantibus eripe.

2 Te servus Dominum libens
Agnosco, & populis prædico: sed tibi
Omni ex parte beato officiis nil opus est meis.

3 Ergo illuc animum appuli,
Ut gentem studio prosequerer pio,
Quam tu ex omnibus unam populis sorte receperas.

4 Ast illi immemores tui
Defecere: novos quisque sibi deos
Effinxere, colentes animi ludicra somnia.
Horum sanguineas dapes

Non libabo, epulas respuo, nomina

Testis nunquam adhibeo, aut fidei fœdera sanciens.

5 At fortis populum meæ
Defendet Domini perpetuus favor,

4. *Libabo*] Sunt qui libare quasi labiare dictum putant, id est, primis labris degustare; alii melius a Græca voce λείβω, fundo in sacrificiis; immo & Græci aliquando λίβω scribunt. Livius lib. 9^o dixit Libare Diis dapes: Et Ovid. 4 de Pont. El. 8. Tura Diis libare. Libare etiam simpliciter fundere significat. Ovid. de Ponto.

Jure igitur lacrymas Celso libamus ademto.

Frequentiores tamen sunt aliæ hujus vocis significationes.

Mercedemque

Mercedemque laborum cumulatam dabit affatim.
 6 O pulchra agricolatio !
 O præclara mei fors patrimonii !
 Ut florum undique ridens animum pascit amœnitas !
 7 Immortalis honor Deo
 Æterno, monitu cuius ago dies,
 Arcanisque per umbram stimulor pectora motibus.
 8 Quicquid molior, aut gero,
 Præsentem Dominum conspicor : is mihi
 Semper dexter adhæret, stabili ne movear gradu.
 9 Pulsat pectora gaudio
 Cor læto trepidum : lingua tuas avet
 Laudes promere : corpus tacite spes bona recreat.
 10 Nam nec degere tartari
 Permittes animam sub tenebris meam,
 Aut ut putre cadaver resolutum in cineres fluat.
 11 Tu vitæ referas viam :
 De vultu fluvii lætitiae tuo
 Manant : tu tribuis munificâ gaudia dextera.

5. *Affatim*] Abundanter, Cic. *Puto me Dicæarcho affatim satisfecisse.* C.

6. *Agricolatio*] Pro agricultura, vox Collumellæ. C:

7. *Stimulor pectora*] Græcisimus, pro, pectus mihi stimulatur. Ita Horatius dixit : *Purgor bilem*, id est, bilis mihi expurgatur.

10. *Tartari*] pro inferno, Virgil:

Tum tartarus ipse

Bis patet in preceps tantum, tenditque sub umbras,
Quantus ad æthereum cœli suspectus olympum.

• C A R M . G E N . V .

David ab inimicis pressus, justitiam causæ, vitæ innocentiani, & simplicitatem suam profitetur; itaque a Deo servari, inimicos conturbari petit, ut bonorum, quibus confidebant, instabilitatem experientur, & ipse veritatem Dei.

A Quus exaudi, bone rex orbis,
Æqua poscentem : tibi quas profundit
Lingua non mendax, cape non iniqua
Aure querelas.

2 Ad tuum Iæsus fugio tribunal,
Et fidem appello : mihi cognitorem
Te peto : oppressos oculis benignis
Adspice justos.

3 Sæpe per solas tacitæ tenebras
Noctis, arcanos mihi cogitatus
Cautus inspexti, trepidoque corda
Turbida motu:

Sæpe, ceu flammis, animum probâsti
Casibus duris, neque comperisti
Conscium fraudis scelerumque, fonti
Sæva minantem.

4 Os fuit concors animo, sonusque
Sensui : legum monitis tuarum
Pectus innixum scelera impiosque
Horruit ausus.

5 Hac viâ gressus rege per tuarum
Orbitam legum, dubio vacillent

2. *Cognitorem* Quis proprio dicatur *Cognitor* patet ex *Commentatione Asconii* Vide annotata ad *Psal. 14* ver. 5.

3. *Cogitatus arcanos*] Pro arcanis cogitationibus dixit. C.

5. *Orbitam legum*] *Elegans Metaphora.* Orbita propriè est vestigium rotæ in via decurrentis. Virg. 3 Georg. *Fuvat ire jugi qua nulla priorum Castaliam molli devertitur Orbita clivo.* Und *verbum exorbitare.* Utitur eadem voce *Psal. 31* C.

Ne pedes lapsu, instabilesque turbent
Lubrica plantas.

- 6 Te voco, duris ad opem periclis
Sæpe tentatam fugio, precantis
Admove attentam miseris benignus
Questibus aurem.
- 7 Tu bonus fulci tibi qui salutem
Spemque committunt: tibi contumacis
Spiritus cordis tetricus refrena
Vindice dextrâ.
- 8 Me velut pupillam oculi tenellam
Providus muni: procul impiorum
Impetu, alarum trepidum tuarum
Conde sub umbra.
- 9 Nam meæ vitæ manus impiorum
10 Imminet: vallant opibus, superbis
Intonant linguis, mala dira sævâ
Voce minantur.
- 11 Obsident cunctos aditus viarum:
Commoda observant loca, destinantque
Ad meam cædem, facinusque patrant
Mentibus absens.
- 12 Qualis in prædam leo fertur irâ
Fervidus, qualis catulus leonis
Lacte depulsus speculator alto
Abditus antro.
- 13 Surge, conatus pater anteverte
Impios, stratoque in humum tyranno,
Me tuo, quo nunc furit ille sævus,
Eripe ferro.

5. *Instabilesque turbent, &c.]* Ne loca ad consistendum difficultia pedes inconstantes labare cogant. *J.*

7: *Tetricus refrena]* Idemque severus impetus animi hostilis tibi repugnantis manu ultrice cohibe. *J.*

14 Neu sine ut me vi premat impotentum
 Divitum fastus; quibus una cura est,
 Dum licet, blandæ illecebras caducas
 Carpere vitæ.

His opes terris penitus refossis.
 De penu fundis locuplete, ventri
 Sufficis fruges, hilarasque multa
 Prole penates.

15 Puritas vitæ mihi te tueri
 Corporis vinclis tribuet soluto.
 Illa lux vere faciet me ab omni
 Parte beatum :
 Lux voluptatum cumulata cunctis
 Gaudiis, quum se sine nube menti
 Pura majestas dabit intuendam
 Lumine puro.

14. *Impotentum*] *Impotens* hic non significat invalidum, sed eum qui iræ aut aliis suis cupiditatibus moderari non potest, quales fere sunt divites fastuosi: C.

14. *Ventri sufficis*] id est, suppeditas. C.

14. *Hilaras*] Ab hilaro, quod est exhilaro seu jucunditatem affero. Ovid. *Hos ubi facundo tua vox hilaraverit ore.* Verbum a Cicerone quoque usurpatum. C.

15. *Puritas vitæ mihi te tueri, &c.*] At innocentia mea dabit mihi libero impedimentis omnibus, quæ a corpore ad animum manant, te, mi Deus, coram videre. J. *Tueri pro Intueri* sicut Ovidius. *Os homini sublime dedit, cœlumque tueri füssit.* C.

P S A L. XVIII. C A R M. G E N. i.

David sub finem vita Deum laudat, recordatione beneficiorum jam acceptorum, & in posterum se Deum laudaturum profitetur.

2 **T**E, Deus alme, colam, te toto pectore amabo,
 Sancte parens: mea vis, mea sola potentia, turris,
 Præsidium, spes, & rebus solamen in arctis:
 Tu clypeus, tu tela mihi, tu certa salutis
 Anchora, tu statio tuti placidissima portus.

3 Nam

- 3 Nam simulatque tuas in laudes ora resolvo,
Te venerans, pacemque petens, inimica faceſſunt
Arma: ſalus, placidifque comes pax advolat alis.
4 Jam me lethiferis mors circumvolverat atra
Caſſibus, obſeffum jam me torrentibus orcus
5 Impediebat aquis, stygiā jam compede vincus
Hærebam, laqueoque pedem retinente trahebar:
6 Hic ego deprensus, ſupplexque humiliſque vocavi
Voce Deum, & dubiis clamavi ad fidera rebus.

Ille ſuper folio reſidens flammantis olympi
Audiit orantem: poſtquam pervenit in altum
Clamor, & attentas advertit queſtibus aures;
7 Protinus è vultu Domini conterrata tellus
Intremuit, montesque cava compage ſolutā
Nutārunt, penitusque imis fremuere cavernis.

3. *Nam simulatque tuas in laudes, &c.*] Nam statim ubi os neum ad te laudandum aperio, te precibus profequens, roganſque ut mihi ſis favens & propitius, vis inimicorum recedit, in columitas animique tranquillitas ſalutem comitans, leniterque advolans advenit. *f.*

4. *Torrentibus aquis*] *Torrens* alias ſubſtantivè fluvium signifiat, non viva aquā, ſed pluviis crescentem. Hic tanquam parcipio uſus eſt ad imitationem Virgilii, cuius Eclog. 7. hi ſunt eſlus.

*Hic tantum Boreæ curamus frigora; quantum
Aut numerum lupus, aut torrentia flumina ripas*
Et Georg. 2

Nec non & torrentem undam leuis innatat alnus. C.

6. *Olympi*] Olympus dictus eſt, Theone, interprete Arati, eſte, quaſi ὄλύμπος, quod totus luceat, quamvis Cæſar Scali- er putet dictum quaſi ὄλυοντα ποδας. Ut eſſet montis nomen, uem cum ascenderent, interrogati quò irent, dicebant, in cœ- um. Unde cœlo communicata vox. *C.*

- 8 Fumeus afflatu de naribus æstus anhelō
 Undabat: rapidæ contorto vertice flammæ
 Ore fluunt, vivâque animant attacta favillā.
- 9 Utque suum Dominum terræ demittat in orbem,
 Leniter inclinat iussum fastigia cœlum:
 Succedunt pedibus fuscæ caliginis umbræ.
- 10 Ille vehens curru volucri, cui flammeus ales
 Lora tenens levibus venterum adremigat alis.
- 11 Se circum furvo nebularum involvit amictu,
 Prætenditque cavis piceas in nubibus undas.
- 12 Acribus ex oculis vibratæ spicula flammæ
 Discutiunt tristes claro fulgore tenebras.

8. *Fumeus afflatu, &c.*] Spiritus velut fumus calidus, instarque anhelitus, e narium Spiraculis prorumpet, ignesque vehe-
 mentes, se velut aquæ vortices circum agentes ex ore ejus emanant, & quæcunque tangunt motu animato tanquam carbone
 ignito agunt. *J.*

S. *De naribus*] αὐθεπωποταθῶς. Cum enim Scriptura De-
 scribit os, oculos, aures, manus pedes, & similia, non propterea
 Deum corporeum debemus imaginari quod olim fecerunt Anthro-
 pomorphitæ; tales enim loquendi formæ non tam exprimunt
 qualis sit Deus, quam ejus notitiam incomprehensibilem tenuit
 nostræ accommodant. *C.*

S. *Favilla*] Cinis est calidus sub quo ignis abstrusus latitat &
 fovetur, de quo Horatius, *Incedis per ignes suppositos cineri dolos*.
 Saxones vocant Amer. *C.*

9. *Fuscæ*] Color fuscus subniger est ex rubro in nigrum degenerans. *C.*

10. *Adremigat*] Quid sit Remex & Remigium in re nautica no-
 tum est. Quia autem volantibus eundem usum in aere præbe-
 alæ, quem naviculariis in aqua remi: eleganti Metaphora id quod
 de navigio proprie dicitur transfertur ad volatum. Ita Virgilii
Remigium alarum dixit. *C.*

11. *Furvo*] Color furvus est idem cum atro, seu anthracin
 id est, carbonis instar nigro. *C.*

12. *Ex oculis vibratæ spicula flammæ*] Talis enim est vult
 iratorum. Ita Virgilius de Turno irato

Totoque ardantis ab ore
 Scintillæ absistunt: oculis micat acribus ignis. *C.* *Inc.*

- Inde ruit crepitans lapidosæ grandinis imber,
 Discursantque vagæ sinuosa volumina flammæ
 At vero ut sancto sermone silentia rupit,
 Protinus horrifico tonitru cœlum omne remugit,
 Grandinis & crebra tellus crepitante procella
 Pulsa sonat, ruptisque micant è nubibus ignes :
 Flammiferæque volant magnum per inane sagittæ,
 Fulguraque ingeminant ; laticum concussa lacunas
 Pandit hians tellus, & fontibus ora relaxat :
 Succutiturque pavens, & fundamenta revelat,
 Et referat chaos. Æterni sic vox tonat oris,
 Sic formidandæ grave spiritus infremit iræ.
 Ille salutiferam porrexit ab æthere dextram,
 Et me de rapidis pereuntem sustulit undis:
 Hostibus eripuit validis, & acerba potentum

12. *Sinuosa*] *Sinus* in corpore humano, ea pars dicitur quæ est intra pectoris brachiorumqne complexum, ad ipsa præcordia Terent. *Hiccine non gestandus in sinu est?* Hinc *Sinus* vestium appellarunt plicas, seu, plicaturas vulgo dictas Virg. *Nuda genu, nodoque sinus collecta fluentes:* Item *sinus* maris, seu partes littorum, propter excursus maris incurovs qui si majores sint, a nostris nautis nominantur *ein wick*, Græcis κόλπος. Hinc quicquid incurvum est & multos sinus habet, dicitur sinuosum, ut mare, vela, cauda serpentis, vestes & alia. C.

14. *Inane*] More Lucretii, pro vacuo, vel ipso aere, quod Horatio est, τὸ πῦρον : *Plerunque per purum tonantes Egit equos, volucremque currum.* per purum, id est aera. C.

15. *Laticum*] *Laticum* Latex Lucretio est omnis humor aut liquor qui in re aliqua latet, ut latex absinthii, pro succo de absinthio expressio. Item *Liquoris vitigeni laticem* nominavit vinum, Ovid. *Palladios latices*, pro oleo. Hic simpliciter accipitur pro aqua. C.

15. *Hians tellus*] His & sequentibus terræ motus indicatur, quo terra aut egeritur, aut complanatur, aut in voragini desicit. C.

15. *Chaos*] vox Græcis & Latinis poetis usurpata, significat rudem indigestamque molem, seu confusionem & congeriem rerum omnium informem : ex quo mundum & reliqua in mundo creata esse poetæ fabulantur. C.

- 18 In me odia elusit. Quum me studiosa nocendi.
 Temporibus duris cæcâ fraus arte petebat,
- 19 Auxilium tulit, & rebus patefecit in arctis
 Latum iter, electumque à morte reduxit amicum:
- 20 Scilicet immunem sceleris mentemque manumque
 Adspexit Deus, & merito dignatus honore est.
- 21 Quippe nec impietas, nec pravi credulus error
 Avertere, meos recto de tramite greslus.
- 22 Ante oculos mihi lex Domini, mihi jussa verenda
- 23 Semper erant animo præsentia: simplice vero
 Gaudebam, fraudisque illo sub teste voluntas
 Libera, flagitium, & scelerum vitaverat artes.
- 24 Ergo mihi integræ fructum hunc decerpere vitæ
 Munificus dedit, & qui conspicit omnia justus
 Arbiter innocuam cumulavit munere vitam.
- 25 Quisque suis sibi te conformat moribus: erga
 Innocuum innocuus: te sentit amicus amicum:
- 26 Inque bonos bonus es: male cautas cautior artes
- 27 Artibus eludis: duro in discrimine servas
 Res humilis populi afflictas, oculique superbos
- 28 Dejicis elati fastus. Tu plebis ab imæ
 Cœtibus ereptum celebri me in luce reponis:
 Illustrasque meas claro splendore tenebras.

18. *Cæca fraus arte*] Cæcum est occultum, clandestinum, sive *ερατον*, quod sub aspectum non cadit, ita Psal. 27 *Fraus cæca sit formidini C.*

28. *Celebri me in luce*] Ita Cicero ad Q. Frat. inquit, *Eius virtutem non latere, sed in luce Asiae, in oculis clarissimæ provinciæ esse positam.* C.

- 29 Te duce perrumpo florentes ære phalanges,
Altaque turrigeri supero fastigia muri.
- 30 Scilicet, ut sanctus Deus est, sua signa secutis
Sancta salutiferæ pandit compendia vitæ.
Illiæ æterno quicunque effluxit ab ore
Sermo repurgato flammis sincerior auro est.
Ille suo clypeo fidâ spe pectora fulta
Protegit, adversisque vetat succumbere rebus.
- 31 Dicite, qui colitis piæ iudibria trunci,
Aut ebur in varias aut faxa excisa figuræ :
Ecquis in æthereo rerum moderatur olympos?
Frena alijs Dominus? quis terræ temperat orbem?
Alter, & invictâ quæ vult facit omnia dextrâ?

29. *Florentes ære phalanges*] Id est, splendentes. Arma enim exercitus, præsertim, sole lucente, late micant, & è longinquo conspicua sunt. Respexit autem hic Paraphrastes ad vetus illud, *florentes ære catervas*. Poëtæ vero epici, Servio etiam teste, verbo *florendi* variis omnino in rebus passim usi sunt, ut apud Lucretium sunt *florent alumina flammis*, id est, splendentia & late lucentia. Eadem. *Mare navibus, urbes pueris florent*. M. Manilius quoque nomen *flores* elegantissime ad stellas translutit. Sicuti Columella non minus eleganter nomen stellarum & siderum ad flores translutit terrestres. Quod enim in cœlo sunt stellæ, id in terra sunt flores, & è contrario. Versus Manilius lib. Astronom. hi sunt pænè in extremo.

Tunc conserta licet coeli fulgentia templæ
Cernere seminibus densis, totisque micare
Floribus, ut sicca currunt per littus arenæ.

Sic ἀνθεῖον quoque usurpant poetæ. Greci. Sic Ἀschylus ἀνθεῖος Homerus στέρπωτα πυρὸς dixit. Et Virg. *Semina flammæ*, alii *florem ignis* dixerunt, ut ad locum illum Manilius monet incomparabili patri similis filius Josephus Scaliger. C.

Phalanges] Phalanx proprie acies Macedonum quadrata octo peditum millibus constans in qua pes pedi, clypeus clypeo, vir viro consertus erat, qua nihil apud Macedones validius erat, ut lib. 9. Q. Curtius scribit. C.

30. *Sua signa secutis, &c.*] Suam militiam professis vitam rectam & breviter ad salutem ferentem ostendit. J.

- 32 Ille Deus vivâ mihi vi corroborat artus
Ostenditque viam maculosa labe carentem:
- 33 Me pedibus fecit celeri contendere cervo,
Et procul à s̄ævis subduxit in alta periclis :
- 34 Et tractare manu duro in discimine belli
Arma dedit facili : solidoque ex ære rigentem
Flectere, & inflexum confringere viribus arcum:
- 35 Ille salutiferi totum munimine scuti
Me tegit, & dextra nutantem fulcit & auget
- 36 Lārgus opis: perque insidiis obfessâ viarum
Pandit iter tutum, prohibetque per invia plantas
- 37 Offenso titubare gradu. Te, persequor hostes
Auspice, disjectos comprehendo: nec antè revertor
Quām cecidere animi fracta virtute minaces,
- 38 Affusique cadant pedibus, ne surgere possint
Rursus, & antiquas armis reparare ruinas.
- 39 Tu mihi diffundis vivum per membra vigorem,
Et validos crudo distendis robore nervos :
- Tu bellare doces: tu me quicunque laceffit:
- 40 Sternis humi, trepidosque fuga mihi disjicis hostes:
- 41 Clamantes nemo exaudit. Domini prece poscunt
Auxilium : aversam negat implorantib⁹ aurem:

36. *Obfessa viarum*] Pro viis insidiosè obfessis. Forma loquendi poetis & historicis non infrequens, ut *Ardua viarum, opaca locorum, angusta viarum, abdita locorum, cava saxorum, devia sylvarum, summa, vel invia mentium, lata camporum*, &c. Ita Psal. 96 dixit *prospera bellorum* sicuti Horatius, *peracuta belli* dixit. C.

38. *Affusique cadant pedibus*] Hūmique prostrati ad pedes meos concidant. J.

38. *Armis reparare ruinas*] Hoc Græcis est ἀναυαχεσθαι quod in extremis periculis propter desperationem s̄æpe saluti fuit, cum aut vincere aut mori pugnantibus est propositum. Ita autem affecti maxime sunt formidabiles. Huc referendum illud Virgilianum.

Una salus viatis nullam sperare salutem: C.

- 42 Hos ego, ceu versat boreæ violentia nubem
Pluveream, impello, & turbatis fervidus insto:
Et pedibus premo, ceu cœnum deforme lutosis
- 43 Conteritur triviis. Tu me sine nomine plebis
Contemtu erectum populos frenare superbos
Imperiō facis, & famulas mihi tendere dextras
Per longinqua jubes ignotas oppida gentes,
- 44 Attonitas famæ novitate, & nomine tantum
Auditō: & blandis verba assentantia linguis
- 45 Fingunt, nec tutis satis audent credere muris.
- 46 Laus, honor, imperium Domino, qui robore cinctum
Me tegit, incolumemque rapit de morte propinquâ:
- 47 Qui mihi perfidiam sceleratam ultricibus armis
Frangere dat, populosque facit parere volentes:
Securumque vetat belli trepidare tumultus.
- 48 Qui mihi præsidio est, populi quum sæva rebellis
Ira furit, mentisque malæ scelerata retundit
- 49 Consilia. Ergo feram latè tua facta per urbes
Finitimas: semperque meo celebrabere cantu,

42. *Boreæ violentia*] Prò ipso Borea violento. Ita Horat. *Virtus Scipiade & mitis sapientia Læli*. Prò ipso Scipione & Lælio. Vide Psal. 1. *Impietas*. C.

43 *Sine nomine*] Apud Hebræos viri celebres dicuntur *viri non-natus*, Virg. Æn. 2. *Nos aliquod nomenque decusque Gessimus*. i. e. aliquid famæ & honoris; itaque *sine nomine* est obseuro loco natus & nullius famæ.

43. *Famulas mihi tendere dextras*, &c.] Nationes incognitæ per urbes pròcul dissitas mihi supplicare cogis. *f.* *Famulus* adjectivum idem quod familiaris Ovid. 1. Fast. *Tradiderat famulas jani tibi Rhenus aquas*. Apud Lucanum lib. 4. *Dextra famula* i. e. famulantes.

47. *Parere volentes*] Obedientia voluntaria Regibus maxime optanda. Ut enim apud Salustium loquitur Sylla. *Tutius est violentibus quam coæctis imperitare*. Ita Virgilinus de suo Augusto *Jura volenti dat populo*. Invitis enim imperare, admodum grave et periculosest. C.

44 P S A L. XIX.
50 Sancte parens, Regem qui dura per omnia tutum
Este jubes, cumulasque opibus : plenoque favore
Ipsum, & perpetuum sobolem amplecteris in ævum.

P S A L. X I X. C A R M. G E N. vi.

David expositis documentis, quæ Deus in rebus creatis, & verbo suo exhibet, Deum orat, ut peccata ipsi condonet, deducat in sanctificationem spiritus, & ipsum acceptum habeat in Christo.

Insanientis gens sapientiæ
Addicta mentem erroribus impiis,
Tot luce flamarum coruscum
Cerne oculis animoque cœlum:
Hinc disce, prudens quam fuit artifex
Qui templo olympi fornice flammeo
Suspendit, & terræ capacem
Et pelagi sinuavit arcum.
2 Dies tenebras, & tenebræ diem
Semper prementes perpetuâ vice,
Non fortuito res caducas
Ire monent per inane lapsu
Sed tota concors fabrica personat
Dei tuentis cuncta potentiam,

1. *Insanientis sapientiæ*] Ita Horat. Ode 34 Lib. 1: Vocab Philosophiam Epicuri, speciem quidem Sapientiæ habentem, sed quæ penitus introspecta mera esset insania. Figura quam Rhetores vocant Acuti fatuum. Est enim, ut Quintilianus ait, sententia ex periculo petita, seu ita affectate & acute enuntiata, ut primo intuitu fatua videatur ; sed tamen postea peculiari cum acumine conjuncta deprehendatur. Ita Cic. Si tacent satis dicunt. Item Concordia discors. Fides perjura, Ebrietas sobria. C.

1. *Fornice flammeo*] Quid fornix in ædificiis sit notum est. Hic accipitur pro concavitate cœli stellis exornati & distincti. C.

1. *Pelagi arcum*] Indicat maris quasi globum, mare enim cum terra integrum globum constituit. C.

2 *Fortuito*] Penultima longa, ad imitationem illius Horatiani. Nec fortuitam spernere cespitem leges sinebant Ode 15. lib 2. Sic etiam 70 Gratuitum & similia pronuntianda esse confirmat genere & doctrina clarissimus ille Janus Dousa lib. 11 Praecidan ad Petronium Arbitrum. C. 3 Non

Non voce quæ paucorum ad aures

Perveniat strepitu maligno.

Nam nec remotis barbara finibus

Gens ulla terras incolit ultimas,

Quæ nesciat certâ meantis

Lege poli stabilem tenorem:

Quis nocte clarâ lumine flammeo

Semper micantes non stupeat globos?

Aut manè castris prodeuntem

Quum rutilo videt axe Solem?

Sive ille Eois fluëtibus exserit

Vultus decoros, sponsus uti novus

Auro resulgens, gemmeâque

Tempora conspicuus coronâ:

Seu quum fugacem præcipitans diem

Curru citato tempora dividit,

Artusque viresque impetumque

Centimano similis giganti.

Abusque Eoo Cardine ad ultimam

Metam occidentis sidera permeans

Obliqua, vitali calore

Cuncta creatque fovetque alitque;

Sed ordo rerum & conspicuus decor

Non sic tuentum lumina detinent,

Divina ut arcanis habenis

Lex animos ad honesta flectit;

Promissa frâudis nescia lubricæ

Splendore veri pectora roborant.

Hac plectitur culpa æquitate, ut

Pœna juvet recreetque damnum.

6. *Sidera obliqua*] Intelligit duodecim signa Zodiaei quæ Sol
otu proprio quotannis peragrat. C.

8. *Hac plectitur culpa æquitate*, Peccatum non jure summo, sed
juris moderatione punitur, ut supplicium delectet & reficiat
imnum eis, quibus culpa damnum dedit: mandata Dei cogni-
tione certa oculos aperiunt. 7.

- Puro recludunt lumine lumina
 9 Præcepta : puro religio nitet
 Verenda cultu, quam nec annis
 Cuncta domans minuit vetustas.
 10 Decreta fas & conscientia veritas
 Astans tabellis servat aheneis,
 Jucundiora melle, & auro
 Et aitidis potiora gemmis.
 11 Signata claustris pectoris intimi
 Servus tuetur jugiter hæc tuus :
 Non inscius custodientem
 Quam maneat numerosa merces.
 12 Errata mentis quis meminit vagæ ?
 Quæ deprehendet vis sapientiæ ?
 Ergo repurga quas refudit
 Clam maculas sinuosus error :
 13 Fac regna cordis ne sibi vindicet
 Vis impotentis dira superbiæ :
 Sic me malorum è maximorum
 Compedibus facile explicabis.
 14 Quæ lingua fundit verba, quod in sinu
 Secum volutat mens tacito, accipe
 Placatus, ô nostræ salutis
 Arx, Dominus, Deus & Redemptor.

11. *Jugiter*] *Fuge* est quod perpetuum aut continuum est. Horatius *Fluvius perennis jugis aquæ et Serm. 2. Sat. 6. Tecto vicini jugis aquæ fons.* id est, perenni scaturigine fluens. Hinc *jugiter.*

12. *Sinuosus error*] Simplex est veritatis oratio, sed mendaci perplexa & intricata cum sint multis involucris indigent. Rationem Metaphoræ vide Ps. 18. C.

C A R M. G E N. ii.

clesia Davidi contra Ammonitas proficisci, bene precatur suo & regis sui nomine, fiduciam suam in Deum prædicat, faustoque eventu prænunciato, res suas Christo Deo commendat.

Cuncta licet ferro late populetur & igni
Insana gentis barbaræ crudelitas,
Tu ne cede malis, sed contrâ audentior ito:
Moderator orbis audiet preces tuas:
Utque bonus dubiis Jacobum ad sidera rebus
Cum voce palmas proferentem exaudiit;
Annuet oranti, & te majestate verendi
Nominis ab hoste sospitem tuebitur.
Ex adyto sacro arcanis tibi viribus artus
Firmabit, animum de Sione fulciet:
Vota secundabit, memori tua munera mente
Servabit: omnis perlitabit victimam.
Protinus in cineres depausta holocausta resolvet
In astra volvens flamma lucem splendidam.
Ille aderit cœptis, casusque in prospera vertet,
Eventu finget omnia ex sententia.

2. *Adyto*] Intelligit partem templi intimam & sanctissimam uam phrasí Hebræa *Sanctum sanctorum* appellabant, unde responsa oracula olim reddebantur. 2 Æneid. *Isque adytis hæc tristia dicere reportat.* A δυω, id est, ingredior, hinc ἀδυτον locus inaccessus, si de templo Hierosolymitano loquamur, nemini patens, ræterquam summo sacerdoti. Hinc Lucretius per Metaphoram eganter dixit *Adytum cordis*. Et ipse paraphrastes Psal. 57 hanc locem ad cœlum, quod adyto templi significabatur, transtulit. C.
3. *Omnis perlitabit victimam*] Omne sacrificium tuum Deum placabit. f. Vide annotata ad Psal. 4.
3. *Protinus in cineres, &c.*] Ignis lucem claram in cælum circumflectens, victimasque totas flamma consumptas comburens, cinerem vertet. f.

- 5 Jam tibi plaudemus reduci, auctoremque salutis
Patrium canemus patrio ritu Deum.
Cuncta Deo grates fora, compita, templa sonabunt
Nomenque sanctum prosequentur laudibus.
Annuet ille pio quæcunque rogabitur ore,
Latumque precibus exitum iustis dabit.
- 6 Quin (scio, nec fallax animum mihi decipit omen,) Regem reducet solpitem Dominus suum.
Mittet opem, sancti reserans sacraria cœli,
Et præpotenti proteget te dexterâ.
- 7 Gloria sit Syriæ, turmas numerare curules,
Axesque curvis asperare falcibus:
Fidat equis, latèque vagis dicurset habenis,
Sonante Perses arva findens ungulâ;
Hi currus & equos jactent: nos rebus in artis
Dei potentis nomen invocabimus.

7. *Gloria sit Syriæ*] Gloriantur Syri se magno numero equitum è currū bellum gerentium ordines habere, lignaque inter rota trajecta ferro instar falcis incurvo teribilia efficere; populus Per sicus spem in equis ponat, rumpensque terræ solum equorum ungulis sonum edentibus, & nunc huc, nunc illuc flectens habenas, campos spatiatos vagis discursibus impleat. *F.*

7. *Axes asperare falcibus*] Indicat currus falcatores, quorum in bellis veterum usus erat. E curribus enim veteres pugnasse, ve ex Homero notum est. Idem in libro Iosuæ nominantur currif errei. Lucretius vocat falciferos, Livius quadrigas falcatas: qui etiam Decad. 4. lib. 7. in descriptione pugnae qua Romani Antiochum superarunt, quadrigas illas sic describit. *Armata, inquit in hunc maxime modum erant, cuspides circa temonem ab iugo decer cubita extantes, velut cornua habebant, quibus quicquid obvium dare tur, transfigerent;* & in extremis jugis binæ circa eminebant falce. altera aquata iugo, altera inferior in terram devexa, illa, ut quicquid ab latere objiceretur, abscederet, hac, ut prolapsos subeuntesque contingent: item ab axibus rotarum utrinque binæ eodem modo divergantur falcis. Eorundem meminit Quintus Curtius in pugna Alexandri et Darii. *C.*

- 8 Illis nec currus, nec vis præstabit equorum
 Ne scindat uncis vultur artus unguibus :
 Nos humiles favor æthereus penitusque jacentes
 Tollet, suoque sustinebit numine.
9 Tu servator opem fer : tu si respicis, arma
 Nec locia cupimus, nec timemus hostica:
 Respiciet, populique sui Rex optimus omni
 Vocatus horâ facilis audiet preces.

8. *Ne scindat uncis, &c.*] Ne aves voraces unguibus curvis
eorum membra discerpant. *F.*

9. *Hostica*] Pro hostilia, more Horatiano. *Illum ex mœnibus
hosticis.* Item, *Cædes & rabiem tollere civicam*, pro civilem. *C.*

*Exemplum precationis piorum subiectorum pro sui Magistratus salute
in summis præseriū periculis, quale istud fuit, quod occasionem huic
Psalmo tribuisse existimatur, descriptum:* 2 Sam. 10. &
1 Chron. 19. *Beza.*

P S A L. XXI. C A R M. G E N. iii.

*Populus gratias agit Deo, enarrans victoriam de hostibus Davidi da-
tam, quæque ipse accepérat ad vitam, salutem, gloriam præsentem,
& sempiternam pertinentia; hostium exitium prædicat, Deumque
orat ut procuret porro gloriam suam.*

Q uod hoste victo Rex triumphat gaudio,
 Curis solutus anxiis,
Tibi id fatetur, Rex beate cœlitum,
 Debere: tu laboribus
 Vires ferendis, tu dedisti è prælio
 Redire duro sospitem.

1. *Curis anxiis*] Curis homines anxios reddentibus.. *F.*

1. *E prælio redire duro*] Quicquid affligit & premit atque per-
cessu asperum & calamitosum est Durum vocatur. Ut imperium
lurum, mors, poena, servitus dura.

- 2 Nullam repulsam, voce quum te supplice
Rogaret, unquam adhuc tulit.
Nil in latebris pectoris reconditis
Spe concupivit irritâ.
- 3 Et vota supra, & ante vota, hunc omnibus
Vitæ bæsti conimodis.
Geminis coronam ferre & auro splendidam
Sacro dediti vertici.
- 4 Vitam poposcit: mortis illi est addita
Immunis immortalitas.
- 5 Tu claritatis auctor illi es, inclytâ
Per te refulget gloriâ.
- 6 Felicitatis ei favor dedit tuus
Exemplar ut sit posteris:
Mensura voti ut matribus sit, quum bene
Blandis precantur liberis.
- 7 Tu nempe spes & anchora es fiduciæ;
Tu portus in rebus malis.
Te fretus uno firmus omnem perferet
Sortis procellam turbidæ.
- 8 Tu perduelles comprehendes, tu manu
Pœnas reposces vindice.

3. *Et vota supra & ante vota*] Et ultra petitionem & antequam
peteret. *f.*

3. *Sacro vertici*] Capiti sacro oleo consecrato. *f.*

4. *Vitam poposcit, &c.*] Petivit abs te ut vivus & incolumis ex
bello evaderet vitaque mortis expers data est petenti. *f.*

5. *Tu claritatis, &c.*] Tu in lucem hominum illum protulisti,
te authore fama singulari celebratur. *f.*

6. *Mensura voti*] Accipitur pro quadam impletione & satieta-
te rei alicujus perfecta, quâ majus aut melius optari nihil possit. *C.*

8. *Tu perduelles*] Quos nos hostes vocamus, eos veteres per-
duelles vocabant, cujus exempla plurima sunt in Plauti Comœ-
diis, postea autem *perduelles* dicti sunt qui crimen aliquod ad-
versus Majestatem Principis aut Reipubl. commisissent.

9 Ceu flamma clausis æstuans fornacibus
Antiqua silvæ brachia

Vorat : furoris sic tui nefarios
Afflatus hostes hauriet.

10 A stirpe totam demetes propaginem
Semenque gentis impiæ.

11 Te namque contra moliuntur abditam
Fraudem scelusque perfidi :
Et mente pravâ vota versant irrita,
Et spes inanes concoquunt.

12 Te persequente, pallidi in fugam ruent,
Inhonesta tergo vulnera
Ferent : in ora, fata dum vitant fugâ
Rursus sagittas diriges.

13 O qui potenti frena rerum dexterâ
Versas perennis arbiter,
Exsurge, vires fac tuas ut hostium
Agnoscat insolentia :
Tum te piorum turba festis cantibus
Orbis parentem concinet,
Votis tuorum supplicum, placabilem,
Malisque formidabilem.

9. *Sylva Brachia*] Ita vocat arborum ramos poetice. C.

10. *Demetes*] à demeto demessui. C.

12. *Inhonesta tergo*, &c.] Plagas turpes retro accipient. Tu
tela in faciem eorum rectâ conjicies, dum fugiendo mortem de-
clinant : *f. Inhonesta vulnera*] Inhonestatis enim seu turpitu-
dimis & fugæ infamis signum est vulnus tergo aut poplitibus ac-
ceptum corpore scilicet non adverso sed averso. Hinc apud Catul-
lum sic laudatur Achilles.

Hostibus haud tergo sed fronte & pectore votus. C.

C A R M. G E N. iii.

Psaltes primum angustias & perpositiones infinitas Christi explicat : in quibus patrem invocans, ex fide exauditus est : deinde Proprietiam, Sacerdotium et Regnum illius sempiternum atque universale, ad Ecclesiam totam peruenturum docet.

- C**ur me relinquis, ô Deus ? Deus meus,
Cur me relinquis ? irrita
 2 Heu verba fundo : luce seu terras dies
 Retegit, vocantem me dies
 Frustra intuetur ; five nox silentibus
 Terram tenebris obruit,
 Nox me vocantem nulla non audit, meo
 Nox nulla questu non sonat.
 3 Tu sanctus ille civitatis incola es
 Sanctæ : Isaci nepotibus
 4 Tu carmen es : tu fida spes majoribus
 Nostris : salutem qui suam
 Tibi credidere, à te salutis compotes
 5 Abiere : salvi gratias
 Egere, duris qui tuam in malis opem
 Petiere : qui tuam in fidem
 Se dedidere, non tulere dedecus,
 Non hostium ludibria.
 6 At vermis ego sum, non homo : sum fabula
 Vulgi, infimorum opprobrium.
 7 Nam turba nostris obvia illudit malis :
 Nutatque, nictatque, & caput

3. Tu sanctus ille, &c.] Tu ille es augustus habitator Hierosolymæ tibi dicatæ. *F.*

7 *Nictatque*] *Nictare* est oculis signum dare aut connivere Plaut. Asinaria Nec illa ulli homini nutet, nictet, annuat. *Nictantia quoque sidera* dixit Maro, videntur enim connivere. *C.*

Motat:

- Motat; labella exporrigit : ludibria
Verbis acerbat asperis.
En ille Domino carus, en fiduciâ
Securus ille numinis :
Nunc servet illum, nunc periclis eruat,
Quem tanto amore amplectitur.
O Domine, tu me protinus susceperas
Alvo parentis editum.
De te pependi spe, parentis pendulus
Infans adhuc ad ubera.
Abusque partu tu Deus meus: tuus
Ex matris alvo me favor
Est prosecutus : ultimo in discrimine
Jam ne recede longius.
Discrimen instat ultimum : mortis metu
Cessere amici territi.
Tauri efferati, tauri obesi me undique
Circumdedere : faucibus
Hiant, leonum more rugientium,
Quos incitat spes & fames.
Rivi cruxoris corpus omne perlungunt
Exsanguie : laxat artuum
Compago nexus : pectus intra liquitur,
Ut sole cera, cor metu.

11. *Mortis metu cessere*] Necessarii mei vitæ suæ timentes tre-
di a me discessere. *J.*

12. *Tauri efferati*] Homines instar taurorum feri. *J.* *Efferati*]
ferare est aliquem irritando & molestando instar feræ ferocem
immanem efficere. *C.*

14. *Laxat artuum, &c.*] Junctura solvit ligamenta membro-
n. *J.*

14. *Liquitur*] Id est, liquefcit, ad imitationem Virgili.
org.

Vere novo canus gelidus cum montibus humor,
Liquitur & Zephyro putris se gleba resolvit. *C.*

- 15 Exaruere testæ ad instar coctilis
 Defecta membra viribus :
 Rigens adhæsit lingua siccis faucibus :
 Jam sto sepulchri ad aggerem.
- 16 Me rabidi ab omni parte latratu canes
 Urgent, petuntque dentibus.
 Mihi pessimorum sæva conspiratio
 Manusque fodit & pedes :
- 17 Et ossa numerant, ossa traluentia
 Per corporis tensi cutem.
 Tormenta postquam cuncta consumsit furor,
 Animus adhuc irâ tumens
 Se pascit, oculos satiat, & fruitur meis
 Læto in malis spectaculo.
- 18 Partiti amictus sunt meos, tunicæ meæ
 Fecere sortes arbitras.
- 19 Tu Domine, saltem ne recede, ne malis
 In ultimis me defere.
 Tu robur unus, tu mea es potentia :
 Accurre, festinus meæ
 Succurre vitæ : destitutum ab omnibus
- 20 Defende : sævorum hostium
 Ferrum cruentum pelle : vim rabidam canum
 21 Inhibe : leonum spumeos
 Compesce rictus : cornua unicornium
 Confringe : serva supplicem.

15. *Defecta viribus*] Virbius destituta Martialis.

Dulcia defecta modulatur carmina lingua

Cantator Cycnus funeris ipse sui,

Hinc defectus facultatibus in jure civili ab Ulpiano dicitur ad eg-
 tem redactus, ut creditoribus satisfacere non possit. C.

17. *Traluentia*] Pellucida, a transluceo. C.

20. *Sævorum hostium, &c.*] Inimicorum crudelium arma cr-
 delia prohibe. f.

21. *Leonum spumeos, &c.,*] Ora leonum iratorum cohibe.

- 2 Tum morte vi>a fospes auxilio tuo,
Narrabo fratribus tuum
Nomen, piorum prædicabo cœtibus
Robur, fidem, constantiam.
- 3 O mente purâ qui Deum colitis, Deum
Laudate puris cantibus.
Semen Jacobi, magnitudinem Dei
Celebrate festis laudibus :
Erga fideles numinis clementiam
Agnosce, proles Isaci.
- 4 Non sprevit inopis ille solitudinem,
Non pauperum fastidio
Avertit ora : me vocantem exaudiit,
Vitæque dulci reddidit.
- 5 Ergo per oras ultimas mundi tuas
Sonabo laudes : gentibus
Te prædicabo : vota te timentium
Præsente solvam Ecclesiâ.
- 6 Edet modesta turba fraudis nescia
Vocata sacras ad dapes ;
Epulisque functa, ac satura dulci ne>are,
Laudabit au>torem Deum :
Deum sonabit, qui vigore flammeo
In corda se quærentium
Se tantus infert, mortis ut procul metu
Perennè viva gaudeant.

4. *Non pauperum fastidio, &c.*] Tædio tenuum auxilio carent
in faciem suam ab eis aversam non retorsit. J.

6. *Edet modesta, &c.*] Homines animo neutiquam elato &
plices comedent ad epulum sacrum iavitati, cœnatique &
ina potionе fatiati, Deum epulas eas exhibentem prædicabunt,
um carmine celerabunt, qui tanta vi se insinuat in animum
ngenti se scrutantium, ut perpetuum viventes securi læten-
J.

- 27 Ergo excitata tam novo spectaculo
 Tellus ab oris ultimis,
 Quàcunque colitur, colla sub Domini jugum
 Submittet : illi servient,
 Pronæque Domino supplicabunt omnium
 Omnes familiæ gentium.
- 28 Nam sempiterno jure Domino competit
 Regnum triformalis machinæ.
 Ille universis imperabit gentibus.
- 29 Rerum potentes illius,
 Mensæ accubabunt, & sacri convivii
 Dapibus referti sub jugum
 Cedent volentes : fletet illi poplitem
 Pauper sepulchri in limine,
 Qui membra fessis artubus languentia
 Fugiente vita vix trahit.
- 30 Illumque longa posteri propagine
 Colent, suisque posteris
 Per longa deinceps nunciabunt sæcula
 In me favorem numinis.
 Hoc semen illi serviet, gens illius
 In posterum hæc censembitur.

27. *Quacunque colitur*] Ubiçunque homines habitant. *f.*

28. *Nam sempiterno*, &c.] Nam imperium mundani opifici
 quod cœlum, terram, & mare continet lege perpetua Domin
 competit. *f.*

P S A L. XXIII. C A R M. G E N. xiii.

Propheta, Deum pastorem suum agnoscens, & se vicissim illius over
docet quam magna & certa sit Dei providentia erga suos; & de f
turo animum suum confirmat.

Quid frustra rabidi me petitis canes ?
 Livor propositum cur premis improbum ?
 Sic :

Sicut pastor ovem, me Dominus regit :

Nil deerit penitus mihi.

2 Per campi viridis mitia pabula,

Quæ veris teneri pingit amoenitas,

Nunc pascor placide, nunc saturum latus

Fessus molliter explico.

Puræ rivus aquæ leniter astrepens

3 Membris restituit robora languidis,

Et blando recreat fomite spiritus

Solis sub face torrida.

Saltus quum peteret mens vaga devios,

Errorum teneras illecebras sequens,

Retraxit miserans denuò me bonus]

Pastor justitiæ in viam.

4 Nec si per trepidas luctificâ manu

Intentet tenebras mors mihi vulnera,

Formidem duce te pergere : me pedo

Securum facies tuo.

5 Tu mensas epulis accumulas, merum

Tu plenis pateris sufficis, & caput

Unguento exhilaras : conficit æmulos,

Dum spectant, dolor anxius.

5 Me nunquam bonitas destituet tua,

Profususque bonis perpetuò favor,

Et non sollicitæ longa domi tuæ

Vitæ tempora transigam.

3. Et blando, &c.] Vitalemque respirationem aëre seu fotu jundo sub vehementi solis calore reficit. *F.*

4. Trepidas tenebras [Quæ horrorem & trepidationem concitant, Metalepsis. *C.*

4. Pedo] Pedum propriè est baculus pastorius incurvus. *Virg.*
It tu sume pedum. *C.*

Propheta regni Dei universalis in res creatas exposito, singulare regnum in ecclesia (cuius notas apponit) explicat, & eam ad honorifice convenienterque excipendum regem Christum adhortatur.

- T**ota quidem Domini terra est, & quicquid ubi
Vel parca celat, vel benigna sufficit (que
Quique colunt montesque feros, camposque feraces,
Urbesque sanctis temperatas legibus.
 2 Ille super pelagus solidum connexuit orbem,
Stabilis ut undas inter instabiles foret,
Et toties rapidis pulsatus fluctibus, omnes
Compagie firmâ sustineret impetus.
 3 Cuncta igitur Domini meritò sunt: sed tamen unam
Sedem sibi ille dedicavit propriam.
Ecquis èò scandet? cuive hæc permissa potestas?
Loco ut beatum sistat in sancto gradum?
 4 Cui manus & mens est ihsous, nec vana volutat
Animo, nec ulli damna perjurus dedit.
 5 Huic Dominus donabit opes: hunc numine dextro
A vi procacique eruet calumnia.
 6 Hæc vera est pietas, hâc itur ad æthera, veri
Sic intueri numinis vultum licet.
 7 Eia aditus referate, fores agè pandite, portæ,
Portæ perennes sempiternæ regiæ;
Claustra revellite, limina pandite, magnus ut intret
Rex ille, multâ clarus ille gloriâ.

1. *Totâ quidem, &c.*] Universus terræ orbis ad Dominum spectat & quascunque res tellus vel avara quovis loco abscondit, vel liberalis hominibus suppeditat. *f.*

2. *Ille super pelagus, &c.*] Deus firmum terræ globum firmè vinxit & pontum ipsum supereminenter. *f.*

- 8 Quis novus hic sanctis succedit sedibus hospes?
Quis iste multa est inclitus Rex gloria?
Ille potens latè Dominus dextraque opibusque,
Belloque multa nobilis victoria.
- 9 Eia aditus reserare, fores age pandite, portæ,
Portæ perennes sempiterna regiæ;
Claustra revellite, limina pandite, magnus ut intret
Rex ille, multa clarus ille gloria?
- 10 Quis novus hic sanctis succedit sedibus hospes?
Quis iste multa est inclitus Rex gloria?
Ille potens armis numerosoque agmine duxor,
Hic ille multa est inclitus Rex gloria.

P S A L. XXV. CARM. GEN. XIV. M.

David ab adversariis oppressus, petit a Deo doceri; peccata sua condonari: in borum expectatione se confirmat, fretus Dei bonitate & testimonio fidei suæ: postremo, sibi totique Ecclesie postulat liberationem a metu.

- H**ic fidat armis, plebe se clientium
Defendat alter, militumque copiis!
A te, creator orbis, uno spes mea
Pendet, malisque in rebus unum respicit.
- 2 Tu, sancte genitor, effice insolentibus
Ne spes inanes risui sint hostibus.
- 3 Sic me pudore liberabis: nec rubor
Confundet ora cæteris, in te lux:
- Qui collocarunt anchoram fiduciæ.
Frustretur illos spes, & irritæ spei.
Pudor dolorque torqueat, qui sordium
Amore sese sordibus contaminant,
- Bonosque nulla provocati injutian
- 4 Vexare gaudent. Mihi per anfractus vagos
Vitæ, salebras inter & tenebras, iter

Ostende rectum, & erutum sequacibus

5 Erroris undis prævio lucis tuæ

Splendore deduc veritatis in viam.

Te nempe ab uno pendo spe ; te Deum

Unum & salutis columen agnosco meæ.

6,7 Si torta vitiis forte morum regula

Deflexit, error si fefellit lubricus,

Fracia illecebris si voluptatis malis

Incauta vitiis se juventa polluit ;

Benignitatis tu tuæ memor tamen,

Et lenitatis, (qui parentes mollibus

Frenans habenis, usque ab incunabulis

Orbis paternâ es usus indulgentia,)

Miserere : nostris quod negares moribüs,

Tuæ negare non potes clementiæ.

8 Nec denegabis : nec precantes bona bonus

Vacuos repelles : nec viam poscentibus

Rectam aberis unquam recti & æqui regula.

9 Tu mitis animi amplecteris modestiam,

Docesque recti & improbi discrimina.

Tu dux comesque tuta per compendia

Ducis carentem fraude manuetudinem :

10 Peccata bonus & facilis oblisceris :

Promista solvis liberali dexterâ :

Minuitque pœnas mitis indulgentia :

5. Sequacibus, &c.] Quæ velut flæctus erroris me sequuntur. f.

6. 7. Si torta vitiis, &c.] Si lex vitæ rectrix casu aliquo curvata delictis, à recto aberravit : si lapsus per ignorantiam facile inducens ad cadendum me deceperat, si stulta juventus à recto deflexa malis vitæ mollioris avocamentis sese peccatis contaminavit) tu tamen liberalitatis & clementiæ tuæ memor, (qui majores nostros leniter & moderatè cohibens, à mundi creatione, eo erga illös, quo patres erga liberos favore usus es) tu, inquam, Jehova, parce nobis, quodque, nobis vitiosis non dares, non potes lenitati semper tibi assuetæ non concedere. f.

Fides

Fidesque dictis stabilis erga omnes adest
 Qui pacta sacri fœderis non negligunt.
 Hanc ut nepotum secula mansuetudinem
 Noscant, tuique nominis se gloria
 Latè per omnes fundat orbis angulos;
 Ignosce nostris mitis erratis patens,
 Quæ multa inussit ægritudo, & impotens
 Amor, regique contumax ira & dolor,
 Errorque veri non acutus arbiter.

12 O ter beatum, mente qui pura Deum
 Veneratur: illi, qualemque amplectitur
 Vitæ institutum, dux adest semper Deus,
 Rectorque, & omnes actiones prosperat.

13 Securus animus anxio procul metu
 Cunctis fruetur affluenter cœpiis:

Stirpisque series longa firmabit domum,
 Genusque multa floridum propagine
 Opes paternas ad nepotes transferet.

14 Quin & piorum mentibus mysteria,
 Contemta pravis, impiè sapientibus

Occulta, Dominus luce proferet sua;
 Et sacrosancti fœderis scientiam

(Quæ sola vitæ dux beatæ & regula est)

15 Docebit. Ergo, Rex beate cœlitum,
 Te mente solum quæro, nusquam lumina

11. *Hanc ut nepotum, &c.]* Ut posteriorum ætas clementiam ifam intelligat, secundaque nominis tui fama sese per omnes mundi partes dispergat, da veniam, pater lenis, peccatis, quæ multa animi anxietas, amor infrenis, indignatio rectu difficultis, inœstitia lapsusque ex ignorantia malus veritatis judex, in animis nostris impressit. *f.*

14. *Mysteria]* Muēs id est in sacris instituo & instruo. Item unde μυστικόν est in latibula se abdere. Significat quoque os comprimere seu mussitare. Hinc mysterium accipitur pro re sa & arcana & occultam significationem habente. *C.*

Abs te reflecto : tu pedes solus meos
Hostis dolosis erues è retibus.

- 16 O sancte custos hominum, amico lumine
In me intuere, & destitutum ab omnibus
Inopemque sanctâ me tuere dexterâ :
- 17 Curisque, mentem quæ perurunt plurimæ,
Novisque semper differunt doloribus,
- 18 Exsolve : pœnis usque & usque immanibus
Exercitato, & obruto laboribus,
Ignosce : culpas mitis obliuiscere.
- 19 Heu quanta vis me factionis impia
Persequitur armis ! quanta me crudelitas
Inexpiatò querit odio perdere !
- 20 Tu me periclis libera : tu protege
Ejus salutem ab hostium iudicio,
Omnem salutis qui locavit spem suæ
- 21 In te, nec aliis fidit opibus quam suæ.
Integritatique & tuæ clementiae.
- 22 Gens quæ tuarum jussa legum amplectitur,
Fac undequaque tua sit te vindice.

Exemplar quotidianarum precum Ecclesiæ & singulis sanctis præbet l
Psalmus : in quo tria petuntur, & quidem ex fide in patefactas n
bis promissiones respiciente, ac sese superioribus experientiis confi
mante. Unum, peccatorum remissio gratuita. Alterum, ut a Spn
tu sancto, regamur in reliquo vita cursu. Tertium, defensio adve
sus hostium injuriæ. Quæ tria respondent precationis Dominica vi
bis, quibus petimus remitti nobis peccata, ne inducamur in tentat
ionem, & ut liberemur a malo. Beza.

P S A L . XXVI. C A R M . G E N . XV.

David ab hostibus pressus ad Deum judicem confugit, fidem suam
vita innocentiam probat, ideoque & liberari ab angustiis, & gra
am consequi expetit, ad glorificendum Deum.

ME vi tyrannus persecutur palam,
Me clam malignâ fraude calumpnia :

Te, qui latēbras pectoris inspicias,
Appello, rerum conditor optime:

Mens fraudis expers, & manus innocens,
A vique pura & flagitio: in Deo
Spes fixa, fortis qui violentiam
Me savientis non sinet opprimi.

Renesque flammis & penetralia
Scrutare cordis, cæaque sensuum
Arcana, fustum cœu calidis focus.
Explorat aurum callidus artifex:
Mentem videbis munificentia
Quæ dona nunquam non meminit tuæ:
Actæque leges puriter ad tuas
Vitæ carentem flexibus orbitam.

Procul facessat, nec socium sibi
Me vana speret lingua: procul domo
Nostra recedat qui didicit suos
Fucare sensus pectore subdolo.

Odi scelestum concilia; impios
Cœtus veneno pejus abominor:
Quorum resultant pectora gaudio,
Quum perpetrarunt facta nefaria.
Sed mente pravi non sibi conscientia,
Lotusque puris fontibus, ad tuas
Aras adibo, lætus & offeram
Lætæ choreæ dux tibi victimas.

2. *Penetralia*] Penetrale propriè interior pars domus & apud estum *Penetrale sacrificium* dicitur quod interiore parte sacrarii inficitur.

4. *Fucare sensus, &c.*] Longe a familia mea abeat, qui fraudulenta mente novit cogitationes suas falsis coloribus velare. *F.*

7. *Tympana*] *Tympanum* est fustis, quo aliquid percutitur. *c* etiam τύπανον a τυπτω. 2. *Instrumentum teres*, quod platurique superficie est, & pulsari solet soni ciendi causa. *C.*

- 7 Te nostra pangent tympana, te lyra,
 Te vox canoro consona tympano,
 Lyraque; cœtuque in celebri tua
 Miranda pandet facta nepotibus.
- 8 Tectumque, nomen quo canitur tuum,
 Ædemque, numen quâ colitur tuum,
 Mens ardet: absentem retrahunt tux
 Quæ templa celant pignora gloriæ.
- 9 Hæc ossa tellus ne sine ut obruat
 Inter cruentos barbara barbaros,
- 10 Qui fraudulentâ mente coquunt scelus,
 Captant avara munera dextera.
- 11 Ego institutum carpere tramitem
 Pergam innocenter: tu proprius meis
 Aurem benignus questibus admove,
 Ac me periclis tristibus assere.
- 12 Per plana firmo quod gradior pede,
 Quod recta sector, muneris est tui:
 Ergo salutis te columen meæ
 Cœtu in celebri laudibus efferam.

6. *Choreæ*] χορέα est saltatio cum cantu et χορευον locus ubi cum cantu saltatur.

S. *Tectumque, &c.*] Animus ardentiamore prosequitur domum illam, in qua laus tua cantatur, templumque, in quo tua maiestas divina colitur; sacrarium autem illud, quod majestatis tua monumentum continet, domum me revocat procul ab Hierosolyma degentem. f.

P S A L. XXVII. C A R M. G E N. iii.

David ab ecclesia aspectabili exul, fiduciani in Deum adversus omni pericula prædicat; se eadem fide consolatur, Dei gratiam, opem documenta, ductum & liberationem petit, seque & ecclesiam ad confirmandos in Deo animos hortatur.

Deus in tenebris quum mihi præluceat,
 Vitamque muniat meam,

Qu.

Quæ vis aperta terreat me? quæ mihi
Fraus cæca sit formidini?

- 2 Adversus unum quum scelestæ factio
Cunctas parâfset copias,
Dolosa letho quæ tetenderant meo
Ipsi incidere in retia.
- 3 Si comminentur castra, si minacibus
Infesta telis agmina,
Securus animi specto castra, prælia
Timore liber intuor.
- 4 Unum expetivi, & usque & usque id expetam,
Curis ut exemptus malis,
Sim sacrosanctæ semper ædis incola,
Augusta mirer atria,
Deoque laudes personem, artus dum regit
Vitalis auræ spiritus.
- 5 Tum me sub umbra conditum tentorii
Celabit, & periculis
Procul remotum, rupis abruptæ velut
In arce positum, muniet :
- 6 Ac ne relicturn nunc quidem impiæ sinet
Vi factionis opprimi.
Victorque solvam vota, nec victoriæ
Auctor mihi tacebere.

3. *Si comminentur, &c.*] Si exercitus mihi periculum intentet; si acies adversum me prodiens armis mortem mihi comminantis minas intonet, exercitus absque metu specto acies quoque ntrepide video. *F.*

3. *Intuor*] Antiquè profintueor. Plaut. *Mostellaria Nullam coricem intuor.* In præterito intutus vel intuitus sum, Infinitivo intui. *C.*

4. *Augusta mirer, &c.*] Exterioremque partem ejus venerans, cum admiratione cernam, Deumque canam dum respiratio quæ auræ adinstar est corpus hoc animans gubernat. *F.*

- 7 Audi invocantem supplicem, & fractum malis
 Bonus favensque subleya.
- 8 Te mens anhelat, vultus ad vultum tuum
 Intentus usque respicit :
- 9 Ne conde vultus lumen à me amabilis,
 Neu me in tenebris defere.
 Servum per iram ne sine opprimenti tuum :
 Vitamque, quam debet tibi,
 Tuere ab hoste & è periclis eripe,
 O spes salutis unica.
- 10 Me cari amici, me propinqui, me pater,
 Me blanda mater liquerat :
 At non reliquit, qui pios in asperis
 Non deserit rebus, Deus.
- 11 Parens benigne, me vias doce tuas,
 Rectaque deduc semitâ :
 Ne vis metusque ab hoste me deterritum
 De calle recti detrahatur.
- 12 Ne me impiorum obnoxium libidini
 Relinque. Testes impii
 Fingunt malignè fallâ de me crimina,
 Armantque se mendaciis.
- 13 Mens viâ tantis jam fatisceret malis,
 Ni spes foveret me tuæ
 Benignitatis, post labores anxios

9. *Vitamque quam debet tibi*] Bella phrasis, qua uti possumus, cùm alicuius erga nos benificentiam volumus agnoscere & celebrare, & omnia nostra illi accepta referre. Ita dicimus *Salutem, incolumitatem, dignitatem & felicitatem suam alicui debere.* C.

13. *Fatisceret*] Fatisco quasi fatim vel affatim hisco, id est, a. prior, χαίρω Virg. Æn. I. Accipiunt inimicum imbrem, rimisque fatiscunt. id est, valde aperiuntur. Alias idem quod deficere aut lassescere significat ut apud Lucretium *Animæ natura fatiscit Fessa ævo.* Item Psal. 104. *Te vultum condente fatiscunt.* C.

Mox affuturum gaudium.

Vivusque vivos inter ipse commoda

Vitæ beatæ præstolor.

14 In rebus ergo turbidis ne concide,

Sed fortis usque sustine :

Te roborabit Dominus, & cor fulciet ;

Tu fortis usque sustine.

13 *Præstolor*] *Præstolor* est quasi *præstò* esse & apparere. A *præstò* *præstolus*, unde *præstolari*. Hic simpliciter pro *exspectare* accipitur. C.

14. *In rebus ergo turbidis, &c.*] Dum igitur res sunt turbulentæ noli animum despondere. f.

P S A L. XXVIII. C A R M. G E N. xvi.

David ab hostibus pressus, Deum orat pro salute sua, & illorum exitio; salute accepta, Deum celebrat, suo & Ecclesiæ nomine, totique Ecclesiæ bene precatur..

Princeps stelliferis altior orbibus,
Vitæ præsidium & certa salus meæ,
Aurem suppliciis da facilem meis,
Ne siam similis busta petentibus.

2 Audi vota, parens, quæ tibi profero
Supplex cum gemitu, brachia porrigens

1. *Suppliciis*] Hac voce propriè utitur in fine versus 4 hujus Psalmi. In hoc autem versu, more Sallustiano, pro supplicationibus eam usurpavit, sic enim Sallustius cum saepe alibi tum in Catilina. *Non votis neque suppliciis mulieribus deorum auxilia parantur, sed vigilando, agendo, bene consulendo prospere omnia cedunt.* Ubi *socardiae te atque ignavia tradideris, nequidquam deos implores, irati infestique sunt.* Idem in Jugurtha *Senatus ob ea feliciter gesta diis immortalibus supplicia decernere, Ita dixit Ps. 102. Aures suppliciis nunc adhibe meis.* Eodem modo, *Obsidium, pro obsidione, dixit, Cor. Tacitus.* C.

- Ad cœlum tremulis pervigil ignibus,
Cœlum templa tuæ conscia gloriæ.
- 3 Ne me connumera cœtibus impiis,
Neu tanquam socium plecte nocentibus :
Quorum blanditiis illita mollibus
Lingua est, mens gelido livida toxicō.
- 4 Illis nequitiæ præmia sint suæ,
Et merces studiis æqua nefariis :
Pro semente legant semina, pessimis
Dignum consiliis supplicium luant.
- 5 Non his consilii provida vis tui
(Qui me conspicuis tollis honoribus)
Infectasve manus à scelere avocat,
Aut infesta odiis pectora mitigat.
- Ergo nec series longa propaginis
Floredit, patrias nec sboles opes
Longæva accipiet: sed celeri genus
Clades exitio proruet ac domum.
- 6 Laus rerum Domino, qui precibus meis
7 Se non difficilem præbuit: hinc meæ
Vires, hic clypeus rebus in asperis :
Hinc spes, auxilium hinc non dubium in malis.
Hinc cor gestit ovans: carminibus tuas
- 8 Laudes ora sonant: qui populum tuum
In rebus trepidis protegis, & tuum
Regem ex infidiis omnibus eripis.

2. *Cœlum pervigil*] τὸ περβιγιλ in genere neutro posuit. Et de stellis, tanquam de cœli oculis, tota nocte excubias agentibus eleganter & poeticè sic locutus est. C.

4. *Pro semente legant semina*] Respexisse videtur Poeta hæc scribens ad Apothegma quoddam. M. Pinarii, recitatum a Cicerone in secundo de Oratore his verbis : Ut olim Rusca cum ferret legem annalem, dissuasor M. Servilius, Dic mihi, inquit, M. Pinnari, num, si contra te dixero, mihi maledicturus es, ut ceteris fecisti ? Ut sementem feceris, ita metes, inquit. C.

Custodi populum, Rex hominum, tuum :
 Hebri fac soboles largiter omnibus
 Vitæ continuo fructibus affuat,
 Donec perpetuum sol referet diem.

9. *Hebri*] Heber pronepos Semi fuit à quo posteros omnes
 iectos volunt Hebræos, Genes. 11. Luc. 3. vixit annos 464. Aliis
 non ab Hebero certo aliquo viro dicti videntur Hebræi, sed poti-
 s ab Habrami nomine non proprio, sed cognomine, quod apud
 Chananaeos habebat, cum tranator vel transvectus est dictus, eò
 nōd, vocante Domino, è Babylone & Mesopotamia esset egressus,
 & fluvium Euphratem transiisset, & perpetuo, ex uno loco in
 illum commigraret. Ita Genes. 39. de Josepho dicitur, *Venit ad*
me servus Hebraeus ut illuderet mihi. Non quod jam tum esset
 opulus aut natio tali nomine insignis, sed quod Josephus inter
 Egyptios & servus & peregrinus esset, quorum utrumque major
 modestia deceret. Hebræi, vero ipso hoc nomine & conditionis
 nrae in his terris & de meliori & certiori patria in cœlis quærendâ
 nōnebantur. C.

P S A L. XXIX. C A R M. G E N. XV.

Propheta hortatur Principes ac potentes huius mundi ad prædicandas
 Dei laudes, propter documenta naturæ, ac nominatim tonitruum; &
 propter documenta gratiæ, quam cum ecclesia sua communicat ver-
 bo.

Seu dives auro es, sive opibus potens,
 Seu marte partâ clarus adoreâ;

1. *Adorea*] Vox usurpata ab Horatio Ode 4. lib. 4. *Qui pri-*
nus alma risit adorea, quam vetus interpres laudem bellicam sig-
nificare ait, quæ victores faciat adorandes. Festus autem Pom-
peius de eadem voce hæc habet: Ador farris genus, hinc adoream
zudem sive gloriam dicebant; quia gloriosum eum putabant esse, qui
farris copia abundaret. Adorea autem pro laude accipi cœpta est, post-
quam præmium militibus frumentum erat partæ victoriae. Hinc Plin.
ib. 18. cap. 3. Gloriam inquit, ipsam a farris honore adrean ap-
pellabant. Et Plaut. *Qui multa præda atque adrea affect populares*
nos. Unde adreas idem quod εὐσόζω;. Joseph Scaliger in
 Agnosce

Agnosce numen gratus, & huc refer
Quæcunque lætum ducis ad exitum.

2 Huic pange laudes, & prece supplice
Rerum parentem concilia : & Dei
Nutu regentis stelliferam domum
Dignare justis nomen honoribus.

3 Cujus liquentes vox gravida pluit
De nube rores, terrificos ciet
Cœlo tumultus cum tonitru, maris
Turbata ventis concitat æquora :

4 Vox dignitatis plena, nec irritæ
Unquam ad patrandum iussa potentia;

5 Nudare cedris seu Libanum juvat,
Celsasque ventis sternere fraxinos :

6 Seu vincta saxis saxa revellere,
Notisque montes sedibus erutos
Versare, taurum ut verna per avia
Vexat juventæ læta protervitas.

7 Ad vocis iætum rubibus exsilit

8 Elisus ignis : tcsqua Arabum tremunt :

9 Feræ pavescunt : ante diem fluunt
Partus acerbi : robora concidunt.

Quæcunque tempio cœlum habet aureo,

4. *Ad patrandum*] Patrare idem est, quod perficere, aut a finem perducere, Græcè διαπαττεῖν. Cic. 2. de legib. Opere patrare. Epist. ad Artic. Promissa patrare. Salust. Jugurtha, S. patrandi bellum omnes asperitates vincere. C.

8. *Tcsqua*] Vox antiqua Sabinorum, significans loca deserta inculta & aditu difficultia Hor. Epist 14. Deserta & inhospita tcsqua His contraria sunt Tempe. C.

9. *Ante diem fluunt, &c.*] Immaturi hominum & animalium fœtus abortum patiuntur, f.

9. *Robora concidunt*] Robur species quercus durissimæ e Hor. Illi robur & as triplex, &c. C.

Quæcunq'

Quæcunque tellus dædala sustinet,
Quæ celat undis æquor in abditis
Dei fatentur cuncta potentiam.

○ A voce vindex pontus inhorruit,
Undisque montes obruit, arbiter
Æterne rerum, quum libuit tibi
Delere gentes fluctibus impias.

I Te dante vires, non opibus feros
Horremus hostes, non numero graves :
Te dante pacem, progeniem Isaci
Cornu beabit divite copia.

9. *Tellus Dædala*] Quicquid varium & artificiosum est, id oetæ vocant Dædalum, Lucret. I *Tibi suaves Dædala tellus subittit flores, &c.* De hac voce Festus: *Dædalum a varietate rerum artificiorumque dictam esse apud Lucretium terram, apud Ennium Linervam, apud Virgilium Circen,* facile est intelligere, cum Græce αἰσθαλεῖν significat variare. Ita Psal. 102. dicit: *Mundi Dædala achina.* Hinc δαίδαλητα opera sunt artificiosa, Pindaro. C. 10. *A voce vindex, &c.*] Mare hominum scelera puniens, à voce tua, judex omnium, commotum est, quisque altissima quæ teræ occuluit, cum visum est tibi homines sceleratos aquis distinguere: f.

P S A L. XXX. CARM. GEN. vi.

avid laudat Dominum quod se a morte per hostes intentata liberavit; pios ad eius laudes celebrandas hortatur: calamitates & instaurationem sui a Deo factam narrat, eique votum laudis exhibet.

TE nostra semper carmina, te lyra
Sonabit, orbis conditor optime :
De faucibus lethi imminentis
Incolumis tibi vota reddam.

Per te superbus nec lacrymis meis
Insultat hostis, nec fruitur malis :

- 2 Te rebus, incertus salutis,
Auxilium in dubiis poposci.
Per te receptis viribus haurio
Vitalis auræ lumen amabile :
- 3 Nec inferum sub nocte longa
Et tenebris jaceo sepulchri.
- 4 O turba puris dedita ritibus
Sacrisque castis, tollite laudibus
Placabilem votis parentem,
Et memori celebrate plectro.
- 5 Vanescit iræ vindicis impetus
Bullæ fugacis more : Dei favor
Bonis manu vitam benignâ
Tristitiæ vacuam rependit.
Si forte sero vespere fletibus
Vultus rigamur, mox reddit aurea
Cum luce risusque, & jacentes
Exhilarans animos voluptas.
- 6 Pacis beatæ cum fruerer bonis,
Mecum loquebar : De stabili gradu
Felicitatis nulla fortis
Me dubiæ quatiet procella.
- 7 Te dante vires, divitias, decus,
Te montis instar mœnibus æneis
Firmante regnum, vanum alebat
Credulitas mihi blanda fastum :
Tu, me reliquo, stultitiæ meæ,

4. *Plectro*] Vox origine Græca, significat enim πληκτρον aculeum vel calcar. Significat etiam vox eadem radiolum, calatum aut paxillum, quo fides seu chordæ citharæ pulsantur. Postea etiam nomen plectrum datum est arcuulo illi setis equinis tenso, qui resina illitus, & chordis susque deque affricatur, eas sonoras facit. Accipitur & pro ipsa lingua, quæ in formanda voce articulata quasi plectri officio fungitur. C.

Dextram retraxti : retro abiit, domum
 Repente turbatam relinquens,
 Sors levibus malefida pennis.
 O præses orbis, pectore supplice
 Mox te vocavi, te lacrymis madens
 Opem poposci : Quid profusus
 Profuerit tibi sanguis? inquam?
 Quis mortis usus nostræ erit? An tuas
 Laudes sonabunt, factaque posteris
 Miranda muti prædieabunt
 Sub gelido cineres sepulchro?
 Placatus aurem da facilem meis
 Votis, severos neu querimoniis
 Averte vultus: pelle membris
 Pestiferi mala dura morbi.
 Tu supplicanti protinus admoves
 Aurem benignus: pro lacrymis mihi
 Risum reducis, pro dolore
 Lætitiamque alacremque plausum.
 Te semper ergo carmina, te lyrae
 Nostræ sonabunt: vox tibi serviet
 Dicata, præbebitque nostris
 Materiam tua laus camœnisi.

robabile est Davidem hunc Psalmum edidisse, quum Absalom & Saba interfectis, in urbem regressus (ut narratur 2. Sam. 20.) domum suam incestu filii & aliis sceleribus pollutam vellet repurgare, et Deo quasi de integro consecrare; uti notatur in inscriptio Hebr. qua in re fuisse ritum aliquem usurpatum appareat ex moenium urbis consecratione in Nehemia historia, quod etiam videtur colligi utcunque posse ex Deut. 20. 5. Agit igitur Deo ingentes gratias, cuius unius clementia hanc restitutionem usque adeo subitam ac pene momentaneam acceptam refert, simulque sua unius stulta securitate factum confitetur, ut Deus pacis publicæ ac ceterorum beneficiorum tenorem abrumperet. Beza.

C A R M . G E N . X .

David gravissima calamitate pressus, Deum orat pro salute sua, fidei habet misericordiae Dei; miseriam suam explicans hostibus exitium imprecatur, liberatione quasi parta Deum laudat ob publica & privata beneficia, pios hortans ad diligendum & colendum Deum.

- I**N te locavi spem meam,
Rerum creator optime :
At tu benignus prospice,
Ne spei pudescat irritæ.
O juste vindex, fraudibus
Ab hostium me vindica :
2 Audi benignus supplicem :
Da promptus abjecto manum.
Me rupe serva ut inviâ
Clasum, vel arce ahenea :
3 Tu rupis es mihi inviæ
Munimen, arx ahenea.
Ergo ut timori mentibus
Nomen tuum sit impiis,
4 Præi viam mihi; abditis
Me libera de cassibus.
5 Tu robur es meum, tuæ
Commendo vitam dexteræ :
Me libera pacti Deus
Tenax, memorque fœderum.
6 Qui vana stulti somnia
Sectantur, odi pessimè.
Tu certa spes mihi es, meæ
Tu portus es fiduciæ.

3. *Ahenea*] Pro ænea, sicut Horatius. *Hic murus aheneus est*
Nil conscire sibi nulla pallescere culpa. C.

Inter labores asperos
 Lumen tuæ Clementiæ
 Fulgens, repente turbidum
 Perfudit animum gaudio.

Quum me tyrannis impotens
 Urgeret hostis impii,
 Jamjam imminentis pallidis
 Lethi explicasti faucibus.

Miserere fracti tot malis,
 Tot obruti doloribus.
 Caligat oculus, mens stupet :
 Mœrore corpus tabuit :

o Caduca vita elabitur
 Mœrore fracta & luctibus :
 Interque clades aridis
 Fluxere vires ossibus.

i Me ridet hostis, & meis
 Insultat insolens malis :
 Horrent propinqui, cæteri
 Vitant metu periculi.

2 E proximorum mentibus
 Obliteror, ceu mortuus:
 Contemtior sum civibus
 Quam lamna testæ fictilis.

3 Me multitudo opprobriis
 Coram laceffit asperis :

10. *Caduca vita elabitur &c.*] Vita incerta & fragilis ægrimi-
 ìâ & mœstitiâ debilitata, paulatim perit, dumque in magnis ma-
 is verfor, costis humore defectis robur evanuit. f.

12. *Obliteror*] Obliterare est literas tabulæ cereæ inscriptas in-
 lucere, vel chartæ Inscriptas eradere & quasi è monimentis de-
 ere, item obscuras facere & in oblivionem ducere Catullus,

Hæc vigeant mandata nec ulla oblitteret atas. C.

12. *Lamna*] Lamna contracte pro lamina λαμνα in quibus-
 lam Glossar. Græc. Lat. est Lamella tenuis ut squama,

Vim machinatur in meam
Jurata mortem factio.

14 Ego interim fiduciâ
Opis tuæ, dolos, minas,
Injurias, & hostium
Contemno contumelias.

15 Tu fila vitæ temperas
Meæ, regisque tempora :
Tu me impiorum libera
Ab hostium tyrannide.

16 Ostende vultum amabilem
Servo bonus tuo & favens :
Et me tuere, quâ soles
Semper tuos, clementiâ.

17 Ne sit pudori quod tuam
Imploro opem : pudor malos
Confundat, & silentium
Longum sepulchris sopiat.

18 Assueta vox mendacio
Sit muta, vox procaciter
Solita bonos lacescere,
Et arroganter spernere.

19 O quanta te colentibus
Et quot redundant commoda !
Quot teste mundo prosperis
Auges tuos successibus !

20 Hos protegis reconditos
Procul à minis potentium,

13. Vim machinatur] cœtus ad me interimendum conjuratus violentiam aliquam comminiscitur. *f.*

15. Tu fila vitæ] Tu meum vivendi cursum moderaris, vite que meæ spatio, quæ te solum penes sunt, gubernas. *f.* Fila vitæ Phrasis ad colum Parcarum accommodata, significat autem totum suæ vitæ cursum sive tenorem divina providentia gubernari. *c.*

Tuaque

Tuâque munis in domo
Linguæ veneno ab impiæ.

21 Tibi perennis gratia
Sit, rector orbis, qui velut
Munita in arce me procul
Periculis submoveras.

22 Exspes, inops, vitam fugâ
Quum vix tuerer anxiam,
Mecum ipse dixi; Jam truci
Reliquit hosti me Deus.

At tu nec in periculis
Oblitus extremis mei,
Aurem benignam supplici
Ac invocanti admoveras.

23 Ergo patrem rerum optimum
Amate candidi & pii,
Qui fastuosos deprivit,
Et obsequentes erigit.

24 Qui spem locatis in Deo,
Constanter illi fidite,
Nec robur animi concidat
Sortis procellâ turbidæ.

22. *Exspes*] Qui est sine spe. Hor. de Art. Poet. Si fractis
natas exspes Navibus.

P S A L. XXXII. C A R M. G E N. XV.

Saltes felicitatem piorum in peccatorum remissione ponit, & experientia sua confirmat: fideles informat in fide, invocatione & obedientia, propositaque administratione Dei in bonos & malos, illoshortatur ad gaudium in spiritu.

O Ter beatum cui patris optimi
Noxas remisit lethiferas favor,
Cui foeda morum flagitia obruit

Obliviosa

Obliviosa testa silentio !

2 O ter beatum cui bonus arbiter
Non imputavit lubrica devia
Errata vita, nec reperit dolum
Cæco in recessu pectoris abditum !

3 Donec fovebam sub tacito sinu
Morbum, solutis languidus ossibus
Artus trahebam, lactificus dolor
Questum ciebat non patiens tegi.

4 Tu me premebas prævalidâ manu
Infestus, atris seu tenebris diem
Nox condidisset, seu roseâ dies
Orbem recurrens luce retexerat.

Sic decolorem tabificus cutem
Mœror coquebat : sic macie dolor
Siccabat artus, messis ut Africæ
Cancri per æstum mitius areat

5 Tum mente versâ vulnera protuli,
Tibi renudavi vitium meum,
Fraudem retexi : ac tu mihi protinus
Noxâ soluto conciliatus es.

6 Qui mentis ergo pura sacraria
Servare querit, te prece supplice
Placet : nec, orbem pontus ut obruat,
Formidet æstus lethiferi minas.

3. Fovebam morbum sub tacito sinu] Congruunt cum his versus
Sedulii,

Magna est medicina, fateri
Quod nocet abscondi, quoniam sua vulnera nutrit
Qui tegit, & plagam trepidat nudare medenti: C.

4. Cancri per æstum] Sole ingrediente Cancrum dies est longissimus, atque adeo solstitium æstivum quo maximi ferè calores sentiuntur. C. Messis ut Africæ] Ut frumentum Africæ mense Junio, dominante Cancro, minus siccetur. 7.

Tu me periclis eripis asperis
 Tutela præsens : tu mihi gaudia
 Toto refundis corpore, vt hostium
 Qui vincla fracto carcere depulit.

Nec sat : Tenebras pectoris auferam;
 Inquis : beatæ quæ ferat orbita
 Monstrabo vitæ, nec procul à tuis
 Unquam reflectam lumina gressibus.

Mulis equisque ne similis modò
 Sis, bruta quorum pectora gratiam
 Non mutuam novere, sed asperis
 Fracti lupatis servitum ferunt.

Multa obstinatam nequitiam manent
 Tormenta : purâ qui Dominum fide
 Orabit, huic pacem & veniam dabit,
 Non durus unquam parcere supplici.

Recti tenaces simplicis, & quibus
 Est grata fraudum nescia veritas,
 Favente læti numine gestibus
 Et voce vestrum pandite gaudium.

9. *Lupatis*] *Lupatum* est frenum aspergium, a dentibus lumenis qui inæquales sunt, dictum Virg. & Georg. Præssique negant Verbera dura pati & duris parere lupatis. Ovidius de equo donito dixit. *Et placido duros accipit ore lupos.* C.

P S A L. XXXIII. C A R M. G E N. xvii.

Saltes laudat Deum a mirificis operibus eius ex ordine, vel extra ordinem naturæ factis, contra infideles, & erga fideles, erga quos prædicatur singularis Dei providentia : postremo ecclesia fiduciam suam in Deum professa, sibi benignitatem illius exoptat.

V Os quibus puræ est amor æquitatis,
 Læti pangite carmine
 Orbis auctorem Dominum : æquitatis

Hoc

- 1 Hoc carmen decet æmulos.
- 2 Tinniat blando chelys hunc susurro,
Hunc vocalia nablia :
- Docta bis quinis resonare nervis
Hic artem manus approbet.
- 3 Huic novos cantus meditemur : uni
Læti clangite buccinâ :
- 4 Nam fides dictis rata veritasque est,
Et factis comes æquitas :
- 5 Quippi qui justi est & amator æqui, &
Veri fallere nescii.
- Perque terrarum sola vasta notæ
Cunctis munificentia.
- 6 Is suo verbo sinuavit orbem
Lucentem nitidi ætheris :
Quicquid & puris radiis renidet
Campis ætheris igneis.

2. *Chelys*] Pro cithara seu testudine. Primam enim citharam è testudine factam volunt. Alii sic dici volunt afferem performatum, qui in testudine ponticulum sustinet, & sonos reperclusu reddit, vulgo *Rosa*. C.

2. *Nablia*] Nablium & Naulium, ab Ebræo Nebel deducunt, quâ voce instrumentum musicum seu Psalterium significatur, ad quod Prophetæ regius hymnos suos decantabat, Meminit ejusdem Ovid. *Disce etiam dupli genialia vertere palma.*

Nablia; convenient dulcibus illa modis,
Psal. 71. dicit, *Te cithara canam Nabloque* Vide Nomenelat. Had Junii. C.

2. *Bis quinis nervis*] Indicat. δεκαχορδον. Instrumentum musicum a decem chordis seu nervis sic dictum. C.

6. *Sinuavit orbem*] In formam videlicet circularēm. C.

6. *Renidet*] Id est, fulget. Horatius, *Non ebur neque aureum mea renidet in domo lacunar.* Apud Catullum est ore aperto, & dentibus ostentis subridere. C.

6. *Campis ætheris igneis*] Id est, in ipso cœlo, stellis, & sideribus luenti, Poeticè. Ita Lucretius *campos natantes*; & Virgilius *campos liquentes* dixerunt pro mari: Sic etiam æquor campi, dicitur de planitię terræ spatiofa. C.

- Littus arctavit maris inquieti,
Compressitque licentiam :
Et penu clausas sinuavit undas,
Unde in tempore promeret.
Hunc & occasus metuant & ortus :
Hunc unum Dominum colat
Quisquis extremos ubicunque fines
Terræ aut æquoris accolit :
Cujus a nutu viget interitque
Quodcunque interit aut viget :
Cujus immotis tremefacta parent
Cuncta obnoxia legibus.
- o Qui malas artes populi profani
Ludit callidior suis :
Et suo injustæ scelerata turbæ
Fraudat consilia exitu.
- i At quod arcanâ sibi mente rerum
Auctor proposuit semel,
Dum dies & nox referent se in orbem,
Usque immobile permanet.
- 2 O quater, plusquam quater ô beatos;
Patronus quibus est Deus !
Quos sibi excepit, propriamque sortem
Quos dici voluit suam !
- 3 Despicit mundi pater è beata
Cœli stelliferi domo,
- 4 Eque tranquillis adytis labores
Et curas hominum videt :
- 5 Quippe qui cæcos animi recessus
Humani fabricaverit :
9. Cujus a nutu viget interitque Quodcunque interit aut viget]
xemplum Anadiploseos quale illud Ciceronis, Aude's in horum
nspectum venire proditor patriæ, proditor, inquam, patriæ venire au-
s in horum conspectum ? C.

- Nec quod arcane latet in recessu
 Clausum pectoris hunc latet:
 16 Sperat incassum numero tyrannus
 Se tutum fore militum :
 Sperat incassum validis lacertis
 Se miles fore sospitem :
 17 Sæpe spem fallit præeuntis Euros
 Bellatoris equi fuga :
 18 At Deus justos oculo irretorto
 Semper respicit & pios :
 19 Mortis ut vertat jacula imminentis,
 Diram & sævitiam famis.
 20 Una spes nobis opis hinc, ab uno
 Certum præsidium in malis.
 21 Ille perfundet sibi dedicata
 Dulci pectora gaudio :
 22 Ille fidentum sibi spes precesque
 Lætum ducet ad exitum.

16. *Incaſſum*] Dictum vult Servius, quasi sine cassibus si-
 quibus venatio inanis est. Turne tot incassum fusos patiere labores
 Item de igne, *Incaſſum furit*. Alias *cassum* dicitur inane & vacu-
 um & quasi re aliqua carens aut vacans. Lucret. *Anima cassum*
corpus pro cadavere. Virg. *Nullum cum vieti certamen*; & ather
cassis. C.

18. *Irretorto*] Qui nunquam scilicet alio convertitur aut re-
 corquetur. Ita Horat. Ode. 2 Lib. 2.

Quisquis ingentes oculo irretorto spectat acervos. C.

P S A L. XXXIV. C A R M. G E N. iii.

David ab Achis rege Geth liberatus, se & ecclesiam ad Deum cele-
 brandum excitat, doctrinam de officio nostro attexens, Dei providen-
 tiā, veritatem & constantiam in nobis servandis a malo, redimen-
 disque explicat.

SEu læta fors me foverit, seu tristior
 Vexârit, omni tempore

Laudabo

Laudabo Dominum, semper illius meum
Os personabit laudibus.

Mihi hæc voluptas, hoc erit solatium,
Mihi hoc levamen in malis :

Meoque turba tristis exemplo suas
Solabitur molestias.

Unà, agite, cuncti prosequamur laudibus
Nomenque numenque illius.

Ille in periclis me vocantem exaudiit,
Statimque reppulit metum.

Qui cuncta ad illum consilia referunt sua,
Læto his nitentes gaudio

Vultus renident, nec repulsæ infamia
Rubore confundet genas.

En, pauper iste quum vocaret, omnibus
Hunc eruit periculis.

Dominum timentum castræ munit Angelus
Demissus ad custodiam :

Et imminentes arcet hostes, & pios
A vi tuetur impiâ.

Facite periculum, jam scietis quâm Dei
Immensa sit benignitas :

Quâm sint beati, spes in illo qui suas
Omnes opesque collocant.

Gens sancta Dominum colite : nil deerit Deum
Fideliter colentibus.

Violenta feritas sentiet famem : bonis
Cuncta affluenter suppetent.

Adeste filii, audite, vobis numinis
Verum timorem ut indicem.

Quicunque curis liberam & longam cupis
Vitam beatus ducere;

Linguæ refrena virus, os nefaria
A fraude purum contine :

- 14 Capesse recta, curva vita, dilige
Tranquilla pacis otia.
- 15 Deus innocentes adspicitque, & commodat
Attentus aures ad preces :
- 16 Torvo scelestos intuetur lumine,
Et nomen etiam oblitterat.
- 17 Justum invocantem Dominus audit, omnibus
Eum expedit periculis.
- 18 Quum spes labores deserit mortalium,
Afflicta quum molestiis
Succumbit oneri mens, Deus præsens adest,
Malasque curas diluit.
- 19 Justis labores suggerit semper piis
Iniqua fors conatibus :
Sed, qui bonorum semper est custos, Deus
Sortis retundit spicula ;
- 20, 21 Et ossa servat ne terantur. Impios
Ulciscitur scelus suum :
Et quisquis hostis est piorum, cum domo
A stirpe cæsus interit.
- 22 Animas tuetur se colentium Deus,
Nec rem domumque deserit.

Psalmus iste a Davide conscriptus ut ostendit inscriptio Heb. de infi-
liberatione qua ex Achis Regis manibus, simulata insaniam, evasi-
ut scribitur 1 Sam. 21. Beza.

P S A L. XXXV. C A R M. G E N. xi.

David implorat Dei opem ad hostium exitium & salutem suam, inju-
rias ab eis acceptas & illorum hypocrisyn explicat, servari a Deo pe-
tit, contra eorum conatus, testem & Judicent appellans Deum im-
probitatis illorum & innocentie sua, ad gloriam ipsius; & publicum
Ecclesie bonum.

R Erum sancte opifex ades,
Et patrocinio protege me tuo

- Et retro refer in meos
 Hostes perniciem quam mihi comparant;
 Scutum cum jaculis cape :
 Ensem stringe : meis hostibus obviam
 Prodi: dic animæ meæ,
 Secura auxilio nil metuas meo.
 In vultus pudor hostium
 Et turpis subeat dedecoris rubor :
 Fœdam corripiant fugam,
 Cæcas insidias qui mihi præparant:
 Ut sævus Boreas levem
 Raptat præcipiti turbine pulverem :
 Sic illos trepidâ fugâ
 Vindex præcipites urgeat Angelus.
 Sit cœno via lubrica,
 Et cœlum tenebris lurida nox tegat :
 Et formidine pallidâ
 Vindex præcipites comprimat Angelus;
 Nam me fraude malâ suis
 Conati immeritum prendere cassibus,
 Et cæcam innocuo scrobem
 Effodere : suis cassibus hæreant,
 Et factam exitium in meum
 Cæci & præcipites in foveam ruant:
 Perfusa interea mihi
 Dulci lætitia pectora gestient :
 Mens secura periculi
 Auctorem Dominum lætitiae colet :
 Et sensus animi indices
 Clamabunt, Domino quis similis Deo
 Qui fastûs gravis improba
 Defendit tenues à violentia,
 Vexantemque opis indigos
 Frangit sævitiam vindice dexterâ,

- 11 Conjurata calumnia
In me criminibus s̄avit atrocibus :
 Ignotum scelus in meam
- 12 Fingunt perniciem : quæ bene feceram,
 Compensant odiis malis,
 Et vitæ invigilant exitio meæ.
- 13 Illos tabificæ luis
Ægris visceribus quum dolor ureret,
 Squalens veste ego lugubri,
 Jejunâque fame pallidus & siti,
 Et prostratus humi, Deum
Lenibam lacrymis & prece supplicet.
- 14 Sic sincerus amici amor
Sub cari interitum luget amiculi :
 Sic fratrem gemit unicum
 Frater : sic pietas anxia filii
 Maternum ad tumulum dolet.
- 15 Me fortuna gravi si tetigit manu,
 Concursant, mala gaudia
 Inter se celebrant : fæx populi coit ;
 Incauto invidiam creant :
- 16 Proscinduntque avidâ me petulantia
 Scurræ cum balatronibus :
 Dentem dente acuunt, & rabiem vomunt.
- 17 Quem finem patientia
 Tam lentæ statues, ô pater optime ?
 Arce hoc ludibrium, neque

14. Amiculi] Diminutivum ab amico. Horat. *Disce docendus adhuc quod censet amiculus.* Amiculum alias, genus vestis est. C.

15. Fæx populi coit] Metaph. pro infima plebe quam Cic. *Sentiam urbis nominat.* C.

16. Balatronibus] Balatro vaniloquum &c futilem significat. C.

16. Dentem dente acuunt] Id est, dentibus frendent, quod signum est iratorum & vindictam expetentium. C.

Descertum

Desertum rabidis trade leonibus :

Acceptum ut referam tibi

Quod vivo, & video lumen amabile ;

Et cœtu in celebri canam

Te, primum auxilium ferre vocantibus ;

Fac ne spes alat improbas

Semper turba meis læta molestiis :

Neu nutu ac oculis notet,

Exsultetque meis hostis atrox malis :

Qui sermonibus asperis

Insultat, trucibusque insidiis petit

Pacatum male callidus,

Incautum ut tacitis illaqueet dolis.

Non diducere desinunt

Rictum risu : Oculis (euge) oculis diem

Lætum vidimus, inquiunt.

O qui luminibus cuncta tuentibus

Terras respicis, hæc vides ?

Ergo sepositâ protege me morâ :

Jam tandem evigila, & manu

Ultrice indomitam frange superbiam ;

Justo & suppicio preme

Vindex juste malos : neu sine de meo

Lu&tu lætitiam ferant :

Neu secum tacito pectore murmurent ;

Evax, rectè habet : omnia

Supra vota cadunt : vicimus, en jacet.

Fœdâ ignominiâ luant

Stultam lætitiam : dedecoris comes

21. Non diducere desinunt, &c.] Non cessant os ad ridendum
lvere, bene res habet, aiunt, diem jucundum aspeximus. f.

25. Evax] Euge, Interjectio exsultantis, a Plauto quoque usur-
ata. C.

- Infamis pudor eluat
Importuna meis gaudia de malis.
- 27 At cordi quibus æquitas
Est nostra, ac animus nil sibi conscius;
Vitam tristitia procul
Lætam semper agant : ac Dominum ferant
Cæli ad sidera laudibus,
Qui curis famulos liberat anxiis.
- 28 Semper justitiam mea,
Custos sancte hominum, lingua canet tuam,
Et præconia, dum mihi
Impellet calidus pectora spiritus.

26. *Infamis pudor eluat*] Gaudium hoc sine ratione acceptum turpi dedecore solvant ; & verecundia ignominiosa dedecori adhærens lætitiam ex malis meis alieno tempore perceptam absterget. C.

P S A L. XXXVI. C A R M. G E N. xviii:

David regnum aditurus, Deum celebrat, a diurna patientia & beneficentia eius erga impios & contumaces, erga res omnes creatas, & erga Ecclesiam suam, orans Deum pro salute & prosperitate populi Dei & sua.

- U**T exta flammis mille sacrificis cremes,
Oscula des laxis, ingeminesque preces;
Arasque donis largus accumules tuis,
Non facies tamen ut te rear esse pium :
Scelera reclamant, & negant te credere,
Confilio mundum qui regat, esse Deum ;
- 2 Utcunque coram blandiare, non tamen
Impietas tacito pectore clausa latet :
Erumpit ignis instar, ac tui trahit
Secum odium, atque odii perniciem comitem.
- 3 Quodcumque loqueris fraude tintum est : respuis
Munera

Auribus ingratis qui potiora monent
Scelus nefandum nocte tota cogitas :

Recta fugis : semper deteriora foves:

O magne rector orbis, indulgentiae

Munera, terra, fretum sentit, & astra, tua:

Quæcunque cœlum amplectitur, parentia

Legibus orta vigent, lapsa caduntque tuis:

Modus æquitatis & tuæ sapientiae,

Cunctaque quæ fecit, cunctaque facta regit;

Longè nivosis montium fastigiis

Altior est, vasti gurgitibusque freti:

Humana gens hinc haurit auram & spiritum;

Nec pecudes curam præteriere tuam.

Hinc cuncta vitæ suppetunt nobis bona,

Dum mens corporeo carcere vincita latet;

Fœtus sub alis volucris ut tegit suis;

Præsidii fugimus spe mala cuncta tui.

At exul animus morte liber patrium

Quum repetet limen sidereamque domum;

Illinc egestas & dolores exulant:

Nemo feret votis non potiora suis.

Passim voluptas, pura passim gaudia :

Delicias largo flumine rivus agit.

Illic perenni vita fonte profuit,

Vita, gravis fati non resecanda manu;

Illinc fatiscunt mentium caligines,

6. *Nivosis montium fastigiis*] Vertices enim altorum montium
tiam media æstate nivibus albent. C.

9. *Vitæ fonte*] Deus enim fons vitæ vocatur ; quasi dicas Pleni-
udinem inexhaustam, & perennem scaturiginem vitæ & omnium
onorum, quibus totum genus humanum perfunditur. Sic Je-
rem. 2. *Duo mala fecit populus meus* ; me dereliquerunt scaturiginem
quarum viventium, ut effoderent sibi cisternas fractas quæ non capi-
nt aquas. C.

- Quæ modò sub tenebris pectora nostra premunt
 Vultuque radius purus effusus tuo,
 Lumine nos puræ cognitionis alet.
 10 Benignitatis interim tuæ bonis,
 Qui te cognoscunt & tua facta, fove;
 Qui mente pura veritatem diligunt,
 Justitiæ facias commoda ferre tuæ.
 11 Me nec feroci calcet arrogans pede,
 Exigat aut tectis impia turba meis.
 12 Qui scelere gaudent, scelere sic ruant suo;
 Perpetuò ut lapsos justa ruina premat.

11. *Exigat tectis*] Id est expellat, ejiciat. Ita dicimus, exige
 te aliquem foras. Aliud est, exigere etatem, pecuniam, mercedem
 pœnam, opus, &c. C.

P S A L. XXXVII. CARM. GEN. x:

David hortatur pios ne urantur impiorum rebus prosperis, sed Deo fidant; horum infairtam vitam & mortem, illorum vero felicem effosteniens etiam in mediis calamitatibus: Itaque pios hortatur a fugiendum malum, colendum bonum, & amplectendas fide promissiones de ipsorum bono, & improborum exitio.

- 1 **N**E livor urat æmulus
 Te, si beatos videris
 Pravos, nec Euris iis opes
 Fugaciores invide.
 2 Nam sic faceſſit illico
 Vmbratilis felicitas,
 Marcent comis arentibns
 Ut falce ſecta gramina,
 3 At tu Dei fiducia
 Incumbe rectis artibus:
 Diūque terram ut incolas
 Donabit, ac te nutriet.

In hoc sit oble&tatio,
In hoc voluptas unica:
Is te fovebit iugiter,
Votique reddet compotem.

Committe vitam, rem, decus
Illiis uni arbitrio:
Animi tibi ex sententia.
Confecta reddet omnia.

Illustris auroræ ut jubar
Tua faciet ut sit æquitas:
Ut luce virtus sit tua
Meridiana clarior.

Perfer modeste quod tulit
Fortuna læva neu tumens
Irâ impiorum prosperas
Res cerne torvo lumiñe.

Compesce bilem, noxia
Faceſſat indignatio:
Ne fors nefarium ad scelus
Impellat æmulatio.

Eliminantur impij
Fumo levi velocius:
Terras modestus incolet,
Serisque linquet posteris.

Morare paulum, & impium
Nusquam videbis: adspice
Ædes, superbi vix heri
Agnoveris vestigium:

Modesta bonitas otio
Lætam senectam transfiget,
Et incolenda hæredibus

11. Modesta bonitas otio; &c.] Viri modesti & boni senium ju-
indum in vitæ tranquillitate traducent, agrosque a parentibus
ceptos posteris habitandos relinquunt. *F*

Paterna linquet prædia.

12 Clam rete necit impius;
Bonisque concinnat dolos:
Et dente frendens livido,
Dolore & irâ ringitur.

13 Hæc cernit ex alto Deus;
Minasque ridet irritas:
Quippe imminentem vertici
Cladem scelesto prospicit.

14 Ensemque stringet improbus;
Arcumque tendet, pauperes
Ut perdat, ac innoxios
Figat sagittis impiis:

15 Districtus ensis in sui
Domini redibit viscera:
Frangetur arcus lethifer
Et frustra acuta spicula.

16 Præstat supellex sobria;
Recteque parta recula,
Quam rapta per vim divitum
Fastidiosa copia.

17 Male parta justus arbiter
Disperget, & potentiam
Franget scelesti: dexterâ
Justum suâ tuebitur.

18 Innoxios fovet Deus,
Ac rem tuetur: providet
Longæva ut usque in sæcula
Sit sempiterna hæreditas,

12. *Ira ringitur*] Id est, stomachatur & indignatur. C.

12. *Ringi*] proprium est canum, cum sunt latraturi. C.

16. *Recula*] Diminutivum à re. C.

16. *Fastidiosa copia*] Quæ parit fastidium. Ex copia enim
abundantia nascitur satietas: ex satietate nausea & fastidium.

- 19 Seu pestis atra, seu furor
 Turbabit orbem bellicus,
 Nil deerit usque innoxio.
 Famem nec ægram sentiet.
- 20 Sic hostis impius Dei
 Perit repente funditus,
 Adeps opimæ ut victimæ
 Vanescit in fumos leves.
- 21 Nil donat, usque & fœnerat
 Injustus; at justo suā
 De sorte superat paupere
 Quod donet indigentibus.
- 22 Justorum amici prædia
 Linquent suæ propagini;
 At hostium radicitus
 Semen peribit erutum.
- 23 Amatque justum, & dirigit
 Ejus Deus vestigia;
- 24 Dextra ruuentem sustinet,
 Lapsumque dextra sublevat;
- 25 Puer fui, nunc sum senex,
 Ope destitutum nec pium
 Videre memini, nec stipem
 Ejus petentes liberos.
- 26 Iultus misertus pauperum
 Dat usque & usque mutuum;
 Seræ tamen propagini
 Non larga deest opulentia.
- 27 Vita scelus nefarium,
 Sectare recta; dum diem
 Sol fundet aureum, tui
 Terras nepotes incolent,
28. Fœnerat] Usuris suis alios deglubit & exfugit, quod divi-
 tum epulonum proprium est. C.
- 28 Deus

- 28 Deus æquitatem diligit,
Bonos nec unquam deserit :
At interibit funditus
A stirpe semen impii.
- 29 Justus beata jugera
Agri tenebit, & colet
Cum prole, donec ultimus
Instabit orbi terminus.
- 30 Sermo sapiens & æquitas
In ore semper est bonis :
- 31 In corde scripta lex Dei,
Ne pes labet, gressum regit.
- 32 Observat impius pium,
- 33 Ut perdat: ast illum Deus
Custodit, ante judicem
Tuetur à calumpnia.
- 34 Spem colloca in Deo, Dei
Sectare leges : & dabit
Dives potensque ut hostium
Cernas superstes exitum.
- 35 Vidi potentes impios,
Gravique fastu turgidos,
Virescere instar laureæ
Amœna propter flumina.
- 36 Specto repente, en lubricæ
Imago nusquam gloriæ :
Nusquam manent vestigia
Cunctis gravis potentiaæ.
- 37 Justi intuere & integri
Vitæ statumque & ordinem;

35. Laureæ] Pro lauro. Virg. Semper sua laureæ Phabo. C.

36. Specto repente, &c.] Statim contemplor, & ecce gloriæ
eorum fluxæ nullibi vestigium est, nullibi opulentiaæ omnibus mo-
lestæ indicia restant. f.

Videbis alto in otio
Lætam senectam degere.

8 At promta semper lædere
Prorsum interibit factio :
Vitamque claudet terminus
Dignus patratis nequiter.

9 Justus salutis collocat
Omnem in Deo fiduciam ;
Qui fulcit æquos robore,
Adversa cum fors intonat.
10 Dominus petenti fert opem,
Et in periclis liberat
Ab impiis, qui se & suam
Illi salutem credidit.

38. *At promta semper, &c.*] Homines vero factiosi, aliis noce-
se semper parati, omnino peribunt, exitusque miserrimus malefi-
ciorum debitum vitæ finem faciet. *F.*

P S A L. XXXVIII. C A R M. G E N. iii.

avid morbo gravissimo laborans, peccata sua confitetur, de infirmitate animi & corporis sui, desolatione ab amicis, & hostium improbitate conqueritur; tandem ad Deum se convertit, opem eius implorat, ac salutem petit.

NE me furoris æstuante incendio
Servator orbis argue :
Neu promerentem quam libet pœnas graved
Pergas per iram plectere.
Hærent medullis penitus infixæ meis
Tuæ sagittæ dexteræ.

2. *Hærent medullis, &c.*] Tela enim à te potissimum in me missa, utimis meis penetralibus valdè impæcta hærent : Iracundia tuæ magnitudo jure optimo accensæ, me timentem ab una parte, ab altera verò parte conscientiæ stimulus & labes ita afflxit. *F.*

3 Iræ tuæ hinc me, & inde mentis conscientia
Sic vis paventem perculit,

Ut nulla plagis sauciæ pars corporis

Non langueat lethalibus;

Ossa ut solutis artuum compagibus

Sceleris venenum attraxerint;

4 Sceleris, profundo quod meum ceu gurgite
Caput resorbens obruit;

Quod in alta rursus me renitentem, velut
Immane saxum degravat.

5 Veteris cicatrix vulneris recruduit,
Vomitque tabem luridam.

6 Afflictus, humilis ultimis premor malis,
Luctu situque squalidus.

7 Clausumque cæcis fervet in præcordiis
Ulcus; nec ulla corporis

8 Expers doloris pars vacat. Sic debilis
Et fractus usque & usque sum;
Malis ut impar voce lamentabili
Cor ejuletque & rugiat

9 Dominator orbis, vota nec animi mei,
Nec te latent suspitia,

10 Pavens tremensque turbidum cor palpitat:
Defecta membra viribus

Torpore marcent languido; noctem trahens

3. Ut nulla plagiæ, &c.] Ut nullus corporis locus vulneribus
mortiferis sauciati, non sit æger, ossaque ipsa juncturis membro
rum laxatis, virosam & noxiæ peccati vim imbiberint. *F.*

5. *Luridam*] Color luridus est, qualem in vibicibus videmus
a similitudine coloris luræ, id est, utris coriacei, ut Junius pu
tat. *C.*

6. *Situque squalidus*] Est enim situs ἀυχμος ille seu squalo
qui capite, vultu, vestitu & lugentium habitu conspicitur. Vir
Fœda situ macies: aliâs proprié lanugo est, ex rebus putridis in lo
cis sole carentibus enata. *C.*

Caligat acies lumen.

Vicini, amici, & sanguinis communio
Quos propior admôrat mihi,
Procul abstitere, fœditatem vulnerum
Vix sustinentes cernere.

At promta semper in meum exitium manus;
Molita vim nefariam,
Dolosa tendit continenter retia,
Fraudesque versat impias.

14 Ceu mutus ore, surdus aure, ego interim
Obtorpui silentio,
Elinguis instar & stupentis, crimina
Qui nesciat refellere.

In te reposita est spes mea ; ô rerum potens
Rector benignus annue.

5 Ne risus hosti sim superbo, qui meis
Insultat insolens malis ;
Qui, si vacillent lubrico lapsu pedes,
Læto triumphat gaudio.

7 Ad perforanda sum paratus verbera ;
Vibice semper area
Cruenta turget exarati corporis
Sulcis flagrorum grandibus.

13, 14. *Ceu mutus ore*] Ego interea stupefactus fui, & me con-
nui, ceu loquendi facultate privatus, quasque sensu audieandi
arens nihil istorum audirem, velut mutus, & attonitus, qui cri-
ninationes objectas refutare nesciret. *F.*

17. *Ad perforanda sum &c.*] Non recuso plagas perforare, ecce iam
utis corporis plagi concisi sanguine perfusa, verberum vestigiis,
& magnis flagellorum cicatricibus intumescit. *F.*

17. *Vibice*] Vibex, vibicis penultimâ longâ, vestigium verbe-
s aut plagiæ est, in carne remanens, *C.* 17. *Area cruenti*

corporis exarati] Metaphora poetica audacior, quam tamen epi-
hetæ mitigant, sicuti enim subjectum vomeris est area aliqua ;
a subjectum flagelli est corpus hominis, & sicuti per arationem
aut sulci, ita post flagra remanent vibices. *C.* 17. *Sulcis flagrorum*]
etice pro vibicibus, *C.* N. 18 Merui

- 98 P S A L. XXXIX.
- 18 Merui scelestus, fateor, heu merui; nocens
Do jure poenas debitas;
- 19 Sed invalefecit hostis atrox interim,
Viresque sumit factio.

Vivunt vigenter, & immerentem injuriā
Me prosequuntur; pro bono

20 Malum rependunt: jugiter calumnias,
Quia recta sector, ingerunt

21 Tu ne recede longius; neu deseras
Periculis in ultimis.

22 Accurre, dextram da salutarem, meæ
Salutis auctor unice.

19. Vivunt] Vivere hic est non tantum vita frui, sed etiam suaviter & genialiter vivere & voluptati indulgere. Catul. Vivamus mea Lesbia. Cic. Sed quando vivemus? Quasi in laboribus & molestiis quotidianis, ὁ βίος ἀβιωτος C.

P S A L. XXXIX. C A R M. G E N. iii:

Fatetur David se cum patienter vitam transfigere cogitaret, repente oppressum, ab instituto aberrasse, & obmurmurasse Deo, itaque deprecatur peccata & supplicia sua, & misericordiam in praesenti calamitate sibi exhiberi postulat.

- 1 Q Uum sævus hostis meo lætus malo
Lacesteret conviciis.
Mecum ipse verbis abstinere ab asperis
Et jurgiis decrevoram.
- 2 Linguæ obseravi claustra freno, pertinax
Obmutui silentio.
Ac temere ne quid os mali profunderet,
Verbis bonis clausi exitum.
- 3 At ignis instar, vetitus egredi dolor,
Exarsit intus acrius.
Tandem obstinata frena pertinaciæ

Perfregi

Perfregit ira, ac talibus
 Dominum rogavi: Mihi meæ vitæ modum
 Qui sit futurus indica;
 Quando evolabo liber hoc molestia.
 Fastidioso è carcere.
 Tu clausa nullo sæcla degis termino,
 In te beatus ac potens;
 At nos quod ævi vivimus penè est nihil:
 Ac penè brevius quam nihil;
 Umbræ fugacis instar, atque imaginis
 Quam reddit æquor vitreum:
 Idque ipsum inani vanitate atque anxiis
 Ægredit in laboribus.
 Animum libido torquet, inflat gaudium,
 Spes tollit, ac timor premit.
 Tumultuamur temere: congerimus bona
 Incognitis hæredibus.
 Quò me ergo vertam? quis laboranti feret
 Opem? quis eximet malis?
 Spes omnis in te: miseriæ fontem meæ
 Peccata tolle noxia.
 Neve esse stultis me finas & improbis
 Despectui & ludibrio.
 Hostis protervi lingua me quum turpibus
 Proscinderet conviciis;
 Obmutui, iræ vindices pœnas tujæ
 Has esse gnarus scilicet.
 o Rector parensque gentis humanæ, tua

8. *Peccata fontem meæ miserie*] Elegans Metaphora. Peccata
 nim verè sunt initium & causa & quasi scaturigo omnium nost-
 rum miseriarum. Sicuti alius quispiam stomachum quoque cor-
 oris morborum fontem esse dixit. C.

10. *Rector parensque, &c.*] Flagella tua, hominum gubernat-
 or & pater, brevi à me amoveto: namque me & vires deficiunt,
 usque ad verbera nova patienda non sufficio. f.

Paulisper aufer verbera.

Viresque linquunt, vita nec semper novis
Plagis ferendis sufficit.

¶ 1 Te persequente scelera pœnis, illicò
Vigor decorque defluit,
Tineis peresæ more vestis. O homo
Caduca res & futilis !

¶ 2 Parens benigne precibus aurem da meis
Neu yerba sperne supplicis :
Neu lacrymanti averte vultus hospiti :
Namque hospes hanc terram colo :
Nec ego, parentes nec mei certum locum
Habemus hic : sed in diem
Solliciti & horas, turbidas transegimus
Vitæ brevis molestias.

¶ 3 Igitur severam paululum abstine manum,
Fesum ut resumam spiritum :
Mortis priusquam, reditus unde non patet,
Transmiserit me janua.

12. Sed in diem, &c.] Sed singulis diebus & horis curis obnoxii, molestum vitæ exiguae tempus viximus. *F.*

13. Igitur severam, &c.] Ergo ad breve temporis spacium à me pœnas graves auferto, ut à laboribus paulisper conquiescam antequam porta mortis (à qua nemo reverti potest) transire me permiserit. *F.*

P S A L. XL. C A R M. G E N. xvi.

David ab anteacta experientia privata & publica, a gratuito fœderi Dei, ab obsequio suo seipsum in fide confirmans, gratiam & liberationem a Deo petit, improborum ruinam, & bonorum consolationem ad gloriam Dei.

Q Uum circumfremerent me timor & minæ,
Intentansque avidam mors tera dexteram,

Spe.

Spes cœlestis opis, sera licet, tamen
Lenibat trepidam sollicitudinem.

Advertit Dominus, meque voragine
Cœnosi implicitum gurgitis extulit :
Ac saxy solidis imposito jugis
Monstravit facilem quæ graderer viam;
Afflavitque novo pectora spiritu,
Suffecitque suæ materiam novam
Laudis, quam canerem dulce loquacibus
Nervis, ac numeris lenè sonantibus.

Hæc cernant rapidæ qui violentiæ
Fati vel dubiis casibus imputant
Eventæ ; ac trepidi se Domini in fidem
Dent, qui stellifero regnat in æthere.

Felix qui stabili spe Dominum ac fide
Spestat, quem tumidæ pompa superbiæ
Non ad se illecebris ducit inanibus,
Fallacique boni ludit imagine.

In nos, sancte parens, quot vigilantæ
Et quæ mira tuæ pignora suppetunt,
Quæ nec mens acie cernere languidâ
Possit, nec numero lingua retexere !

Aurem mî tacitè vellis, & admones
Quòd labem sceleris nec pretium levet,

1. *Lenibat*] Pro leniebat. Terent. Phorm. *Scibam* pro sciebam.
nsanibat, pro insaniebat. C.

2. *Voragine*] Vorago a vorando, est hiatus seu barathrum præ-
eps & omnia absorbens. C.

3. *Dulce loquacibus*] *to dulce more Græco.* Ita Horatius. *Dulce*
dentem Lalagen amabo, dulce loquentem. C.

6. *Aurem vellis*] Olim gentili quâdam superstitione singulæ cor-
oris humani partes tutelæ Dei, seu potius Deastri alicujus pecu-
aris consecratæ credebantur. Ita Caput sacrum erat Jovi, Nep-
uno Pectus, cinctura Marti, frons Genio, supercilia Junoni, oculi
linervæ, aures Memorizæ, dextra Fidei, genua Misericordiæ, pe-
nes Mercurio, &c. Cùm vero aures instrumenta sint au-

ditus & ipsum audire signum sit obedientia, qui aliquem monere, eumque obedientiam praestare volebant, aurem ipsi vellebant, quasi aures eum expeditas habere, & attendere juberent. Eademque ex causa morem caput aperiendo originem habere credibile est. Sicut enim, qui aures involvit & obtagit, eo gesto indicat, se nolle audire: ita qui auribus velum demit, eo ipsis innuit, se praesto & ad audiendum obsequendumque promptus esse. Virg. Ecl. 6. Cum canerem reges & pralia, Cynthia aureret vellit & admonuit. Immo' Esaias quoque cap. 50, Dominus, inquit, aurem mihi vellicavit diluculo. C.

Nec sanguis pecudis nil meritæ eluat,
Nec consumpta focis expiat hostia.

7 Tum dixi, Venio: quod libet impera:
Adsum, sancte parens, jussa capessere
Promtus: ceu tabulis scripta fidelibus
Edunt perpetui fata voluminis.

8 Huc mens, huc studium tendit, uti tuis
Conformem monitis quæ gero, quæ loquor,
Quæ mecum tacitus cogito: nam tua
Incisa est animo lex penitus meo.

9 Famam justitiæ per populos tuæ
Latè præco fero: nec labiis meis
Nec linguæ requies, omnibus ut tua
Terris (ipse vides) nota sit æquitas.

10 Nec justum tacui te mala plectere,
Promissique tenacem, & miseris opis
Largum: me bonitas indice gentibus
Cunctis facta palam est, & tua veritas.

11 Defendant igitur me bonitas tua,
Promissique fides fallere nescia:
Obsessumque malis innumeris tuâ
Me, rerum genitor, protege dextera.

12 Me pœnæ, capitis quæ superent pilos,
Omni ex parte premunt, quas neque luminis
In promtu est acie nôsse: animus stupet,

Curarum innumeris obrutus æstibus.

3 At tu mundi opifex sancte, salutifer
Adsis; auxilium fer citò, & ultimis
Oppressum penitus subtrahe me malis,
Ut pravi pudeat consilii improbos.

4 Turpem ignominiæ tristitiam ferant,
Tendunt exitio qui laqueos meo :
Infamem referant consilii exitum,
Nostris qui capiunt lætitiam è malis.

5 Hunc fructum sceleris percipient sui,
In fraudem ut recidant quam mihi struxerant.
Frustratus doleatque & rubeat, meas
Qui ridet lacrymas, & fruitur malis.

6 Qui credunt fidei se penitus tuæ,
Illos auxilii spes recreet tui :
Ac semper Domini nomen amabile
Certent tergeminis tollere honoribus.

7 Exspes, pauper, inops sim licet, at mihi
Cuitos rerum opifex pervigil excubat.
Vitæ ô præsidium & certa salus meæ,
Adsis, neu trepidâ me crucia morâ.

16. *Tergeminis honoribus*] Versus Horatii Ode 1. Lib 1. intellegit autem plausus tergeminatos. Quod Romæ in theatris fieri solitum, patet ex illo Virg. Georg.

Hunc plausus hiantem
Per cuneos (geminatur enim) plebisque patrumque
Corripuit, &c. C.

P S A L. XLI. C A R M. G E N. iii.

avid agritudine animi potius quam corporis affectus, eos beatos prædicat, qui misericordiam de afflictis capiunt. se in afflictione queritur a multis inique tractatum, liberationem a Deo petit, pro defungenda administratione sua, confirmanda fide. & celebrando Deo.

B Eatus ille qui misertus pauperis,
Fert rebus in duris opem;

Nec

- Nec arroganti despicit fastidio
Prostratum & oppressum malis.
- Quem rere fractum, & penitus abjectum, Deus
Attollet, & solabitur.
- 2 Curâ fideli Dominus illum munit,
Et è periclis eruet :
Interque vivos sospiti dabit frui
Vitæ beatæ commodis.
- 3 Artus cubili quum dolor prostraverit,
Opem feretque, & lectulum
Versabit : omnem prorsus ægritudinem
In dulce vertet gaudium.
- 4 Quum me doloris vis acerbi affligeret,
Opem poposci te, Deus.
Animæ medere sauciæ (dixi) sui
Sceleris pudendo vulnere.
- 5 Dira imprecatur hostis, ac me devovet,
Lætus meis incommodis.
Quando interibit, (inquit) & cum corpore
Nox unà nomen obruet ?
- 6 Si forte quis me visit horum, corporis
Animique morbis anxium,
Vultu dolorem fingit, ac suspiria
Læto trahit de pectore :
Foras profectus conditum in præcordiis
Repente virus evomit.
- 7 In me susurrat clanculum atque obmurmurat
Scelesta conspiratio.
Clam machinantur sæva, in exitium meum
Consilia cuncta conferunt :

3. *Lectulum versabit] Versare est crebrò vertere & evolvere*
Horatius,

*Vos exemplaria Graca
Nocturna versate manu versate diurna.*

C.
8 Secumqu

- 3 Secumque jactant; Missa certè cœlitus
 Nunc dira vis mali hunc ligat:
 Prostratus hæret: lectulo affixus jacer,
 Noctem trahens novissimam.
- 4 Quin & sodalis, & mihi mensâ & domo
 Conjunctus, & cui maximè
 Fidebam, ad hostes conferens fese meos;
 In me ferox recalcitat.
- 5 At tu salutis auctor & custos meæ,
 Benignus in me respice:
 Manum jacenti da salutarem, hostibus
 Parem ut rependam gratiam.
- 6 Tui favoris pignus id certissimum
 Erit mihi, & constantiæ
 In me tuendo, quod malis lætus meis
 Hostis ferox non gestiat.
- 7 Vires recepit corpus, innocentiam
 Servavit animus, dexteram
 Te porrigente, qui receperas tuam
 Semper tuendum me in fidem.
- 8 Agnoscat orbis, unicum & colat Deum;
 Quem gens honorat Isaci:
 Unumque laudet, temporum donec vices
 Luces & umbræ divident.

9. *Recalcitat*] Metaph à bubus contra stimulum calcitrantes, aut à pullis equarum lacte saturatis. Horatius de Cæs. Aug.
Cui male si palpere recalcitat, undique tutus. C.

12. *Vires recepit corpus, &c.*] Corpus robur pristinum recepit, animus quoque puritatem à scelere custodivit, te me juvante, qui perpetuam mèi curam gesseras, meique tutelam à te suscepimus, semper administrabas. F.

P S A L M O R U M

Liber Secundus.

P S A L. XLII. C A R M G E N. xiii.

David exulans a populo Dei, studium suum observandi cultus Dei in Ecclesia explicat, seipsum spe consolans, de perturbationibus asilimi, de gravibus miseriis suis, & adversariorum blasphemias conqueritur, animumque suum ad spem & fidem in Deum excitat.

- 1 **N**On cervus fluvios sic avet algidos,
(Cervus turba canum quem premit) ut tui
Cor desiderio carpitur anxio,
Rerum conditor optime.
- 2 Huc me raptat amor dulcis, & impotens
Ardor ferre moras. O niveum diem
Qui templo reducem me statuet tuo ?
O lucis jubar aureum !
- 3 Jejunus lacrymis pro dape se dolor
Pascit, turba meis obvia dum malis
Illudens rogar, Heus, ille tuus Deus
Cur nunc deserit exulem ?
- 4 At rursus bonitas quum subiit tua,
Et menti auxilii certa fides tui

2. *Reducem*] *Redux* is dicitur, qui ex peregrinatione, exsilio vel captivitate in patriam revertitur. Terent. *Heaut.* *Tu nunc sola reducem me in patriam facis.* C.

3. *Jejunus lachrynis, &c.*] *Jejunus* & dolens, cibi loco, fletu me assidue nutrio, quando multitudo mihi occursens, & mala, quæ perpetior, ridens, me insolenter interrogat ; *Heus, nobis ille ignotus Deus,* quem tu prædicas, *cùr te modò è patria exterminatum relinquit?* J. 4. *At rursus, &c.*] *At contra,* cum misericordia tua mihi in mentem venit, firmæque opis tuz spes animo felicito quasi lumen prætulit, &c. J.

Illiuxit

Illuxit trepidæ, temporis illius

Me consolor imagine :

Festis quum populus me reducem choris,

Faustisque excipiet vocibus, & Dei,

Pompa cum celebri, me-comitabitur

Augusta ad penetralia,

5 Cur me sollicitis teque doloribus

Mens ægra exanimas? pone metum, ac Deo

Te da: quo patriæ vindice redditus,

Grates flospes adhuc agam.

5 Hæc mentem recreat spes, licet aviis

Jordanis lateam saltibus, Hermonis

Exul dura licet saxa perambulem,

Solis hospita belluis.

7 Quamvis agminibus me mala densius

Omni ex parte premant, quam super horridos

Montes grando sonat, quam mare verberat

Raucis littora fluctibus :

3 Tu me si placido lumine videris,

Cedent tristitiæ nubila : tetricas

Mœroris tenebras discutiet mihi

Lucis dulce jubar tuæ.

Laudes interea non mihi nox tuas,

Non curæ impedient : O columen meum;

(Dicam) & certa salus, ludibrium feris

Cur me deseris hostibus?

Dirumpor, tacitis æstuat ignibus

6. *Jordanis*] Fluvius Palestinæ, baptismo Christi & aliis mi-
andis operibus nobilissimus, Nomen habens à duobus fontibus
or & Dan, è quibus ad radices Libani erumpentibus, postea
penuntibus, ipse Jordan profluit: Sicuti ex Alpibus nostris Rhe-
us. C.

8. *Tu me si placido*] Sic Horat. lib. 4. Ode *Quem tu Melpomene
mel nascentem placido lumine videris.* C.

Pectus, turba meis impia dum malis
Insultans rogar, Heus, iste tuus Deus
Cur nunc deserit exulem?

11 Cur me sollicitis teque doloribus
Mens ægra exanimas? pone metum, ac Deo
Te da: quo patriæ vindice redditus,
Grates lætus adhuc agam.

P S A L. XLIII. C A R M. G E N. xi:

David adversariorum vi & fraude pressus, a Deo liberationem peti-
ex fœdere ad glorificandum eum, & in spe confirmat animu-
sum.

- V**Index esto mihi Deus,
Et patrocinio protege me tuo,
Oppressum scelere impio :
Et fraudum laqueos frange nefarios.
2 Vitæ ô præsidium meæ,
Cur me prædio destituis tuo ?
Cur luctu vagor obsitus,
Dum sævæ furias vito tyrannidis ?
3 Profer lumen opis tuæ :
Montem pande viam quæ ferat ad tuum :
Montem, quam proprie domum
Majestate tui numinis incolis.
4 Atque aram adveniam ad tuam,
Ac te, lætitiae materiam meæ :
Et gratâ citharâ tibi
Grates lætus agam, conditor optime.
5 Cur mœres anime anxie,

3. Profer lumen, &c.] Lætam adjumenti tui consolationem
ostende, viamque monstra, quæ me ad templum tuum in monte
Sione situm deducat, monte, inquam, domo tua, quam tibi sol-
dicatam cum indicio amplitudinis divinitatis tuæ habitas ; 7.

Ac me sollicito pectore maceras ?

Omnem pone metum, ac Deo

Curam crede tui, quem super æthera

Cantu fospes adhuc feram,

Quum salvus patriæ reddar amabili.

P S A L. XLIV. C A R M. G E N. iii.

ommemoratis Dei beneficiis erga patres, conqueritur Ecclesia Deum
sibi non adesse, ut adfuerat olim : integritate animi & vita sua
freta probat se calamitates perpeti pro nomine Dei, opem ejus im-
plorans pro salute sua.

V Etusta ad aures fama nostras attulit,

Serisque patres posteris

Stupenda facta tradidere à te Deus

Patrata priscis sæculis :

Eliminatis quum prophanis gentibus,

Et incolis prioribus,

Horum labore fructibusque perfruī

Nostris dedisti patribus.

Certè nec armis lucidis, nec viribus

Debemus has victorias :

Sed nos favoris aura mollis & tua

Protexit indulgentia.

Ergo, salutis auctor unice ô Deus,

Ades piis salutifer.

Te dante vires, hostium ferociam

Tam facile profligabimus,

Taurus minaci quam jacit cornu pilas,

5. Te dante vires, &c.] Tu si robur dederis, tam levi momen-
inimicos feros & superbos prosternemus, quam facile taurus
nnos purpureos instar pilæ convolutos, cornu minabundo, iræ
suis indice, aut aridi stramenti fasciculos, versat : reges etiam
tuos in terram dejectos & pulverulentos pedibus conteremus. J.
Stipulæve

Stipulæve fasces aridæ.

Superba regum colla crasso in pulvere
Prostrata conculcabitur.

6 Non arcus istam lethifer fiduciam,
Non mucro fævus ingerit:

7 Tu nos ab hoste subtrahes, sternes sclo
Infensa nobis agmina.

8 Non ergo semper jure te cantabimus
Nostræ salutis vindicem?

Ac donec orbis astra volvet ignea,
Te prosequemur laudibus?

9 At nunc relictos objicis ferocium
Injuriae nos hostium,

Nec prodis ante nostra ductor agmina
Qualis solebas antea.

10 Hosti imminentि terga cogis vertere,
Prædæque das prementibus.

11 Pecus ut macello destinata, exponimur
Cædentiū libidini.

Omnesque terras barbararum gentium
Errore complemus vago.

12 Venum dedisti nos palam, nec auctio
Te ditiorem reddidit.

13 Vicina nostris oppida insultant malis,

14 Cladesque rident, fabula

Sumus prophaniis nationibus, caput

12. *Venum dedisti*] Id est, venum exposuisti tanquam vendidos. Ita dicimus pessum dare, quasi pedibus subjicere: Vide I 9. C. 12. *Nec auctio te ditiorem reddidit*] q. d. adeò viles mus, ut venum expositi emporem non inveniremus. Est enim *Auctio* venditio publica, quæ sub hasta ad vocem præconis mercifigillatim proclamantis fiebat, in quâ is qui pretium rei vendæ maxime auxisset, hoc est qui præ aliis maximè carè eam emere voluissebat, merces auferebat. Hinc *auctionari*, *auctionem* facere hasta subjicere, in propatulo vendere, & similia idem significant.

Motæ

- Motant, labella exporrigunt :
 5 Oculis oberrat usque contumelia,
 Pudorque vultus inficit :
 6 Dum voce acerba injurias exasperat,
 Minasque torvas adjicit
 7 Hostis protervus. Obruti tot cladibus,
 Tot undequaque instantibus :
 Tamen nec unquam est animus oblitus tui,
 Tecumque pacti foederis.
 8 Seſe nec ullis territus periculis
 Avertit aut flexit viā
 , Recta pes : Etsi penitus abjecti interim
 Abs te : Licet draconibus
 Immitioris gentis addicti jugo,
 Feramus umbram ergastuli :
 Et servitutem lugeamus, & necem
 Vitæ precemur tædio.
 , Iniqua meritis si tuis oblivia
 Offuderint se mentibus
 Nostris, manusve supplices protendimus
 Diis impiarum gentium,
 Id te lateret, abditas qui pectoris
 Prorsus latebras inspicis ?

19. *Recta pes : &c.*] Quamvis interea omnino abs te contempsumus, deditique libidini gentis serpentibus crudelioris, tenebras carceris toleremus, servilemque conditionem doleamus, vitæ fastidio mortem oremus: *F.*

19. *Umbram ergastuli*] Ergastulum propriè locus erat, ubi ergastuli, id est, servi conclusi in vinculis & compedibus, opus fabebant, sicuti jam ii faciunt, qui ad triremes sunt condemnati. unde vox ea etiam pro carcere & custodia usurpatur, cuius squa & tenebræ, nomine umbræ, hoc loco indicantur, Hinc Colubellæ ergastularius est qui præst ergastulis. *C.*

20. *Iniqua meritis, &c.*] Si ulla oblivious beneficia tua malè extendens, insentes nostras ceperit, *&c.* *F.*

- 22 Te propter, odio cæteris populis sumus,
Et instar ovium cædimur.
In te favoris pendimus pœnas : tui
Amoris odia nos premunt.
- 23 Exsurge, similem somnolentiæ moram
Salutis auctor corripe.
- 24 Cur ora condis, immemórque negligis
Tuos malis in ultimis ?
- 25 Afflictus animus, & malis præsentibus
Laslus, futuris anxius,
Succumbit oneri : strata tabescunt humi
Defecta membra viribus.
- 26 Exsurge genitor, & vigore corporis
Animique cassos subleva :
Clemens bonùsque nos ab hostis impii
Immanitate libera.

22. In te favoris, &c.] Amoris unius in te causâ punimur, &
quia te amore amplectimur, malevolentia hostium nos infestat. J.

P S A L. XLV. C A R M. G E N. I.

Laudatur rex Salomon a dignitate formæ, gratia eloquentiæ, fertitudi-
ne, potentia, splendore, & magnificentia, tum in se, tum in conju-
ge, Christum sponsum & Ecclesiam adumbrantibus.

COr micat, exsultant trepidis præcordia fibris,
Eructantque novum gravido de pectori carmen:
Certat lingua animum fando, manus æmula linguam
Scribendo exæquare, meo nova carmina Regi,

1. Cor micat] Micare est subito & quasi per brevia intervalla
resplendere aut exsiliare, aut subito aliquid extendere. Hinc est
digitis micare, lusionis genus, quo digitis utrinque extensis, alter
alterius numerum divinatione assequi studet. Virg. de equo ge-
nerofo : *Micat auribus, & tremit artus.* Ovid. 3. Fast.
Terror admonitis, corque timore micat, C.

- 2 *Dum cano: Regi, hominum cui nemo e semine cretus
Audeat eximiæ contendere munere formæ :
Quem decorat lepor, & roseis affusa labellis
Gratia: cui rerum cœli indulgentia spondet
Hunc fore perpetuum longæva in sæcla tenorem*
- 3 *Ergo, armis invicte heros, age, fortibus apta
Ensem humeris: ensem, per quem te gloria cœlo
Æquat; & adversum fidens fer pectus in hostem.*
- 4 *Frena tibi currūs verum moderetur & æquum,
Et quæ præcipitem clementia temperat iram.
His ducibus tibi surget honos, tua dextera factis
Clara per ignotas fundet miracula terras :*
- 5 *Cordaque vulnificis figens inimica sagittis,
Sponte tibi cuges validas procumbere gentes.*
- 6 *Nec maris aut terræ spatium, nec terminus ævi
Finiet imperium, sceptri moderamine justi*
- 7 *Quod regis, & leges mollis clementer acerbæ.
Te super æquævos omnes regnator olympi
Diligit, & læto vultum exhilaravit olivo :*
- 8 *Unde tui mulcent populi nova gaudia mentes;
Pallia quum loculis tibi depromuntur eburnis;
Et myrræ passim lacrymæ, stactæque suavis*

4. *Frena tibi currus, &c.] Veritas & justitia cum lenitate iracundiam vehementem moderante conjuncta, te omni ex parte gubernent, hōrum enim ductu & authoritate laus bonorum omnium tibi accrescit, tuque ipse rebus gestis insignis mira auditu per regiones longinquas effundes. J.*

7. *Leges mollis] a mollio mollire. C.*

8. *Pallia quum loculis, &c.] cùm vestes tibi de arcis eburneis existantur, cumque myrrha gummi ex arbore sudans, dulcisque stactæ spiritus, & jucundi herbæ Casiae odores tibi sparguntur. J.*

8. *Loculis eburnis] Pro cistis eburneis. C. 8. Myrrha lacrymæ] Myrrha propriè nomen arbusculæ Arabicæ est è qua amarus liquor myrrhæ, instar lacrymæ distillat, ad prohibendas putrefactiones olim tantopere expeditus, C. 8. Stactæque] stactæ ut volunt, est flos, seu succus, sive oleum, e cinnamomo vel myrrha incisa sudans. C.*

- Halitus, & molles casiae funduntur odores.
 9 Ancillæ apparent genus alto è sanguine Regum
 - Inter honoratas promtæ ad tua justia ministras.
 At Regina thori consors tibi dextera adhæret,
 Auro picta sinus, auro radiata capillos,
 Misit ab Eois Ophyre quod flava caminis.
 10 Tuque adeo Regina audi, & rem pectore conde:
 Nec mea dicta nega placidas demittere in aures:
 Jam nunc & patriam & patrem obliviscere, jam nunc
 Ex animo caros penitus depone propinquos:
 Unum oculis specta, unum animo complectere Re-
 11 Regem oculis animoque, tuo qui pendet ab ore (gem
 Unius & pulchris defixus vultibus hæret.
 Hanc dominum agnosce, & supplex venerare: nec ille
 12 Officio studioque tibi concedet: & illa
 Undarum regina Tyrus te murice & auro
 Accumulans colet: & vicina per oppida latè

8. Casiae odore] Quæ aliis est canella. C.

9. Ancillæ apparent, &c.] Ministræ tuæ suboles ex sublimi re-
 gum stirpe prognatæ præstò sunt, inter famulas nobiles mandatis
 tuis accipiendis paratæ: at regina uxor à dextra honoratiore parte
 tibi assidet, vestibus acu pictis & filis aureis variatis ornata, eque
 coma decora velut radios aureos fundens, autum illud quidem
 obrizum est, quod Ophyres insulæ eo abundantis coloni à forna-
 cibus orientalibus ad te mittendum curaverunt. F.

9. Ophyre] Insula navigationibus & auro Salomonis celebrata:
 Sic dicta, ut volunt ab Ophir nepote Heberi, cuius mentio fit
 Gen. 10. Hanc Josephus in India ponit, & suâ æstate terram aure-
 am vocatam confirmat. Ab hac dictum volunt aurum obrisum,
 quasi dicat ophyrisum. C.

12. Undarum Regina Tyrus] Tyrus primò colonia Sidonis, pos-
 tea Metropolis Phœniciae, talis fere olim situ, opibus & potentiam
 in mari Syriaco qualis nostro tempore est urbs Veneta in æstuariis
 sinus Adriatici. Quam autem splendidæ & opulentæ fuerint hæ-
 urbes patet ex 27. &c al. cap. Ezechielis. C. 12. Murice] Murex
 nomen piscis marini, ex genere concharum, ex quo color purpu-
 reus conficiebatur. Unde fere murex pro ipsa purpura accipitur.
 Psal. 103. Floris Tyrio comantis Murice. C.

- 13 Procumbent tibi suppliciter gazisque potentes,
Aut opibus clari: meritumque feretis honorem
Hunc populi. Pharii proles generosa tyranni
Tota decens, tota est gemmisque insignis & auro:
Et facies cultum illultrat, facieque decora
14 Pulchrior est animus. Tibi, Rex, en ducitur uxor,
Dives opum, dives picti vestis & auri,
15 Virginibus comitata sois, ac stirpe propinqua;
Virginibus, quas pompa frequens clamore secundo
Insequitur, plausuque fremens laetaque choreæ
Cantibus augustam laetas deducet ad aulam.
16 Neu desiderio nimium tangare tuorum,
Virgo, tibi dulcem patrisque & matris amorem
Leniet adnascens sobolis generosa propago:
Quos regere imperio terras, totumque per orbem

12. *Gazisque potentes.*] Gaza vocabulum origine Persicum & Germanico schafz cognatum. Sicut inter ipsas harum duarum gentium linguas magnam cognitionem esse perhibent. De voce Gaza sic scribit Pomponius Mela. lib. 1. in descriptione Syriæ. Ceterum in Palestina est ingens & munita admodum civitas Gaza (sic Persæ ararium vocant) & inde nomen est, quod cum AEgyptum Cambyses armis peteret, hoc belli & opes & pecuniam intulerat. Unde ad huc thesauros maenos & regios gazas dicimus. Q. Curtius lib. 3. Ante solis ortum pecuniam regiam, quam Gazam Perse vocant, cum pretiosissimis rerum efferi jubet. Extat vox eadem in sacris literis, Esth. c. 3. 9. In Gazam regis, id est, in fiscum sive ærarium. C.

14. *Pictai.*] Dialysis dipthongi, pro pictæ. Ut Virgil. Pictai vestis & Auri. Aulai in medio, &c. Et est hoc creberrimum apud Lucretium, apud Virgilium non item. Lucretius. Terrai frugiferai, pro terræ frugiferæ, ob quod, à Chrestillo quodam, antiquitatis admiratore præpostero, recitatum, ridet alicubi Martialis. C.

13. *Pharii proles generosa,* &c.] Nobilis regis AEgypti filia tota lapillis pretiosis decora, & spectabilis est, formaque mundum muliebrem gratiorcm facit; mens quoque pulchra ejus ipsius facie formosior est. J.

- Adspicies populos sceptris frenare superbos:
17 Nec tu carminibus, Rex magne, tacebere nostris:
 Quàque patet tellus liquido circumsona ponto,
 Posteritas te sera canet: dumque aurea volvet
 Astra polus, memori semper celebrabere fama.

17. *Dumque aurea, &c.*] Dum cœlum stellas instar auri splen-
 dentes circumaget. *f.*

P S A L. XLVI. C A R M. G E N. VI.

*Psalmus Dei beneficium erga pios, piorumque in rebus adversis fidem in
 Deum prædicat ex præsentia & operibus Dei: gentesque provocans
 ad cognoscendum ex operibus Deum, fiducia sua predicatione con-
 cludit Psalmum.*

Q Uom muniat nos præsidio suo,
 Virtute firmet, cum gravis intonat
 Procella, fortunæ periclis
 Eripiat dominator orbis,

2 Nullam expavemus vim: quatiat licet
 Orbem tumultus, terraque sedibus
 Convulsa, montium ruinis
 Arctet aquas pelagi frementis:

3 Insana quamvis æquora sœviant,
 Et vorticoso gurgite torqueant
 Spumamque limumque, & procellis
 Terrificis scopulos flagellent.

4 Nam civitatem, cui Deus unicè
 Indulget, atis & propriam suis
 Dicavit, algenti pererrans
 Lympha fugax hilarat liquore.

5 Occulta ne vis aut timor hosticus
 Urbis quietem sollicitet, Deus,
 Gentis suæ intentus saluti,
 Prævenit auxiliis pericla.

Gentes

- 6 Gentes tumultus concitet impias,
Et regna belli concutiat furor,
Flammis tremat cœlum coruscis,
Terrificet labefacta tellus :
- 7 Hac & duelli, pacis & arbiter
Stat, præliorum qui regit exitus,
Munimen, & nostræ salutis
Præsidium, Deus Abrahami.
- 8 Venite, adeste, & cernite non priùs
Audita, mira, incognita, quæ Deus
- 9 Patravit in terris ab ortu
Solis ad Hesperium cubile.
Funesta belli incendia sustulit :

6. *Labefacta tellus*] *Labefacere* est quasi labare facere, enervare, frangere, debilitare. Lucretius dixit *Membra voluptatis vi labefacta* & Cæsar lib. 2. Cap 22. *Dejecta turri, labefacta parte muri.*

7. *Duelli*] *Duellum* Hodie nonnisi duorum concertatio seu dimicatio, id est, pugna unius cum uno, vulgo, non sine barbarismo, appellatur, cum revera nihil aliud, quam bellum in genere significat. Nam sicut antiquissimi non bonus, sed duonus, ita non bellum sed duellum dicebant. Cicero in Oratore ad Brutum cap. XLV. complura in Latinâ Lingua suavitatis & aurum caussâ immutata à ratione veteri tradit : *Quid vero, inquit licentius, quam quod hominum etiam nomina contrahant ; quo essent aptiora ?* Nam ut duellum bellum, & duis bis ; sic Duellum eum, qui Pœnos classe devicit Bellum nominarunt, cum superiores semper appellati essent DVELLII. Vide & Quintilianum lib. I. cap. IV. Itemque Scalig. lib. III. Poët. cap. LXXXIX. & Barth. ad Briton. Aremor. pag. 674, Plaut. Epid. act. III. sc. IV. 5. 14. *Apud reges armis, arte duellica divitias magnas indeptus.* Horat. lib. I. Epist. II.

Græcia Barbaria lento commissa duello.

Loquitur de Trojano bello, quo Græcia Phrygiaque, quam Barbariam vocat, cujusque pars Trojanum regnum fuit, commissa fuit. Idem ad Augustum lib. II. 254.

*Terrarumque situs, & flumina dicere, & arces
Montibus impositas, & babara regna, tuisque
Auspiciis totum confecta duella per orbem.*

Fregit cruentæ spicula lanceæ :
 Contrivit arcus, & volucres
 In cinerem minuit quadrigas.
 10 Sedate motus mentis, ait Deus,
 Measque vires nescite, quem colet
 Quocunque sub cœlo repostas
 Gens hominum colit orbis oras;
 11 Hac & duelli, pacis & arbiter
 Stat, præliorum qui regit exitus,
 Munimen, & nostræ salutis
 Præsidium, Deus Abrahami.

10. *Repostas*] Syncope, pro *repositas*. Virg. *Manet alta mente*
repostum. *Placida compostus pace quiescit pro compositus*. C.

P S A L. XLVII. C A R M. G E N. X.

Judei hortantur gentes ad gratulandum Christo, & prædicantium eum
 a communi ipsarum vocatione ad Evangelium, & a potentissima regni
 Christi administratione & gloria.

TElloris omnes incolæ
 Deo canoros edite
 Plausus, canoris pangite
 Læti Deum præconiis :
 2 Deum verendum & arduum,
 Malisque formidabilem,
 Qui regna fastu turgida
 Frenat potenti dexterâ :
 3 Qui bellicosa compulit
 Parere nobis oppida :
 Nostrumque gentes inclytas
 Armis coegit sub jugum :
 4 Hæreditatem qui suam
 Nobis colendam credidit ;
 Unde Isaci nepotibus

Æterna fulget gloria.

- 5 En templo scandit prævio
Latum canente classico :
En scandit auctor omnium
Vulgi secundis plausibus.

- 6 Cantate læta carmina
Deo, canora carmina
Cantate: Regi psallite
Jucunda vestro carmina.

- 7 Qui sceptra rerum temperat,
Ac regna terræ dividit :
Docti modorum dulcibus
Hunc ferte in astra cantibus :

- 8 Qui dirigit mortalium
Res, & salubri vinculo
Legum coerces, lucido
E siderum prætorio.

- 9 Ad hunc potentes gentium
Se contulere principes :
Ulroque colla sub jugum
Rerum dedere præsides.

Nostrum Deum diis cæteris
Sublimiorem agnoscite,

5. *Classico*] *Classicum* accipitur pro tuba, aut buccina *Classis* est multitudine hominum ordine certo adunata ut in exercitu. *Eius tuba vel buccina vocabatur Classicum*, quo signum prælii dabatur: id qui inflabat, *Varroni est Classicen*. *Servius etiam Tullius in quinque classes distribuit Pop. Rom.* pro modo census, seu ut quisque dives esset, ut sic, qui ejusdem census seu τιμηματος essent, eadem quoque onera ferrent. Unde quintæ classis homines pro infimis & pauperimis habebantur. C.

7. *Docti modorum*] Pro periti modorum. Ita Cic. i. Offic. Literarum Græcarum doctus. C.

8. *Prætorium siderum*] Metaphora, quâ cœlum ceu cœli regia aut palatum indicatur. C.

Cœlum,

Cœlum, solumque, & sidera
Suo regentem numine.

P S A L. XLVIII. C A R M. G E N. iii.

Psalmus Deum celebrat, gratias agit de salute in Iudeos, pericula p̄cedentia explicat, fidem piorum confirmat, Ecclesiamhortatur ad recognoscendam veritatem promissionum Dei.

Rector beate cœlitum, cui nil viget
Simile aut secundum, cœlitum
Beate rex, sancta jure te Sion
In astra tollit laudibus:

2 Sion opacam versa ad Arcton, regia
Formosa Regis optimi:
Sion voluptas gentium, uberis soli
Arvis beatis accubans.

3 Sensere Domini vindicis potentiam
Solymæ superba mœnia:

4 Sensere numen, quum feroce viribus
Coiere Reges, copiis
Castrisque junctis, servitutem civibus
Tuis minati & vincula.

5 Perstrinxit oculos intuentum stupor,
Et horror artus perculit:

6 Quales tremores querulus excitat dolor
Vexante partu fœminas:

7 Pavorque trepidâ sparsit attonitos fugâ,

1. *Sion*] Mons urbis Hierosolymæ arduus & præruptus arce
Davidis & sepulturæ regum nobilitatus. C.

2. *Ad Arcton*] ἀρκτος, ursa est. Quia autem in plaga Septentrionali circa polum ursa major & minor conspicuntur, à quibus etiam polus & circulus arcticus nomen habent, inde fit ut eo ipso nomine plaga Borealis à poetis indicetur. Sunt autem qui scribunt, non in septentrionali, sed potius in meridionali parte Hierosolymæ, montem istum eique impositam arcem sitam fuisse. C.

Euri

Euri procella ut æquora

Excita ab imis penitus evertens vadis;

Trepidas carinas dissipat.

8 Hæc facta priscis retulere seculis
Parvis parentes liberis :

Hæc nos in urbe vidimus Dei, ratis
Qui frenat orbem legibus ;

Hæc urbe in illa vidimus, cui pervigil
Deus ipse custos excubat.

9 O sancte rerum genitor, in rebus malis
Tuam advocamus dexteram :
Tuas ad aras supplices advolvimur.

10 O rector orbis optime,
Tua laus per oras ultimas mundi, & tuæ
Imago fulget gloriæ

11 Et æquitatis. Te scelestos verbere
Plectente justo, gestient
Colles Sionis : nec ferer tacitum suum
Judæ propago gaudium.

12 Ite, & Sionem obambulate, mœnia
Spectate, turres arduas

13 Numerate, fossam & aggerem intuemini;
Molesque celsas ædium.

Narrate natis, posterorum ut audiant
Et obstupescant secula :

14 Solumque noscant & colant nostrum Deum;
Ortusque finisque inscium ;

7. *Euri procella, &c.*] Ut tempestas ab euro orientali vento coorta, aquas marinas à fundo usque excitans, timidas naves conquassatas dispergit. *f.*

11. *Te scelestos, &c.*] Te flagellis malos puniente, Hierosolymitani præ gaudio exilient, nec Judæi in lætitiam soluti eam tacebunt. *f.*

322 P S A L. XLIX.

Qui sempiternus sempiternâ nos ope
A fraude vique proteget.

P S A L. XLIX. C A R M. G E N. XV.

Psalmus hortatur omnes ad doctrinam audiendam quam propositurus est,
fiduciam suam in Deum prædicans, & securitatem de resurrectione
carnis & vita æterna: vanitatem eorum qui aliis rebus confidunt,
explicat, piosque non ad illorum sed sui imitationem vocat.

A Uditè gentes, ortus & occidens
Advertite aures, & medio dies
Quos torret axe, & qui vitreum solum
Ponti nivali finditis orbitâ.

2 Audite, sive ignotus, & infima
De plebe pauper, sive opibus potens,
Multaque fulges plebe clientium,
Aurique gazis ditibus incubas.

3 Fontes recludam jam sapientiæ :
Plenoque promam pectoris è penu
4 Prudentiam : jam lingua recondita
Oracula gestit carmine pandere.

5 Cur congerendis me cruciem bonis,
Famemque & acrem pauperiem timens,
Ut vita curis anxia tristibus
Me tristiorum trudat ad exitum ?

6 Gemmis & auro & murice divites

1. *Quos dies torret medio axe*] Periphrasis plagæ meridionalis, in qua, Sole in meridiano existente, dies omnium sunt calidissimi. C. 1. *Qui finditis solum vitreum ponti orbita nivali*] Circumlocutio plagæ septentrionalis, seu frigidæ, ubi solum vitreum ponti, id est, maris glacies, saepe ejus crassitieci est, ut plastra & rotas sibi impressas possit sustinere. C.

2. *Gazis incubas*] Quod proprium est avari, possidere scilicet, sed tamen non uti ; seu οὐτοις sine χρησει. Unde de eodem Virg. *Defossoque incubat auro*. C.

Superbientes adspice, qui sibi
Gaudent beato plaudere somnio,
Tutosque fluxis credere se bonis.

7 Germanus auro non redimet suum
De morte fratrem: nec pretio Deum
Donisve flectet fata retexere,
Ut membra liquit frigida spiritus.

8, 9 Sed nec perennes interitus moras
Dives pacisci, nec potis est putres
Ne solvat artus tempus edax: vetat
Id lege durâ fixa necessitas.

10 Mors æqua stultis & sapientibus
Intentat arcum: par manet exitus
Vitæ hos & illos: occupat improbis
Ignotus hæres parta laboribus.

11 Villæ superbæ delicias breves,
Luxuque structas regifico domos
Linquunt: sepulchrique irremeabilis
Tenebricosis sub latebris jacent.

Quid fama duris parta laboribus
Prodest? inanis quid tituli decus?
Quid aura blandæ laudis, & ambitus
Nomen futuris prodere seculis?

12 Qum vani honoris ver breve floruit
Lethale spirans mortis hiems, viros

7. *Flectet retexere*] Id est movebit, ut retexat aut immutet. C.
7. *Germanus auro, &c.*] Frater fratrem suum pecunia ab interitu non eximet, nec Deum præmiis aut muneribus ad revocandum decreta sua movebit, ut postquam anima corpus frigidum deseruit, defunctum vitæ restituat. f.

8, 9. *Sed nec perennes, &c.*] Mors enim æquè omnibus sine ullo discrimine, fatuis & prudentibus favens, telum intentat, similisque vitæ finis stultis & sapientibus futurus est, successorque incognitus bona magno labore parata repente invadit. C.

Et bruta raptans interitu pari,
Oblivionis nube pari premit.

- 13 Hac stulti ferunt : hanc male providos
Ducet nepotes error in orbitam :
14 Quos mors sepulchri sub scrobe conditos
Depascet, imbelles ut oves lupus.

Æterna cœli tempesties pios
Manes fovebit lucis in aureæ
Splendore : qualis manè fluit nitor
Per prata vernis picta coloribus
Stultis senectus robora deteret,
Pro sumtuosis bustum erit ædibus :
15 At me benignus de barathri cavo
Specu remissum suscipiet Deus.
16 Nec te cupido fauiciet æmula,
Stuporve, si quem videris impia
De plebe fluxis conspicuum bonis,
Clarumque multâ fulgere gloriâ.

14. *Quos mors sepulchri, &c.*] Quos quidem stultos sub tumuli fossa absconditos, mors ut lupus oves meticulosas vorabit : *contra vero, quamvis rectum iter ingressis moriendum quoque sit, moderata tamen, & bona cœli tempestas, perpetuo durans, eos in voluptatibus cœlestibus, & lumine jucundo degentes leniter contingit* ; qualis splendor manè per campos floribus vere crescentibus variatos discurrit : Imprudentibus verò temporis spaciū vires comminuet, eritque illis sepulchrum loco ædium magnifice stractarum. *F.*

15. *Barathri*] Barathrum est locus præceps & profundus unde emergi non potest ; aut hiatus naves, aut etiam flumina absorbens. Idem ferè quod vorago. Hic pro sepulcro accipitur. *C.*

16. *Fulgere*] Penultima brevi per Systolem, more antiquo quasi à fulgo fulgis. Tum enim multa secundæ conjugationis verba in tertia usurpabant. Virg. 4. Georg. *Stridere apes utero & ruptis effervere costis.* Ita Horatius alicubi dixit lavare penult. brevi, pro lavare Ita Psalmo quoque 84. *Tu das conspicua fulgere gloria.* *C.*

- 17 Quum dexteram mors illacrymabilis
 Injecit, ex tam divite copia
 Secum sub umbras nil feret : & comes
 Infida bustum gloria deseret.
- 18 Dum commeantis pectora spiritus
 Haustu calescunt, perfruitur bonis,
 Seseque curat molliter, & monet
 Omnes eundem pergere tramitem.
- 19 At quum parentes cesserit ad suos,
 Longum dolebit stultitiam brevem,
 Ad regna tractus lucis egentia,
 Quæ semper horror nubilus obsidet.
- 20 Rectrix honoris ni sapientia
 Accesserit, brutis homo bestiis
 Nil interest: quos vita facit pares,
 Exspectat æque inglorius exitus.

17. *Mors illacrymabilis*] Quæ nec lacrymat, nec lacrymis mo-
 vetur. C.

P S A L. L. C A R M. G E N. vi.

Psalmus Deum Sione habitantem, a natura, majestate, gloria, operibus, & verbo commendans, Ecclesiam docet rationem colendi eam foris ceremoniis & intus spiritu: improbos improbitatis evincens palam arguit: eos minis & promissionibus ad bonam frugem revocans.

- Q**ui frenat æquis legibus arbiter
 Superba Regum colla minacium,
 Vocabit in jus orbem ab ortu
 Solis ad Hesperium cubile.
- 2 Vultu verendo tum sacer ardua
 Pulchræ Sionis de specula loquens,
 Ad gentis humanæ coactum
 Concilium Deus ora solvet.

3 Non facta semper non finet impia
Impune grassari, veniet Deus :

 Flammæ vorax illum antecedet
 Vis rapidis agitata ventis.

4 Testes vocabit, cum populo suo
Acturus, ignes, lumine conscio
 Qui cuncta despectant ab alto, &
 Omniparæ sola vasta terræ.

5 Adeste primùm gens mihi propria,
Gens sancta, (dicet, cui super hostiis
 Legem dedi rite offerendis,
 Perpetuum pepigique fœdus.

6 Hic æquitatem judicis igneus
Miratus æther, justitiam Dei
 Annunciabit: nam sedebit
 (Ne dubita) Deus ipse judex.

7 Audi Abrahami progenies boni,
Peculiaris gens m:hi: te voco,
 Testem benignitatis in te
 Perpetuæ, & soliti favoris.

8 Non arguam te, quod mihi victimæ
Cruore raro altaria sparseris,
 Aut parcus armenti cremâris
 Rara sacrî holocausta flammis.

9 Non taurum egens te de stabulis peto,
Hircumve caulis: omne pecus meum est,

4. *Ignes lumine conscio, &c.*] Intelligit Solem, Lunam & reliquas stellas, quas alibi nominat pervigiles. C. 4. *Omniparæ terræ* Id est, omnia parientis, vel parantis. Ovid. vocavit *omniferam*: & apud Virg. est, *Terræ omnipotentis alumnus*. C.

8. *Non arguam, &c.* Non ego te reprehendam, quod hostiis ratis aram meam imbueris, aut pecorum tenax, sacrificia pauca ignibus super altare accensis combusseris. F.

8. *Holocausta*] Vox Græca, significans victimam, quæ tota accensa igne consumebatur. C.

10 Quod

- 10 Quod montium anfractus pererrat;
Quod nemorum tegitur latebris
- 11 Nec me volucris rupis in edito
Usquam recessu nidificans latet;
Non ulla picturato amictu
Ruris avis genialis hospes.
- 12 Quod si esurirem, scilicet ut petam
A te necesse est, arbiter ætheris,
Terræ, fretique, & quicquid ingens
Orbis habet gremio capaci?
- 13 Taurine vescor carnis, aut bibo
- 14 Hirci cruorem? pectore candido
Grates age, & quovis litabis
Rite Deo sine cæde voto.
- 15 Tum deprehensus rebus in asperis
Securus implora: auxilium feram,
Grates ut accepta salute
Lætus, agas, Dominumque laudes.
- 16 At impium sic alloquitur Deus;
Qua fronte leges tu recitas meas?
Et ore sanctum impurus audes
Sacrilego memorare fœdus?
- 17 Tu legum habenis impatiens regi,
Et institutis, moribus & bonis

11. *Genialis*] Jucundus &c voluptatem genio congruentem afferens. C.

14. *Pectore candido, &c.*] Imò potius munera mea animo sincero & grato recognosce, Deoque quacunque velis veterum oblatione sine animalium internectione, legitimè sacrificabis. F.

16. *Quafronte*] Integrane-an perficta? Sicut Terentius dixit, *Quo ore ad eam accedam?* Os enim & frons in Latina lingua pro pudore aut etiam pro impudentia non nunquam accipiuntur. Unde homo *frontis integræ*, pro eo, cuius pudor & verecundia illæsa est accipitur, cui contrarius est homo *frontis perfictæ*, qui frontem perficuit, seu impudens est. C.

- Juratus hostis, voce laudas,
Tecum animo mea verba rides.
- 18 Cum fure furti consilium cois,
Mœchis adulter te socium applicas :
- 19 Ad probra proiectus, dolosâ
Perniciem meditare linguiâ:
- 20 Cum fratre juncti vincula sanguinis
Oris procacis non rabiem premunt :
Infamia germanum eodem
Dedecoras utero creatum.
- 21 Et arbitraris mē similem tui,
Quòd perpetrata hæc dissimulaverim ?
Ne crede : tecum expositulabo,
Ante oculos tua facta ponam.
- 22 Considerate hæc vos, quibus excidit
De mente cæca mentio numinis :
Ne, quum prehendam, nemo sit qui
De manibus mihi prensa tollat:
- 23 Si victimam vis magnificam mihi
Mactare, laudes canta, age gratias :
Hæc itur ad certam salutem,
Hæc superos via pandit axes.

20. Cum fratre, &c.] Propinquitas generis cum germano oris petulantis, eumque calumniis proscindentis maledicentiam non cohabet, ignominia afficis fratrem ex eadem etiam matre genitum, tantum abest ut ab ignotis lœdendis abstineas. F.

23. Si victimam vis magnificam, &c.] Si vis hostiam condignam mihi sacrificare, beneficia mea prædicta, ea que grata memoriâ repete: hac enim ratione homines ad vitam æternam eunt, hæc etiam ratio est, quæ cœlum Dei ipsius domicilium aperit. F.

Psalmus iste tunc a Davide scriptus, sicut Hebreæ inscriptio declarat, quum a Nathane propheta gravissime esset increpatus de tetrorem illo adulterio simul & homicidio, sicut scribitur 2 Sam. 12. insignis est inter omnes Davidicos, continens illustre resipiscientia exemplum. Beza.

CARM. GEN. V.

David audita co^mminatione Dei per Nathanem, gratiam, peccatorum remissionem, & sui instauracionem petit, ut duce spiritu, sua sanctificationi, aliorum institutioni & Dei gloria possit incumbere, orat pro salute populi, omnesque boni votum Deo nuncupant de seip sis Deo consecrandis, & gratias agendis.

O Salus rerum, lacrymis precantum
Mollibus fle&i facili, rogantem
Lenis exaudi scelerumque tetras
Ablue sordes.

2 Usque peccati lave & usque labem;
Dum repurgatum maculis pudendis
Purius corpus niteat recocto
Ignibus auro.

3 Nam meam agnosco (pudet heu pigetque)
Ah miser labem : vitiique foeda
Mentis obversans oculis imago
Semper oberrat.

4 Unus arcani es mihi testis : unus
Arbiter verax, temerario ausu
Improbas linguas tua judicantum
Facta refutas.

5 Quippe jam primo scelus usque ab ortu
Hæret, infectas vitians medullas :
Deque conceptu genitricis hausí
Semina labis.

6 At tibi cordi est sine fraude veri

2. *Lave*] Veteri inflectione. Lavete enim antiqui dicebant penultimâ correpta. Horat. Lib. 3. Ode 12. *Nequi dulci mala vino lavere*. Vide Psal. 49. 2. *Usque & usque*] id est, continuè & quasi absque intermissione. Ter. *Qui hodie usque os præbui*. C. 2. *Niteat recocto, &c.*] Clarius auro flammis sape fuso splendet. *f.*

Simplicis candor, fideique certæ
Puritas, nullo labefacta duri
Turbinis iætu.

Hanc facis tanti, vitiis ut atris
Oblito, legum sapientiæque
Tu mihi arcanæ facilis beatum in-
dulseris haustum.

7 Ergo me hyssopi, sator alme, lustra
Frondis adspersu : maculæque cedent,
Membra candorem tibi lota lota vincent
Pura nivalem.

8 Si bonus lætum placidusque mittas
Nuntium, tristem mihi recreabis
Gaudio mentem : stupidos recurret
Robur in artus.

9 Ne neos lapsus oculis acutis
Semper observa, numerave labes :
Sed malæ culpæ nimium tenaces
Ablue fordes.

10 Cor mihi rectum, scelerisque purum;
O potens rerum genitor, refinge :
Spiritum firmum renova novata
Cordis in aula.

11 Neu mihi avertas faciem, tuoque
Arceas vultu procul, auferasque
Spiritum sanctum, calida incitatus
Rursus ab ira.

12 Redde, speratæ solido ut salutis

6. Fideique certæ, &c.] Stabilisque persuasionis sinceritas, nulla rerum adversarum vi commota tibi unice placet ; tanti autem fidem firmam æstimas, ut mihi turpibus scelerum maculis asperfo felicem mandatorum & sapientiæ occultæ gustum dederis. J.
10. Spiritum firmum, &c.] Spiritumque invictum in penetrali animi expurgato refice. J.

Gaudio per te fruar, inquieti
Spiritu motus animi rebelles
Principe firma.

13 Tum meo exemplo moniti scelesti,
Quos viâ flexit malesuadus error,
Denuò legum duce me tuarum
Jussa capessent.

14 Exphia noxa mihi sospitator
Cædis infandæ caput obligatum, ut
Te canam justum, pariterque lapsis
Parcere largum.

15 Tu viam vocis mihi pande : mutum
Tu Deus linguae moderare plectrum :
Tum feram latè tua magna gentes
Facta per omnes.

16 Victimæ si te caperent, dedissem
Victimam : sed te neque sanguis hirci
Fusus, aut sacris holocausta placant
Addita flammis.

17 Pœnitens fraudum scelerumque pectus,
Spiritus fracti, mala cor perosum,
Hæc Deum placant : adhibe hæc, & absque
Thure litabis.

18 Gentis humanæ bone dux, Sionem
Quo soles vultu facilis tuere :
Pace florentes Solymæ beatæ
Protege turres.

12. *Inquieti spiritu, &c.*] Animique turbati commotiones legibus tuis repugnantes inspiratione tua valde efficaci confirmata. *F.*

14. *Sospitator*] Servator. Nam sospitare est servare incolumem, *σωτηρ*. Utitur Apuleius in Apologia. C. 15. *Viam Voci, &c.*] Mihi denuo os aperi quod prius ob scelus meum occlusum obmutuit. *F.* 17. *Absque Thure litabis*] Eumque absque externo ullo sacrificio tibi placabis. *F.*

19 Tum tibi votis bona mens pudicis
 Sacra persolvet: facer hircus ignes
 Pascet, & sanguis vituli calentem
 Imbuet aram.

P S A L. LII. C A R M. G E N. X.

David Doegum accusatorem reprehendit scelerati facinoris, animi, & mendaciorum nomine: Dei judicia denunciat, Ecclesia gratulationem prædicat: & fide gloriatur se aliquando in Ecclesia fidei officia præstitum.

- Q**uid gloriaris impie
 Tyranne pravis artibus?
 Inoxiis clementia
 Divina semper excubat:
 2 Tua lingua semper fraudibus
 Intenta comminiscitur
 Nefas, nitente cotibus
 Acutior novacula
 3, 4 Te prava rectis plus juvant;
 Plus falsa veris recreant:
 Dolisque pestilentibus
 Libenter aurem commodas:
 5 Ergo Deus te conteret,
 Hominumque contubernio
 Eliminabit, ac domum
 Evertet omnem funditus.
 6 Iustus videbit, & gravem
 Dei pavebit dexteram:
 Vanaque dignos exitus

2. *Nitente cotibus, &c.*] Magis acute scindens, quam cultor tonsorius a saxo splendens cuius attritu acuitur. *J. 6. Vanaque dignos, &c.*] Finemque impiorum, animi ipsorum furore nihil ipsis profuturo dignum, latus accipiet, ludosque faciens dicet. *J. Ridebit*

Ridebit impotentiâ.

7 En ille gazis (quiet) Malisque fidens artibus,
Securus ille numinis,
Divinæ opis nil indigens.

8 Ego, ceu virens olivula,
Domini in agello consita,
Florebo, spe fretus bonâ
Cœlestis indulgentiæ.

9 Te semper in cœtu pio
Fraudis scelestæ vindicem
Canam, & tuæ clementiæ
Spe dura cuncta perferam.

P S A L. LIII. C A R M. G E N. iii;

Eodem est argumentum cum Psalmo 14,

O Pinionum fœda mentem toxicō,
Corpusque scelerum sordibus
Contaminata turba, vela dum cupit
Suo furori obtendere,
Ferri ac referri fortis arbitrio omnia
Humana comminiscitur.
Ergo exsoluta numinis formidine,
Dat frena turpitudini :
Scelestæ, fœda, abominanda excogitat;
Excogitata perpetrat.

2 Ex arce celsa siderum deflexerat
Dominus in orbem lumina,
Si quem videret forte non penitus malis
Corruptum opinionibus,
Qui mentis oculis omnium fideliter
Rerum parentem quæreret.

- 3 Erroris omnes nubili fallacibus
 Fraus illigârat cassibus :
 Se cuncti eisdem polluere sordibus,
 Nec recta cuiquam curæ erant.
- 4 Ergo ille mitis, munificus parens,
 Irâ incitatus asperâ,
 Gens (inquit) ista plena scelerum ac sordium ;
 Crudelis animo, & impia,
 Quæ panis instar devorat plebem meam,
 Ecquando cognoscet Deum ?
 Ecquando mentis lumine in periculis
 Agnoscat orbis arbitrum ?
- 5 Certe timebit non timenda, & conscius
 Vexabit horror pectora.
 Nam Dominus ossa conteretque, & hostium
 Ausus retundet impios.
 Vultum pudoris turpibus sparget notis :
 Turbabit animum infamia.
 En unquam Eoo lucifer salutifer
 Ab axe promet hunc diem ?
 Ab arce Dominus quum Sionis ardua
 Speratam opem feret suis,
 Patriæque vinclis liberos hostilibus
 Reddet nepotes Isaci :
 Electa laudes illius gens ut canat
 Perfusa vero gaudio.

P S A L. LIV. C A R M. G E N. X.

David a Ziphaeis proditus, Deum orat pro salute sua & hostium exitio, promittens se, accepto hoc beneficio, amplius culturum & predictatum Deum.

Rerum parens me protege,
 Et saevo ab hoste libera,

Nomen

- Nomen boni ut colant tuum,
Et vim pavescant impii
2 Audi benignus supplicem,
Nec durus aurem questibus
3 Occlude : vitæ nam meæ
Crudelis hostis imminet.
Infestus hostis imminet
Vitæ meæ : nec vindicem
Dei potentis dexteram
Sibi imminentem respicit.
4 Rerum sed æquus arbiter
Opem feret: periculis
Me liberatum fulciet,
Et sospitem tuebitur.
5 Suis peribit artibus
Scelestæ fraus, & incident
In ipsa cæci retia,
Quæ clam mihi tetenderant.
6 Liber periculo, victimis
Te munerabor : te canam
Patrem, bonis placabilem,
Malisque formidabilem :
Qui libero molestiis
Mihi dedisti gaudia
Haurire læto lumine
De clade gentis perfidæ.

6. *Qui libero molestiis, &c.] Qui mihi anxietatibus liberato donasti. lætitiam capere hisce oculis exitio hominum fraudulenterum gaudentibus. f.*

+ P S A L. LV. C A R M. G E N. V:

David orta Abschalomni conspiratione, Deum orat pro salute sua & hostium ruina, seipsumque de utriusque eventu confirmat a fide sua, & experientia beneficiorum Dei, & ab aliorum impietate & inhumanitate. Postremo se & omnes suo exemplo confirmat.

Cœlitum

- C**OELitum rector bone, mitis aurem
Admove in rebus trepidis vocanti,
Neu meos vultu tetuico severus
Despice questus.
- 2** Adspice attentus mihi quo tumultu
Æstuet pectus: gemitu dolores
- 3** Quo fremant, dum vis mihi **frausque fævi**
Imminet hostis.
Imminet fævus capiti tyrannus,
Et meæ famæ meditatur atrox
Crimen, & secum turrit impotenti
Turbidus irâ.
- 5** Cor micat, nervis trepidant solutis
Ossium nexus, animus labascit,
Semper & pallens oculis oberrat
Mortis imago.
- 6** Ergo sic mecum loquor: O quis altos
Nubium in tractus celeri columbae
Me levet pennâ, nemorum & remotis
Sistat in antris!
- 7,8** Ut procul curâ trepidâ metuque
Montium solos habitem recessus,
Ocyor ventis ferar & corusci
Fulminis alis.
- 9** O Deus linguas malè perde pravas,
Illitas linguas gelido veneno:
Quæ dolis, probris, rabidisque vexant
Litibus urbem.
- 10** Sive lux fundat radios micantes,
Sive nox fundat tenebras opacas,
Excubant muris maledicta, vicis
Omnibus errant.
- 11** Vis, furor, fraudes, scelerum libido
Obsidet cunctos aditus viarum,

Et fames auri miseram trucidans
Fœnore plebem.

12 Si palam sœvos inimicus enses
Stringeret, si clam laqueos pararet,
Dente si famam peteret maligno,
Æquior essem :

13, 14 Tu mihi insultas comes & fœdalis,
Testis arcani taciturni, & auctor
Confili, sacræ totiesque junctus
Fœdere mensæ.

15 Gentis humanæ moderator, orbem
Qui salutari regis æquitate,
Fraudis auctores scelerumque vivos
Obrue terrâ.

16, 17, 18 At mihi attentam dabis æquus aurem,
Sive lux promat radios ab undis,
Sive lux condat radios sub undis
Vespere sero.

Inter hostiles dabis ut tumultus
Tutus evadam : mihi nam superbis
Viribus fretus numeroque sœvus
Imminet hostis.

19 O potens rerum, sine fine pœnis
Tu premes justis scelus impiorum,
Arrogans pectus quibus obstinatâ
Intumet ira.

20 Pace qui fictâ simulant amicæ
Mentis affectus, animoque virus
Occulunt, prisco neque facta curant
Fœdera ritu :

14. *Confili*] Vide Annot. ad vers. 16. Psal. 10. C. 19. *Intumet*]
Pro intumescit quod frequentius. C. 20. *Prisco neque &c.*] Pa-
cemque more antiquo constitutam non magno faciunt. f.

- 21 Laeteus blando fluit ore r̄ivus :
Bella cor spirat fera, suaviorque
Balsamo sermo secat instar ensis
Vulnere cæco.
- 22 Tu tui curam Domino relinquē,
Is tuos gressus reget, is dolores
Leniet, justumque ope sublevabit
Rebus in arctis.
- 23 Impio, fallaci, avidoque cædis
Fila mors rumpet viridi in juventa :
Me tui, rector bone, spes favoris
Certa fovebit.

21. *Balsamo*] Nomen arbustulæ, & ex ea emanantis unguenti nobilissimi, uni Judææ olim concessi, de quo multa Plinius, lib. 12, cap. 25. Et Corn. Tacitus lib. 21. Item Justinus lib. 36. C.

P S A L. LVI. C A R M. G E N. vi.

David a Schaulis persecutionibus, veiens in Pelischtæorum manus, Deum orat pro salute sua, fidei & innocentia nomine, & pro adverſiorum exitio : fidem suam in Deum prædicat, ei laudem tribuit de acceptis promissionibns, quarum complementum expectabat.

- O Rbis creator me bonus adspice,
Injurioso quem pede prorutum
Hostisque conculcat, premitque
Affiduis agitans periclis.
- 2 Conculcat hostis me numero ferox,
Et insolenti færitiâ premit :
- 3 Nec liberas luces laborum,
Nec vacuas sinit ire noctes:
Seu luce terror sollicitus mihi,
Seu nocte circumstat, pater optime,
Spes rebus in duris mihi una,

Et

Et columen superas salutis.

4 Te fretus uno, pollicitis tuis
Innixus unis, nec metuam dolos
Mortalium cæcos, minasque

Terrificas, & aperta bella.

5 Calumniantur quæ loquor omnia,
Pravaque carpunt facta libidine :
Huc conferunt omnem laborem, ut
Exitium mihi moliantur.

6 Cœtusque cogunt, & capiti meo,
Quà fraude, quà vi, jugiter imminent :
Vestigia observant, nec horam
Insidiis vacuam relinquunt.

7 Impunè tantam nequitiam ferent ?
Pravique fructum consilii legent ?
O arbiter mundi, nec illos
Præcipites agis in ruinam ?

8 Meæ labores tu numeras fugæ :
Urnâ repostas tu lacrymas meas
Servas : apud te certa constat
Uisque mei ratio doloris.

9 Aurem vocanti tu facilem mihi
Das, atque inanes spes facis hostium :
Et signa non obscura amici
Das animi, & stâbilis favoris.

10 11 Te fretus uno, pollicitis tuis
Innixus unis, nil metuam dolos
Mortalium cæcos, minasque

3. Superas] Superare crebrò pro superesse seu superstitem esse usurpatur apud. Virg. *Quid puer Ascanius, superatne & vescitur aura Aetheria ?* pro superetne. C. 6. Cœtusque cogunt &c.] Multitudinem colligunt, periculumque adversus meam salutem partim fraude, partim violentiâ, intentant. F. 6. Qua fraude, qua vi] ad imitationem illius Terentiani. *Quo jure, quave injuria.* C.

Terrificas, & aperta bella.

12 Te semper ergo carmine patrio
Laudabo, vitæ præsidium meæ :
Ex hostium ferro dolisque
Incolumis tibi vota reddam.

13 Te liberatus vindice te meum
Firmante gressum, ne titubent pedes,
Dum spiritus fovebit artus,
Jussa sequar tua, rector orbis.

13. *Te liberatus vindice*] Te me in periculis vindicante. J.

P S A L. LVII. C A R M. G E N. ii.

David Schauslem fugiens, gratiam & salutem a Deo petit, fidem suam in Deum profitetur, exponit adversariorum improbitatem, & propter gloriam Dei iudicia eius confici postulat, ad salutem suam, hostium vero exitium.

Sancte parens miserere animæ pereuntis, & omnem
In te salutis quæ locavit spem suæ :
Meque tuis alis rectum defende, procellæ
Dum sævientis impetus deferveat.

Te echo, te (solum in rebus quod restat egenis)
Appello, supplex & tuam imploro fidem.

2 **T**e echo, qui cumulata mihi promissa refundes,
Et cœpta duces prosperos ad exitus :

3 **Q**ui mihi subsidium e cælo præbebis, & hostis
Jamjam imminentis liberabis faucibus :
Qui dabis auxilium ex adyto sublimis olympi,
Memorque fidei & pristinæ clementiæ.

4 **I**nter enim sævos habito feritate leones :
Flammam vomentes versor inter belluas,
Lingua quibus sævo proscindit acutius ense,

1. *Deferveat*] Metaphora a musto quod oportet defervescere
antequam mitescat: Similis ratio est affectuum iræ & indignationis.
C. 3. *Adyto olympi*] Vide Psal. 18. & 20. 7.

Dentes

Dentes sagittis lanceæque cuspide.

5 O Deus augustum celso caput exsere cœlo:
Ostende terris gloriæ jubar tux.

6 Explicuere meis pedibus sua retia: terræ
Me sævus hostis penitus afflictum premit,
Et scrobibus fossis iter obsedere: sed ipsi
Mihi paratas in scrobes cæci ruent.

7 Mens invicta malis, animi vigor integer, orbis
Te voce rector, te celebiabit lyrâ.

8 Eia agè depositis mens expurgiscere curis,
Et tu canora barbitos cum nabliis.

Ocyüs auroræ quām lucifer excitet ignes,
Aurora cantus quām volucrum exfuscit;

9 Te, pater alme, canam: populos tua facta per omnes;
Quàcunque tellus panditur, vates feram.

10 Nam tua siderei bonitas fastigia cœli,
Fidesque tractus nubium supervolat.

11 O Deus augustum nitido caput exsere cœlo,
Ostende terris gloriæ jubar tux.

6. *Explicuere*] Inimici casses suos ad me illaqueatum intercipiendum distenderunt. *J.*

7. *Mens invicta*] In nonnullis legitur *infracta*, pro non fracta, cùm tamen infringere sit valde frangere Virgil *Turnus ut infractos adverso Marte Latines Defecisse videt*. *Infractos*, id est, valde fractos & debilitatos. *C.*

8. *Barbitos*] Et *Barbiton*, Instrumentum lyricum est, plectro solitum pulsari, inventum Terpandri, vel ut alii volunt Anacreontis. *C.* 8. *Lucifer excitet ignes &c.*] Indicatio Temporis matutini sive diluculi. in qua utrobique το ἀευχον ἐμψυχον ornatamento bonis Poetis admodum familiari. Tale illud. *Increpat æstatem feram Zephyrosque morantes.* *C.*

P S A L. LVIII. C A R M. G E N. VI.

David aulicos se apud Schaulem traducentes increpat, injusticie, improbitatis & pertinacia nomine, judicia Dei imprecans illis ventura confirmat: piorum latitiam, pacem, & salutem conjunctam gloriae Dei prædicat.

Qui

Qui jura celso de folio datis,
Qui frena legum flectitis, en erit
De plebis ut caussis egenæ
Judicio statuatis æquo ?

2 Quin mente pravâ nequitiam & dolos
Versant, sub umbra justitiæ tegunt
Injuriam : factis honesti
Objiciunt speciem pudendis.

3 Maternâ ab alvo flagitii viam
Sensim sequuntur, perque suos gradus
Obliqua sectandi libido
Cum teneris adolescit annis.

4 5 Linguâ venenum pestifera gerunt :
Auresque claudunt consiliis, velut
Obturat aures calida aspis,
Quæ magicos metuit susurros.

6 Confringe malas, ô Deus : impudens
Os comminutis contere dentibus :
Et riabitibus sævis hiantes

1. En erit De plebis &c.] An unquam tempus erit, ut de pauperum controversiis sententiam ferentes, judicium juste pronuncietis ? f.

4, 5. Aspis] Genus serpentis, de qua vide Plin. lib. cap. 23. & lib. 29. cap. 4. Aristoteles quoque de animalibus lib. 8. cap. 29. in Africa eum digni affirmat, ejusque ictui nullum remedium. Has Cleopatra Regina Ægypti, mori volens sibi scribitur admovisse. Torpore autem & somno fauicos necabat. Cur autem vocaverit aspidem callidam, pater ex Plinio, libro & capite primo indicato. Ubi de aspidis ingenio sagaci hæc quodam modo mira narrat: Unus inquit huic tam pestifero animali sensus, vel potius affectus est. Conjuga ferme vagantur, nec nisi cum compare vita est. Itaque alterutra interempta, incredibilis alteri ultionis cura persequitur interfectorum, unumque eum in quanto libet populi agmine notitia quadam infestat. Perrumpit omnes difficultates, permeat spatia nec nisi omnibus arcetur aut præceleri fuga. C.

Hos inhibe catulos leonum."

- 7 Emissa fracta cuspide spicula
Intercidant, nec vulnera perferant :
Ipsique vanescant repente,
Per bibulas velut unda arenas.
- 8 Sensim liquecant, tardigradus velut
Limax : acerbo funere deserant
Vitale lumen, more foetus
Ante suum pereuntis ortum.
- 9 Florentis ævi in limine, turbinis
Vis atra tollat progeniem, prius
Quam surculus spinas tenellus
Exserat, & stimulis acutis
Fœcunda latè brachia porrigit.
- 10 Justique pœnæ vindicis exitum
Latè videbunt, impiique
Sub pedibus fluvium cruoris.
- 11 Vitæ bene actæ gens hominum sciet
Manere justos præmia : at impios
Manere pœnas, arbitrumque
Esse Deum sciet orbis æquum.

8. *Tardigradus*] Sic Plautus in *Amphytr.*, *gradum testudineum* dixit. C. 8. *Limax*] Propriè cochlea nuda est seu domunculam suam non circumferens, quamvis Columella dixerit.

Implicitus conchæ limax,
Scribit autem Gesnerus ex Alberto quod limax sale conspersus liquefacit, & in aquam viscosam convertatur. C. 8. *More fœtus ante ortum pereuntis*] Periphrasis fœtus abortivi. C.

P S A L. LIX. C A R M. G E N. x.

David ab administris Schaulis circumventus, liberationem a Deo petit;
fidei, innocentie sue, ac hostium improbitatis nomine, qua descripta,
illis imprecatur, quod ad gloriam Dei futurum erat, & se Dei lan-
des grato animo prædicaturum profitetur.

AB hostis inclem̄tia
Me rectoR orbis assere :
Defende vim crudeliter
Me semper oppugnantium.

2 Ab improbis me protege
Lætis cruore innoxio,
3 4 Meæ saluti per dolum
Qui cæca tendunt retia.
 Ultro im̄merentis in caput

 Consilia cunæta conferunt :
5 Exsurge, teque pessimis
Fer obviam conatibus.

 O arbiter mortalium,
Et agminum cœlestium,
Favore semper qui pios
Peculiari amplecteris,

 Exsurge, pœnis impias
Compesce gentes : perfidis
Neu parce, qui sibi favent
Nefanda quum patraverint.

6 A sole Eoo ad Hesperum
Perambulabunt compita,

7 Et instar oblatrantium
Canum feroceS obstrepent.

 Nihil nisi merum crepant
Ferrum, cruentum, vulnera :
Et quæ loquuntur propalam,
Clam posse rentur obrui.

8 Meæ salutis tu Deus
Tutela præsens, irritas
Ridebis iras, & tua
Me dextera tueberis.

9 Tu robur es meum, mea

Vires, & arx fiducia.

Ergo quieto pectore

Exspecto spe tui auxili.

10 Discrimina imminentia

Ope antevertes : & malis

Fracta hostium superbia,

Lato fruar spectaculo.

11 Ne prorsus impios tamen

Una ruina elimina,

Oblivioso ne pii

Torpore recta negligant :

Sed error illos dissipet

Vagos per orbis ultimas

Oras : tuaque dextera

Semen piorum protege.

12 13 Ob oris arrogantiam;

Virusque linguæ noxiun,

Mendacia & perjuria,

Consume semen impium :

Evelle stirpe ab ultima

Justi furoris impetu,

Ut nōrit orbis ultimus

Deum bonorum vindicem:

14 A sole Eoo ad Hesperum

Perambulabunt compita,

Et instar oblatrantium

Canum procaces obstrepent:

15 Passim vagati, pauperem

Victum ut parent, sub vesperum

15. Passim vagati &c.] A sole oriente ad ejus occasum usque
me observaturi per vias incēdant, elatique obloquentur more ca-
num prætereuntes latratu inessentium. f. 15. Ubi passim er-
raverint, ut victum tenuem quærant, multa de nocte cūbitum
eant, cibi tenuis indigentes, f.

- Serum petant cubilia,
Victus egentes pauperis.
- 16 Ego interim Deum canam,
Fortem, bonumque in asperis
Rebus suorum vindicem, &
Fidumque propugnaculum.
- 17 Deum canam, qui robore
Me fulcit, auget viribus,
Benignitate sublevat,
Tuetur arx ut ænea.

P S A L. LX. CARM. GEN. ii.

David Syrorum exercitu caso, Deum contra Edomæos implorat, de prioribus Judæorum calamitatibus expostulans; & promissis Dei, operibusque expensis, ac fide confirmata, exercitum ad strenue agendum hortatur, fretum promissionibus Dei.

- S**ancte parens, nostris vitiis oftensus, abactas
Pressosque duris dissipasti nos malis :
Placatus mitisque veni, jamque immemor iræ
Salutis auctor ad tuos revertere.
- 2 Omnis ager rimis te concutiente dehiscit :
Committe rimas, refice quassatum solum.
- 3 Dura tuæ genti spectacula terre dedisti
Inebriatæ poculo formidinis :
- 4 At trepidos tandemque animi miseratus egenos,
Signum salutis efferes : qui te colunt,
Veridicis freti oracli, formidine mersum
Erigere rursus audeant ut verticem :
- 5 Eripiasque tuos gelidi formidine lethi

2. *Dehiscit*] Dehiscere frequentativum ab hio, est quasi hiatus quodam se aperire. Virgilius.

Sed mihi vel tellus optem prius imma dehiscat. C.

4. *Oracli*] Per Syncopen, pro oraculis. C.

Præfens,

Præsens, & opifer invocantes audias.

6 Audiit, ex adytoque Deus flammantis olympi
Vocem rependit gaudii prænuntiam.

En tibi frugiferos Sichimæ dispertiar agros :
Vallem Sucothi metiar decempedâ.

7 Nonne mihi parent Jacobi pignora, quisquis
Vel pecore tondet arva, vel vomere fecat ?

8 Oppida sub pedibus Syriæ calcabo superbæ,
Moabum, Idumen, & Palæstinas domos.

9 Quis mihi pandet iter munitas ductor ad arces ?
Muros Idumes divitis quis diruet ?

10 Quis? nisi tu nostræ gentis, Deus unice, tutor,
Qui nos premendos hostibus reliqueras,
Offensus vitiis pravis: nec in arma ruentes
Nostros præbias dux ut ante, exercitus.

11 Nunc pater auxilium rebus bonus adfer in arctis :
Humana fallax credulos spes decipit.

12 Te duce, viætrici decorati tempora lauro,
Pedibus prememus hostis arrogantiam.

6. *Decempeda*] Virga decempedali. 7.

6. *Sichimæ*] Sichem oppidum Sichemitarum in Samaria, non procul à Gazer, ad montem Garizim, prope quod Abraham aliquando habitavit, & ubi fuit fons Jacob. C. 6. *Sucothi*] Sucoth oppidum trans Jordanem, non procul à torrente Jaboc, è regione Ephraim, aliud in vicinia Hierosolymæ prope Emauntem. C.

8. *Syria*] Syria regio est Asiæ majoris finitima Judææ inter orientem & septentrionem cuius metropolis Damascus, olim Arama hodie Soria. C. 8. *Moabum*] Moabitæ habitarunt in regione media inter Arabiam & mare mortuum, quæ Moabitis dicta est, à Moabo Filio Lothi. C. 8. *Idumen*] Idumæam intelligit, finitimatam Judææ inter meridiem & occidentem, sic dictam ab Edomo. Lucanus 3. *Palmarum dives Idumen*. C. 8. *Palæstinas domos*] Intelligit regionem Philistinorum. Idumææ & mari Syriaco quasi inclusam: cuius oppida sunt Accaron, Ascalon & Gaza: sic dictam a Philisto Filio Mizraimi, nepote Chami, a quo teta illa regio quam Israelitæ post ejectos Cananæos tenuerunt dicta est Palæstina. C.

CARM. GEN. XV.

David rex in extremam regionem pulsus, auxilium Dei implorat ante acceptorum beneficiorum nomine; regnum Christi promoveri petit, deinde gratum animum pollicetur Deo.

- A** Udi vocantem me bonus, & meis
Intentus aurem da precibus, Deus;
Projectus oris orbis in ultimis,
Ad te recurram rebus in asperis.
Me siste rupis culmine in arduo
3 Procul periclis: semper enim tui
Spe fretus, hostis tutus ab impetu,
Munitæ ut arcis præsidio fui.
4 Tentorio fac semper ut in tuo
Degam, sub alis protegar & tuis:
5 Qui lenis aurem das precibus meis,
Qui vota lætum ducis ad exitum.
Frenare sceptris te metuentium
6 Hæreditatem das mihi: regiæ
Tu longa vitæ tempora porrigenas
Nectes peractis secula seculis.
7 Securus ut te perpetuò colat
Rex, liberalem porrige dexteram
Fortuna in omni: quâque soles fide
Fac ut fruatur pollicitis tuis.
8 Ac tum periclis liber ab asperis,
Te voce, dulci te citharâ canam,
Pacti tenacem, & munificum tuis;
Et vota ad aras perpetuò feram.

6. Regiæ] Tu meæ vitæ spatum, quem regem designasti, prorogatum extendens, annis præteritis annos multos adjicies. f.

C A R M. G E N. iii.

*David oppressus fiduciam suam in Deum prædicat : hostes reprehendit,
seipsum & Ecclesiam exemplo suo confirmat, omnesque a fiducia
verum humanarum ad Deum revocat, & confirmat auctoritate
verbi ejus.*

- 2 **M**Ens acquiescit unicè mea in Deo :
Hinc spes salutis, arduis
In rebus arx hæc : tutus hoc munimine
Nullum tremiscam ad impetum.
- 3 Quousque tectis fraudibus subvertere
Innoxium tentabitis ?
Pœnas daturi mox & ipsi, improvidi
Jamjam imminentis exitùs,
Proni in ruinam incubitis, ceu mœnia
Saxis solutis putria :
- 4 Et interim omnes corporisque & ingenii
Vires eò contenditis.
Vobis placetis fabulis vanis, gradu
Turbetis impii ut pium.
Clam devovetis corde tacito, propalam
Laudatis ore subdolo.
- 5 At tu acquiesce mens mea in Deo tamen :
Hinc spes salutis, arduis
In rebus arx hæc : tutus hoc munimine
Nullum tremiscam ad impetum :
- 7 Spes inde vitæ & gloriæ pendet meæ,
Et roboris fiducia.
- 8 Quocunque cœli gens colis sub fidere,
Huic crede rem, sobolem, domum :
Omnes ad illum mentis ægritudines,

3. *Ceu mœnia*] Veluti in mures vetustate ruinosos saxis calce
non bene cohærentibus. *J.*

Et læta defer & refer :

Semperque præsens numen ejus omnibus
Adesse cœptis senties.

9 Ventosa regum & principum potentia
Est vanitate vanior,

Adeoque fumo levior : ut si principum
Hac lance vires omnium,
Inanitatem hac colloces, cunctis simul
Inanitas præponderet.

10 Ne firma spera parta per vim : ne nimis
Confide stultis viribus.

Opes abundant affluenter? ne bonis
Da rebus animum credulum.

11 Semel est professus, nec semel tantum Deum
Id profitentem audivimus,

Se posse solum cuncta, se solum bonum,
Et arbitrum rerum unicum :
Bonis benignum semper & placabilem,
Malisque formidabilem.

8. *Et læta defer &c.*] Omneque mentis lætitiam illi nunci-
ate. 9. *Ventosa Regum &c.*] Leves potentium omnium opes
funt, ipsaque vanitate & nihil magis fluxæ, ponderisque mino-
ris, quam fumus levissimus, ut si in altera stateræ parte poten-
tiam magnatum omnium ponas, in altera vero statera nihilum &
vanitatem ipsam ; vanitas nihilumque majoris sit ponderis cunc-
tis viribus principum conjunctis. *F.*

P S A L. LXIII. C A R M. G E N. xviii.

*David exsul desiderium suum revisenda glorie aspectabilis Dei in Eccle-
sia exponit, seipsum presente Dei gratia consolatur, & inimicorum
suorum exitium predicit, ac lætitiam suam.*

Deus, salutis auctor & custos meæ,
Te veneror roseus quum fugat astra dies.
Te mens anhelat, membra sitiunt languida,

Terra

Terra velut pluvias arida quærit aquas.

2 Quamvis arenas aridas æstu colam,
Præsentem Dominum mens videt usque meum;
Non aliter adyta arcana quam si conspicer,
Numinis adservant quæ monumenta tui.

3 Nec dulcis æque est vita quam benignitas,
Quâ vitam munis prosequerisque meam.
Ergo remotis dissipatus quamvis locis,
Præsidio tutus te celebrabo tuo:

4 Tui sonabunt nominis præconia,
Quæ dederis vitæ tempora cunque meæ.

5 Nec viðtus æquè recreat corpus, tua
Excitat ut mentem laus celebrata meam.

6 Tu nocte carmen, mane tu carmen mihi es:

7 Tu trepido præfens fers mihi semper opem,
Securus alis conquiesco sub tuis:

Teque procul curis & tua facta canam.

8 Te quærit animus, te colit, te deperit:
Tu validâ fulcis me, pater alme, manus.

9 At qui laborant per nefas me perdere,
Consiliis pravis digna ruina premet.

10 Ferro profundent spiritum nefarium:
Membra dabunt avidis dilanianda lupis

11 Rex latus autem vindicem agnoscet Deum,
Et quicunque Dei numina rite colunt.
Metu stupentes conticeſcent impii,
Spe stolidâ fluxis qui tumuere bonis:

2. *Quamvis arenas &c.*] Tametsi etiam solum hoc calore nîmio infœcundum habitem: animus tamen Dei recordatus, eum mihi propitium semper perspicit; non secus ac si oculis hisce templi tui penetrare cernam, quod cultum tuum, pignus, & memoriam divinitatis tuæ custodit. 7. 8. *Deperit*] Deperire idem ferè quod perire. Cic. *Scheda ne qua depereat*. Idem ὑπερεργασις. id est, vehementer & impotenter amare, ut quis amando quasi perire videatur. C.

CARM GEN. viii:

David Deum implorans salutem petit : de adversariorum violentia & fraude conqueritur, hinc fide confirmatus, excidium improborum d^evinitus eventurum, & bonorum pacem pr^anunciat.

- A** Udi, sancte parens, non tetricus preces
Te poscentis opem rebus in asperis:
Et fallacis ab hostis
Vitam fraudibus eripe.
- 2 Pravorum tacitis factio me dolis
Oppugnat ; trucibus consiliis fremunt
Conspirantque scelesti :
Tu me dux bonus eripe.
- 3 Linguas ceu gladios exacuunt suas
Oris pestiferi verba nefaria
Intentant, medicata
Tanquam spicula toxicō;
- 4 Ut rectos animi ex insidiis petant :
Et securi avidā mente coquunt nefas:
Nec quenquam malefacti
Formidant fore vindicem.
- 5 Designant animis horrificum scelus;
Et s^avo laqueos consilio parant :
Inter seque loquuntur,
Nemo conscient h^ac sciet.
- 6 Cor, mens, ingenium, consilium, labor;
Huc tendunt, facies ut scelerum novas

6. Facies novas scelerum] Meditari novas facies scelerum & nos
vos modos & vias, & quasi formas scelerum & fraudum excogi-
tare. Ut enim Gellius lib. 13. c. 28. inquit, *Non solum in homi-
num corporibus, sed etiam rerum aliarum facies dicitur. Nam montis,
& cœli & maris facies, si tempestive utatur, probe dicitur. C.*

Et fraudum meditentur :

Hoc unum studium fuit :

7 Ast ilos subiti cuspide spiculi
Incautos feriet magna Dei manus ;

Et lethalia certâ

Figet vulnera dextera.

8 Spectantes gelidus corripiet timor,
Auctori exitium quum videant suæ
Dirum immittere linguae

Virofæ mala toxica.

9 Gens humana tuæ robora dexteræ
Agnoscet, meritis laudibus efferet :

Et mirabitur altæ

Lumen perspicientiæ.

10 Justi spes animos eriget, & Dei
Tutus præsidio lætitia fremet :

Et gaudentia corda

Vero simplice gestient.

8. *Virofæ linguae*] Id est, venenatæ a nomine virus. Nam alias virofa mulier Lucilio dicta est φιλανθρός appetens viri. C.

9. *Perspicientia*] Perspicientia, perspicacitas, vocabula finitima, Ciceroni quoque usurpata pro quadam solertia, qui ipse i. Offic. perspiciētiam veri solertiaque conjunxit. C.

P S A L. LXV. C A R M. G E N. V.

David laudem Dei prædicat, tum propter spirituales benedictiones cum Ecclesia communicatis, tum propter temporarias, universæ in orbem terrarum, sed maxime habitationem populi sui e cœlo diffusas.

TE manent laudes, Deus, in Sione :
Hic tibi castis operata sacris

i. *Operata*] Operari & facere in Latina lingua sæpe idem significant, quod sacra facere. Virgil. *Cum faciam vitulos.* Item *Latius operatus in herbis* Hinc Nonius : *Operari, est religiose, & cum summa generatione sacrificiis litare, &c.* C.

Vota gens solvet tua, victimisque
Imbuet aras.

2 Quique tam præsens tibi supplicantum
Exitus votis tribuas secundos,
Te petent gentes sub utroque mundi
Axe jacentes.

3 Nostra nunc justis scelerata facta
Nos premunt poenit : facilis querelis
Tu tamen flecti, mala servitutis
Vincula franges.

4 O quater, plusquam quater ô beatos,
Quos leges, lectos facies amicos :
Ut colant puri tibi dedicati
Atria templi.

Illa lux felix, cumulata cunctis
Lux bonis, pectus satiabit ægrum
Gaudio, quæ nos reduces sacrata
Sistet in æde.

5 Annues nostris facilis querelis,
Finium terræ Deus ultimorum
Spes, & extremas maris ambientis
Gurgite terras.

Tum stupor mentes quatiet tuentum,
O Deus nostræ columen salutis,
Te malis durum, miseris benignum,
Omnibus æquum.

6 Tu potens rerum, validisque pollens
Viribus, firmas stabili catena
Montium tractus, jugaque inquietis
Tunsa procellis.

6. *Jugaque iunsa procellis*] Est periphrasis scopulorum mari-
norum, qui à fluctibus funduntur et verberantur. Virg. 3. Georg.
Cum graviter iunsis gemit area frugibus. Item,
Gens effrena virum Riphao iunditur Euro. C.

- 7 Tu maris nigris agitata ventis
 Terga componis: cohibus rebelles
 Gentium motus, placidaque mutas
 Pace tumultus.
- 8 Ultimi rerum tua signa nōrunt
 Et pavent fines, quoties coruscis
 Turgidum flammis fremuit sonoro
 Murmure cœlum:
 Quique Phœbæos habitant ad ortus,
 Et quibus sera face Phœbus undas
 Tingit, auctorem te hilares fatentur
 Lucis & umbræ.
- 9 Tu solum terræ sitientis imbre
 Lætus invisis, gravidæque nubis
 De sinu fundis genitale pigros
 Semen in agros.
 Alveus pleno tibi semper amne
 Turgidus læta novat arva fruge,
 Floribus campos, nemorum virentes
 Fronde recessus.
- 10 Rore tu leni sola contumacis
 Maceras terræ, subigisque glebas :

7. *Tumultus mutare pace*] Ita scilicet ut bellis & tumultibus pax succedat Horat: *Mutat quadrata rotundis.* C. 9. *Alveus*] Propriè est profunditas illa, quæ, est inter utramque fluminis ripam depressa. Unde fluvius dicitur alveum mutare, quando alio derivatur. C.

10. *Terra contumacis*] Eleganter & argute ἀνυχον facit εμπυχον Sicuti enim puer aliquis petulans in parentem, aut servulus indomitus in herum est contumax ; ita terra, quæ tot ligonibus & aratri vix tandem subigitur, ut mollescat & semini excipiendo fiat opportuna, eodem nomine contumax dicitur. C.

10. *Maceras*] Macerare inter alia etiam significat idem quod mollificare, aut aliquid tam diu aqua perfusum reponere, donec molle & tenerum, & nonnunquam falsuginis quoque expers fiat.

Hinc in Adelphis Terentii, est : *Macerare salsa menta*. Eodemque modo hic terra dura, rore & pluviis dicitur macerari. Alia significazione utitur hoc verbo *Psal. 69. Si macero pectora curis*. Est enim illic macerare, nimirum curis seipsum attenuare & confidere. C.

Ebrios sulcos viridante amictu
Messis in umbras.

II, 12, 13 Quà feres gressus, renovabis annum
Fertilem frugum : vegetansque fœtus
Per cavas valles riguosque saltus
Impluet humor.

Gestiet pauper tuguri colonus,
Laete distentas comitans capellas ;
Mugient colles, & amica fessis
Silva juvencis

Spes aratoris cupidas fovebit
Fluetuans latis seges alma campis ;
Ut canat festa tibi feriatus ;
Carmen in umbra.

10. *Ebrios sulcos*] Qui vino ad saturitatem usque madidus est, ebrius proprie dicitur. Id scitè hoc loco transtulit ad sulcos agrorum, rore & pluvia imbutos & humectatos. Ita spongiam quoque aqua plenam, ebriam possemus dicere. Eodem modo loquitur Esaias c. 55. *Descendit imber & nox de celo, & illuc ultra non revertitur sed inebriat terram, & germinare eam facit.* C.

10. *Amictu messis*] Sicuti enim collium & montium quasi vestes sunt arbores & virgulta ; ita segetes, quæ hic sub messe, intelliguntur, sunt quasi amictus agrorum & sulcorum. Hinc Virgil. *Olea vestire Taburnum.* Item, *amicta vitibus ultni.* C.

P S A L. LXVI. C A R M. G E N. xix.

Psaltes ad gloriam Dei prædicandam pepulos hortatur ab exemplis Scripturæ, & ab administratione sua tum communi erga omnes, tum singulari erga Ecclesiam, hinc exemplo suo, Dei laudationem confirmat.

I ncolæ terrarum, ab ortu
Solis ultimum ad cubile,

Eia

Eia Domino psallite.

2 Eia Domino jubilate :

Nomen ejus, numen ejus

Ferte in astra laudibus

3 Dicite illi : Rector orbis

Sancte, quam stupenda rerum

Est tuarum gloria !

Quanta virtus, quam protervos,

Mente fractâ, cogis hostes

Supplices procumbere !

4 Te parentem læta honoret,

Te potentem prona adoret

Tota rerum machina.

Voce blandâ te canamus,

Barbito dulci sonemus,

Carminumque cantibus;

5 Eia adeste, facta cunctis

Cernite admiranda seclis :

A criterque expendite

Facta providi parentis,

Facta Domini consulentis

Arte mirâ servulis.

6 Vertit æquor æstuosum

Aridæ in campos arenæ :

Fluminis per alveum

Agmen iræ gratulantum,

Ceu per arva sicca, fecit,

Stante fluctu languido.

7 Frenat unus orbem habenis

Sempiternis : intuetur

Et pios & impios.

Nec sinit sibi rebelles,

Viribus fretos superbis,

- Improbis votis frui.
 8 Laus Deo nostro per omnes
 Orbis oras : omnis unum
 Laudet illum natio.
 9 Morte liberavit unus
 Nos propinqua : fulcit unus
 Liberos firmo gradu.
 10 Igne ut aurum, examinâsti
 11 Nos periclis: illigâsti
 Hostium nos cassibus.
 12 Vincia lumbis, frena malis
 Sub tyrannis induisti
 Impotentis imperî :
 Sed per ignes, sed per undas,
 Divitis tamen dedisti
 Uber agri exercitis.
 13 Ergo supplex introibo
 Templa, victimasque cædam :
 Vota supplex offeram,
 14 Vota duris in periclis
 15 Nuncupata : pinguis agnus,
 Cornigerque agni parens,
 Bos & hircus sanguine aras
 Imbuent: nec thura deerunt
 De Sabæo stipite.

12. *Uber agri*] *Uber* propriè mamma est. *Hic pro ubertate & abundantia accipitur, ad imitationem illorum Virgilii. Et fertilis ubere campus.* Item. *Terra antiqua potens armis, atque ubere gleba.* Apud Homerum quoque est *ιυθερη αρπηνης*. Sicuti enim in corpore animalis maxime fœcunda & fertilia sunt ubera ; ita partes terræ fœcundissimæ & maxime frugiferæ eleganter hac metaphorâ representantur. Ita Psal. 106. *Uber feracis sprevit agri.*

15. *De Sabæo stipite*] Indicat thus, sic dictum a θύειν, quod est sacrificare. Est enim thus quoque gummi seu liquor ex cortice certæ cujusdam arbusculæ apud Sabæos Arabiae populos destillans.

- 16 Dum Dei benicitatem
Explico in me, cuncti adeste
Qui Deum veremini.
- 17 Audiit statim vocantem :
Nos vocantes audientem
Prosequamur laudibus.
- 18 Conscios sceleris nefandi
Supplicantes rector orbis
Aure surda respuit :
- 19 At mihi lenis bonusque
Supplicant semper aurem
Non severam commodat.
- 20 Gratias ago parenti
Optimo, qui se roganti
Asperum non praebuit :
Qui sua benignitate
Destitutum non reliquit
Rebus unquam in asperis.

P S A L: LXVII. C A R M. G E N. VI

Ecclesia regnum Dei in Iudeis operari; ad gentes propagari, & administratione benedictionibusque spiritualibus & corporalibus declarari, petit.

- A**rbiter mundi, placidus bonusque
Parce delictis, solito & favore
Terra fac letis segetem pecusque
Nutriat arvis :
- 2 Nota per terras bonitas ut omnes
Sit tua, & nostræ studium salutis,
Mente quos curas patria, tegisque

2. *Mente quos curas &c. J Pro quibus etiam animo paterno es sollicitus, nosque in periculis tueris. J.*

Rebus

Rebus in arctis.

3 Ut tuas laudes populi per omnes
Prædicent terras, bonitatis usque ad
Terminos rerum celebretur omnes
Fama per urbes:

4 Omnis exsultet locus, omnis ætas
Gestiat plausu & fremitu secundo,
Res quod humanas modereris æqui
Juris habenis.

5 Ut tuas laudes populi per omnes
Prædicent terras, bonitatis usque ad
Terminos rerum celebretur omnes
Fama per urbes..

6 Si tuæ genti faveas benignus,
Conditor mundi bone, meflis agros
Vestiet, vites oleæque colles,
Gramina campos.

7 Si tuæ genti faveas benignus,
Conditor mundi bone, te pavebunt
Et coalent gentes sub utroque mundi
Axe jacentes.

4. Fremitu secundo] Id est, favente, & tua facta probante, &
amicco. Ita Salustius dixit in Jugurtha : *Hominem oratione secunda extollit.* Ut Fortuna secunda, & ventus secundus. C.

4. Res quod humanas &c.] Quod genus humanum æquitate
canquam freno gubernes. f.

P S A L. LXVIII. C A R M. G E N. XX.

Exhortatio ad Deum laudandum, proposita eius magnificentia, & officio, expositis beneficiis in majores, confirmans pios factis, presentia Dei, & ascensu Christi in cœlos, cuius virtute promissiones erga piros, & mina in adversarios prastantur : postremo iterum hortatur omnes, ad laudes Dei, expositis eorum causis.

O Qui perpetuis orbem moderaris habenis,
Placidos bonus excere vultus ;
Impietasque

Impietasque exosa tuas, pater optime, leges,

Tremefacta repente faceſſet,

2 Ut levis in tenues fumi vapor effugit auras,

Ut cera liqueſcit ab igne.

3 4 At lātis pia turba animis sua gaudia plausu

Testabitur, & tibi, rerum

Sancte parens, pæana canet, qui lucida cœli

Veheris super astra, nec ævi

Inclusus spatiis, æternis legibus orbem

Æternus & ipſe gubernas.

Te canimus lāti, & lātos renovamus honores,

5 Qui celsi ē vertice mundi

Respicis humanas curas: & patribus orbos

Pueros, viduasque maritis

6 Proſequeris patrio affectū: qui prole beatā

Steriles solare hymenæos :

Compedibus vinc̄tos solvis: populi arva rebellis

Bibulis obducis arenis.

7 Ifacidæ Nilo quum, te ductore, relicto,

Arabum per inhospita faxa

8 Errarent, tremuere soli penetralia : cœlum

4. *Pæana*] Pæanes olim carmina dicebantur, quibus diis suis
pro victoria in præliis gratulabantur. Hic pro gratiarum actione,
&c beneficiorum divinorum celebratione accipitur. C. 6. *Steriles*
Hymenæos] Poeticè, pro conjugio sterili. Græcis enim Hymenæus,
Latinis Talassio, Deus nuptiarum credebatur, quem paſſim in
epithālamiis poetæ invocant. Sicuti autem vulgò cum, qui libros
Platonis emit, Platonem emere dicimus: ita veteres illi nomina
Deorum liberaliter donis atque operibus Deorum tribuerunt, ab
utilitate ea honorantes, atque exornantes: Sic Bacchus pro vi-
no, Ceres pro frugibus, Hymenæus pro nuptiis paſſim accipiuntur.
C. 7. *Nilo relicto*] Nilus fluvius Ægypti est, per quem ipsa
regio more poetico indicatur, Sicuti etiam *Psal.* 78. & *Lucanus*
de Ægypto ſic ſcribit:

Terra suis contenta donis, non indiga mercis,
Aut Jovis; in solo tanta eſt fiducia Nilo. C.

- Maduit sudoris anheli
 Imbris : à vultu Domini conterita duræ
 Tremuere cacumina Sinæ.
- 9 Arva sibi selecta bonus rigat imbre benigno :
 Et quum labefacta fatiscunt,
- 10 Confirniat, recreatque afflita : suoque fruenda
 Dat habere gregi : nec egenam
- 11 Temporibus duri virtutem deserit. Arma
 Trepidâ formidine belli
 Quum quatient animos, lætum celebrare triumphum
 Teneris dabit ille puellis :
- 12 Sufficietque suas in laudes carmina : reges
 Numeroso milite freti
 Terga dabunt, latebrasque petent : spoliisque fru-
 Imbellis turba reliq[ue]s. (etur)
- 13 Vesta licet somno sternantur corpora nigræ
 Inter fuliginis ollas,
 Illa tamen vincent nitidam candore columbam
 Rutilæ cervicis honore,
 Quæ nunc argentum nitidum, nunc lumina blandum
 Radiantis provocat auri.
- 14 Quum Deus omnipotens traduceret agmina regum
 Longo spectanda triumpho,
 Squalida quæ luctu & tenebris Solyma antè jacebat,
 Niveâ tum luce resulfit,
- 15 Cœu nive vicinos inter cendentia colles
 Salmonis culmina fulgent.
- 16 Usque sibi Basan placeat, jaætæque superbus

S. Sinæ] Sina mons Arabiæ Petreæ, in quo Decalogus prouniantius & sanctitus est. C. 13. Quæ nunc &c.] Quæ pulchritudine colli splendentis cum argento puro, & fulgore auri blandè micantis concertat. 7. 14. Salmonis] Nomen montis, cuius cacumen nive candidissima fuit conspicuum. C. 15, 16. Basan] Regio Basanitis quam, Ogo rege interfecto, Moses dimidiæ tribui Manasse assignavit ab ipsa pinguedine nomen habens. C. Fastigia

Fastigia proxima cœlo :

Ne tamen herbiferos saltus, ne pascua sacro

Ausit conferre Sioni :

Quam propriam pater omnipotens in secula sedem

Legit, lectamque tuetur :

17 Ille pater quem cœlitum tot millia currūm,
Equitum tot millia stipant.

Sive ille excelsæ vehitur per culmina Sinæ,
Sua seu sacraria visit :

18 Seu scelerum vindex celebri petit astra triumpho,
Captivaque colla catenis

Vincta trahit : victæ passim donaria gentes
Cumulant : paullo ante rebelles,

Poplite nunc flexo venerantur tempia Sionis.

19 Igitur celebramus honores

Jure tuos, nullam nobis qui munere lucem

20 Vacuam finis ire : salutis

Unica spes nostræ : nempe unus frena gubernas
Vitæ, irremeabilis Orci

Unus claustra tenes, & nutum fata sequuntur.

21 Inimicos vulnere certo

Tu figis, longâ scelerum tu forde sepultis
Lethali tempora plagâ

22 Dividis. At caros sic consolaris amicos.

Extremo à littore ponti

Vos ego crudeli incolumes ex hoste reducam

Rubri seu trans freta ductos

Æquoris, à sævo incolumes servavimus Ogo.

23 Cæforum in sanguine regum

20. *Irremeabilis Orci* [Orcus poeticè pro inferno accipitur : in quæ qui semel descendit, ei inde regredi aut remeare non licet. C.

21. *Longa scelerum &c.*] Itaque lethifero caput eis secas, qui in turpibus sceleribus torpentes jacent. J. 22. *Ogo*] Ogas rex Bæsanitidis, interfectus à Mose, Num. 21. C.

- Tingent crura : canes hostilia vulnera lambent :
- 24 Latæ spectacula pompæ
Adspicient, pater alme : tuo, pater alme, triumpho
Plaudent tua templa petentes,
- 25 Anteibunt qui voce canant, qui cymbala pulsent,
Citharæ tuba juncta, tubæque
Tibia, quæque tuas celebrent, fortissime, laudes,
Doctæ pulsare puellæ
- 26 Tympana : te populi cœtu fremituque secundo
Et plausu ad sidera tollent :
Isacidæque tuas in laudes ora resolvent :
- 27 Juvenis de stirpe creatus
Benjamini, Judæque aderit generosa propago.
Neque clarus Zabulo deerit,
- 28 Nephthalidæque duces. Nam tu tua jussa sequutis
Viresque animosque ministras :
Claraque viætrici das tempora cingere lauro.
- 29 Solymæ victoria præpes
Ex adyti volat. Ergo ferent tibi munera reges,
Atque ad tua templa ferentes
- 30 Munera, te super astra ferent. Tu freta sagittis
Lethalibus agmina fundis :
Tu fortesque domas dextras, animosque rebelles.
Humiles tibi pendere cogis
Vectigal fractosque duces, avidique cruoris
Vindex populi, agmina perdis.
- 31 Quique bibunt Nilum, quâ mergitur æquoris undis,
Quique ipso fontis in ortu,
Accurrent, pacemque petent, opulenta ferentes
Tibi munera supplice dextrâ.

25. *Cymbala*] Cymbalum, instrumentum musicum, æreum, concavum, & tinnitum edens, olim sacris Cybeles cum tympanis adhibitum. Meminit Cicero in Pisonem. Et Virg. 4. Georg. *Tinnitusque cie, & matris quate cymbala circum.* C.

- 32 Regna hominum celebrate Deum : date carmina Regi
 33 Qui templa gubernat olympi
 Æterna æternus : cujus mortalia cuncta
 Vocem tremefacta pavescunt.
 34 Hunc fortē celebrate, unique accepta referte
 Benè gesti prospera belli.
 Cujus in Isacidis resplendet gloria, cuius
 Testantur robora nubes :
 35 Cujus ab arcano templo venerabilis horror
 Stupefacta in pectora manat.
 Isacidū Deus ille, Deus qui robore nervos,
 Animosque vigore suorum
 Implet : ei laudes Jacobi dicite proles :
 Etenim Deus ille deorum est.

P S A L. LXIX. C A R M. G E N. ii.

David typus Christi, conquestus de injuriis & perpectionibus indigne perlati, & de hostium scelere, Deum orat pro salute sua & adversariorum exitio, quamobrem docet Dei laudes a se, ab Ecclesia, omnibusque rebus creatis prædicatum iri.

- S**ancte parens fer opem lasso : torrentibus undis
 Penè obruerunt me malorum flumina.
 2 Pes nequit in molli vestigia figere limo :
 Pronumque inundans vertici fluctus rapit.
 3 Dum clamo, arentes urit sitis arida fauces :
 Spectando lassa torpuere lumina.
 4 Me vexant odiisque premunt immanibus hostes,
 Plures inumbrant quām capilli tempora.
 Inque dies crescunt numero : &, ceu rapta rependam,
 Benè parta per vim cogor illis reddere.
 5 Simplicitas tibi nota mea est, bone conditor orbis,
 Meaque testis semper innocentia es.
 6 Fac, pater alme, bonis ne sint mea damna pudori,
 Dum

Dum te colentes clade cernunt opprimi.

7 Te propter maledicta tuli & ludibria vulgi :

Te propter ora turpis infecit pudor.

8 Me vitant fratres, & eādem ē matre creati
Me ceu scelestum abominantur filii.

9 Uror, & ira coquit penitus præcordia, leges
Tuosque ritus impii quum negligunt.

In tua quæ jaſtant probra & convicia ſacra,
In me recurunt, corque vulnerant meum.

10 Si fleo jejonus, si macero pectora curis,
Rident, probrisque proſequuntur lacrymas.

11 Si tegor incultos faccis squalentibus artus,
Fio repente fabula & ludibrium.

12 Me ſalibus petit e portæ ſtatione ſenectus :
Et ebriosæ ſum tabernæ cantio.

13 Interea curis, genitor, confectus acerbis,
Ad te recurro: tu benignus respice.

O genitor, ſine fine bonus, ſine fraude fidelis,
In ribus arctis da ſalutarem manum.

14 Erige pæne luto absorptum: da figere gressum.
Crudelis hostis me eripe impotentia.

15 Neu rapiat torrentis aquæ violentia, neu me
Mergatve gurges, aut vorago absorbeat.

16 Sancte parens, nullos cujus clementia fines
Novit, vocantem & deſtitutum respice.

17 Nē faciem servo avertas, qui rebus egenis

Portæ ſtatione] Ebræi in portis conveniebant ad iudicia exercenda, & quaſi forum agendum Latinis autem ſtatio inter alia quoque locum publicum significat, ubi jus dicitur. Sicuti Gellius quoque lib. 13. c. 13. nominat ſtationes jus docentium. Fortè etiam respexit locum ante curiam Romanam ſubstructum, & conclavibus diſtinguit, ubi nationum variarum legati ad ſenatum Romanum miſſi, antè quam audiebantur ſubſtibant. Unde apud Cicer. Epift. ad Q. Fr. prim. lib. 2. eſt Græcoſtaſis, quaſi dicas ſtationem Græcorum. C.

- Supplex opem orat: subito miserum subleva.
 13 Mitis ades: serva hanc animam, ut pudor obruat
 Qui ceu relictum me enecant conviciis. (hostes)
 19 Tu testis mihi probri ignominiæque superbæ:
 Tu testis hostes quam proterve illusserint.
 20 Cor dolor urebat: socius mihi nemo doloris,
 Nemo dolorem qui levaret anxium.
 21 Dulcia felle mihi tingebant fercula amaro:
 Pro vino aceti porrigeabant pocula
 22 Ergo victim illis vitient aconita vicissim:
 Mœrorque lata obnubilet convivia.
 Unde sibi placidæ promittunt otia pacis,
 Hinc semen illis pullulet discordiæ.
 23 Caligent oculi, & nutent vestigia: vires
 24 Elumbe corpus deserant. Iram tuam
 Sic meritos effunde super: tuus hauriat illos
 25 Furor: colonis testa vidua mœreant:
 Qui deserta habitet tentoria nemo supersit,
 26 Quia persequuntur dexterâ afflictos tuâ.
 Afflictos miserosque procaciter insultantes,
 Verbis acerbant vulnera atque injuriis.
 27 Tu sine peccatis cumulent peccata, nec unquam
 Dulcem æquitatis sentiant fructum tuæ.
 28 Impia de tabulis viventum nomina dele:
 Tuos nec inter hos recense filios.
 29 Me tenuem afflictumque tuâ, pater optime, dextrâ
 Erige, locoque siste tutum in arduo.

22. *Aconita*] Aconitum herba venenata est, à cautibus, quas Græci ἄκοντας vocant sic dicta Ovid. 7. Metamor. *Quæ, quia nas-*
cuntur dura vivacia caute, Agrestes aconita vocant. C. 26. *Acerbant*] Acerbare, est aliquid per se satis acerbum facere acerbius & atrocious. Virg. *formidine crimen acerbat.* Similia apud Horatium *Clá-*
rare inimicare, æternare, pro clarum, inimicum, æternum face-
re. C.

- 30 Hic ego carminibus rerum super astra parentem
Tollam, & celebri gratias in cœtu agam.
- 31 Gratius hoc illi est, quām si cadat hostia ad aram
Vitulus tenellus jam coniscans cornibus.
- 32 Adspicient mites, & pectore gaudia volvent,
Deum colentum læta corda gestient.
- 33 Audit enim Dominus tenues, nec despicit ægros
Ob nomen ejus vinculis coercitos.
- 34 Unum igitur tellus colat hunc, & pontus, & æther,
Et quicquid æther, terra, pontus continet :
- 35 Qui facit incolumem pulchram florere Sionem,
Urbesque Judæ mœnibus cingit novis :
Metiturque suis rura ante inculta colonis,
Tenenda blandis quæ relinquant liberis :
- 36 Quæ placidâ teneat series in pace nepotum,
Quicunque Domini nomen & numem colunt.

31. *Coniscans*] Arietans, seu cornua cum impetu committens :
quod hœdorum & agnorum lafcivientium proprium est. *Lucret.*
lib. 2. Et satiati agni ludunt, blandeque coniscant. Id quod etiam
Virgil. 2. Georg. indicare voluit his verbis, *Pinguesque in gramine
lato Inter se adversis luctantur cornibus hœdi.* C.

P S A L. LXX. C A R M. G E N. xvii.

*Petitio pro liberatione supplicis, pro confusione imprecborum, & bonorum
exhilaratione, quæ spectant ad hunc finem ut magnificetur Deus.*

- O Deus, præsens ades, & periclis
Me præsentibus eripe :
O Deus, duros propera labores
Confestim auxilio ut leves.
- 2 Qui meam quærunt animam, erubescant
Fœdam ignominiam ferant :
Et fugâ turpi doleant, malignis
Qui me consiliis petunt :

- 3 Terga dent, fusos pudor ut perurat;
Qui rident gemitus meos.
- 4 Teque clementi & placido fruantur,
Qui gaudent placitis tuis.
- Qui salutis spem posuere in uno
Te certam penitus Deo,
- Gaudeant, semperque canant, Perennis
Majestas & honor Deo.
- 5 Sunt meæ vires & opes pusilliæ :
Sed tu me Deus adjuva:
- Tu meæ vires, mea spes, opesque
Festinus fer opem mihi:

P S A L. LXXI. C A R M. G E N. XV.

Psaltes fidem suam in Deum professus, servari ab inimicis petit, Deumque a munifica ejus natura, promissionibus, operibus antealtis, gloriaque sollicitans, adversariis male imprecatur, liberatione accepta, secure spondet se gratias acturum Deo.

- I**N te salutis spem posui meæ,
Fac me perennis ne pudor obruat;
- 2 Audi vocantem lenis, & eripe
Hostis cruenti me violentiæ.
- 3 4 Vitæque custos & columen meæ,
Turisque rebus semper in asperis,
Nunc turris esto & perfugium mihi,
Et sævientum subtrahe dexteræ.
- A vi scelestæ subtrahe dexteræ
Pendentem ab uno subsidio tuo :
- 5 Et qui juventæ tutor eras meæ,
Orbam senectam viribus assere.
- 6 Tu me tuendum matris ab ubere
Duxti: pependit matris ab ubere
Spes nostra de te: materies meis

Una est perennis laus tua cantibus.

7 Ceu continenter prodigium malis
Natum ferendis, rideor impiis.

Sed me malorum fluctibus obrutum
Spes una fulcit præsidii tui.

8 Mel lux videbit, me tenebræ tuas

9 Laudes canentem: jam senio gravem;
Fractisque lasso corpore viribus,
Ne me impiorum trade libidini.

10 Et clam susurrant, & caput in meum
Occulta tendunt retia per scelus:

11 Et dum scelestum propositum premunt,
Aiunt, Ope illum destituit Deus:

Instate fracto, prendite, perdite

12 Nudum salutis vindice. Tu Deus
Ne linque fretum præsidio tuo:
Præfensque saevis hostibus eripe.

13 Pudore vultus inficiat rubor
Hosti doloso, fraude nefariâ
Qui me aucupatur: mœreat irrita
Conata, vanum lugeat exitum.

14 15 16 Liber periclis, carmine te novo
Pangam tenacem polliciti, & tuis
Promtum juvandis: & numeris meis
Aptabo laudes innumeratas tuas.

Canam potentem te dare prospera
Eventâ, belli quum fremuit timor:
Canam fidelem reddere fœderum
Promissa, largo non sine fœnore.

17 Abusque primo flore pueriæ

7. Continenter] Pro continuo. Cæsar, Belgæ cum Germanis continenter bellum gerunt. Id est, sine intermissione, συνεχῶς. C. 17.
Puertiæ] Syncope antiqua, pro pueritiæ. Utitur ea Horatius quoque oda 36. lib. 1. Memor actæ non alio rege pueriæ. Ita idem dixit validius pro validius, lamna pro lamina. C. Laudum

- Laudum tuarum tu mihi carmina
 18 Semper præisti: ne senio gravem.
 Canumque nunc me, spes mea, desere:
 Donec nepotum secula noverint,
 Me vate, quanto robore, qua fide
 19 Me liberaris. Justitiae tuæ
 Convexa mundi gloria transvolat,
 Rerum creator, quis similis tui?
 20 Qui me malorum gurgite merferas,
 Mitisque vita rursus amabili
 Tracto è profundo gurgite das frui
 21 Opesque honoresque accumulas bonus,
 Ira remissa: & pectora turbida
 22 23 Solaris. Ergo te cithara canam
 Nablogue certa conspicuum fide.
 O sancte nostræ gentis ab ultimo
 Protector ortu, vox mea te canet:
 Te spiritus, te vita laboribus
 Exemta duris, laudibus efferet.
 24 Lux nulla solem proferet aureum;
 Quæ prædicantem justitiam tuam
 Non audiet me, Rex bone, qui meis
 Rubore vultum offuderis hostibus.

17. *Præisti mihi carmina*] Verba aut carmina alicui præire, est ea prior recitare, ita ut alii eadem denuo repetant & pronuntient. Significat ergo Propheta, se non nisi a Deo priùs sibi suggesta cecinisse, & quasi ex illius ore excepta repetivisse quo quidem ipse nomine magis *αξιοπιστος* est censendus, quam alii spermologi qui pro divinis tradunt & inculcant, quæ à Deo non acceperunt. C. 19 *Convexa mundi*] Id est mundum convexum. Qualia sunt, *Avia silvarum, ardua montium &c.* Est autem convexum, oppositum concavo, id est, globi seu orbis alicujus superficies exterior. C.

C A R M G E N : V :

David moriturus Deum orat ut Sehelomoni spiritum justitiae tribuat,
legitimamque administrationem & benedictionem suam, hacque
administratione & benedictione Schelomonis ac Christi celebrata, be-
nedicit Deo.

- D**A tuꝝ Regi, Deus, æquitatis
Jus ad exemplum dare, filioque
Regis ut legum patriꝝ ad salutem
Flectat habenas.
- 2 Ut regat justis populum institutis,
Pauperum questus facili tuorum
Aure cognoscat, dirimatque lites
Legibus æquis.
- 3 Pace lætentur juga montiumque
Horridi saltus: genitrix quietis
Æquitas colles amet, asperosque
Ruris alumnos:
- 4 Jus suum det pauperibus, potentum
Curet ut ne vi tenues premantur,
Destruat quisquis miseros dolos
Litibus urget.
- 5 Ut reformidet venientis ævi
Gens tuum nomen, sua sol diei
Donec effundet, sua luna donec
Lumina nocti.
- 6 Æquitas & jus veniens olympos
Recreet terras, veluti sub æstu
Imber, & rores pluvii beatos
Ruris honores.
- 7 Floreat, rerum hoc moderante habenas
Jus, bona paces vigeant, perenni
Luna dum cursu rediens novabit

Menstrua vultus.

8 Imperi fines maris unda flu&tu
Hinc & hinc claudat: spatiumque latis
Quod modum regnis faciat, sit idem
Terminus orbis.

9 Ad pedes illi cadat advolutus
Æthiops: hostes veniam precati
Supplices, vultus humiles comamque in
Pulvere verrant.

10 Qui tenent pontum, refluique ponti
Insulas, regesque Arabum beati,
Thuris & dites venient Sabæi,
Dona ferentes.

11 Illum adorabunt, mare quâ remotis
Obstrepit terris, metuentque reges:
Servient gentes sub utroque mundi
Axe jacentes.

12 13 14 Ille desertos ope sublevabit:
Eximet curis querulos: egeno &
Pauperi dextram dabit: obrutosque
Fœnore solvet.

Nec velut vilem tenuis crux rem

15 Plebis effundi sinet: ergo vivat,
Deque thesauris Arabum beatis
Munera sumat.

Ac suo Regi bene comprecatus,
Illi laudes canat, illum honoret,
Largam opum dextram celebret, patremque
Vulgus adoret.

16 Per feros montes segetem refundat
Terra, tam densis crepitans aristis,
Quâm gravi cedros Libani flagellant
Murmure venti.

Augeat prolem numero carentem
 Per vias urbis bona pax beatæ :
 Læta ceu campis riguis per imbre
 Gramina surgunt.

17 Nomen æterno juvenescat ævo :
 Filii nomen, jubar usque solis
 Dum vagæ fundet radiata terris
 Lumina flammæ.

Ille Rex gentes faciet beatas
 Quas sinu claudit refugo Amphitrite,
 Omnis hunc tellus canet Amphitrite
 Cincta beatum.

18 Isaci gentis Domino Deoque
 Laus, honor, virtus : opis haud egenus,
 Illa quæ cuncti attoniti intuentur,
 Perficit unus.

19 Nomen augustum canat omnis ætas,
 Ulla quod nunquam taceat vetustas :
 Nominis sancti penetret per omnes
 Gloria terras.

17. *Amphitrite*] Uxor Neptuni : poeticè, pro mari. Ne vero quis arbitretur, Paraphrasten mentione deæ hujus profanæ & fictitiæ, carmen hoc divinum & sacrum polluere voluisse ; sciendum est, ipsum Amphitrites etymon, per se naturam maris, seu ipsum mare exprimere. Est enim *ἀμφιτρίη* circum τρέπει terere, Mare enim circumquaque terram atterit. Unde Ovid. I. Metamorph.

— Nec brachia longo
 Margine terrarum porrexerat Amphitrite. C.

P S A L M O R U M

Liber Tertius.

P S A L M . LXXIII. C A R M . G E N . X V :

Psalmes post spirituale certamen erumpens in commendationem bonitatis Dei, exponit agitudinem animi sui & bonorum, qua afflantur, cum propter secundas improborum successus, tum propter calamitates suas, hinc incertum improborum statum, at certum exitium proponeat, & tanquam respiciens se totum credit Deo, & illi se hasurum profitetur.

TEllus ut undis hospitium neget,
Undæque terras fluctibus obruant,
Aer coruscis fulminet ignibus,
Ruina mundi sidera misceat :
Dei potentis non bonitas tamen
In rebus arctis destituet pios,
Purasve mentes nequitiam finet
Mæroris æstu funditus opprimi.

2 Quam pæne lapsu pes mihi lubrico
Gressum fecellit, dum pede metior
Immensa parvo, dum trutinam meam
Expendo stultus judicium Dei !

3 Fervebat ira pectus, & æmulo
Livoris æstu, quum scelerum omnium
Contaminatos fordibus impios,
Florere cunctis conspicerem bonis.

4 Sors illa cunctis invida, mobilis,
Infida, servat perpetua fide

4. *Invida, infida] Constructio ejus loci est : Sors seu fortuna (hæc tamen homini Christiano ad divinam providentiam omnia referenti nihil est) quæ alias cunctis est invida, mobilis & infida, seu infidelis ; istis, scilicet, impiis, & tamen fortunatis, servat eundem quasi tenorem perpetua fide : quasi dicat : Fortuna omnibus aliis invida, mobilis & infida, unis hisce fidelis & constans est : C. Iстis*

Istis tenorem, & robore vivido
Firmos sene&tam ducit ad ultimam.

- 5 Exemta duris vita molestiis
Curisque (pectus quæ reliquis coquunt
Mortalibus) per lætitiam fluit
Luxumque, & ægris pura laboribus.
- 6 Ergo insolenti fœta superbia
Corda intumescunt: pectora spiritus
Ventosa tendunt: cæcus amor sui
Frena impotenti dat violentiæ.
- 7 Tecta invidendas non capiunt opes;
Felicitatem non animus suam:
Et vota vincens spemque superfluuus
Luxus fatigat, nec satiat tamen.
- 8 Verbis minores terrificant feris,
Et fastuosæ mole potentiæ:
Vultu procaci & vocibus improbis
Ad blandiuntur nequitiaæ suæ.
- 9 Nec impudentis garrula vanitas
Contenta linguae fundere toxica
Terras per omnes, astra laceſſere
Audet, Deumque insana superbìa.
- 10 Hæc mente ſpectant attonita pii,
Et æſtuanti pectore fluctuant:
- 11 Secumque muſiant, Scilicet hæc Deus
Quum cernat, atris abſtinet ignibus &
- 12 Opes abundè ſuppeditant malis,
Crescitque nullo fine pecunia :
Secura pacis molliter otia
Quassante nullo turbine transigunt.

12. *Opes ſuppeditant*] Neutrum abſolutum pro ſuppeditant, ſufficiunt, abunde ſatis ſunt. Cic. i. Offic. *Suppeditare* hæc ad vicitum, id est ſufficiunt. Idem ad Trebatium: *Ne chartam quidem tibi ſuppeditare, Pro ſuppeterere.* C.

- 13 Frustra ergo puro pectore vivitur :
Frustra innocentem contineo manum :
- 14 Frustra labores perfero, torqueor
Dolore, nullis non crucior malis.
- 15 Rursus verebar ne temerario
Ausu improbarem consilium Dei,
Ac arbitrarer fortè misertimos
Selecta quos is pignora nuncupat.
- 16 Causas latentes dum sequor anxius:
Et pertinacis viribus ingenî
Pugno, profundum se chaos ingerit,
Et nocte mentis lumen adobruit.
- 17 Labore tandem fessus inutili
Ad te recurro, Rex bone cœlum :
Quietus exspecto ex adytis tuis
Quis hos & illos separat exitus.
- 18 Vidi repente quām péde lubrico
Starent superbi: quām stabiles parum
Opes tenerent: quām fragili loco
Fultos ruinâ præcipiti trahas.
- 19 Procella vindex ut sonuit tuæ
Iræ, fugaces cum domino suo
Evanuerunt divitiæ : manet
Umbra invidendæ nulla potentiaæ.
- 20 Sic nocte mentes ludificans fugit
Imago somni: & quæ modò pectora
Sopita vano terruerat metu,
Risus per urbem mox ciet omnibus.
- 21 Donec viderem hæc, mœror & anxie
Mentem obruebant sollicitudines :
- 22 Aut hæsitantem, ceu stupidum pecus,
Torpor ligabat pectore marcido,
- 23 Arcana sed vis interea tui

- Me fulciebat numinis, ac manum
 24 Dextram regebas: auspicio tuo
 Ductuque clarus fulgeo gloriâ.
 25 Quid terra, præter te, mihi, quid polus
 26 Offert colendum? cor mihi tabuit,
 Infra&t;a mens desiderio tui
 Languebat, ægrum corpus inaruit:
 Tu rursus artus robore vivido
 Firmasti: opimas suppeditasti opes.
 27 Qui, te relieto, spe stolida deos
 Vanos adorant, cladibus obruis.
 28 Te sector unum, tu superas meis
 Spes una rebus: præsidio tuo
 Liber periclis, auctus honoribus,
 Te sempiternis laudibus efferam.

P S A L. LXXIV. C A R M. G E N. iii.

Ecclesia ab Antiocho oppressa, perpessiones suas & scelera hostium proponit. & Deum tamdiu cessare conquesta, fœderis eius, magnificorumque operum recordatur, hostium indigna in Deum opera commemorans; id circa Deum, pro salute sua, pro gloria nominis ipsius, & hostium confusione supplicat.

- C**ur nos relinquis penitus, ô rerum parens,
 Hostique dedis impio?
 Lupis vorandum cur gregem pastor tuum
 Ira obstinata deseris?
 2 Memento cœtū servitute ab aspera
 Quem vindicasti: quem tibi
 Peculiari forte, patrimonium
 Ceu proprium, receperas.
 Colles Sionis, numinis sedem tui;
 Bonus favensque respice.
 3 Tandem resurge, & hostium superbiam

Compesc

- Compescere: perde funditus
 Hostes protervos, qui tuum sacrarium
 Manu nefanda polluunt.
- 4 Clangunt sonora buccina, non quæ tuas
 Laudes canat, ludibrio
 Sed festa acerbo quæ profanet: in tuis
 Vexilla figunt turribus.
- 5 6 Bacchatur audax ira frenis libera:
 Ædis ruentis it fragor:
 Quales sub altis murmurant quercus jugis,
 Cæsæ bipenni quum ruunt.
 Demoliuntur malleis & vectibus
 Cælata templi limina.
- 7 Populatur ignis adyta: nominis tui
 Contaminant sacrarium.
- 8 Secumque tacito comminantur pectora
 Se diruturos omnia.
 Nec temerè: flammis strata fumant omnia
 Tuo dicata cultui
- 9 Loca: signa nusquam, nulla jam miracula:
 Propheta nullus perditos
 Solatur, &, spe quamlibet lenta, tamen
 Spondet malorum terminum.
- 10 Quousque tandem nomini fines tuo
 Hostem protervum illudere?
 Quousque acerbis facta dira & impia
 Exasperabit jurgiis?
- 11 Cur otiosus retrahis manum? exsere

5 6. *Bacchatur audax ira &c.*] Ira hostium temeraria & ef-frenata nullo impediente sævit: Templi cadentis sonus latè dif-funditut, non secus ac arbores in montibus excelsis sonitum in-gentem edunt, cùm securi dejectæ a lignatoribus, concidunt: malleis & ferramentis instar sudium, portas Templi figuris variis expolitas, diruunt: C.

Tandem potentem dexteram.

12 Tu noster olim rector & custos, Deus,
Priscis abusque seculis.

Te vidi orbis vindicantem ab omnibus
Semper tuos periculis.

13 Secessit unda, te jubente, & vitreo
Muro liquor coercuit
Cursum, feroce viribus suis duces
Ponti recursus obruit:

14 Ipsum marinis vastiorem belluis
Hausit tyrannum, & asperis
Afflita saxis, fluctibus cadavera
Ejecta vultur Æthiops

15 Voravit: inter æstu arenas torridas,
De cote dura limpidi
Fluxere rivi: te imperante substitit
Arente flumen alveo.

16 Tuus dies est, nox tua est: solis jubar
Radiis adornas aureis.

17 Æquorque claudis littorum repagulis,
Terrasque cingis fluctibus:
Æstate lenis frigus acre, frigoris
Æstum rigore temperas.

18 Domine, intuere probra, contumelias,
Et hostium ludibria,
Qui te laceſſunt impiis conviciis,
Moleſtiis nos opprimunt.

19 Ne trade vitam turturis tuæ feris:
Turbam tuorum pauperum

13. Vitreo muro] Intelligit aquas maris rubri divisas, & utrinque instar murorum vitreorum, seu pellucidorum assurgentis, donec Israelitæ transirent incolumes; Psal. 104 mare nominat inarmor vitreum. Vide Psal. 77. C. 15. Cote dura] Intelligit petram à Mole percussam, ut inde fitientibus eliceret aquam.

Ne

- N**e sempiternâ oblivione desere :
 20 Memor tui sis fœderis.
 Nam nec tenebræ nos tegunt, nec pellimus
 Obscuritate injurias.
- O**pe destituti & omnibus trahi malis
 21 Populi pudori consule :
 Ut te merentem prosequantur laudibus
 Miseri levati lucribus.
- E**xsurge, rex orbis optime, & tuam
 22 Causam tuere : sis memor
 Quæ probra passim nomini semper tuo
 Stulta ingerat procacitas.
- V**oces superbas & tumultus improbos
 23 Silentio ne supprime :
 Curamque rerum gerere te mortalium,
 Qui negligunt te, sentiant.

P S A L. LXXV. C A R M. G E N. xiii.

David accepto nuncio de Abneri cæde, a novis dissidiis metuens, Deum
 orat ut propter nomen suum misereatur populi, officiumque suum er-
 ga Deum & populum professus, Deum precatur ut perget regnum
 ipsi tradere, in quo Deo servire & populum juste gubernare possit.

- T**E nos carminibus, Rex bone, patriis
 Dicemus meritò : te celebrabimus
 Præsentem miseris : & memorabimus
 Facta illustria posteris.
- Q**uum plenis venient tempora seculis,
 2 Cogam, inquit Dominus, concilium meum :
 Justis suppliciis prosequar impios,
 Justis muneribus pios.
- F**undamenta soli dissiliant licet,
 3 Turbetur trepidis gens hominum minis,
 Fundamenta

- Fundamenta soli fluxa adamantinis
Ne&tam rursum ego vinculis.
- 4 O stultos quoties admonui modum
Vesanae ut facerent nequitiae suæ !
In cœlum quoties admonui impios
Ne stulte arma capesserent !
- 5 Quid cœlum stolidâ voce lacestis ?
Quâ spe si furitis ! spiritus arrogans
Cujus præsidio fretus in æthera
Cristas erigit impias ?
- 6 Eois coeat viribus occidens,
Conjurent calidæ cum Borea plagæ,
Frustra divitias, sceptræ, potentiam
Cuiquam conciliaverint.
- 7 Unus Rex hominum, res hominum suo]
Versans arbitrio, præcipitem trahit
Illum de folio, plebis ab infimæ
Hunc fæce ad solium erigit.
- 8 Nam cratera méri purpurei Deus
Jam dextrâ tenet, & vindice pharmaco
Undantem pateram temperat, & malis
Justum supplicium parat
Illinc impietas undique ab ultimis
Terrarum spatiis hauriet, & mero
Consumto, cupido gutture turbidâ
De fæce exitium bibet.
- 9 At me vate, Dei, qucm genus Ilaci

3. *Vinculis adamantinis*] Id est, à nullo unquam frangendis aut dissolvendis. Dicitur enim adamas, quasi αδάμαντος. Horat.

Quis Martem tunica testum adamantina, &c. C.

5. *Quid cœlum stolidæ*] Cur Deum oratione stulta provocatis ? quo freti sic insanitis ? quo auxilio confidens animus & insolens superbas cogitationes adversus cœlum tollit ? F. 8. *Cratera*] Accusativus Græcus, sicut paulo post æthera. C.

Et

Et thure & precibus placat & hostiis;
Omnis posteritas munificentiam
Et vim numinis audiet.

- 10 Confringam tumidæ tela superbiz
Formidata bonis: cladibus obruta
Emerget pietas, & super æthera
Tollet conspicuum caput.

P S A L. LXXVI. C A R M. G E N. III.

Psaltes Deum celebrans de presentia ipsius & magnifico opere adversus Assyrios, potentiam iræ eius ostendit, omnesque ad Deum coleamus hortatur.

- G**entes profanæ numinis loco colunt
Sibi quisque quem finxit Deum:
Iudæa verum novit & colit Deum,
Laudatque festis cantibus:
2 Deum Sionis incolam, Solymæ sacrissimam
Cui templa fumant ignibus
3 Illic minaces fregit arcus, lucida
Fregit sagittæ spicula.
Clypea sinistris rapuit, enses dexteris:
Funesta bella sustulit.
4 Tu præpotentes fortior tyrannidas
Virtute frangis: tu feram
Compescisti fortium superbiam
Regum potenti dexterâ.

3. *Clypea*] Dicunt Latini hic clypeus & hoc clypeum Virg. Æn. 9. Et clypeum superintonat ingens; Varro quoque lib. I. c. 48. partes culmi & spicæ explicans, nomen gladii in genere usurpavit neutro. *Herba ea*, inquit, *vocatur vagina*, uti qua latet conditum gladium. Ita dicimus hic baculus & hoc baculum, hic cubitus & hoc cubitum, quo etiam Livius utitur loco citato Psal. 20. C.

- 5 Fractâ minacis spiritûs ferociâ,
Prædæ fuere: aut ferreo
Somno gravati condidere lumen:
Obtorpuere dexteræ
- 6 Fortes virorum, vis equorum, & currum
Elanguerunt impetus.
- 7 Tuum verendum nomen & numen: tuæ
Quando æstus iræ incanduit,
Quis obviam ausit ire? quis miserum caput
Tuo furori objecerit?
- 8 9 Quum tempa mundi fulminum quateret fragor;
Ut impia tyrannide
Pœnis repressa supplicem modestiam
E servitute abduceres,
Attonita tellus siluit: imbellis pavor
Mentes superbas perculit.
- 10 Ultricis iræ scelera pœnis obruta
Humana gens quum cerneret,
Bonî efferebant laudibus te, conscius
Premebat horror impios.
- 11 Vota ergo Domino nuncupate, & reddite:
Domino verendo munera
Ferte universi civitatis incolæ
Sanctæ, Deumque agnoscite,
- 12 Reges superbi quem pavent, qui spiritus
Feros retundit impiis.

5. Ferreo somno] Pro morte, qua Homero quoque est χαλκες
έπινος C.

C A R M. G E N. vi.

Psaltes Ecclesiam ostendit, quomodo in extremis difficultatibus imploret opem Dei; certamen carnis exponit, in dubium vocantis bonitatem Dei, & victoriam Spiritus adversus carnem, seipsum a natura, promissionibus & operibus Dei, confirmantis.

- T**E voce semper, te, prece supplice,
Rerum invocabo, Conditor optime;
Nam lenis ac placatus aurem
Das facilem miseris querelis
- 3 Ad te refugi quum premerer malis,
Ad te tetendi sollicitus manus,
Sub nocte sola, donec atras
Lux tenebras rediens fugaret.
- 4 Mens inquietis fracta doloribus,
Surda abnuebat aure fidelium
Voices amicorum, medelæ
Impatiens: animusque solum
Intentus in te, cum lacrymis preces
Miscens, fremebat: pectora flebili
Concussa singultu sonabant;
- Cura animi cruciabat artus.
- 5 Æstus yetabat sollicitudinum
Dulcem soporem carpere lumina:
Segnis ligabat membra torpor,
Vocis iter dolor obstruebat.
- 6 Tum, mente versa, volvere secula
Cœpi anteacti temporis, ac Dei
Numen bonis præfens, nec unquam
Auxilii miseris avarum.

A a

7 Lau-

6 Avarum auxilii] Avarus alias dicitur, quasi avidus æris: hic autem, avarus auxilii est, qui aut negat, aut justo diutius differt

- 7 Laudum subibat, quas tibi carmine
 Lyræ cænebam suaviloquæ ad modos :
 Secumq[ue] vestigabat ægra
 Mens vario labefacta motu ;
- 8 Num, me relieto in perpetuum, Deus
 Opis benignam jam retrahit manum ?
- 9 Nec amplius stum tenebit,
 Larga Dei bonitas tenorem ?
 Nec ore vattim leniet anxiæ
- 10 Curas suorum ? Nec miseris erit
 Placabilis ? Nec sistet iræ
 Præcipitem bonitate cursum ?
- 11 Tandem remisso pectori, Quo dolor
 Impellis ? inquam : stant adamantinis
 Decreta cœli fixa vinclis,
 Nec dubio labefacta casu ?
 Nec fracta vi, nec temporis invidis
 Obliviosi obnoxia dentibus,
- 12 Rursus tuæ mentem subibant,
 Sancte Parens, monimenta dextræ :
 Qui templa picti sideribus poli,
 Frugumque campos gérmine fertiles,
 Et secla tot nostros ad usus
 Condideris pecudum & ferarum.

13 Quam

auxilium, sicut divites avari, ægre admodum & difficulter pœuniam exponunt. Talem autem non esse Deum hic locus docet.

12 *Secla ferarum*] More Lucretiano hac voce utitur, pro genere, multitudine, sobole aut progenie : nam & apud Lucretium sunt secla animantium, hominum, scriptorum. Sic enim, Lib. 2, *Inque brevi spatio mutantur secla animantium.*

Qui forte Græcum γέρεαν hoc Latino voluit exprimere. Sunt igitur hic tot secla pecudum & ferarum, idem quod tot genera

&

- 13 Quam s^epe, pœnis dum prémis improbos,
Tutoque fulcis præsidio probos,
Mortalibus clementiæque &
Justitiæ specimen dedisti?
- 14 Æterne rerum conditor! omnia
Consulta cuius factaque sanctitas
Illustrat: haud quidquam tibi ingens,
Orbis habet simile, aut secundum.
- 15 Mirante mundo, tu Deus unice,
Miræ dedisti signa potentiaæ,
- 16 Ergastulis quum liberasti
Abramidas Pharii tyranni.
- 17 Videre fluctus te tumidi, Deus;
Videre fluctus, & trepido gradu
Fugere: turbavit profundas
Horror aquæ vitreæ lacunas.
- 18 Fudere aquosas imperio tuo
Nubes procellas, de gravido sinu,
Sonore rauco: grandinisque
Infremuit lapidosus imber.

A a 2

19 Cœ-

& tanta multitudo diversorum animantium & ferarum. Ita, *Psal.*
89, *Te jure piorum,*

Secla hominum celebrant: C.

Pharii tyranni] Pharo insula est maris Ægyptii, e regione Alexandriae; & tota Ægyptus, a poetis, *Regio Pharia* appellatur. Significatur autem his verbis, *Pharao Rex Ægypti*, fuit enim hoc commune nomen omnium illorum veterum Regum Ægypti, sicuti jam omnes Imperatores Romani, *Caesares* aut *Augusti* appellantur. Celebratur a Plinio, Lib. 36, Cap. 12, magnifica & altissima ejus insulæ turris, cuius usus fuit, nocturno navium cursui ignes ostendere, ad prænuntianda vada, portusque introitum. Unde hujusmodi turres maritimæ, in aliis quoque locis extructæ, nominantur *Pbari*. C:

- 19 Cœli tonantis vastificus fragor
 Implebat aures: lumina fulgurum
 Terrebat ardor, & pavore,
 Attonitæ tremuere terræ.
- 20 Sali rubentis pervia vastitas,
 Ductore te, tot millibus obruit
 Vestigia, & fluëtu refuso,
 Clausit iter Phariis quadrigis.
- 21 Moses & Aron (ceu pecudum greges,
 Pastor reducit) præsidio tuo,
 Duxere tranquillas per undas,
 Incolumes populi catervas.

P S A L.

19 *Vastificus fragor*] Omnia vastans, aut vasta efficiens; qualis effectus est tonitruum aut fulminum. Ex veteri poeta usus est etiam, Cic. 2. *Tuscul.* C.

20 *Sali rubentis*] Id est, maris rubri. Mare autem *Salum* dicitur, a sale, seu aqua salsuginine imbuta. Ptolomæus vocat *Sinum Arabicum*; alii, mare *Erythraeum*, ab *Erythra Rege*, juxta habitante, vel in eo submerso, dictum: nam alias, hoc mare nihil colore a cæteris differre constat. Est autem sinus ille satis amplius, ita ut latitudo ejus, nonnullis in locis, sit duodecim aut etiam plurimum milliarium Germanicorum. Vero igitur simile est, dies complures in transitu hujus maris consumpsisse Israelitas, in tanta scilicet hominum multitudine. Quocirca etiam aquas hujus maris tam diu stantes, non immerito murum vitreum nominavit, *Psal.* 74. C.

C A R M. G E N. i.

Psaltes Iudaos revocat ad cognoscendum & praedicandum Deum: preponit documenta verbi, & operum quae perfecit Deus, inde ab exitu ex Aegypto. Hinc paterna beneficia & flagella Dei erga populum suum, indicium in adversarios grave, praesertim contumaces Israelitas exponit, pios confirmans de aeternitate regni & sacerdotii in tribu Iudeudae.

- A** Udite Isacidæ, & rerum pietate parentem
A Qui colitis pura, huc animos advertite vestros.
 2 Mira canam, sed vera canam: quæ longa vetustas
 Occulit arcanis oracula mersa tenebris
 3 Evolvam: priscis accepta parentibus clim
 4 Veriloquis dictis, in secula sera nepotum
 Transmittam: laudesque Dei, mirandaque facta
 Cognita de proavis discent, me vate, minores.
 5 Namq: parens mundi sancto quum fœdere gentem
 Jungeret Isacidum sibi, patres prodere natis
 6 Per seriem, & seris venientia secula seclis,
 Et legum monitus & facta ingentia jussit.
 7 Scilicet ut memori benefacta priora tenentes
 Pectore, consilium vitæ auxiliumque regendæ
 A Domino exspectent, trepido turbante tumultu.
 Ne tam cœca animos condant oblivia, legum
 Irrita ventosis ut dent præscripta procellis.
 8 Neu similes patrum, male grata mente rebelles
 Deficiant animi instabiles, dubioque labantes
 9 Pectore. Cur soboles Efræmi docta sagittis
 Figere vel jaculo quamvis distantia certo,

Terga

- 4 Mirandaque facta] Ad posteritatem transire faciam, poste-
 rique quibus quoque censulere aquum est, me denunciante,
 Dei magnificentiam ejusque miracula a majoribus nostri ratio-
 nem habentibus auditione accepta intelligent. I.

- Terga dedit pæne ante tubas? latebrisq; salutem
 (O pudor) abjectis quæsivit turpiter armis:
- 10 Nempe quod aversos flexere per avia gressus,
 11 Obliti legum & monitorum & fœderis iicti,
 12 Obliti tantorum operum, quæ testibus olim
 Patribus, in Phariis Dominus patraverat oris.
- 13 Quum mare divisit se se cumulante profundo,
 Inter & aggestos undæ stagnantis acervos
 14 Incolumen eduxit populum, duce nube serena
 Luce, per obscuras flamma præeunte tenebras.
 15 Flumina de solidi patefecit vulnere laxi,
 16 Damnatisque siti rivos donavit arenis:
 17 Nec satiati undis linguas tenuere procaces.
 18 Ausi immane scelus, deserta per avia rursus
 Tentavere Deum: & ventris stimulante voracis
 19 Ingluvie, petiere cibos: ac talibus ora
 Solverunt, silicis duræ qui flumina venis
 Eliciti, subitoque sitim torrente levavit,
 20 Non potis est panem, non lautæ fercula mensæ
 Addere? non epulis convivia larga profusis?
 21 Audii omnipotens, calidaque accensus ab ira est,
 In Judamque hausit flammato corde furorem.
 22 Et populo tamen ingrato, totiesque salutis
 / Immemori acceptæ, victum dedit esse petitum

23 Ca-

9. *Cur soboles Efræmi?*] Intelligit Ephramitas seu posteritatem Ephrami filii Josephi, penes quam, cum amplissima & populusissima esset, aliquamdiu præcipuum robur & munimentum populi Israelitici fuit, sicuti hic quoque pro peritis sagittariis celebrantur. C.

Cur tribus Ephraimi perita sagittis vel jaculo, non fallente iactu quantumvis longinqua ferire, prius fugit, quam produm bellicum tuba caneret? armisque fœde projectis, sele locis occultis defendit? I

- 23 Castra super late ætherei patefecit olympi,
 24 Horrea : dein gravidas cœlesti semine nubes
 Ambrosiaæ largos super agmina solvit in imbræ:
 25 Cœlestisque cibi indulxit mortalibus usum.
 26 Cedere tum iusso campis ex aeris Euro,
 Mox tepidis volucrum pluvias Notus attulit alis,
 27 Non secus ac siccæ cumulos quum verrit arenæ,
 Pulvereamque trahit deserta per arida pallam.
 28 Castra super, tensisque super tentoria velis,
 Alituum tremulis resonabant agmina pennis,
 Et circum affusis cumulabant stragibus agros.
 29 Jamque epulis exempta fames: sed prava libido
 30 Non exempta tamen; sed adhuc sine fine petitæ
 31 Fåcibus hærebant epulæ: Deus ecce repente
 Ultor adeſt: late ſubito grassante ruina,
 Robora selectæ paſſim cecidere juventæ.
 32 Sed neq; tot pœnæ, neq; tot benefacta rebelles
 Continuere animos, nec tot miracula, rerum
 33 Natura monſtrante Deum. Pater ergo procaces
 Casibus affiduis fregitque, & robore fracto,
 Ante diem tremulæ ſuccidit fila ſenectæ.
 34 Vix tandem morbis vexati, erroribus acti,
 Omnibus exhausti prope cladibus, omnium egeni
 35 Agnovere Deum: per tot discrimina tecti
 Ereptique malis, ſævoque ex hoste recepti,
 36 Verba tamen blandis fundebant ſubdola linguis
 37 Ore pii, mendace animo: neque foederis icti

38 Ser-

23 Caſtra ſuper] Granaria cœli ſuper Hæbreorum tentoria aperuit. *f.*

26 27 Cedere tum iusſo] Tum vento orientali imperato ex aere diſcedere, auster repente imbræ eoturnicum aura calida apportavit, non aliter quam cum aridæ arenæ cumulos radit, veſtemque pulvere plenam per ſolitudines arenoflas trahit. *I.*

- 38 Servavere fidem : Verum clementior ille
Sontibus ignovit ; patria pietate remisit
Offensas, meritamque ultro compescuit iram
- 39 Quippe homines memor esse animi modo flabram fu-
gacis,
Quæ fragiles agitent morituri corporis artus.
- 40 O quoties inter viduas cultoris arenas,
- 41 Inter saxa siti squalentia, numinis iram
Languentem insanis irritavere querelis !
Et sua divinas dimensi ad robora vires,
Virtutem brevibus voluere includere metis,
Quæ mare, quæ terras, quæ Cæli continet orbes !
- 42 Scilicet obliti benefacta priora, salutem
Acceptam, & duri nuper juga demita tyranni,
- 43 Et quæ per Pharias miracula plurima gentes
Edidit, in vitreos suffuso sanguine rivos,
Damnatisque siti laticum sine munere mensis.
- 44 Et modo pestiferæ, per celsa palatia, muscæ
Spicula figebant liventi tintæ veneno :
- 45 Et modo flumineis squalebant atria ranis.

46 Et

39 *Quippe homines*] Ut qui meminisset homines solum esse
flatum spiritus evanescens, qui quidem membra corporis letho
obnoxii debilia moveat. *J.*

40 *Viduas cultoris arenas*] Id est, arenas cultore destitutas seu
oultorem non habentes. Quid autem proprie sit *Viduus* & *Vi-
dua* notum est. Horat *Viduus pharetra risit Apollo* (id est) pha-
retra sua spoliatus. *C.*

43 44 *Miracula plurima*] Decem plagaæ Ægyptiorum quidam
memoriæ causa his versiculis rhythmicis non plane illepidis est
complexus.

Prima rubens unda, ranarum plaga secunda :

Inde culex tristis, post musca nocentior istis :

Quinta pecus stravit, vesicas sexta creavit :

Post sequitur grando : tunc bruchus, dente nefando.

Nova tegit Solem : primam necat ultima prolem.

- 46 Et nunc bruchus edax hominumque boumque la
bores,
Agmine nunc denso diræ exedere locustæ.
 47 Grandinis imbre hortos, lapidosa grandine vites,
Grandine silvarum Dominus decussit honorem:
 48 Grandine prostrati fortes jacuere juvenci:
Et segetum gravidos ruit igneus imber in agros.
 49 Ira Dei, laxisque furor bacchatus habenis,
Eumenidumque faces, & conscius horror oberrans
Pectora, turbabat stimulis præcordia cœcis.
 50 Tum letho patefacta via est: mors sæva, per omne
Passim hominum pecudumque caput nulli æqua cu
currit:
 51 Primitias sobolis, carissima pignora, florem
Roboris, & feræ spem præsidiumque senectæ
Prostravit, qua Nilus aqua se divite volvit,
Et septemgeminis refluum mare submovet undis.
 52 Interea, ceu pastor oves in pascua dicit,
 53 Ipse suum Dominus populum deduxit, ab omni
Vi procul & trepida formidine: fluctibus æquor
Obruit infestos in se redeuntibus hostes.
 54 At sancti tenuere patres loca sancta, Deique
 55 Parta manu, exclusit gentes prius unde profanas,
Aut prostravit humi vietas; & jugera mensus

B b

56 A-

- 46 Bruchus] Idem cum eruca; nimirum vermis olera horten
sia erodens. C.
 49 Eumenidum] More poetico, terribilem illam Dei iram pe
nitus in populum Israeliticum effusam, mentione furiarum, ar
dentibus tædis, & facibus impios insestantium, voluit expri
mere. C.
 50 Nulli æqua] Nulli favens aut parcens. f.
 55 Fugera] Fugerum Varroni ruris modus est, quem uno die
juncti boves arare possunt.

- 56 Abramidis habitare dedit. Nec segnius illi
 Irritare Deum, & rerum tentare parentem,
- 57 Fœdera negligere: & patrum de more rebelles,
 Avertere suos recto de tramite gressus.
 Non secus ac arcus curvat se in cornua nervo,
 Abducto, dextraque iterum nervoque remissio
 In faciem subito flectit se sponte priorem:
- 58 Libera sic iterum gens impia vindice pœna
 Ad se se rediit: cunctisque in collibus aras
 Erexit, finxitque sibi simulacra deorum,
- 59 Ac Dominum rerum meritas accendit in iras.
- 60 Audiit omnipotens Pater impia vota precesque,
 Et sibi dilectam gentem contempsit: & aras
 Ipse suas, ac Silonis tentoria liquit,
 Sola sibi e cunctis electa habitacula terris:
- 61 Deseruitque sui monumentum fœderis arcam
 Hostibus in prædam: monumentum roboris, unde
 Clara Dei in cunctas splendebat gloria terras.
- 62 Hos ferro, terræ iratus sibi nuper amatæ,
- 63 Objecit, flammis alios: cecidere cruento
- 64 Ense sacerdotes: non connubialia festis
 Carmina sunt cantata toris, carique mariti
 Indeploratis viduæ jacuere sepulchris.
- 65 Ast ubi jam pœnis meritam satiaverat iram,
 Ceu crapula excussa miles, lentoque sopore
 Excitus, arma iterum fugientes vertit in hostes:
- 66 Tergaque vulneribus figens imbellia cœcis,
 Perpetuam adspersit ventura in fæcula labem.
- 67 Non tamen Efrænum, præstantem fortibus armis,
 Elegit, cui sceptra daret: non ille Manassæ

- 68 Pignora: sed Judam, sed celsæ teáa Sionis,
 69 Templa sibi & solido fundata sacraria saxo,
 Cumque polo & stellis mansuram in sœcula fedem;
 70 Quique sequebatur pecudes in pascua David,
 71 Sustulit e caulis, caram & sibi pascere gentem,
 Impositum folio, & sanctæ jus dicere terræ
 72 Jussit: & ille gregem studio curaque fideli
 Rexit, & infestis defendit ab hostibus armis.

P S A L. LXXIX. C A R M. G E N. iii.

Psalmus enarrat mala quae populus Dei ab Antiocho perpetratus est; impius justam vindictam imprecatur. Deum, pro remissione peccatorum Ecclesiae, ope & liberatione, solicitat; ad gloriam ipsius, confusionem impiorum, & fidelium bonum.

- H**Æreditatem, Rector orbis, cur tuam
 Invadit hostis impius?
 Ritu profano polluit sacraria
 Tuo dicata nomini,
 Soloque stratum funditus Solymam suæ
 Tegit ruinæ molibus.
 2 Truncata ferro membra te colentium
 Passim per agros objacent,
 Lanianda rostris vulturum, crudelibus
 Aut belluarum dentibus.
 3 Rivi cruoris perlungunt vias, velut
 Torrens adauctus imbris:
 Nec usquam amicus ossa sparsa qui legat;
 Aut lecta tumulis obruat.

B b 2

4 Fun.

68, *Sionis*] *Sion* nomen montis & oppidi, distantis ab Hierosolymis, versus occasum solstitialem, uno millari Germanico; ubi antiquitus tabernaculi sedes & arca fæderis fuere.

- 4** Functique fato pariter & superstites
Ludibrio accolis sumus.
- 5** Parens benigne, quem modum tandem tuꝝ^x
Speremus iracundiæ?
- 6** An continenter, instar ignis omnia
Vorantis, in nos sæviet?
- 6** Tui furoris verte potius impetum
In impiarum gentium
- 7** Tot regna, nomen quæ tuum vel nesciunt,
Vel, si sciant, non invocant:
- 7** Semen piorum quæ laborant perdere
Armis, & urbes ignibus.
- 8** Revocando vetera, parce, Genitor, crimina,
Faces furori subdere.
- Sed pæne cunctis obrutos malis, tua
Nos præveni clementia.
- 9** Offensionum mitis obliviscere,
Nostræ salutis anchora.
- Placatus adsis, splendor ut cunctis tuꝝ^x
Clarescat oris gloria:
- 10** Os obstruatur impiis, quærentibus
Num noster hic cesset Deus.
- O** juste vindex, impios exercitos
Pœnis vicissim cernere
- Fac nos, cruore qui piorum sordidi
Nunc insolenter gestiunt.
- 11** Audi gementes carcerum qui vinculis
Marcent: potente dextera

De

7 Semen piorum] Omne bonorum nomen & posteritatem abolere, eorumque urbes ignibus accendere nituntur. **8** Noli, Pater, peccatorum antiquorum memoriam renovando, iracundiam augere. **f.**

De fauce mortis libera, quos cædibus
Jamjam tyranni destinant.

12 Et quam intulerunt contumeliam tibi,
Et quam tuis injuriam,
Multiplicatam redde nostris accolis,
Rerum perennis arbiter.

13 Et nos, o vilis grex tui, quem pabulo
Alis, tueris numine,
Et posterorum posteri, laudes tuas
Cunctis canemus seculis.

P S A L . LXXX. C A R M . G E N . xvi.

Ecclesia, in deportatione, ab hostiis pressa, Deum solicitat de praefando officio ipsius, perpessiones suas exponit; praeterita Dei beneficia comparat cum indignitate malorum praesentium: et liberationem ac salutem a Deo petit, ad gloriam ipsius.

H Ebræi generis pastor, uti gregem
Blande progeniem qui regis Isaci,
Inter qui geminos aligeros tuo
Præscribis populo jura salubria:
2 Selectæ soboli da bonus ac favens,
Lumen posse tuæ cernere gloriæ,
Da vim posse tuæ nosse potentiaæ:
Ac fessis propere porrige dexteram.
3 Tu nos si placido lumine videris,
Cedent continuo cætera prospere.
4 O Rex armipotens, quem statues modum
Iræ? quando humiles suscipes preces?
6 Irroras lacrymis fercula, lacrymis
7 Misces continua pocula: jurgia

No-

4 Tu nos si placido] Vide Psal xliij

- Nostris finitimi de spoliis ferunt,
Et nostra exagitant ludibrio mala.
- 8 O Rex armipotens! agmina cœlitum
Cui parent, faciem cernere da tuam.
Tu nos si placido lumine videris,
Cedent continuo cætera prospere.
- 9 Traduxti Pharia de scrobe vineam:
Pravarum expuleras semina gentium,
- 10 Ut puro fereres purius hanc solo.
Jam radix teneras fuderat undique
- 11 Fibras · jam tremulo frigore texerat
Montes: æqua cedris brachia sparserat:
- 12 Tangebant teretes æquora palmites,
Euphraten teneri germina surculi.
- 13 Nudatam solitis cur modo sepibus
In prædam hospitibus deseris hanc vagis?
- 14 Cur hanc sævus aper proterit? alites
Carpunt? omnigenæ depopulant feræ?
- 15 O Rex omnipotens! obsecro jam redi
Tandem, & sidereo prospice de throno:
Placatusque tuam respice vineam,
Plantaras propria quam tibi dextera.
- 16 Hunc saltem placidus respice ramulum,
Cui culto assiduo conciliaveras
Robur, clara tui gloria nominis
Terrarum ut populis nota sit omnium.
- 17 Illic flamma vorat brachia vitium:
Hic convulsa gemunt: cæsa bipennibus

Hic

12 Euphratem] Euphrates nobilissimus fluvius Asiarum est: tempore Solomonis, limes Terræ sanctæ versus orientem, Perfluit idem Babylonem metropolin Chaldeæ. Vocat eundem, Psal. Ixxxix, Palmiferum, quod eas regiones palmis abundarent.

Hic duris resonant: omnia pessum eunt.
Iræ justa tuæ nos premit ultio.

18 Indulgens Genitor, nunc ope subleva:
Firma præsidio nunc proprius tuo
Hunc, vires & opes & decus antea
Affectu patrio cui cumulaveras.

19 Vitam redde tuis, sancte parens, quibus
Semper mors avidis faucibus imminet.
At nos usque ducem te comitabimur:
Præsentem miseris te celebrabimus.

20 O Rex armipotens! agmina cœlitum
Cui parent, faciem cernere da tuam.
Tu nos si placido lumine videris,
Cedent continuo cætera prospere.

P S A L. LXXXI. C A R M. G E N. xxi.

Psaltes, Israelitas ad liberum Dei cultum exhortans, magnifica ejus opera in exitu ex Ægypto proponit, & doctrinam mandatorum & promissionum legis: Post, populum inoffiosae vitae reprehendens ad seriam resipiscentiam, perceptionemque benefiorum Dei revocat

E Xultate Deo nostro, bona dicite verba
Nostræ salutis vindici:
3 Isacidum laudate Deum, pæana canentes
Ad tympani dulces modos.

4 Nec

1 Bona dicite verba]

Prospera lux oritur, linguis animisque favete:
Nunc dicenda bona sunt, bona verba die, Ovid. C.

2 Pæana canentes] Pæan Hymnus erat in laudem Apollinis, sicut Dithyrambus in Bacchi: latius tamen usurpatum pro omni Deorum laude; unde opus suum Pindarus, de laudibus Deorum omnium, Pœanæ inscripsit: itaque, Pœana canere, est Deum laudibus efferre.

- 4 Nec lyra, nec cessent genialia nablia : festis
Tuba calendis clangite.
- 5 Hunc læti celebrate diem, stata sacra ferentes ;
Nam sic statutum est patribus :
- 6 Sic lex sancta jubet, sic sacri foedera pacti
Percussa cum majoribus.
Hæc est illa dies ventura in secula festis
Memphiticæ tyrannidis:
Quum Pelusiacis Hebri gens hospes in oris
Erraret, & linguæ sonum
Attonita ignotum audiret, nec nota vicissim
In verba frustra os solveret :
- 7 Quumque humeros curvaret onus servile, manusque
Lassaret olla fictilis :
- 8 Excussi manibusque ollas, humerosque levavi
Luto, inquit optimus parens.

Au-

4 *Genialia Nablia*] *Genialis* est, quod ad genium naturæ & voluptatis Deum pertinet ; ut *Genialis* dies, i. e. lætus ac voluptarius. Et *Genialia Nablia* sunt læta Nablia, seu lætitiam excitantia Nablia.

Nablia] Diminitivum a *Nablium*, instrumentum musicum, quod & *Palterion* dicitur. Ovid. Lib. 3 *De arte amandi*.

*Disce etian dupli genialia nablia palma
Vertere : convenient dulcibus illa modis.*

6 *Memphiticae*] i. e. *Ægyptiacæ* : est enim Memphis urbs *Ægyptiorum regia*.

Quum Pelusiacis] *Pelusium* Ptolomeo *Ægypti* urbs ultima versus Arabiam maritima, sita videlicet ad ostium fluminis Nili, quod ab ea *Pelusiacum* dicitur. Suidas clavem *Ægypti* nominat : nunc Damiatam dici aliqui afferunt. Hic poetice pro tota *Ægypto* accipitur. C.

Et linguae sonum] Sonumque sermonis peregrini non intellegentum stupefacti acciperent, atque invicem sermonem *Ægypti* non intellegentum incassum loquerentur. f.

- Auxiliumque tuli poscenti in rebus egenis:
 Et nube densa conditus
 Intonui: Meribam propter, tua jurgia passus;
 Feci tui periculum.
- 9 Nunc etiam selecta mihi gens auribus hauri,
 Et quæ pacifcor accipe:
- 10 Si mea dicta vagis non tradas irrita ventis;
 Nec alterum colas Deum;
 Nec prostratus humi supplex nova numina adores;
- 11 Sed unicum tibi me Deum
 Esse velis, domini qui rupta compede Nili,
 Juris tui te reddidi:
 Posce modo: spe plura feres, potiora petitis;
 Majora votis auferes.
- 12 Hæc neque dicta suas populus demisit in aures,
 Bene nec monenti paruit.
- 13 Ergo ipsos sibi permisi: frenoque remisso
 Solvi vagam libidinem.
- 14 O potius monita audissent mea! me duce rectum
 Utinam institissent tramitem!
- 15 Namque humiles illis subito fractosque dedissem
 Hostes, meamque dexteram

C c

16 Ver-

Meribam propter, tua jurgia passus] Juxtaque Meribam aquam contentionis in deserto, maledictis exagitatus, mores tuos expertus sum. *J.*

Meribam] Meriba, locus in deserto, ubi Israelitæ, fatis impatientia, in rixas, murmura & contentiones contra Deum & Mo- sem eruperunt; sic dictus a tentatione & contentionibus: ubi postea, petra percussa, largissime aquas effudit. *Exod. vii.* Meminit ejusdem *Psal. cvi. C.*

11 Compede Nili] Sub compede, captivitatem; sub Nilo, Ægyptum intelligit, quæ irrigatus a Nilo; de quo multa, *Herod. Lib. 2. C.*

- 16** Vertissem in gentes, quæ recta odere, profanas :
 Et supplices mendacibus
 Vultibus Ifacidum ambissent verbisque favorem ,
- 17** Felicium omne in seculum.
 Ifacidum, quibus almus ager fudisset abunde
 Frugum benignam copiam.
Mellaque de duri fluxissent viscere saxy
 Per arva cultus infacia.

P S A L. LXXXII. C A R M. G E N. vi.

Psaltes Deum judiciis praeesse docet, judices improbos reprehendit, & ad officium revocat, ab infortunato totius reipublicae & ipsorum exitu ; judiciaque commendat Deo.

- R**egum timendorum, in proprios greges,
 Reges in ipsos imperium est Jovæ,
 Qui judicantum examinabit
 Nequitiam trutina severa.
- 2** Num fraudulentos semper & impios
 (Inquit) dolosa lance fovebitis ?
- 3** Pauperque pupillusque vestrum
 Ceu scopulum metuet tribunal ?
- 4** Quin orbitatem cernitis anxiam ?
 Aurem querelis quin inopum datis ?
 Cur pauperes non a superbo
 Ludibrio asseritis potentum ?
- 5** Frustra mōnemus : lumina cœcitas,
 Errorque mentes obsidet ; ut neque

Com-

1 *Regum timenderum*] Idem fere est initium Ode Horatii pri-

*mæ, Libri tertii,**Trutina*] Pro statera ceu libra.*Trutina pensatur eadem.* Horat.

- Compaginem rerum solutam
Justitia pereunte cernant.
- 6 Deos vocavi vos, dominos necis
Vitæque feci: sceptrifera manu
Pacem dedi tueri, & armis
Lethiferum cohibere bellum.
- 7 At mors iniquæ justa superbiæ
Ultrix honores detrahet, & pari
Ignobili cum plebe fato
Purpureos rapiet tyrannos.
- 8 Exsurge, legum freна manu Deus
Capelle, cunctos arbitrio tuo
Qui regna dispensas, ut orbi
Imperio domineris æquo.

P S A L. LXXXIII. C A R M. G E N. ii.

*Psaltes inimicorum injuriis in populum Dei & impietate in Deum con-
questus, gravissime ipsis exitium imprecatur, ad gloriam Dei.*

- N**E taceas, ne cuncteris, pater optimie, neve
Preces tuorum sperne duris auribus.
- 2 Ecce fremunt hostes circum, & miscere tumultu
Sævo parati cuncta, cristas erigunt.
- 4 Concilia occulte coeunt, populoque minantur
Tu quem tuendum proprie susceperas.
- 5 Eia (aiunt) properate, omnem succidite silvam:
A stirpe sobolem deleamus Isaci.
- 6 En sceleri jurata manus coit omnis in unum,
Tua instituta ut deleant & fœdera.
- 7 En cum palmifera junctus Nabathæus Idume,

C c 2

8 So-

⁷ *Nabathæus*] Nabaiothus fuit filius Ismaelis, Nepos Abra-
hami, a quo regio, seu pars Arabiae terra sanctæ finitima, ver-
sus

8 Soboles Moabi, & Agareni, & Gabala,
 Cumq; Palestinis, Tyriisq; Amalecus & Ammon,
 9 Syrusque jungit castra Loti posteris.
 10 At tu sterne solo victos, Madiana juventus
 Ut cæla texit semitas te vindice,
 Sisara ceu tumidus cecidit, milesq; Jabini :
 Ciflontis undas turbidas quum sanguine
 11 Tinxere : infletæ passim jacuere catervæ,
 Laetamen agris ; nec fuga eripuit duces

12 Ore-

sus orientem, *Nabathaea* dicitur : unde reliqui orientales, a pa-
 tria, *Nabathaei* dicuntur. Ovid. i Metamorph. *Eurus ad auroram*
Nabathaeaque regna recessit. C.

Agareni] Ismaelitæ, incolæ Arabiæ ; sic dicti ab Agare, an-
 cilla & concubina Abrahami, qui post natum Christum, Saraceni, a Sara, dici maluerunt. C.

Gabala] Ebreis, *Gebal* ; regiuncula Arabiæ finitima Judææ,
 sedes Gebalitarum. C.

Amalecus] Filius Heliophari, nepos Esau ; a quo orti sunt A-
 malecitæ in Idumæa, vicini Judææ versus meridiem, C.

Ammon] Filius Lothi ; a quo orti sunt Ammonitæ finitimi
 Palestinæ versus orientem.

9 Lethi posteris] Intelligit Moabitæ & Ammonitas.

10 Madiana juventus] *Madian*, filius Abrahæ ex Cetbura ;
 a quo Madianitæ, vel Midianitæ, qui Arabiæ partem montibus
 vicinam tenuerunt, & memorabili clade victi sunt a Gideone.
Jud. vi, vii, viii.

Sisara] Dux Jabini, regis Asor ; vicitus a Baracho & Debora,
 & a Jahele uxore Heberis, dormiens, clavo per cerebrum ada-
 esto, interfectus. *Jud. iv. C.*

Jabini] *Jabinus*, Rex Chananæorum, in oppido Asor, tribus
 Napthali ; vicitus a Baracho & Debora. *Jud. v. C.*

Ciflontis] *Ciffon*, fluviolus, ceu torrens nobilis Galileæ inferio-
 ris, prope Endor & montem Thabor, non procul a monte Car-
 melo, (ubi Baalitas maestavit Propheta Elias) influens in mare
 Syriacum ; ad quem Sisara & Jabinus, cum exercitu, cæsi sunt
 a Baracho & Debora. *Jud. v. C.*

11 Laetamen] Pro famo aut stercore quo agricolæ faciunt læ-
 tas segetes, & quasi exhilarant. Utitur ea voce Plinius. C.

- 12 Orebūm & Zebūm: nec subtraxere latebræ
A falce mortis Zebeamque & Salmanam:
13 Dicere non veritos animo votoque superbo,
Dominos futuros se tui sacrarii.
14 At tu sancte parens, sic hos vertigine torque,
Ut rotula clivo, stipula vento volvitur:
15 Flamma velut siccæ populatur brachia silvæ,
Per alta stridens montium cacumina.
16 Sic urge attonitos confernatosque procella,
Tui furoris dissipâ sic turbine,
17 Sic animos dolor exurat, pudor ora coloret,
Suis miseriis numen ut probent tuum:
18 Sic ignominia fastum preme, damna timorque
Sic continenter territos exerceant,
19 Te solum ut noscant dominum, rerumq; poten-
tem,
Quacunque terras ambit axis ignifer,

P S A L.

12 Orebūm] Fuit is princeps Midianitarum, a Gideone subac-
tus & interfectus. *Jud. vii.* C.

Zebūm] Zeebus quoque princeps Midianitarum, ab Ephraitis
cæsus. *Jud. vii.* C.

Zebeamque & Salmanam] Alii Reguli Midianitarum, a Gi-
deone superati & cæsi. *Jud. viii.* C.

19 Axis ignifer] Significat poetice, cœlum stellis distinctum &
ardens. C. *Vel protinus, at opinor, significat*
solem: & eadem enim verba pro sole
ab Ovidio, *Met. 2.59.*, usurpatuntur.
C. C.

C A R M. G E N. viii.

Psaltes sacris cœtibus exulans desiderium suum exponit, piorum
in Ecclesia conversantium felicitatem explicat: Deumque preca-
tur ut misericordia utatur ad reducendum se eumque in gratia
confirmandum.

O Rex armipotens, qui creperos tuo
Bellorum arbitrio dividis exitus,
Ergo limina templi
Lætus conspiciam tui.

3 Hic cor lætitia palpitat · hic bonis
Languer mens nimiis ebria, gestiunt
Artus, atria vivi
Visuri propius Dei.

4 Hic passer latebras invenit, hic locat
Nidum veris avis nuntia. O atria
Regis bellipotentis,
Ut vos adspiciam libens!

5 Felix qui domui perpetuo tuæ
Hærens te celebrat: qui penitus suam

In

1. *Armipotens*] Exprimit Ebraicum Zebaoth, sicuti paulo
post eundem vocat *belli potentem*, & alibi utrumque conjungit.
Armorum bellique potens. C.

Creperos] *Creperum*, dubium & anceps est, Lucret. *Crepera*
certamina belli. Hinc *Crepusculum* dicitur lux dubia, & se-
pess decreti quasi in dubio vitæ constituti vid. Non. Mar-
cellum. C.

Mens bonis nimiis ebria] *Summam* hoc Metaphora securitatem
& abundantiam bonorum voluit indicare, significat autem
ebrietatem *sobriam*, de qua Poeta Christianus *Lati bibamus so-
briam Ebrietatem spiritus*. Horatius quoque Ode 37 lib. i Cleo-
patram reginam Ægypti vocat *Fortuna dulci ebriam*, Metaphora
itidem insigni. C.

Avis nuncia veris] Intelligit hirundinem aut ciconiam de
qua Virg. *Candida veris avis longis invisa columbris*. C.

In te spem posuerunt,
Felices ter & amplius.

6 Felices studio qui properant pio
Templo sacra tuo ferre: per aridas
Valles fontis amœni
De rivis liquidis bibent.

7 Nec deerit pluviæ quæ repleat cavas
Fossas agmen aquæ, dum properat premeris
Turmam turma, parentum
Ritu cädere victimas.

8 O Rex armipotens, da placidum tuo
Te Regi, capitis cui decus inclytum
Indulsti: bonus aurem
Ne duram abnue supplici.

9 Tu noster clypeus, rebus in asperis
Spes & præsidium: juxta adytum tuum
Unius mora lucis
Pro mille est mihi seculis.

10 Sim custos potius liminis in tuo
Templo, sancte parens, quam Solympia procul
Degam inter sceleratos
Multis clarus honoribus.

11 Tu sol, tu clypeus, tu Dominus: tuis
Tu das conspicua fulgere gloria:
Nec puro scelerum unquam
Claudis munificam manum.

12 O Rex armipotens, quem penes exitus
Bellorum, & positis ensibus otia:

Or-

⁷ Agmen aquæ] Pro aquæ copia seu ejusdem flexu & ductu.
⁸ Indulsti] Syncope pro indulstisti.

Orbis terque beatos
Qui te spe solida colunt:

PSAL. LXXXV. CARM. GEN. i.

Psalmus ab exemplo precedentis liberationis cum Deo expositulans, Deum orat pro liberatione Ecclesiae, hinc seipsum ad audiendum verbum Dei revocans, pios consolatur cum proxime liberationis spem. tum alterius aeternam per adventum Christi ad Ecclesiam pertinentis.

Non semper tumidis fervent vexata procellis
Æquora, nec gelida riget horrida terra pruina
Inque vicem ponunt venti, mare sternitur, aura
Mitior in florem torpentes evocat herbas.

3 Nec semper, Deus, avertis mœrentibus aurem
Durus, & indulgens iræ: quondamque favore
Sponte tuum amplexus populum es: vinclisq; solutis
Servitii, patrias duce te remeavit ad aras.

4 Oblitus scelerum & violati fœderis, irani
Lenisti, & patria texisti crimina cura.

5 Et nos ergo, parens, nostræ & spes una salutis,
Respice placatus facilisque: animumque benignum

6 Accipe: perpetuae neve implacabilis iræ
Sæviat in feros etiam vindicta nepotes.

7 Respice nos melior tantum: quodcumque misella
Spirat adhuc animæ, te respiciente vigorem
Accipiet: populoque tuo, jam nube repulsa.
Tristitiae, lætos hilarabunt gaudia vultus.

8 Alme parens, bonitate tua complectere fessos,
Sperataque diu jam fructum ostende salutis.

9 Jamdudum exspecto Dominus dum læta futuri
Signa det, arcano pulsans præcordia motu.

10 Et

1. Penunt venti] Pro desinunt quiescunt Virg.
Cum venti posuere, omnisque repente recessit flats. C.

- 10 Et dabit haud dubie posita placabilis ira
 Signa secunda: piis dabit omnia prospera, leges
 Qui patrias & sacra colent, errore relicto.
- 11 Ecce salus, ecce incultas bona copia terras
 Incolet, & læti renovatrix gloria secli.
- 12 En bonitas, en alma fides feret obvia gressus:
- 13 Terra fidem, cœlo terras Astræa relicto
 Sancta colet: comes Astrææ bona copia cœlo
 Appluet, & lætos decorabit frugibus agros.
- 14 Et quacumque feret Dominus vestigia, gressus
 Ante ferent jus fasque suos: lis, visque dolusque
 Deseret afflictas per tot jam secula terras.

P S A L. LXXXVI. C A R M. G E N. 10.

David afflictus Deum invocans, imbecillitatem suam, foedus cum
 Deo fidem in eum profitetur: Salutem ab eo petit propter na-
 turam, gratiam & gloriam ejus: hinc de inimicis conquestus re-
 quirit aliquam significationem boni & consolationem a malo.

- D**A mitis aurem supplici
 Deus: saluti consule
 Ope destituti & pauperis,
 Nec semper iræ vindicis.
 2 Servum tuum serva Deus;
 Cui spes salutis unica es:
 3 Serva invocantem jugiter
 A solis ortu ad vesperum:
 4 Depelle mentis nubila
 Pendentis a te servuli:

D d

5 Blandæ

13. *Astrea*] Poetice pro justitia divina. Ovid,
Ultima cœlestum terras Astræa reliquit.

- 5 Blandæ parens clementiæ,
Promtus vocanti parcere;
6 Intentus audi supplicem:
7 Nam te vocamus arduis
In rebus, invocantibus
Opem benignus quod feras.
8 Nullus deorum par tibi:
Nullus secundus: exserit
Nullus suam potentiam
Tam splendidis miraculis,
9 Rerum creator, ultimis
Ab orbis oris affluent,
Flexoque gentes poplite
Te prosequentur laudibus.
10 Solus nec ævi termino
Inclusus aut potentia,
Deus deorum, gentibus
Miranda cunctis perpetras.
11 Legum tuarum semitam
Fac ingredi me: pectoris
Compone fluctus turbidos,
Tranquilla mens ut te colat.
12 Ut spiritus contagio
Emancipatus corporis,
Tuam celebret gloriam,
Dum vita voxque suppetet.
13 Vivo tua clementia,
De fauce mortis erutus,

12. *Emancipatus*] *Emancipare* est e mancípio seu dominio suo demittere & alteri possidendum tradere, & volunt proprie dici de liberis sicut manumittere de servis. Est igitur hic *Spiritus contagio corporis emancipatus* idem quod anima per mortem a corpore segregata. C.

14 Quum

- 14 Quum virium fiducia
Sæviret hostis insolens.
15 Secura quum vis numinis
Mihi immineret, tu Deus
Et lenis & placabilis,
Et pacta fidus reddere.
16 Mitis bonusque respice
Qui pendet ex te servulum
Opem fer, & vernaculum
Tuum periclis exime.
17 In me favorem sentiant
Hostes tuum : ora decolor
Mutet pudor, quum viderint
Mihi te salutis vindicem.

P S A L. LXXXVII. C A R M. G E N. iii.

Psalmus Ecclesiae Dei laudes praedicat, a praesentia & beneficiis Dei erga illam, futuraque gentium vocatione.

A Bramidarum cæteras urbes supra,
Dominus Sionis diligit
Portas; Sionis, imminet quæ montium
Fundata sanctis collibus.

D d 2

3 O præ-

16. *Vernacula*] *Verna* Servus est domi nostræ natus & nobis proprius, inde *Vernaculum* dicitur vel quod nobis proprium ut hic, vel quod nobis domesticum aut quotidianum est ut lingua vernacula seu materna quam quasi inter vernas & domesticos addiscimus Horat. Epod. 2.

Positofque Vernas ditis examen domus.

17. *Pudor decolor*] Pudor enim nativum colorem faciei in rubrum mutat, ita Virgilio de color etas senectus est, in qua color faciei juvenilis, plurimum immuratur. C.

3 O prædicanda posteris feclis Sion,
Beata mater urbium :

4 Tecumne Babylon se audeat componere ?
Tecumne Memphis insolens ?

Ventura Babylon sub jugum Dei, Deo
Flexura Memphis poplitem.

Præclara quamvis & Palæstina & Tyros
Jacet virorum robora ;

5 Nihil ad Sionem fortibus fœtam viris,
Favore tutam numinis.

Cenfore Domino humana gens quum nomina
Ad profitenda confluet,

Quis non Sionis se feret civem ? inferi
Quis non colonus ambiet ?

6 Tum vox Sionem carminum, tum vox lyræ
Canent Sionem & tibiæ :

Et

3 *Mater urbium*] Aliis metropolis, e qua in alia loca coloniae, tanquam filiæ, deducuntur. Ita etiam, *Psal. cxxiii*, *Mater nobilis urbium*. Pindaro est *ασεων πιξην*, i. e. urbium radix, metaphora admodum insigni. Plinio, in Epistolis, civitas mater, *Dum* (inquit) *civitatis non sunt alienae, sed suarum quisque matrum civitatum*, i. e. Metropoleon: Alias metropolis quoque vocatur, arbs in Republica aut regno aliquo præcipui nominis & auctoritatis, ubi sedes & religionis, & justitiæ, & majestatis regiæ est; quæ quidem tria, urbem aut locum aliquem maxime efficiunt nobilem & augustum : Talis apud Judæos fuit Jerusalem; apud Latinos, Roma. C.

4 *Babylon*] alias *Babel*, metropolis Chaldeæ, toto olim orbe clarissima, & prima monarchia nobilitata, amplitudine, genti quam civitati similior. Scribit enim Arist. 3, Politic. Babylone ab hostibus capta, extitisse partem ejus urbis, quæ post tertium diem id factum esse non senserat. C.

Memphis] Ægypti urbs, ad Nilum sita, magnitudine, Babyloni non dissimilis; nunc *Cairo vulgo* appellata. C.

Et nostra si quid audiendum vox sonet,
Laudem Sionis vox canet :
Et si quid animus voce dignum excogitet,
Animus Sioni serviet.

P S A L. LXXXVIII. C A R M. G E N. xxii.

Psaltes formam dat cuique fideli, Deum accedendi in privatis malis : itaque, exponens mala et mortem suam praesentissimam, exposuit cum Deo : propter gloriam ejus, in vita servari petit : & propter malorum gravitatem, urget sibi liberationem dari.

- L** Uce voco te, nocte voco te, sola salutis
L Spes, columen, vitæ præsidiumque meæ.
3 Alme parens, facilem ne vultum averte precanti,
 Neve humiles, dura respue mente preces.
4 Mens hebetata malis torpet ; confecta dolore
 Funereas spectat languida vita faces.
5 Membra vigor liquit : mors unguibus imminet atris:
 De tumulo tantum jam mihi cura meo est.
6 Corpora non aliter pallent sub mole sepulchri,
 Vulnere quæ subito mors inopina tulit :
Perpetuis quæ sub tenebris oblivia condunt
 Alta, salutiferam te retrahente manum.
7 Carcere ceu clausum, & cœca sub nocte sepultum,
 Me prope lethæ gurgite mergis aquæ.
8 Usque premis, stratumq; urges, supraq; jacentem
 Accumulas iræ flumina cuncta tuæ.
9 Me veluti scopulum fugiunt horrentque sodales,
 Quos portum afflictæ spes erat esse rati.
Affixusque toro jaceo, ceu compede vincitus:
10 Languida cesserunt lumina viæ malis.
Interea lassas tendens ad sidera palmas,
 Te veniente die, te, fugiente voco.

- 11 Scilicet exspectas ut acerba morte peremto
Ostentes vires me revocando tuas?
An rediviva tuas in laudes ora resolvent
Quos gelido tellus claudit avara sinu?
- 12 An tua sub tumuli bonitas cantabitur antro!
Vulgabuntve tuam muta sepulchra fidem?
- 13 Justitiamne tuam tacitura silentia pandent?
An referent vires nox tenebræque tuas?
- 14 Ast ego, sancte Parens, supplex tua numina clamo:
Nec precibus vacua est hora locisve meis.
- 15 Sancte Parens, animæ auxilium cur subtrahis ægræ?
Cur surda miseras respuis aure preces?
- 16 Me dolor & primis labor anxius urit ab annis:
Me trepidi exanimant corde miçante metus.
- 17 Me furor exagitat tuus, opprimit undique terror;
- 18 Agmen ut hibernæ, quicd fata mergit, aquæ.
- 19 Æger, inops caris jaceo desertus amicis:
Nec noti ærumnis ingemuere meis.

P S A L. LXXXIX. C A R M. G E N. i.

Psaltes benignitatem & fidem Dei, cum in omnibus rebus creatis,
tum in ecclesia testificatam, celebrat; dignitatem ecclesiae, quaæ
est regnum Dei, & promissiones regno toti factas, commemorat:
hinc, adversitates quas ecclesia perferebat, proponens, cum Deo ex-
postulat, liberationem & instaurationem petit, ac Deo benedit.

TU mihi carmen eris, rerum pater optime, sem-
per;
Notaque erit populis bonitas, me vate, futuris,
Pollicitque immota fides, dum sidera mundo

3 Vol-

18 Agmen ut hibernæ] Tanquam vehemens pluvia & diluvi-
um aquæ hieme cadentis, & agros obtuentis.

- 3 Volventur tacito : citius quoque sidera credam
 In chāos antiquum lapso se condere mundo,
 Irrita quam facri credam fore fœdera pacti.
- 4 His concepta tuo quondam cūm Davide verbis :
- 5 Dum mare, dum tellus staret; dum sidera cœli,
 Davidici generis mansuram in secula prolem,
 Et stabilem regni ventura in tempora fedem.
- 6 Te, Pater, ætherei cœtus, te jure piorum
 Secla hominum celebrant, patrantēm ingentia
 mundo
- 7 Mirante, & stabilis jus inviolabile pacti
 Servantem : quem terra tibi, quem conferet æther,
- 8 Magne parens ? quem siderei tremit omnis olympi
 Cœtus, & attoniti submissa mente tyranni.
- 9 Armorum bellique potens, quocunque moveris;
 Alma fides clara circum te luce refulget.
- 10 Tu maris irati furias compescis, & undæ
 Dejicis insanæ tumidos ad sidera fluctus.
- 11 Tu Pharon elatam lethali vulnere sternis,
 Et quicunque tuis miserum caput objicit armis.
- 12 Tu terræ cœlique opifex : quæcunque capaci
 Complexu facies mundi revolubiliis ambit,
- 13 Auctorem agnoscunt : Aquilo tibi servit & Au-
 ster :
 Thabor & occiduum qui condit vertice solem,
 Quique rubet radiis Hermon tepefactus Eois,

14 La-

13 *Thabor*] Mons Galileæ, inter mare Tiberiadis & oppidum Nazaretum, in finibus Zebulun, in qua torrens Cisson suam ha-
 bet originem. Abrahamo Ortelio, cosmographo ad miraculum usque politissimo & laboriosissimo, existimatur esse Malleis Pe-
 lybii.

Hermon] Pars est montis Libani, quæ versus orientem por-
 gitur, & regnum Basanitidis a Cœlo-Syria dirimit, stringens Ga-
 libam a Septentrione & Orta. C.

- 14 Lætitia exsultant: validæ tu robore dextræ
Clara per immensum spargis miracula mundum.
- 15 Ante tuum solium tibi justum appetet & æquum:
Ante oculos adstat bonitas, & nescia flecti
- 16 Promissi sincera fides. O terque quaterque
Felices, quos festarum clangore tubarum
Ad tua sacra vocas: quos sacri lumine vultus
- 17 Illuſtras, hilaresque tui sub nominis umbra
- 18 Custodis: bonitate tua super æthera vectis
- 19 Das vires, decus, imperium: das impia contra
Agmina, ceu clypeum, per dura pericula Regem;
- 20 Tu tibi dilectum secreto numine vatem
Implesti, ut seclis daret hæc responſa futuris:
- 21 Ipſe mihi legi media de plebe, meoque
Imposui regem folio, qui protegat armis
Isacidas, populoque meo qui jura ministret;
Davidis & ſacro perfudi tempora olivo.
- 22 Huic animum viresque dabo, præſensque tuebor
- 23 Perpetuo, ne fraude ſcelus, ne robur aperte
- 24 Exitium ferat: ipſe hostes, ipſe impia ſternet
- 25 Agmina: nulla meam vertet ſententia mentem:
Auxiliumque feram bonus, & ſuper ætheris axem
Nominis auspicio nostri fe gloria tollet.
- 26 Jura dabit terris rapido quas gurgite claudit
Hinc mare Sidonio fœcundum murice & illinc

27 Pal-

26 *Sidonio murice*] De murice, ceu purpura, *Pſal. xliv* diximus. Hic autem purpuram Sidoniam vocat, quod mare Syriacum; Tyrum & Sidonem alluens, purpuræ admodum ferax & fœcundum erit. Est autem Sidon urbs Phœniciae antiquissima, in littore maris Syriaci, in finibus Palestinæ, versus Septentrionem sita; ſic dicta a conditore Sidone, qui fuit filius Chanani, & paternellis Nimrodii. E;

- 27 Palmifer Euphrates. Supplex me in vota vocabit
 Ille patrem: Deus ille meus tu, (dicet) & unum
 Præsidium, una meæ custodia certa salutis,
- 28 Hunc ego præcipuo contra dignabor honore,
 Supra aliosque dabo rerum moderamina reges,
 Quicunque immensum populis dant jura per or-
 bem.
- 29 Nec meus absistet favor illi in secla, nec illi
 Jurata æterni solventur fœdera pæcti.
- 30 Quin sobolem, & sobolis ferros in cuncta nepotes
 Secla dabo, & stabilis sceptrum immutabile regni,
 Donec ab obscuris lucem sol dividet umbris.
- 31 Quod si posteritas mea fœdera sancta profanet
- 32 Immemor, & legem spernat, jussamque recuset
- 33 Ire viam, domitos pœnis duroque labore
 Compescam, & plagis usque exercebo rebelles.
- 34 At neque destituam Regem bonitate perenni,
- 35 Fœdera nec solvam, nec quod semel ore profudi;
 Ulla immutabit venturi temporis ætas.
- 36 Quippe semel sancto firmavi fœdere, jurans
 Per me, Nulla dies initi cum Davide pæcti
- 37 Immomorem arguerit: siboles, dum secula mun-
 dus
 Volvet, ei patrii sceptri moderamen habebit.
- 38 Esto mihi sol testis ad hæc, & conscia luna,
 Cum quibus æquum sceptrum Judæa tenebit.
- 39 At nunc, sancte parens, tumida inflammatus
 ab ira,
- 40 Projicis electum Regem: rata fœdera pæcti
 Negligis, & capiti sacrum diadema revulsum
 Sternis humi, & populis præbes calcare profanis.

41 Nuda patent hosti disiectis oppida muris :

Si qua manet, gelida formidine concutis arcem.

42 Cunctis præda sumus populis : rapiuntque feruntque

Vicini, insultantque malis, miserosque protervis

43 Vocibus illudunt. Hostis tu robore dextram
Interea firmas, perfundis pectora dulci

44 Lætitia : ac gladios hebetas in vulnera nostros :
Nec recreas fractos duro in discrimine belli.

45 Jam decus & regni splendor, jam proxima cœlo
Majestas versa in tenebras, soliique superbi

46 Gloria strata jacet : brevis immatura juventæ
Stamina præcidis : miseræ pars ultima vitæ
In luctu, in squalore ignominiaque senescit.

47 Quem finem dabis ærumnis? nunquamne tuorum
Respicies clades vultu placatus amico?

An, ceu flamma furens, semper tua fæviet ira?

48 Ipse memor tecum reputa quam concitæ nostræ
Tempora prætereant vitæ : frustra ergo crearis

49 Humanæ generis sobolem : ut brevis exigat ævi
Tempora, perpetuo curarum exercita fluctu?
Dum fractam luctu & morbis, seniove, sepulchri
Clauferit obscuro mors illacrymabilis antro.

50 Heu bonitas ubi prisca? fides ubi pristina? ubi
illa

Fœdera conceptis quondam cum Davide verbis

51 Facta tibi? cerne opprobriis quibus impia servos
Turba tuos premat insultans : quam multa silenti
Clau-

49 Mors illacrymabilis.] Id est, nullis lacrymis movetur.
Tribuit hoc epitheton Horat. Plutoni, Ode xiv. Lib. ii. C.

Clausum sinu maledicta feram, dum turba profana,
 Dum circum innumeræ gentes convicia fundunt,
 54 Nosque tui Christi verbis petulanter amaris
 53 Adventum sperare jubent. At tu bone rerum
 Conditor, æterno verax celebraberis ævo.

PSALMORUM

Liber Quartus.

PSAL. XC. CARM. GEN. V.

Mos gratiam Dei ex sempererno ejus decreto in sanctis celebrans,
 exponit tum instabilitatem vitæ humanae, tum miseriam Israelitarum,
 quos Deus morti adjudi caverat; ideoque precatur Deum ut
 populum suum renovet & doceat in omni sanctimonia, & glori-
 am suam in populi ductu & sanctificatione demonstret.

COelitum rector bone, abusque primis
 Seculis, mundi rudis & juventa,
 Qui laborantes ope sublevasti
 Semper amicos:

2 Antequam tellus nova parturiret
 Montium saltus, tegeretque montes
 Lucidus cœli decor, ante metas
 Lucis & umbræ;
 Tu manes idem pater orbis, unus
 Nec vices rerum patiens, nec ævi
 Termino clausus brevis: unus expers
 Finis & ortus.

3 At brevis nobis miseræque vitæ
 Fila paullatim tenuas, senecta

E e 2

De-

1. *Ab usque]* Hysteron proteron pro usquis a primis seculis. G,

Donec in putrem cinerem caducos
Solverit artus.

4 Tempus annorum tibi mille, lucis
Instar hesternæ, fluidique puncti,
Nulla decursus quod ubi recessit
Signa relinquit.

5 Nostra vanescit tenues in auras
Vita, per sicas velut unda arenas,
Aut velut sensus per opaca ludens
Noctis imago.

6 Herba ceu verno saturata rore
Maue, mox languet medio sub æstu,
Mox humi comis jacet aefactis
Vespere fero.

7 Præter & vitæ mala tot fugacis,
Quæ voluptates vitiant amaro,
Ira turbatis tua semper instans
Pectora vexat.

8 Quicquid erramus temere aut maligne,
Quæ timor celat tenebris pudorve,

Tu

6. *Comis aefactis*] Poetæ Herbarum folia & frondes metaphorice comas nominant: Sicuti enim calvities hominis caput deformat, & contra capillitum seu cæsaries ejusdem est ornamentum; ita in foliis & frondibus plantarum, quasi decus & pulchritudo earum consistit, quibus hyberno tempore spoliatae; quasi calvitiem quandam præferunt. Ut denique capillitum tonderi dicitur, cum crines resecantur; ita arbores quibus folia amputantur dicuntur tonderi, Horat. *Duris ut ilex tonsa bipennibus. C.*

7. *Amaro vitiant*] Videtur hæc scribens Lucretiana illa respexisse Medio de sume leporum surgit amari aliquid, quod in ipsis floribus angat. In et enim voluptati quiddam γλυκυπικρος, seu dulcacidum, quoq dulcem curis miscet amaritatem .C.

Tu vides, nce te latet inquieti
Pectoris æstu.

Dum tui pœnas meritas furoris
Mens reformidat, prope cogitatu
Ocyus vitæ spatiū citatis
Aufugit alis.

Septies denos spatioſa in annos
Vita procurrit: quibus est senecta
Firmior, ferme in decimum superfunt
Amplius annum.

Quid senectutis memorem labores?
Transvolat blandæ breve ver juventæ,
Inquies curis miferisque morbis,
Ocyus Euro.

Deinde quis justæ tolerabit iræ
Impetum, si jam jubeas nocentes
Pro modo offendæ numeroque justas
Pendere pœnas?

Sic pater, sic o, numerare fluxæ
Nos doce vitæ spatiū, caducis
Mens ut a curis revocata, veri
Lumen honesti

13 Cer-

9. *Citatis alis*] Pro concitatis & vehementissime agitatis. C.
 10. *Ver Juventæ*] Pulcherrima metaphora. Sicut enim in
anno, qui totus pulcher est, pars amænissima & pulcherrima est
er; ita in vita hominis pars optima & florentissima est ætas
ivenilis. Et sicut tempus vernum quotannis celerrime effluit;
a vigore quoque juvenili nihil est velocius aut fugacius: Hinc
ni juveniles etiam vernantes a Poetis appellantur. C.
Inquies] Genere neutro, pro inquietum Sallust. *Humanum*
nus inquies & indomitum, C.

13 Cernat. O tandem placidus favensque
 Desine irarum, propriusque servis
 Semper assueta tibi lenitate
 Consule fessis.

14 Fac tuæ fructu bonitatis aucti,
 Gaudio tandem satiemur : ægris
 Liberi ut curis reliquos agamus
 Suaviter annos.

15 Cedat & lœtis fugiens vicissim
 Luctus, exacto modus & labori
 Par voluptatis subiens amarum
 Mitiget ævum.

16 Facta, majestas, opera, amplitudo
 Nota sint servis tua, posterisque
 Nota servorum, tua qui libenter
 Jussa capessunt.

17 Fac tuæ semper bonitatis ut nos
 Splendor illustret, bone rector orbis :
 Gratia adspirans favor actiones
 Prosperet omnes.

13. *Desine irarum*] Pro desine aut desiste ab ira, more Græcc apud quos verba desinendi & abstinenti adsciscunt genitivum Hinc Horat quoque Oda 9. Lib. 2. dixit *Desin: mollium querelarum*, & oda 27, lib 3. *Abstine irarum calidaque rixa* C.

15. *Cedat & latis*] Hujus & trium sequentium versuum hæ est construclio: Et luctus vicissim fugiens, cedat lœtis : Et modus voluptatis par labori exacto, id est, finito, subiens, mitige amarum ævum. Petit enim ut tempus subsequentis lœtitiae & prosperitatis, durationi præteritæ mæstitiae & ærumnarum patit. C.

CARM. GEN. VI.

saltes fiduciam suam in Deum statuens piis in exemplum, hortatur
eos ut certa fiducia recumbant in Deo : defensionem prænunciat ab
omni malo : ac Dei verbis omnia bona præsentia & futura pollicetur.

SI protégendam præsidio Dei

Credas salutem, rem, sibolem, domum,

Insana quum fors intonabit,

Si Domini fugias sub umbram,

Securus omnem fer violentiam

Sortisque mortisque, & tetricas minas

Contemne : securus tumultum

Despicias creperi duelli :

E fraude cæca te Deus eximet,

Frangetque casses insidianium.

Nec fæviens late venenum

Lethiferæ patiere pestis.

Expandet alas te super, & suis

Pennis fovebit rebus in asperis:

Certusque promisiæ salutis

Sub clypei latitabis umbra.

Noctis per atræ cæca silentia :

Non expavesces cæca pericula :

Non luce grassantem timebis

Perniciem, nec aperta bella :

Interque strages mille cadaverum,

Dextra, sinistra, mille cadaverum,

Periculorum exsors propinquam

Incolumnis fugies ruinam.

Pœnam

2. *Duelli*] Pro belli, more antiquo, ut Horat. *Pacem duello*
fiscuit. Alias pro singulari quoque duorum certamine accipitur,
t in hymno Ecclesiastico, *Mors & vita duello conflixere secundo*,
7. *Exsors*] quasi sine sorte, expers, immunis Horat de cota
Exsors ipsa secandi, sic *Psal. 143, Si lucis exsors dego*. C.

- 8 Pœnam luentes interea malos
 9 Lætus videbis: præsidio Dei
 Securus armorum & tumultus,
 Ceu validis tegerere muris.
 10 Nec te, nec ædes vis propius tuas,
 11 Aut damna tangent: nam Deus Angeles
 Custodiæ tuæ salutis
 Præficiet, vigilesque ad omnes
 Motus, viarum qui referent moras:
 12 Qui per salebras te manibus ferant,
 Ne fauicetur pes recusius
 Objicibus scopulorum acutis.
 13 Securus atras inter & aspides
 Deges, ferarum & pignora tigridum:
 Tutusque calcabis dracones,
 Et Libycæ catulos leænæ.
 14 Observat (inquit) me Deus, unice &
 Honore nomen prosequitur meum:
 Laboriosis hunc vicissim
 Incolumnen eripiam periclis.
 15 Præsens vocanti subsidium feraim,
 Et imminenti rebus in asperis
 Fato eximam: exemtoque honorum
 Eximum decus arrogabo.
 16 Faxo virenti robore transfigat
 Seræ senectæ tempora suaviter:

Meof-

15. *Libyæ leæna*] Libyia Ptolemæo Virgilio, & aliis pro tota Africa accipitur, in qua leones generari etiam Horatius innuit sic de Mauritania canens: *Nec Jubæ tellus generat, leonum arida nutritrix*: Est enim Jubæ tellus, seu Mauritania, pars Africæ. C.

16. *Seræ senectæ tempora suaviter*] Pollicetur nimirum Deus serio se colectibus commodam, & morbis non ita obnoxiam servat: C.

Meosque monstrabo beare
Qua soleam ratione amicos.

Hunc etiam Psalmum Hebræi Rabbini ut & alios decem proxime sequentes, Mosi tribuunt, sed nulla ratione freti. Ego vero assentior optimo & doctissimo viro D. Henrico Mollero, qui pestilentiam illam horribilem cuius fit mentio. 2. Samuel 24. Huic scripto occasionem præbuisse existimat. Congruunt enim & verba & sententiæ ad hanc historiam & tunc egebat, si unquam alias, insigni consolatione populus, ac Rex impensis ipse, qui hanc perniciem sibi & suis ultiro accersiverat.
Beza.

P S A L. XCII. C A R M. G E N. iii.

Ecclesia Deum laudans, opera ejus admiratur, subitos improborum casus, & suam salutem honoremque a Deo acceptum narrat, bine eternam fidelium felicitatem prædicat ac Deum laudat.

- T**E prædicare, laudibus te prosequi,
Rex alme cœlitum, decet.
- 3 Seu sol Eoa luce terras purpuret,
Seu nox tenebris obruat,
Lux prædicantem me tuam clementiam;
Nox audiet constantiam:
- 4 Nec voce tantum, sed canora barbito,
Sed cymbalo, sed nablio.
- 5 Operum tuorum tacita cogitatio
Animum jacentem exfuscat.
Quum facta reproto, gestiunt præcordia
Perfusa dulci gaudio.
- 6 O opera! facta o magna vere! o sub cava
Confilia nube condita!
Confilia cæcis mentibus mortalium

- 7 Ignota ! qui non cogitant
 Florere pravos instar herbæ, quam foveat
 Sol lenis, humor educat :
- 8 Mox instar herbæ frigorum afflatu levi
 Marcentis evanescere.
- 9 Tu semper idem permanes, nec sentiens
 Rerum vices, nec temporum.
- 10 Sceleris amicos ac tuos hostes premet
 Ruina inevitabilis :
- 11 At me fovebis patria indulgentia,
 Crudo vigentem robore :
 Et rore mitis balsami vultum imbuas,
 Roseo juventæ lumine.

O-

11 *Crudo robore]* Ita Virgil. 6. Æneid. de Charonte. *Sed Cruda Deo viridisque senetius.*

12. *Cedrus]* Arbor perpetuo virens, odorata, speciosa, quam scibunt non curvari, sed suum retinere vigorem : teredines & tineas non gignere ex se, neque aliunde allatas alere : parietes denique nimio pondere non onerare. Unde patet cur Salomon Dei instinctu ex hoc potissimum genere ligni Tempulum Domini voluerit ædificare. Immo Vitruvius & alii referunt etiam Templi Dianaë Ephesiae, & simulacri ipsius Deæ materiam cedrinam fuisse. Aliunt quoque e cedro & similibus arboribus ultro quandoque humorem guttarum instar excerni, a quo sit ut hujusmodi statuæ indoctis & superstitionis, non sine miraculo sudare videantur, cum tamen secundum naturam idipsum fiat. Ex eadem cedro resina seu liquor quidam provenit, quæ Cedria dicitur, cuius ea vis est, ut defuncta corpora conservet, & viventia corruptat teste, Dioscoride ; Materiæ vero ipsi æternitas est, ut Plin. Itaque simulacula Deorum ex ea factarunt. Et cedro digna dicuntur, tabulæ, libri & alia quæ æternitatem prometentur & talia esse censentur quæ posteritati debeant consecrari. Cedri enim succo illita, a vermicibus erant immunia. Hinc Horatio *Carmina linenda cedro.* C.

- 12 Oculis malignis qui tuentur me hostium
Pascam ruinis lumina :
Et impiorum, qui creant molestiam
Mihi, lætus excidium audiam.
- 13 Ceu palma, justus germinabit interim,
Aut cedrus in Libani jugo,
Quam non procellæ, non calor, non frigora
Honore nudant frondium.
- 14 Quæ planta firmis hæserit radicibus
In æde Domini aut atriis,
Se flore amœno frondibusque vestiet :
- 15 Fluxique lapsu temporis
Ægræ senectæ damna nulla sentiet,
Onerata largis fructibus :
- 16 Ut nota cunctis gentibus sit æquitas
Domini potentis : qui mea
Arx est salutis una, qui nunquam malæ
Affinis est injuriæ.

F f 2

PSAL.

13. *Ceu palma* Quomodo palma oneri imposito renitatur,
patet ex Plinio lib. 16. C. 42. ubi de materiis architecti, ea-
rumque firmitate agit. Verba hæc sunt: *Et Palma arbor invalida,*
in diversum enim curvatur, at populus contra omnia inferiora panditur;
palma e contrario fornicatur. Propterea palma symbolum victo-
riæ habetur, cuius etiam hoc proprium est, ut folia ejus nun-
quam decident. C.

13. *Libani jugo*] Tota illa regio montosa quæ est inter mare
Syriaeum & urbem Damascum, Palestinae finitima versus Orien-
tem & Septentrionem nominatur *Libanus*, cedris & aliis arbo-
ribus altissimis nobilis, ejus pars est mons Hermon nomen ha-
bens a candore nivium, quibus vertices altorum montium per-
petuo teguntur; *Laban* enim Ebræis idem est quod nobis can-
didum, unde & *Alpes* de albedine dictos velunt. C.

C A R M. G E N. ii.

Psaltes amplitudinem & potentiam regni Christi celebrat, ab universalis rerum creatarum, & singulari aeternaque Ecclesiae administratione.

- J**AM Dominus rerum imperium suscepit, amictus
Decore multo & dignitate: robore
Jam sese accinxit: Dominus, qui mœnia mundi
Firmavit, ullo non movenda seculo.
- 2** Cujus ab aeterno solium est immobile regni,
Ut ipse, nullas temporum metuens vices.
- 3** Flumina præcipites volvant cum murmure fluctus,
Et æquor undis æstuet minacibus;
- 4** Compescit Dominus gravidis turgentia nimbis
Flumina, minacis sternit undas æquoris.
- 5** Stat fixum & cunctis manet invariabile seclis
Quodcumque Dominus ore sancto protulit:
Quæque ædem exornant Domini sacra mystica nulla
Oblivionis damna feræ sentient.

P S A L. X C I V. C A R M. G E N. x i v.

David, cum suis, a perfido Schaulis comitatu vexatus, Deum orat ut improbos ulciscatur; eorum improbitatem, maleficia & blasphemias narrat: improbos dementia nomine objurgat, lenes ab eventu quem Deus utrisque largitur est, a promissionibus ejus, & a suo exemplo, consolatur.

OFraudis ulti, sceleris O vindex Deus,
Ostende numen impios contra tuum.

2 O

5 Stat fixum, &c.] Quicquid autem Dominus ore augusto sanctorum coetui ab ipsis mundi primordiis locutus est, temper im-

- 2 O juste judex orbis, exergiscere,
 Meritisque pœnis reprime arrogantiam.
 3 Quousque tandem, rector orbis optime,
 Seſe ſuperbe jactitabunt impii?
 4 Devota ſceleri factio in ſcelere ſuo
 Plaudit, ſibi que fabulis ſtultis placet:
 5 Tuumque populum pedibus interim premunt,
 Tuam proterve hæreditatem proterunt:
 6 Viduam trucidant advenamque, & omnibus
 Parente caſſos obruunt moleſtiis:
 7 Secumque muſſiant, Hæc Deus non adſpicit,
 Nec fanda prorsus & nefanda intelligit.
 8 Gens ergo bruta, penitus ignorantia
 Obſeffa pectus ſomnolentum, diſcute
 9 Animi veternum, & cogita tecum, Deus
 Qui fecit aurem, ſurdus eſt? qui lumen
 10 Formavit orbes, ipſe nil videt? vagas
 Sine lege gentes recta qui ſequi docet,
 Non iſ ſuorum puniet ſcelera, quibus
 Oracula legum ſacrosancta credidit?
 11 Arcana nostri pectoris novit Deus,
 Conſilia vana, ſpes inane, turbidos

I 2 AE-

immutabile permanet; cultusque arcani Domini Templum ve-
nerandum reddentes, nullam ex temporis longinquitate silentii
taciturni injuriam patientur. *J.*

6 *Parente caſſos]* Quos alias dicimus orphanos, aut parenti-
bus orbos: Eſt enim caſſum, inane, aut vacuum, aut re aliqua
carens. *Virg.*

Nullum cum vietiſ certamen, & ethere caſſis. C.

9 *Veternum]* Morbus, qui Plauto eſt veternus: Cefo lethar-
gus eſt, mœror ſclicet, & inexpugnabilis prope dormiendi ne-
ceſſitas. Alias accipitur pro incuria & negligentia ſupina. *C.*

- 12 *Æstus.* Beatus ille demum, quem parens
Erudit amore patrio, legis suæ
- 13 Cui scita monstrat: rebus in duris aget
Securus ævum, dum paratur impio
- 14 Nassa, in lacunam incogitantem quæ trahat.
- 15 Hæreditatem nec Dominus unquam suam
Ope destitutam negliget, nec impiis.
- 15 Prædæ relinquet: sed tribunal judicum
Ad æquitatis diriget normam suæ:
- Vitamque ad illam dirigent boni suam.
- 16 Contra scelestos quis mihi auxilium feret?
Mecum impiorum quis premet superbiam?
- 17 Nam jam sepulchri frigidus sub frigido
- 18 Cumq;lo jacerem, nisi Dominus opem mihi
Præsens tulisset, & sua clementia
Firmasset animum, & jam vacillantem gradum
- 19 Fulisset: & me pæne submersum malis
Solatus esset, anxiæque nubibus
Curæ remotis redidisset gaudium.
- 20 Mecum loquebar, Quid scelestis cum Deo
Commune? scelera legis umbra qui sua
Tegunt, bonorum fraudulenta qui in caput
- 21 Consilia coeunt: factione innoxium
Premunt, iniquisque obruunt sententiis.
- 22 At rector orbis me tuebitur, meæ
Custos salutis, arx meæ fiduciæ,
- 23 Pro scelere pravis digna reddet præmia:
Suis & ipsos artibus pessundabit
Rerum creator Dominus, ac noster Deus.

P S A L.

20 *Scelera legis, &c.]* Qui peccata prætextu legis abscondunt;
qui in vitam justorum per fraudem conjurant; qui conspiratio-
ne innocentem infestant, injustoque judicio opprimunt. *J.*

CARM. GEN. ii.

David Ecclesiam ad cultum & obsequium Dei hortatur, a fœdere i-nito cum Deo, & majorum exemplis.

EIA alacres cuncti Domini celebremus honores :
Salute parta Domino agamus gratias.
Eia alacres rapiamus iter, mora segnis abesto :
Dominum canora personemus barbito.
Magnus enim Dominus Deus est : Rex magnus, &
orbis
Longe universis est deis potentior.
Ille manu fulcit vastæ penetralia terræ,
Et nube cincta montium fastigia.
Ille vagum fecitque, & factum temperat æquor,
Terramque falsis innatantem fluctibus.
Eia igitur genibus flexis manibusque supinis,
Dominoque nostro supplicemus & patri.
Noster enim Deus est, nos grex illius : ab uno
Pendemus illo, spiritumque ducimus :
Si modo non lentam verbis damus illius aurem,
Nec respuamus monita pertinaciter :
Nec, velut ad Meribam, me rixis, inquit, acerbis
Et arroganti provocetis murmure ;
Aut, Arabum veluti quondam per inhospita saxa,
Vires rebelli voce tentetis meas :
Quum proavi vestri me exploravere, meamque
Didicere factis plurimis potentiam.

10 Illa

⁴ Penetralia] Penetrale significat omnem partem interiorem omnis vel templi, quicquidve in intimis partibus est.

Ille manu fulcit] Ille quidem ut omnium Dominus, fundamenta terræ late patentis, & nebulosa montium fastigia sustinet. J.

10 Illa quater denis mihi natio restitit annis:

Dixique semper interim, Hæc gens desipit,

Et mea securas transmittit dicta per aures.

11 Ira ergo justa in pertinaces concitus

Juravi, Terræ gens hæc ingrata beatæ,

Promissa amicis commoda haud carpet meis.

P S A L. XCVI. C A R M. G E N. X.

Psaltes ecclesiam cum Judais hortatur ad laudationem Dei, tum creationis & administrationis nomine, tum Regni sempiterni, in eius possessionem missus est adventu suo Filius per voluntatem Patris.

NO N usitato pangite
Orbis parentem carmine,
Orbis coloni, incognitis
Ab usque terræ finibus.

2 Cantate Dominum, laudibus
Nomen beatum tollite,
Et mente grata agnoscite
Vestræ salutis vindicem.

3 Sol qua recurrit, audiant
Gentes Dei potentiam,
Stuporque dulci gaudio
Perfusa oberret pectora.

4 Namque unus est vere Deus,
Cunctisque major laudibus,

Et

11 *Ira ergo, &c.] Itaque merita indignatione commotus, in obstinatos testatur: Natio hæc, beneficiorum immemor, commoditates terræ sanctæ & felicis non colliget, quas mihi morem gerentibus pollicitus eram. J.*

Et diis timendus cæteris,
Quos horret error credulus.

5 Vefana gentes cæteræ
Pro diis colunt ludibria :
Dominus potenti dextera
Cœlum solumque condidit.

6 Apparet illi dignitas,
Auctoritas, potentia :
Ejusque templa siderum
Fulgore lucent gloriæ.

7 Tribuite domino gentium
Terras colentum secula,
Tribuite Regi cœlitum
Et robur & potentiam.

8 Tribuite magnitudinem
Tanto decoram numini :
Augusta templi ad atria
Adferte prompti munera.

9 Adeste, pompam adducite,
Et supplices procumbite :
Omnesque rerum termini
Deum tremant, & diligent.

10 Narrate cunctis gentibus
Regnare Dominum, qui ligat
Orbem catena immobili, &
Æquis gubernat legibus.

G g

ii Læ-

4 *Et diis timendus]* Aliis diis omnibus metuendus, quos veri numinis & cultus ejus ignari, quæ falsa sunt facile credentes, metuunt. f.

6 *Apparet illi dignitas]* Majestas, vis in imperando, amplitudo in operibus ejus elucens, illi præsto est, ipsumque adeo cœlum lumine magnificentiae ejus resplendet. f.

- 11 Lætetur æther, gestiat
Tellus, fretum præ gaudio
Exsultet, & quicquid freti
Salsas lacunas incolit.
- 12 Campi virescant avii
Se culta fruge vestiant,
Arrideantque floribus
Silvæ, & graventur fructibus,
- 13 Natura rerum gestiens,
Cunctos per artus sentiat
Dei sui præsentiam,
Et promta jussis pareat.
Jus namque veniet dicere,
A vi suos ut asserat,
Mundumque justis legibus
Et veritate temperet.

P S A L. XCVII. C A R M. G E N. ii.

David predicens regnum Christi magnificentum fore, eversionem idolatriæ & superstitionum omnium, lætitiam, & bonum fidelium obsequentium Deo exponit, quos ideo ad obsequium & laudem Dei provocat.

IPse sui Dominus regni moderatur habenas :
Lætare tellus, continens, & insulæ
Quas vagus oceanus refluis complectitur undis,
Cui-

I Continens] Continens Plinio terra est, quæ absque marina navigatione commeatum patitur in tres mundi partes: alias Terra firma dicimus. *C.*

I Refluis complectitur undis] Quas mare instabile undis in se redeuntibus comprehendit; cuicunque cœli plagæ subditi estis, gaudium vestrum testimoni. *J.*

Cuicunque cœli subjacetis cardini.

2 Hunc circum umbriferæ nubis prætexit amictus,

Pallensque multa fusca nox caligine.

Apparent famulæ juxta, firmantque tribunal
Severitasque dura, mitisque æquitas.

3 Ante volant sœvum rutilantes fulmins ignes,
Hostesque flammis obruunt sequacibus.

4 Fulguribusque micat late flagrantibus æther :

5 Attonita tellus intremiscit : montium
Saxa fluunt, rapido ceu cera liquefecit ab igne,
A sempiterni pavida vultu numinis.

Terra sui a vultu Domini tremefacta liquefecit :

6 Et æquitatem templæ cœli prædicant.

Et quicunque habitant terras ubicunque remotas,
Novere numen & Dei præsentiam.

7 Illis ora pudor turpis confundat, inanes

Quicunque mentis stipites pro diis colunt :

Dumque sacris placant picti ludibria trunci,
Se gloriantur impio in scelere pios.

G g 2

Quic-

Cœli cardini] Cardo proprie sustentaculum illud est, a quo janua dependens movetur. *Virg. Foribus cardo fridebat abenis.* Hinc vocabulam transfertur ad duos vertices, seu polos cœli immobiles, circa quos cœlum revolvitur, alterum Arcticum, seu septentrionalem, alterum, Antarcticum seu meridionalem ; quorum prior Ovidio est cardo mundi.

Qui semper liquidis altior extat aquis,
& de utroque Virg.

Hic vertex nobis semper sublimis ; at illum
Sub pedibus Styx atra videt. C.

2 *Apparent famulæ]* Aspera legum observatio, quam ab hostibus exigit, lenisque boni & æqui respectus, quem ad suos habet, ceu famulæ ejus astant, & tanquam columnæ immotæ thronum ipsius stabiliunt. *F.*

1 *Inanes mentis stipites, & picti ludibria trunci]* Periphrasis elegantissima idolorum. *C.*

- Quicquid ubique Dei sub nomine credulus error**
Honorat, unum adoret, unum diligat.
- 8 Læta Sion tenebras errorum cernet abactas :**
Judæa dulci delibuta gaudio,
Sacrilega adspiciet vani sacraria ritus
Everfa, poenas luere meritas impios.
- 9 Nam procul astriferi trans ignea mœnia mundi**
Tu frena rerum justus arbiter tenes.
Teque deos infra longe premis altior omnes,
Tuique obumbras numinis fastigio.
- 10 Ergo Deum quicunque pio complectere amore,**
A scelere mentem contine puram & manum.
Nam Domino cordi est pietas, vitamque bonorum
A vi tuetur impiæ tyrannidis.
- 11 Et lætum offundit lumen cultoribus æqui,**
Et pura sceleris corda recreat gaudio.
- 12 Vos quibus est cordi reverentia juris & æqui,**
Gaudete, Domini spe favoris ac opis
Securi : gratoque Deum super æthera cantu
Sanctumque nomen ejus usque tollite.

P S A L. XCVIII. C A R M. G E N. X.

Psalmus Judæos, gentes, & res omnes creatas bortatur, ut gratuleretur Christo de inimicis triumphanti.

NON usitato carmine
 Rerum parentem pangite,
 Virtute qui victoriam
 Non usitata rettulit.
 Sua ipse solus dextera,
 Externæ opis nil indigus,

Nos

Nos liberando, posteris
Miranda gessit seculis.

2 Sensere gentes impia
Bello Dei potentiam :
Pœnas luendo, judicem
Senfere justum & vindicem.

3 Promissa solvit optima
Fide Isaci nepotibus,
Partæ salutis testibus
Totius orbis incolis :

4 Huic ergo læti psallite
Totius orbis incolæ :
Hunc ferte in astra laudibus
Lætis tubæ & clangoribus.

5 Laudate dominum barbito
Nervisque carmen jungite :
6 Lenisque tibiæ modis
Adsit sonora buccina.

Ad-

5 *Nervisque carmen*] Nervi, prima sunt in corpore animalis sensus motusque instrumenta. Quandoque nervus pro robore & viribus usurpatur, in nervis enim robur maxime existit ; hinc nervos intendere est, universas ingenii vires expromere, & totis viribus conari. Nervus etiam pro chorda arcus accipitur : in *nervum ire*, proverbium ductum a Sagittariis, qui nimium contendendo, arcum aut arcus nervum rumpunt, aut nervum sibi aliquem lœdunt. *Terent.* in *Phorm.* *Caterum*, quum argentum repeatent, *nosta causa scilicet in nervum potius ibit*, id est, decipiet, ait *Donatus*. Hinc chordæ citharæ nervi dicuntur, *Prop. Carmina nervis aptat*.

5 *Tibia*] Proprie est os cruris oppositum suræ. *Tibia* item vocatur instrumentum musicum oblongum, teres & foraminosum, quod inflatum, & digitis modo adductis modo reductis, temperatum, non injucundam reddit symphoniam. Has primum ex gruum tibiis confectas existimant, & inde nomen accepisse. *Horet.* de *Art. Poet.*

- 6 Testetur æquor gaudium,
Et quicquid æquor occulit:
Orbisque terræ gestiat,
Et quicquid orbis educat.
- 8 Exsultet unda fluminum,
Leni susurrans murmure :
Montesque læti plausibus
Deum venire gaudeant.
- 9 En ipse Dominus advenit,
Cunctis ut orbis incolis
Det æqua justis præmia,
Et facta plectat impia.

P S A L.

*Tibia non, ut nunc, orichalco vincita, tubæque
Æmula, sed tenuis, simplexque foramine pauco.*

5 Sonora buccina] Buccina est cornu recurvum, quod tubæ modo inflatur; ita dictum a bucca, Hieron. ad Barb. Bucca vocatur Tuba apud Hebreos; deinde per diminutionem, Buccina dicitur. Buccinas a tubis nonnulli sic distingunt, Quod illæ, ex recurvis animalium cornibus; Tubæ, ex ære argento confici soleant, ad animos militum & equorum concitandos, Apul. Lib. 3. Florid. buccinam manifeste a tuba secernit, quum ait, *Siquidem vox hominis, & tuba rudiore torvior, & lyræ concentu variator, & tibiæ questu delectabilior, & fistula susurro jucundior, & buccinæ significatu longinquior*

Psalmus iste, idem pæne atque nonagesimus sextus, continet repetitam prophetiam de Messia regni propagatione, cuius prædictionis Simeon, Zacharias & Maria mater Domini, in suis illis hymnis celebratissimis, divinissimi sunt interpretes, eadem pæne verba usurpantes Beza.

CARM. GEN. xiii.

Psaltes potentiam, iufitiam & gratiam Christi regis nostri in omnes gentes praedicat, eamque constantem fore ab exemplo majorum docet: ideoque omnes hortatur ad colendum & praedicandum regem:

JAM regnum Dominus, spirituum pii
Qui dat jura choris, suscipit: impiis
Horror terrificet pectora gentibus:

Tellurem quatiat tremor.

2 Nec tantum Solymæ vim Dominus sui
Fecit conspicuam numinis, & suæ
Majestatis opes cernere finibus
Terrarum dedit ultimis.

3 Ergo te meritis tollat honoribus,
Augustum celebret gens hominum tuum
Nomen; qui salubri temperie modum
Scepbris constituis tuis.

4 Selectæ siboli qui populi tui
Jus nullis dederis mobile seculis:
Frenas justitiæ qui moderamine
Æquali genus Isaci.

5 Sublimem Dominum laudibus & Deum,
Solus qui liquido regnat in æthere,
Ferte, & scamna pedum (sanctus enim Deus,
Est noster) veneramini.

6 Huic Moses & Aron & Samuel bonus,
Docti legitimis tingere victimis
Aras, consilium quum peterent, data
Sæpe oracula potentibus.

7 De

I. *Terrificet] Terrorem pectoribus incutiat. Verbum a Lucretio & Virgilio usurpatum Virg. 4. Æn. Cœruleum in subiectibus ignes Terrificant animos. C.*

- 7 De pila tereti nubis eis dabat
 Responfa ambiguis follicito metu,
 Legum quod monitus pactaque foedera
 Servassent stabili fide.
- 8 Aurem supplicibus tu facilem dabus,
 O rerum genitor maxime & optime,
 Indulgensque bonis, & scelerum simul
 Vindex, durus in impios.
- 9 Sublimem Dominum tollite laudibus,
 Solus qui liquido regnat in æthere : &
 Montem quo colitur (sanctus enim Deus
 Est noster) veneramini.

7. *Pila tereti nubis.*] Pila proprie columna quæ Saxonibus quoque est ein piller hic significat columnam nubis que patribus in deserto dux itineris fuit et e qua responfa accipiebant, C.

P S A L . C A R M . G E N . xxiii.

Psaltes Ecclesiam ad laudes Dei hortatur propter gratuitam electiōmem, vocationem, & beneficentiam constantem ipsius.

O Rbis omnes incolæ
 A sole Eoo ad Hesperum

2 Jubilate

1. *Eoo.*] Eous idem significat quod orientalis derivatur ab ἡως dictione Græca qua aurora significatur quæ quamvis frequentius per η scribatur, invenitur tamen quandoque scripta per ε, idcirco habet primam syllabam indifferentem. Productionis exempla nusquam non occurunt, reliquum est ut aliquot exemplis doceamus posse breviari. Lucan. Claudimus Hesperias gentes aperimus Eoas Ovid. 2. Amorum. Gallus & Hesperius & Gallus notus Eeis.

1. *Jubilate.*] Jubilare est rustica & in condita voce gaudium testari. Jubilare (inquit Festus) est rustica voce inclamare.

- 2 Jubilate, & optimo
 Rerum parenti plaudite.
 Mente læta, & ritibus
 Servite puris numini.
 Gestientes gaudio
 Adite sancta limina.
 3 Ille noster est Deus,
 Noster parentis & conditor :
 Non enim nos finximus
 Ipsi sed illius sumus,
 Qui levi de pulvere
 Alit creatos & regit.
 4 Ad fores ergo illius
 Adite læti, gratias
 Agite: festis laudibus
 Benignitatem pangite:
 Prædicate cæteris
 Numen beatum gentibus.
 5 Nam benignitas Dei,
 Et in suos clementia,
 Clausa nullo est termino :
 Et firma stat pactis fides
 Posterorum posteris
 In sempiterna secula.

H h

PSAL.

Hebraica inscriptio indicat hunc Psalmum, brevissimum quidem, sed & orationis suavitate, & rerum gravitate excellente, idcirco scriptum fuisse ut in sacrificiis eucharisticis debeatetur. Beza.

C A R M. G E N. V.

David rex factus Deo spondet se procuraturum sanctificationem suam, concilii, comitatus sui, totius regni & Ecclesiae.

TE salus rerum cano, qui precanti
Lenis irarum es, facilisque flecti,
Impiorum idem tetricus rebelles
Frangere fastus.

2 Huc meæ vires vigilant, labores
Huc ferent omnes, opis in tuæ spem
Semper ut cœtis domus institutis
Culta nitescat.

3 Si salutarem mihi tu serenus
Porrigis dextram, tibi corde puro
Serviam : fraudum scelerisque pura
Serviet aula.

Nec milii exemplum statuam sequendum,
Litibus si quis miseros iniquis
Vexet, aut caussam tenuis clientis
Prodidit hosti.

4 Sponte qui pravis studiis inhæret,
Sit procul : fævi sceleris minister
Candidos nunquam mihi censeatur
Inter amicos.

5 Quisquis incautum lacerat sodalem,
Clam venenato jaculatus iœtu,
Persequar, plectam, penitusque ab ima
Stirpe revellam.

Nec meæ mensæ dapibus fruetur
Mentis elata tumor, arrogansque
Vultus, & cunctos veluti minores
Lumine spernens.

- 6 Veritas simplex quibus est amori,
Hos amo, amplector, video libenter:
His mihi seros sociis senectus
 Impleat annos.
7 Integer vita mihi sit minister:
7 Tecta non intret mea fraudulentus:
Nemo mecum intra mea commoretur
 Limina mendax.
8 Impios longe (mora nulla) terræ
Finibus pellam: procul omne monstrum
Civitas sancta ut Domini relegat
 Flagitiorum.

8. *Impios longe*] Profanos extra ditionem meam ejiciam, ut
urbs Deo dedicata omnem fæditatem turpium facinorum pro-
digiosam procul amandet. J,

P S A L. C I I. C A R M. G E N. x i i i .

*Ecclesia in captivitate diu versata Deum supplicat; suas calamita-
tes proponit: seipsum confirmat recordatione naturæ & promission-
um Dei, que in adventu Christi & communi vocatione gentium
complebuntur: Itaque Deum orat ut naturæ, promissionis &
gloria sue recordatus Ecclesiam conservet, eique in æternum be-
nedicat.*

- E**Xaudi genitor sancte meas preces,
Clamorisque sonum percipe, lugubris:
3 Neu vultum misero subtrahe, cladibus
Omni ex parte prementibus.
Aures suppliciis nunc adhibe meis:
Da votis facilem te, pater optime,
Et presso celerem porrige dexteram,
 Et præsenti ope subleva.

- 4 Ceu fumi nebulæ tempora transvolant,
Ut lentis coquitur torris ab ignibus,
Paullatim tacitus sic dolor aridis
Humorem ebibit artubus.
- 5 Dum luctu crucio me dapis immemor,
Ut secta e viridi grama cespite
Arefcunt nimio torrida sole, cor
Exsuccum mihi tabuit.
- 6 Crebro sic remeans spiritus ilia
Tendit, sic gemitus pectora concutit
Mœstus continuo, tabida uti cutis
Jam vix hæreat ossibus.
- 7 Ut saltus habitans cuculus avios,
Aut teſtis latitans noctua dirutis,
- 8 Aut turtur viduus, solus, inops, dies
Et noctes vigiles gemo.
- 9 Dum ceu ludibrium rideor improbis,
Irrisumque petunt fraude nefaria.
- 10 Nec panis cinere est gratior arido, &
Potum tempero fletibus.

11 Iſſis

4. *Torris*] Est stipes semiustus & adhuc ardens, Titio vero
est torris extintus. Virg. 12. Aeneid.

*Obvius ambustum torrem Chorineus ab ara
Corripit, & venienti Ebuso plagamque ferenti
Occupat es flammis.*

7. *Cuculus*] Aliis est Onocrotalus, seu Truo per deserta mu-
giens, dictus est autem Onocrotalus a strepitu asini. Avis pál-
mipes, magnitudine & colore similis cygno: cujus rostrum
magnum, prælongum, ac validum, ex cujus inferiori parte
ingluvies latioris sacculi instar ante pectus propendet. Pedes
coloris cinerei dura pelle conteſti Plin. lib. 10. Cap. 57. Olo-
rum similitudinem Onocrotali habent, nec distare existimaren-
tur, niſi fauicibus ipsis inefſet alterius uteri genus, huc omnia
inexplebile animal congerit, mox perfecta rapina sensim inde-
noscendita, in veram alvum ruminantis modo refert. C.

- 1 Istis ira malis me cumulat tua,
Qui me sustuleras ex humili loco,
Sublimi gravius rursus ut e gradu
Tractum præcipitem dares.
- 2 Ut sero in tenebras umbra crepusculo
Vanescit, celeres deproperant dies
In mortem: veluti sub medio die
Fœnum, corpus inaruit.
- 3 At te perpetuis secula seculis
Nectentem, volucris non fuga temporis
Carpit, nec memorem nominis obruet
Famam posteritas tui.
- 4 Tandem surge pater, tecta Sionia
Jam lenis placido respice lumine:
Jam pleno redeunt tempora circulo,
Promissumque ferunt diem.
- 5 Jam servi lapides respiciunt tui
Disjectos faciles, sparsaque rudera,
Incultique soli jam miserabilem
Versa mente dolent vicem.
- 6 Ut vertat populos terror in exterios,
Ut nomen domini sit celebre omnibus
Et numen, trifidum qua colitur solum,
Formidabile regibus.

17 Versam

11. *Deproperant*] Id est valide & festinanter properant, verum a Plauto & Horatio usurpatum. C.
15. *Trifidum solum*] Antiquitus enim totum orbem terrarum in tres primarias partes dividebant, nimirum in Asiam, Africam & Europam. Quibus patrum ætate accessit quarta, America, ab Americo Vesputio ejus inventore sic dicta. Est autem *trifidum* quod in tres partes vel fissum, est vel findi aut dividi cest. C.

- 17 Versam restituet quum Solymam, suæ
Majestatis opes quum dabit adspici :
- 18 Lugentum miseris quum querimoniis
Flebet se, & prece supplice.
- 19 Scribentur tabulis ista fidelibus,
Seris ut Domini nota nepotibus
Sit laus, nec senium prodita posteris
Norit gloria seculis.
- 20 De sanctis adytis æthereæ domus,
Templi sepositis de penetralibus,
Cœlestis Dominum non piguit soli
Curas respicere ad leves.
- 21 Nexorum ut gemitus audiat, & neci
Addictos tetrica compede liberet :
- 22 Laudes ut Solymæ templo Deo sonent,
Et nomen recinat Sion
- 23 In cœtu celebri. Tum procul ultimis
Terrarum populi finibus exciti
Illuc sacra ferent, & Domino dabunt
Reges munera supplices.
- 24 Quamvis in medio curriculo meum
Robur comminuit, destituit manum,
Atque ævi spatiis tempora lubrici
Contraxit brevioribus :
- 25 Clamabo tamen, O mi Deus unice,
In vitæ medio ne stadio brevem
Cursum siste rotæ : quantulum ad ultimam
Jam metam supereft mihi ?
Te nunquam brevibus clausa recursibus
Astrorum senio conficiet dies :
- 26 Tu terræ stabilis mole, volucribus
Tu cœli prior ignibus.

27 Illis interitus stant sua tempora :
Tu nullo interitum tempore senties.
Annorum series cætera deterit :

Ut vestis teritur vetus,
Ut detrita novis pallia vestibus
Permutat locuples; sic abit & redit,
Et mutat facies imperio tuo
Mundi dædala machina.

28 At tu, qui fueras, semper es atque eris:
In te ipsoque habitas: nec varias vices
Decurso patiens tempore, permanes
Metæ sæcula nefcia.

29 Sed servi soboles, & sobolis tui
Servi posteritas, per seriem tuis
Tecum perpetuis æmula seculis,
Ævi tempora transigent.

P S A L. C III. C A R M. G E N. V.

David, seipsum ad benedicendum Deo excitans, recenset gratiam illius erga se & Ecclesiam totam, verbo operibusque testatam, & erga res omnes creatas, potenti regno ejus demonstratam : Ideoque creature omnes in cœlo & in terra invitat, ut secum Deum laudent.

S I T Parens rerum mihi carmen : illum
Vox canat, sensus petat, & remotis
Quisquis est fibris vigor, & sacratum
Nomen honoret.

2 Mens Deo laudes cane, redde grates
Mens Deo : nullis benefacta feclis
Excitant, & quæ tribuit benigna
Munera dextra.

3 Qui scelos tollit maculosum, & ægros

- 4 Sanat angores, animoque vires
Reddit, & vitæ properante fato
Prorogat annos.
- 5 Qui manu larga tibi plura donat
Ore quam poscas, animo vel optes:
Servat ac in morem aquilæ, virentem
Flore juventam.
- 6 Integer judex, scelerumque vindex,
Tradidit sancto sua jura Mosi:
- 7 Isaci prolem docuit piarum
Dogmata legum.
- 8 Lenis & blandus, dare dona largus,
- 9 Tardus irasci: neque sempiternæ
Sævit offendæ memor, aut perennes
Ardet in iras.
- 10 Nec modus pœnæ numerusve nostris
- 11 Äquus est culpis: bonitas redundat
Latius, terræ plaga quam remoto
Distat olympos.
- 12 Tam procul nostri maculas removit
Criminis, quam se procul a cubili
Gaditano sol oriens Eois
Exserit undis.

23 Quali.

12. *Gaditanus cubili*] Gades, insulam & urbem sitam inter finum Gaditanum & oceanum extremum, versus occasum novi orbi terminum credit̄ antiquitas. Inque ea columnæ Herculis celebrantur, sicut & poetæ fabulantur, hic Solem diurno labore fessum, Oceano se immergere, atque requiescere: Unde *Solisque cubilia Gades*, dixit Statius, *Quem hic Buchananus videtur imitatus*. Nautæ etiam hodie extremum hujus insulæ promontorium finem tetræ nominant. Celebratur inscriptio non inelegans quam eō in loco repertam ferunt.

- 13 Qualis in natos placidi parentis
 Lenitas, talis Domini benigni est,
 Quisquis illius pietate vera
 Nomen adorat.
- 14 Tu sinus mentis penitus reposos,
 Tu pater nosti penetrare cordis :
 Quippe nos terræ memor e rubenti
 Pulvere factos.
- 15 Herba ceu, lactens pueri venustas
 Prodit, occultoque adolescit ævo,
 Donec ut fœnum cadat arefactum
 Falce senectæ:
- 16 Instar aut floris Tyrio comantis
 Murice, ut vultu modice fereno
 Risit, afflatu tepidi repente
 concidit Auftri.
- 17 Sed Dei æterna bonitate in ævum
 Tutus æternum, remanet piorum
 Cœtus, & longa serie propago
 Sera nepotum :
- 18 Si nec æternas violabit icti
 Fœderis leges, memorique jussa
 Mente servarit, referatque vita
 Puriter acta.
- 19 Ille flammantis super alta cœli
 Culmina immotum solium locavit,

I i

Et

Heliodorus insanus Carthaginensis, ad extremum orbis sacrophago testamento me hic jussit condier, ut viderem, si me quisquam insanior ad me risendum usque ad hæc loca penetraret.

Hispani adhuc vocant Cadiz, vel Caliz. ejus insignem descriptionem dedit Abramus Ortelius in tertio Theatri Orbis additamento: unde hæc fere desumpta sunt.

Et suo nūtu facile universum
Temperat orbem.

20 Angeli jussis Domini ministri,
Sub jugum jus est quibus & potestas
Cuncta cogendi, Domino Deoque
Pangite laudes.

21 Quique castrorum comites meretis
Sub ducis tanti imperio, audientes
Sedulo dictis, Domino Deoque
Pangite laudes.

22 Quæque per vastos ubicunque fines
Imperi pollens opifex creavit,
Plaudite, auctori Domino Deoque
Pangite laudes.

Mens Deo grates cane: redde grates
Mens Deo: hunc sensus petat, & remotis
Quisquis est fibris vigor, & beatum
Nomen honoret.

P S A L. C I V. C A R M. G E N. i.

Psaltes seipsum ad Deum laudandum concitat, a rerum creatione, dispositione, administratione & conservatione; hinc omnes secundum ad Deum laudibus celebrandum hortatur, contraque venientibus male precatur.

TE rerum, Deus alme, canam Dominumque pa-
tremque:
Magne parens, sancta quam maiestate verendus,
Æthe-

21 Meretis] Merere sub imperatore stipendia, est expeditio-
nis aliquius socium esse, & militiam exercere, quod alias est sti-
pendia facere. Unde Salustius, rei bellicæ ignarum voc atbo-
minem nullius stipendii. Hic de Angelis, Deo quasi militantibus,
surpavit. C.

- A**etheris æternas rector moliris habenas !
 2 Te decor, auratis ambit te gloria pennis,
 Et circumfusum vestit pro tegmine lumen.
 3 Tu tibi pro velo nitidi tentoria cœli,
 Et liquidas curvo suspendis fornice lymphas :
 Et levibus ventorum alis per inania vectus,
 Frenas ceu celeres volitantia nubila currus.
 4 Apparent accinctæ auræ flammæque ministræ,
 5 Ut jussa accipient. Stat nullo mobilis ævo
 Terra, super solidæ nitens fundamina molis,
 6 Pollenti stabilita manu : terra obruta quondam
 Fluctibus, ut fuso super ardua culmina velo :
 7 Sed simul increpuit tua vox, tonitruque tremendo.
 8 Insonuere auræ, paullatim ascendere montes
 Cernere erat, sensimque cavas subSIDERE valles,
 Inque cavas valles trepidas decurrere lymphas.
 9 Neve iterum immissa tellus stagnaret ab unda,
 Limitibus compressa suis resonantia plangit
 Littora, præscriptas metuens transcendere metas.
 10 Tum liquidi fontes imis de collibus augent
 Flumina, per virides undas volventia campos,

I i 2

II Un-

Tentoria cœli] Tentoria, sub quibus miles contra injurias cœli se occultabat, antiquitus aut e velis erant extensis, quæ a lii Papiliones vocarunt : aut etiam e pellibus, quæ Tentoria Scorteæ dixerunt. Unde est, sub pellibus hibernare. Scorteæ etiam apud Martialem, significat pallium pelliceum contra pluvias ; sic enim ille :

*Ingrediare viam, cœlo licet usque sereno,
 Ad subitas nunquam Scorteæ desit aquas.*

Hic autem, vocabulum Tentorii eleganter ad cœli firmamentum latissime expansum transfertur. C.

Lymphas] Poetice pro aqua. C.

II Unde sitim sedent pecudes, quæ pingua tondent
Pascua, quique feris onager faxa invia silvis

12 In-

II Onager] Asinus silvestris est, cursu equos facile superans, cuius carnes, nisi quod moliores sint, nihil a cervina differunt. Abundat gregibus Onagrorum Arabia, ut scribit Xenophou, de Cyri minoris expeditione, Lib. 1. Meminit eorundem Plin. L. 8, Cap. 4, ubi Phrygiæ & Lycaoniæ præcipui Onagri describuntur. Petrus quoque Angelius, in Cynegeticis, L. 3, verbis his elegantissimis describit Onagros :

*At sonitu ingenti putrem quatit ungula campum
Cornea, venantem quoties fugere, suisque
Temporibus stant longæ aures ; tum corpore cervos
Exsuperant ; nec lana nitet non alba colore,
Mixta nigro, ceu cum nubes densentur opaca,
Et totum eripiunt oculis cœlumque diemque,*

Idem, Onagros Indicos, qui nobis sunt Unicorns, describit Cyneget. Lib. 2:

*— quos India poscit onagros,
Nam primum niveo corpus candore teguntur
Infecti, Assyrio circum caput omne colore,
Ceruleis oculis, unoque in fronte superbi
Cornu, quod Reges Indorum protinus aureis
Orbibus includunt, & vina liquentia potant:
At tum nec morbos, tuti, sentire feruntur,
Nec quæ inter mensas occulta hausere venena.*

Quos ipsos versus cum scriberet, respexit, procul dubio, locum Ctesiæ qui est in Indicis. “ Asinos, inquit, sylvestres habet India, equis pares, quosdam & maiores, quibus caput purpureum, oculi cœrulei, reliquum corpus est album. Cornu illis in fronte, cubitalis magnitudinis, cuius interior, versus fronde, pars, duorum palmarum spatio sit candidissima ; at superior, quæ in acutum tendit, punicea sit, summum ruborem adjunctum habens : pars autem media sit nigra, ex his pocula conficiuntur, e quibus qui bibunt, nec spasmo, nec sacro morbo corripiuntur ; sed nec venena ullam in eos vim

- 12 Incolit : hic levibus quæ tranant aera pennis,
Per virides passim ramos sua tecta volucres
Concelebrant, mulcentque vagis loca sola querelis.
- 13 Tu pater aerios montes, camposque jacentes
Nectarē cœlesti saturas, fœcundaque rerum
Semina vitales in luminis elicis oras.
- 14 Unde pecus carpat viridis nova pabula fœni ;
Unde olus humanos geniale assurgat in usus :
Quæque novent fessas cerealia munera vires,
- 15 Quæque hilarent mentes jucundi pocula vini,
Quique hilaret vultus succus viridantis olivi.
- 16 Nec minus arboribus succi genitabilis humor
- 7 Sufficitur : cedro Libanum frondente coronas,
Alitibus nidos : abies tibi consita surgit,
Nutrit ubi implumes peregrina ciconia fœtus.
- 8 Tu timidis montes damis ; cava saxa dedisti,
Tutus ut abstrusis habitaret echinus in antris.

19 Tu.

vim habent, si modo vel antequam illa hauriant, vel postquam hauserint, aquam aut vinum, aut aliud quidpiam ex illis poculis bibant. C.

12 *Tranant*] Trajiciunt, pervolant ; ut supra, *Psal.* viii.
Quique pennarum celeri volatu

Metitur ales aera — i. e. *Tranant*. C.

Cerealia munera] Pro frugibus, poetice ; Ceres enim Dea frumum a poetis fingitur, quam tamen David prorsus ignoravit. C.

Genitabilis humor] Pro genitali, e quo aliquid dignitur, Cis. 1 Arato.

Solers natura, & rerum genitabilis ordo.

Reperitur &c apud Varron. & imprimis apud Lucret. Sic Virg. ixix, penetrabile frigus, genitabilis aura Favoni. Apud quem eam sunt averabilis & crumnabilis. C.

17 *Alitibus*] Vide *ales*, *Psal.* viii.

18 *Echinus*] alias *Erinaceus* : quorum duæ sunt species ; alii nim rostro, porcum, alii canem referunt, quarum utraque ter-

gus

- 19 Tu lunæ incertos vultus per tempora certa
 Circumagis: puroque accensum lumine solem
 Ducas ad occiduas constanti tramite metas:
- 20 Inde superfusis cuncta involventibus umbris,
 Per tacitas spargis nocturna silentia terras.
- 21 Tum fera prorepit latebris, silvisque relictis
 Prædator vacuis errare leunculus arvis
 Audet, & e cœlo mugitu pabula rauço
- 22 Te patrem exposcit: dein rursus sole renato
 Abditur occultis prædatrix turba cavernis:
- 23 Inque vicem subeunt hominumque bounique la-
 bores,
 Donec fera rubens acendat lumina vesper.
- 24 Sic pater in cunctos didis te commodus usus.
 Nec tantum tellus, genitor, tua munera sentit,
- 25 Tam

gus undique, quam magnum, spinis vallatur acutis ; & ubi periculum imminet, quasi in orbem se colligit, ut globum quasi hispidum repræsentare videatur. Sicut eleganter de iis quoque Angelius, Cyneget. iv. ubi etiam naturam hujus animalculi graphice pingit versibus hisce lepidissimis.

Ergo ubi lapsa jacent sua quaque sub arbore poma,
 Accedunt leti, seque in sua terga voluant,
 Donec fixa rubis barentia mala supremis
 Exportant, implentque penum lacentibus avis;
 Quarum acinis quoties sentes onerantur acuta,
 Perjucunda sui præbent spectacula nobis.
 Quippe humeros teſto ſi ingrediuntur, ut ipsa
 Ire putet tutos avulſos vite racemos.
 Ah, tibi ne cupidos sensus tum tangat habendi
 Tantus amor, furem ut tentes arcere jocosum,
 Atque oculos durus jucundo avertere ludo,
 Eripere & natis dulcem exspectantibus escam. C:

24 Didis] Didere verbum poeticum elegans, pro distribuere
 digerere, Lucret. Lib. 2.

25 Tam variis fœcunda bonis: sed & æquarta ponti
 Fluctibus immensas circumplexentia terras.
 Tam laxo spatiofa sinu: tot millia gentis
 Squamigeræ tremula per stagna liquentia cauda
 26 Exsultant: tot monstra ingentia & horrida visu
 Veliferas circumnunt puppes: grandia cete
 Effingunt molles vitreo sub marmore lusus.
 27 Atque adeo quæ terra arvis, quæ fluctibus æquor
 Educat, a te uno pendent, pater optime, teque
 Quæque suo proprium poscunt in tempore victum.
 28 Te magnam pandente manum, saturantur abunde
 29 Omnia: Te rursus vultum condente, fatiscunt.
 Te tollente animam, subito exanimata recurrunt
 o In cinerem: inspirante animam te denuo, surgit
 Illico fœcundæ sobolis generofa propago,
 Et desolatas gens incolit aurea terras.
 1 Sic eat, O nullo regnet cum fine per ævum
 Majestas divina: suumque in secula latus
 2 Servet opus Deus: ille Deus, quo territa tellus
 Concutiente tremit, montes tangente vaporant,
 Fumifera trepidum nebula testante pavorem.
 3 Hunc ego, dum vivam, dum spiritus hos reget
 artus,

34 Usque

Dum facile in venæ cibus omnis diditur.

Altuti senis exemplo dum munia didit. Horat.

omponitur vel a dis & do, vel est contra&tum a divido: C.

26 *Grandia cete] το κῆτος*, Græcis balæna, seu bellua marina
 t. Hinc κῆτος in numero plurali, a quo Latinum cete, eadem
 gnificatione, pluralis numeri tantum. Hinc Virg. *Et monstra*
mania cete. Eodem modo *mele & pelage* pluraliter usurpavit
 ucret. Lib. 2, *Et cycnea mele.* Et eodem pertinent frigida Tem-
 . Virg. C.

*Vitreo marmore] Pro mari, sicuti Virg. & Georg. *Infidum res*
 is impellere marmor.* C.

34 Usque colam : tantum ille meas facilisque bonusque;

Accipiat voces: nempe illo oblector in uno.

35 At vero impietas plane extirpetur ab ima Radice, & scelerum stirps nulla repullulet : ac nos Te rerum, Deus alme, patrem Dominumque canemus.

P S A L. C V. C A R M. G E N. xxiv.

Davidhortatur Ecclesiam ad Deum laudandum & colendum, a facdere ejus gratuito, a mirifica administratione Dei ex fodere, cuius partes sunt tres : 1, De rebus mirifice gestis ante profectionem in Aegyptum. 2, De rebus in Aegypto gestis. 3, De rebus gestis post exitum ex Aegypto: quæ omnia accepta ferenda docet Dei promissioni, & agnoscenda sancto & fideli obsequio.

CAnite Dominum, & invocate nomen ejus: exteris facta gentibus per orbem prædicare illustria.

2 Ille sermo, carmen ille, & illius miracula :

3 Nomen ejus, numen ejus una nobis gloria.

Hunc amantum & hunc petentum palpiter cor gaudio.

4 Robur ejus, pignus ejus sacrosanctum roboris
Petite: vultum ejus beatum continenter quærите.

5 Subeat animum quanta nostris edidit majoribus
Signa, quæ portenta; legum scita quæ relinquerit.

6 Vos Abrami, vos Jacobi posteri, servi Dei
Separati, sorte lecta natio, vos alloquor.

7 Ille rerum rector unus, orbis unus arbiter,

8 Pacta nostris firma servat facta cum majoribus;
Verba meminit: mille sancta in secula nequit fœderia,

9 Icta primitus cum Abramo, deinde jurata Isaco:

10 Isa-

- 10 Isaci sancta nato, lege non mutabili :
 Posterisque sempiterno roborata vinculo ;
 11 Quidam, Tibi Chanana, dixit, arva forte divi-
 dam.
 12 Turba numero parva quamvis advena illic degeret,
 Aucta nondum stirpe longis temporum decursibus :
 13 Regna quamquam & nationes exui errans verteret :
 14 Hos tamen Dei benigna fovit indulgentia :
 Vimque duram præpotenti dextra ab illis arcuit :
 Et minis Reges potentes tetricis compescuit ;
 15 Ne mihi (inquit) consecratos, ne mihi unctos tan-
 gite .
 A meis, moneo, prophetis abstinet e iuriam.
 16 Quam famem voracem in orbem contumacem in-
 duceret,
 Gentibusque alimenta late noxiis subduceret,
 17 Prævium misit ministrum Nili ad arva fertilis :
 Filium pulchritudinis Rachelis mango turpis vendidit :
 18 Carceris latuit tenebris, crura vincitus compede,
 19 Somnii donec soluti nota Regi veritas,
 20 Crura ferro liberavit, solvit animum crimine :
 21 Et nova fortis benignæ jam vicissitudine,
 Regiorum servorum servus ante ignobilis,

K k

22 Fre-

11 *Chanana arva*] Regio hæc posteris Abrahami divinitus promissa, sic ; vel etiam Chananitis dicta est a Chanano filio Chami, nepote Noe. ejus enim progenies hanc terram incoluit primo, quam postea, Chananeis ejusdem, duce Josua occuparunt Israelitæ : regio eadem cum Palestina, quæ longa fuit 40 millaria Germanica, lata 20 ; teste Hieronymo. C.

17 *Filium Rachaelis*] Paraphrasis Josephi, filii patriarchæ Jacobum ille ex Rachaele, filia Labanis, procreavit. C.

Mango] Mango hic idem est qui Callistrato. J. C. Plagiarius, qui homines vivos aut emit aut furatur : tales erant Ismaelitæ, Josephum a fratribus suis ementes viginti siccis argeateis.

- 22 Frena rerum tractat unus : nuper e custodia
 Missus, aulæ purpuratos nunc coercet vinculis:
 Et senum juvenis severæ præsidet prudentiæ.
- 23 Isaci tandem propago culta linquens patria,
 Pinguis ad fluenta Nili castræ fixit advena :
- 24 Ac Deo fovente, læta stirpe sic refloruit,
 Viribus brevi ut præiret inquilinus incolas.
- 25 Tum Phari rector superbæ mente versa Abra-
 midas
 Fraude molitus nefanda stirpitus revellere :
- 26 Circulo donec voluto destinati temporis,
 Legifer cum fratre Moses missus est divinitus ;
- 27 Ac Pharon Pharique Regem terruit miraculis.
- 28 Ergo natura, imperantis non rebellis jussibus,
 Vestiit polum tenebris, & solum caligine
 Condidit, ceu nocte cœca sole jussio cedere :
- 29 Unda decolor cruoris tabe rivos polluit,
 Squameæque strage gentis inquinavit littora.
- 30 Terra felix ante frugum, more nunc præpostero,
 Turpibus fœcunda ranis squaler : ipsa regia
 Fœta ranis, ipsa regum fœta sunt cubilia.
- 31 Fusca deinde nube densa musca Memphin occulit :
 Et pediculorum ubique fœda erant examina.
- 32 Instar imbrium ruebat mista flamma grandini,
- 33 Arbores nudans comantes fronde, flore, fructibus.

34 Quod

24 Inquilinus] Ex in & colo, qui in alieno, proprie tamen, in
conducto habitat, sive in urbe, sive ruri. Sueton in Claud. Par-
tem etiam census omnes ordines conferre jussit, & insuper inquilinos
privatarum adiunctorum atque insularum, pensionem annuam repræsentare
fisco. Cic. 2 Philip. At vero te inquilino (non enim domino) per-
sonabant omnia vocibus ebriorum. Inquilinus hic opponitur indige-
næ, seu civi, & significat advenam, seu peregrinum.

34 Quod reliquit atra grando, mox locusta perdidit :
 35 Bruchus abstulit, locustas quod voraces fugerat.
 Tot malis subinde fævis icta Nili regia,
 Quum ferox non mitigaret contumaces spiritus,
 Dira populum mox in ipsum versa pœna fæviit.
 36 Prima pignorum repente per penates omnium
 Occidere : cuncta planctu, cuncta fletu personant.
 Rege tandem pertinace cladibus perterriti,
 37 Sancta Memphini gens reliquit, jam tyranno li-
 bera,
 Dives auro argenteisque barbarorum poculis.
 Nec tot inter millia ullum languor attentaverat.
 38 Ergo Nili jam pavore liberata regia,
 Voce, vultu, plausibusque præferebat gaudium.
 39 At parens memor benignus gentis electæ sibi,
 Per siticulosæ arenæ vastitatem imperviam
 Castra nubis texit umbra, luce ; noctem luridam
 Ignium late corusco temperavit lumine.
 40 Arva, victum cum rogarent, texit imber alitum :
 Panis impluit per auras more densæ grandinis :
 41 Petra jussa fudit undas : deque rupis viscere
 42 Ante sicca solitudo flumen hausit. Scilicet
 Fœderis parens benignus immemor nunquam sui ;
 Quod sibi caro cum Abramo sempiternum fecerat.
 3 Sic parentum stirps piorum, tuta ductu numinis,
 Arva liquit fraudulenta perfidi Pelusii :
 4 Occupatis efferarum nationum sedibus,
 Tradidit Deus labores impiorum eis carpere :

K k 2

45 San

35 Bruchus] Vide Psal. Ixxviii.

40 Imber alitum] Coturnicum maxima copia, instar imbris in
ram decidens. C.

3 Pelusii] Vide Psal. Ixxxii.

45 Sanctiones ut tenerent sacrosancti foederis,
 Et piarum ad iussa legum facta cuncta fingerent.
 Laus, honor, decusque Regi sempiterno cœlitum.

P S A L. C V I. C A R M. G E N. xiv.

*Ecclesia confitetur, homines ob tenuitatem suam impares esse Deo
 celebrando verbis & operibus, at contra peccatis suis Dei gloriam
 convellere, & conmemoratis majorum peccatis, quibus semper Deus
 pro fœdere & misericordia condonavit, in salute confirmata benedi-
 cit Deo.*

- L**AUDATE Regem cœlitum, Regem bonum,
 Siisque nullo non benignum tempore.
- 2 Quis facta verbis æquet? eloquentia
 Quis assequetur illius potentiam?
- 3 O ter beatos æqui amantes, & tuæ
 Præscripta legis qui tuentur jugiter!
- 4 Memento nostri facilis & favens, tuum
 Prospicere populum qua soles clementia:
 Et me revise lenis ac salutifer:
- 5 Ut separati tibi bonis populi fruar,
 Carpamque latus quo fruuntur gaudio,
 Hæreditatique conies applaudam tuæ.
- 6 Scelestæ proles cum scelestis patribus
 In te rebelles multa iniqua fecimus:
 Abominanda, dira perpetravimus.
- 7 Mam nec tyranni Ægyptii extergastulo
 Nostri parentes liberi per te, tua
 Ostenta graviter ponderarunt, nec tuæ
 Meminere gratis mentibus clementiæ:
 Sed propter undas æquoris rubri, duces
 Adversus animis turba contumacibus

3: Jugiter] Vide Psal. 19.

- 8 Obmurmuravit. At parens malis bonus
Pœnas remittis, ut tuam clementiam
Agnoscat orbis, & tremat potentiam.
9 Nam comminanti cessit unda fluctuum :
Suspensa moles hinc & inde per sali.
Tranquilli arenas aridam dedit viam,
Ceu solida campis figerent vestigia :
10 Donec tyranno liberati & hostium
Crudelitate, tuta tuni littora.
11 Tenuere : at hostes vorticoso gurgite
Absorpsit unda, cladis ut nec nuntius
12 Superesset. Illic tum salutis compotes
Fidemque verbis præbuere, & cantibus
Cecinere festis numinis potentiam.
13 Metu repulso, protinus lascivia
Animos rebelles perculit : nec amplius
Meminere signa nec pericla pristina.
14 Repente prava perciti libidine
Arsere, verbis & Deum procacibus
Iræ impulerunt frena justæ solvere :
15 Ac flagitatos impie dedit cibos,
Justisque pœnis impios coercuit.
16 Nec pœna mentes nec benignitas feras
Mollire potuit, quin procaciter ducem
Ducisque fratrem peteret æmulatio,
Et freta studiis semper ambitio malis,

17 Sed

, Sali] Vide Psal. 77.

11. *Vorticoso*] Vox a Livio quoque usurpata, descendens a
vortice seu vertice, qui est aqua in se contorta, & in orbem
œta, qua in parte maris & flumina fœte sunt profundissima.
11. *Gurgite*] Gorges quoque profundus in mari vel flumine
oculus est, ubi aqua in gyrum agitur, & injecta astrahit & ab-
orbet.

- 17 Sed factiosos terra vasto condidit
 18 Sinu dehiscens, flammeique gurgitis
 Torrens vorago devoravit impios.
 19 Nec noxiorum monita tot pœnis modum
 Gens prava sceleri fecit. *Horebi* in jugo
 (Proh-facinus !) ante imaginem bovis Dei
 20 Imago sese stravit, & fronde saturi
 Simulacra tauri coluit instar numinis ;
 21 Partæ salutis nuper ingrata, immemor
 Miraculorum in urbibus Niloticis ;
 22 Et fluctu eodem fospites se, subrutos
 Hostes superbos vorticosis æstibus.
 23 Ergo scelestos ira justa perdere
 Ibat, furenti ni Deo carum caput
 Pro gente Moses obtulisset, & prece
 24 Frenaslet iras. Nec tamen turbæ furor
 Illic quievit, expetitum tam diu
 Uber feracis sprevit agri : nec fidem
 Mosi docenti, pollicenti nec Deo
 25 Habuit : tumultu castra complens respuit
 26 Imperia : donec ille munificus parens,
 Delere promptus inter invia montium

27 Toties

19. *Horebi*] Horebus vel Orebūs, pars vel appendix est montis Sinai, in quo leges Decalogi latæ & sanctæ sunt.

21. *Niloticis*] Urbes Niloticæ sunt urbes Ægypti, sic dictæ a Nilo de quo supra. *Psal. 68.*

23. *Moses carum caput Deo*] Pro homine Deo carissimo. in Latina enim & Græca lingua *caput* tanquam primarium corporis membrum, nonnunquam pro toto homine usurpatur. Ut Horat. *Quis defiderio sit pudor aut modus Tam cari capit is?* Et Propert. lib. 4. *Nec te dulce caput mater Scribozia lessi.*

- 27 Toties rebelles, extulit dextram, & genus
Per nationes impias disperdere
- 28 Jam destinarat: ante sculpta numina
Iterum protervi procidere, & mortuis
Diis thura, leetasque immolarunt hostias:
- 29 Deum sceleribus provocaverunt novis,
Iramque rursum exasperarunt vindicem:
- 30 Justa incitatus donec ira Phineas
Ferro scelestam puniit licentiam,
Et sanguinem dexteram compescuit
- 31 Domini, sibiique peperit æternum decus,
Quod nulla sileant posterorum secula.
- 32 Nec contumaces supplicia tot spiritus
Coercuerunt, Meribæ ad undas quin Dei
- 33 Rursus furorem accenderent: nec publico
Moses furore liber etiam incredula
Oratione vertit iram numinis
- 34 In se. Potiti deinde pactis finibus,
Nec impiarum semen omne gentium
Disperdiderunt funditus, nec jussibus
Repte monentis parpuerent numinis:
- 35 Sed se profanis miscuere gentibus,
Didicere ritus, serviere ludicris
- 36 Diis: ac eorum mancipati cultibus,
Tenuere puras a scelere nullo manus.
- 37 Quippe immolarunt filios ac filias

38 Ad

30. *Phineas*] Filius Eleazari, nepos Aaronis, qui indignatione commotus, Israelitam cum scorto Madianite interfecit, eoque strenuo facto iram Dominicam effervescentem reprimit. Qua de causa sacerdotium perpetuum ei posterisque ejus primitur. Num. 25.

32. *Meriba*] Vide Psal. 71.

- 38 Ad dæmonum aras: & suæ propaginis
Tinxere sculptos sanguine innocuo deos,
Terramque sanctam polluerunt cædibus.
- 39 In scelera proni abominanda, dum suæ
- 40 Manus adorant opera, patrium Deum
- 41 Justas ad iras provocarunt, ut suam
Hæreditatem abominatus impiis
In servitutem manciparet hostibus:
- 42 Quorum severo pæne contriti jugo,
Posuere fævam spiritus ferociam.
- 43 Ac liberati sæpe Domino vindice,
Rursus rebelles spiritus in vindicem
Sumfere: rursus ob scelera pœnas sua
- 44 Dedere: mitis nec Dei bonitas tamen
In rebus arctis innocentium a prece
- 45 Averit aurem: fœderis memor sui
Pœnas remisit lenis & placabilis.
- 46 Quin & superba corda gentis barbaræ,
Cui serviebant diruta jam patria,
Lenivit: animos omnium ut perstringeret
Imago fortis flebilis vel hostibus.
- 47 Tu nos tuere, Domiae noster & Deus,
Et e profanis gentibus recollige:
Ut te canamus, nomen ut sanctum tuum
- 48 Celebremus unum: populus omnis ut simul
Dicat, Deo, quem posteri Abrami colunt,

Sit

46. *Sortis flebilis vel hostibus*] Insignis amplificatio miseriari-
um, quas valde magnas, luctuosas & intolerabiles esse necesse
est, si hostibus, ultionis & vindictæ potius quam commiserati-
onis cupidis lacrymas debeant elicere. Eadem amplificatione
usus est Virgilius, cum diceret: *Vel Priamo miseranda manus.*
Item Claudianus: *lugenda Getis & flenda Suevis Hausimus: ip-*
sa meos korreret Paribia casus. Vide Psalm. 129. C.

Sit laus, honorque in seculorum secula:
Amen, amen.

P S A L M O R U M

Liber Quintus.

P S A L . C V I I . C A R M . G E N . i .

Psaltes bonitatem & benignitatem Dei celebrat erga exules peregre errantes, erga captivos, agrotos, in mari iactatos, erga mutationes singularum regionum & personarum ex Dei providentia; & admirans recordiam hominum, Dei opera magnifica non animadventium, omnes ad Dei laudes hortatur.

CAntemus Dominumque bonum, facilemque parentem,

Cujus habet nullas larga indulgentia metas.

2 Hunc grato simul ore canant, quos, dira tyrannis
Quum premeret, fævo incolumes ex hoste recepit,
Et juga captivo excussit servilia collo.

3 Perque feras gentes sparsos, qua surgit ab undis,
Et qua diversas abiens se condit in undas
Phœbus, ab arctoæ campis glacialibus ursæ
Collegit, tepidoque domini revocavit ab austro;

4 Per steriles saltus & inhospita saxa vagantes,
Qua nulla ad cultas ducunt vestigia terras,

5 Fracti animos mœrore, inopes undæque cibique;
Auxilium miseris imploravere querelis:

L

6 Audiit

3 Phœbus] Poetice, pro sole.

3 Arctoæ campis glacialibus ursæ] Intelligit partes terræ septentrionales, ursæ majori & minori subjectas, ubi majus & penetrantius, quam in reliquis mundi partibus, frigus est.

- 6 Audiit orantes, & opis miseratus egenos,
Omnibus exsolvit mōrentia pectora curis,
- 7 Monstravitque viam cultas quæ ferret ad urbes.
- 8 Ergo canant Dominumque bonum, facilemque
parentem,
Et late ignotis pandant facta inclyta terris,
- 9 Quippe sitiū vietique famem compescuit ægram,
Reddidit & membris vires, animoque vigorem.
- 10 Quique Dei monitis ingrata mente relictis,
- 11 Carceris in tenebris & cæca nocte jacebant,
- 12 Quum tremerent gelidæ exanimis formidine
mortis,
- 13 Afflictique malis humiles fractique jacerent,
Auxilium miseris, imploravere querelis :
Audiit orantes, & opis miseratus egenos,
Omnibus exsolvit mōrentia pectora curis :
- 14 Vincla manu valida rupit, mortisque timorem
Reppulit, & tetris pavidos eduxit ab umbris.
- 15 Ergo canant Dominumque bonum, facilemque
parentem,
Et late ignotis pandant facta inclyta terris :
- 16 Liminaque & portæ qui claustra refregit ahena.
- 17 Deliciis animi vires quum stulta libido
Afflit, corpusque gravi languore solutum
- 18 Stultitiae pendit poenas, & morte propinqua
Rejiciunt omnem fastidia marcida vietum ;
- 19 Auxilium miseris qui imploravere querelis,
Adspicit orantes, & opis miseratus egenos,
- 20 Omnibus exsolvit mōrentia pectora curis :
Ereptisque suo lethi de limine verbo,
Restituit lætumque novat per membra vigorem.

- 21 Ergo canant Dominumque bonum, facilemque parentem,
 Et late ignotis pandant facta inclyta terris:
 22 Et meritis cumulent memores altaria donis,
 Et grata acceptam testentur voce salutem.
 24 Qui mare fluctus fulcat, curvisque carinis
 Admovet externas vaga per commercia gentes,
 25 Non ignota illi divina potentia, nec quæ
 Monstrat in immenso miracula sæpe profundo.
 26 Qum jubet, irrumpunt venti stridente procella,
 27 Et mare nunc spumis canentibus astra lacef sit,
 Et nunc tartarei subsidit ad ima barathri:
 28 Pallent ora, metus trepidantia pectora pulsat,
 Et velut oppressis vino vestigia nutant:
 Callida nec cani juvat ars aut cura magistri.
 29 At Dominum ut mœstis imploravere querelis,
 Exaudit trepidos, & opis miseratur egenos.
 30 Jam venti ponunt, strataque æqualiter unda,
 Arrident taciti tranquilla silentia ponti.
 31 Jam posita læti gaudent formidine nautæ,
 Cum laceræ optatum portum tetigere carinæ.
 32 Ergo canant Dominumque bonum, facilemque parentem,
 Et late ignotis pandant facta inclyta terris.

L 1 2

33 Hunc

23 *Mare fulcat*] Poetice, pro navigat. Sicuti enim per campos aratro ducto relinquitur sulcus, linea rectissima, ita in mari quoque nauis, æcta ventis secundis, rectissimo cursu procedit: Et quod aratori est stiva, id nautæ est gubernaculum.

23 *Carinis*] Pro navibus, pars pro toto. Ita Ovidius rotam pro curru dixit. Si rota defuerit, tu pede carpe viam

27 *Spumis canentibus*] Andreæ Harti Editio, Anno 1615, habet cudentibus. Consule notas doctissimi Rudimanni, ad finem libri Psalmorum adjectas.

- 33 Hunc populi cœtus laudent, sanctique senatus
 34 Concilium super astra ferat, qui flumina siccatur,
 Et riguos passim rivis bullantibus agros,
 Fontibus occlusis sitienti damnat arena :
 35 Et fœcunda, sui facta ob scelerata coloni,
 Arva jubet falsis subito sterilescere glebis.
 36 At contra in sterili campo male pinguis arenæ
 Stare lacus, pinguesque facit stagnare paludes :
 Et fluviis siccis rivisque fugacibus agros
 37 Irrigat, atque inopi transmittit habere colono :
 Quique novas sanctis moderatur legibus urbes,
 38 Et scrobibus credat vites, & seminā fulcis,
 39 Unde legat dulces maturo in tempore fructus,
 Quos pater omnipotens alit, & proventibus auget
 40 Assiduis pecorum fœtus. Ubi nescia rursus
 Commoda fortunæ modice mens ferre secundæ,
 Frena dedit vitiis, retrahit sua munera justus
 41 Arbiter: indomitos animos & corda superba
 Cladibus affligit: sævis punire tyrannis
 Tradit, & ignavo petulans sub principe vulgus
 Contemtum, populis prædam jubet esse propinquis.
 Perque inopes victus terras traducit, ubi ante
 Nulla hominum tritum monstrant vestigia callem.
 42 Avertit mala pauperibusque, animique modestis.
 43 Atque hilares multa fœcundat prole penates.
 44 Hæc spectant gaudentque boni: male conscientia
 mussat
- Turba metu. Ast, animi quibus est solertia, cura
 Assidua volvunt, memorique hæc mente recondunt,
 Luceat ut cunctis Domini clementia terris.

PSAL.

33 *Bullantibus*] Bullare est bullas facere. Verbum a Plinio
 usurpatum, qui aquas & urinas dixit bullantes, id est, bullis
 intumescentes.

C A R M . G E N . ii.

David Rex, Deo gloriā ipsius commendat in benignitate & fide
præstandit, promissiones ejus commemorat, auxilium implorat, &
se, eodem duce, ad opus accingit.

MEns invicta malis, animi vigor integer, orbis
Te voce, rector, te celebrabit lyra.

Eia age, depositis mēns expurgiscere curis,
Et tu canora barbitos cum nabliis.

Ocyus auroræ quam lucifer excitet ignes,
Aurora cantus quam volucrum exfuscat,

Te pater alme canam: populos tua facta per om-
nes,

Quacunque tellus panditur, vates feram.

Nam tua siderei bonitas fastigia cœli,
Fidesque tractus nubium supervolat.

O Deus augustum nitido caput exsere cœlo,
Ostende terris gloriae jubar tuæ.

Eripiasque tuos gelidi formidine lethi
Præfens, & opifer invocantes audias.

Audiit ex adytoque Deus flammantis olympi,
Vocem rependit gaudii prænunciam.

En tibi frugiferos Sichimæ dispertiar agros:
Vallem Suothi metiar decempeda.

Nonne mihi parent Jacobi pignora, quisquis
Vel pecore tondet arva, vel vomere secat?

10 Op-

8 *Decempeda*] Pertica, seu decem pedum, cuius usus erat in
mensione agrorum. Cicero pro Milone, *Qui cum architectis &*
decempedis villas multorum hortosque peragrabat. C.

9 *Arva tondet pecude*] Pro depascit. C.

Arva secat vomere] Pro arat.

- 10 Oppida sub pedibus Syriæ calcabo superbæ,
Moabum, Idumen, & Palæstinas domus.
- 11 Quis mihi pandet iter munitas ductor ad arces?
Muros Idumes divitis quis diruet?
- 12 Quis? nisi tu nostræ gentis, Deus unice, tutor?
Qui nos premendos hostibus reliqueras,
- Offensus vitiis pravis: nec in arma ruentes
Nos traximus dux, ut ante, exercitus.
- 13 Nunc pater auxilium rebus bonus adfer in arcti
Humana fallax credulos spes decipit.
- 14 Te duce, victrici decorati tempora lauro,
Pedibus prememus hostis arrogantiam.

P S A L. CIX, C A R M. G E N. ii.

*David calumniis malevolorum traductus apud Schaulem, calumniis
toribus, eorum familiis, nominis & saluti male precatur, propterea
obfirmatam eorum malitiam; & accepta salute sua, profitetur
se benignitatem Dei celebraturum.*

- N**E fileas, ne dissimula, mea gloria, neve
Sine veritatem suppressi mendacio.
- 2 Me scelerati oris fraus, & crudele venenum
Proterva fictis lingua me premit dolis.
- 3 In me odia occultis acuunt sermonibus iras,
Et immerenti fabricant molestiam.
- 4 Qui mihi debebant fidum solamen amici,
Probra ingerebant clanculum & convicia.
Ast ego, secretæ tibi qui penetralia mentis
Cernis, dolente corde fundebam preces.
- 5 Omnibus officiis culti mihi damna rependunt,
Remunerantur odio amorem simplicem.

Tu pater hunc fævo vexandum trade tyranno :
 Vastator illi ad dexteram adstet Angelus.
 Judicis adstiterit cum sordidus ante tribunal,
 Damnatus asperis exeat sententiis.
 Quum volet iratos animos inflectere fando,
 Oratione judices exasperet.
 Ante diem fato pereat præreptus acerbo :
 Locumque vacuum dominus occupet novus.
 Orba float soboles, vidua gemat uxor in aula :
 o Ejecta proles patrio exulet solo :
 Instabilis, mendica, vagis erroribus orbem
 Lustret : quietum reperiatur nusquam locum.
 i Conturbetque domum miseram, inscribatque pe-
 nates,
 Scrutatus omnes fæenerator arculas.
 Ignotusque hæres longo congesta labore
 2 Rapiat, opemque nemo poscenti ferat :
 Nullaque progeniem miseratio sublevet orbam.
 3 Mors falce totam demetat simul domum :
 Proxima gentem omnem cum nomine deleaf ætas.
 4 Apudque Dominum, patris erratum, ut re-
 cens,
 5 Ante oculos interque manus versetur & erret :
 Nec vitia matris tollat ulla oblivio.
 6 Utque erat oblitus miserandi, oblivio gentem
 Ejus perenni suppressat silentio :
 Qui dejectum, inopem, & curis mordacibus ægrum
 Pertrahere mortis nixus est in retia.

17 Sem-

7 Asperis] Pro asperis, more Horatiano, ubi etiam legas validis, pro validius; puertia, pro pueritia; surpite, pro surripite. Quod etiam attigimus Psal. lxxi.
 Inscribatque] i.e. ejus domum vendendam lecandamve indi-
 set. Vide Rudimanni Annotationes.

- 17 Semper ei veluti fuerat maledictio cordi;
Maledicta in illum & exsecreatio cadant.
- 18 Ac veluti studio fugit benedicere pravo,
Sic nullus illi cupiat aut dicat bene.
Et velut obtegitur talari corpus amictu,
Totus miseriis ille sordeat obsitus.
- Sic in cuncta illi passim se viscera fundant,
Ut oleum in ossa penetrat, unda in viscera.
- 19 Hoc ergo incedat semper vestitus amictu:
Hæc zona lumbos cingat illi & ilia.
- 20 Ante Deum tales pendat detractio pœnas,
Et clam salutem quisquis oppugnat meam.
- 21 Alme pater, pater alme, tua me protege dextra,
Et invidorum libera calumniis:
Ut nomen latus tuum telluris honoret,
Et suavitatem sentiat clementiæ.
- 22 Eripe me invidiæ: sum pauper, egenus & expes,
Animumque curæ turbidum urunt anxiæ.
- 23 Non aliter pereo, species quam futilis umbræ,
Pallent tenebris sera quum crepuscula:
Aut ubi decussis sclerti indagine ramis,
Locusta tectis pulsa frondeis cadit.
- 24 Genua labant infirma: artus jejunia solvunt:
Exsangue siccis corpus aret ossibus.
- 25 Me tumidi probris hostes petiere superbis:
Me conspicati capita quassarunt sua.
- 26 Adfer openi, servumque tuum, pater optime, ser-
va,
Pro lenitate semper assueta tibi.

27 Ag-

22 *Expes*] Vide *Psal. xxxi*.23 *Tectis frondeis*] Pro arboribus, quæ avibus nidos & latebras præbent, sicut tecta ædificiorum hominibus.

- 27 Agnoscantque tuam, rerum pater optime, dextram :
 Tuaque salvum me sciant clementia.
- 28 Dic maledicta voment hostes, dum probra loquentur,
 Bonusque placidusque benedices tu mihi.
 Dum confusa illis turpis pudor ora notabit,
 Lætitia servi pectus hilarabit tui.
- 29 Hos pudor, ut talos a vertice vestis ad imos
 Effusa late corpus omne contegit ;
 Hos pudor, & mœrens turbato infamia vultu,
 Qui me maligno dente rodunt, obruat.
- 30 Ast ego tum Domino grates memor ore sonabo,
 Cœtuque laudes in celebri concinam ;
- 31 Qui stetit auxilio dexter cum paupere, vitamque
 Eripuit ejus hostium ludibrio.

 Scriptus est hic *Psalmus a Davide*, usque adeo terribili & horrifica oratione, ut vix ullum in tota Scriptura simile exemplum invenias ; itaque cum maximo judicio legendus est, & in precibus usurpandus. Quæ in hoc *Psalmus* continentur, non sunt trahenda ad exemplum : cavendum summopere, ne vel cupiditate vindictæ, vel falso zelo, vel temere ista usurpantes, in utramque aut alteram legis divinæ tabulam peccemus, & quæ aliis imprecamur, in nostrorum ipsorum caput convertamus. Beza.

P S A L. CX. C A R M. G E N. iii.

Christus Dominus noster, ad spirituale regnum & sacerdotium aierenum in Ecclesia vocatur ; deinde proponitur potentissima victoria de inimicis & triumpho ejus.

SIC alloquutus Dominus est Dominum meum,
 Asside dexteram ad meam,

M

Dum

Dum proterendos, ceu scabellum, sub pedes
Hostes tibi provolvero.

2 Ad orbis oras ultimas fasces tuos
Alta ab Sione proferam :

Ut juris æqui vinculis coerreas
Fastus rebelles hostium.

3 Te pompa lœtis quum reducet plausibus
Ad templum voti compotem,
Sancto decorus apparatu exercitus
Lœtum celebrabit diem.

Non roris imber ante lucem argenteis
Tot vestit arva gemmulis,

Quam multa cunctis gentium de finibus
Ad te propago confluet.

4 Juravit & se adstrinxit immutabili
Dominus sacramento tibi,

Tete

3 Argenteis gemmulis] Allegoria, pulcherrimis metaphoris & formani, & colorem, & puichritudinem roris matutini venustissime representans. Non dissimilia habet Psal. cxxxiii. C.

4 Sacramento] Pro juramento. Est enim sacramentum, proprie, solenne juramentum militare, quo milites fidem suam Imperatori adstringebant ; quod quale fuerat, patet ex his verbis Vegetii, quæ extant lib. de re militari secundo, Cap. 5. *Milites scripti & matriculis inserti, jurare solent ; & ideo militie Sacra-menta dicuntur.* Jurant autem per Deum, & Christum, & Spiritum sanctum, & per Majestatem Imperatoris, &c. omnia se strenue facturos quæ præcepit Imperator : nunquam deserturos militiam, nec mortem recusaturos pro Romana Republica, &c. Hinc Cæsar, lib. i Bell. Civil. *Milites Domitianos Sacramentum apud se dicere jubet.* Miles autem hoc Sacramento obstrictus, *Auctoratus* ; eodem liberatus, *Exauctoratus* vocabatur. Accipitur etiam alias pro quovis juramento ; Horat. Ode 17, Lib. 2, *Non ego perfidum dixi Sacramentum.* Dictum est autem *Sacramentum*, a sacrando, seu consecrando ; quod eo juramento quis consecratur, & quasi deditatur huic uni Imperatori, non alii, ad serviendum. C.

Tete futurum Melchisedecis sibi

Ritu sacrorum antistitem,

Sol inquieto lucis orbe dum diem,

Dum luna noctem illuminet.

5 Ad dexteram ille semper assistet tuam :

Ferro tyrannos vindice

6 Compescet : iram cominodans suam tibi,

Gentes rebelles comprimet.

7 Duceſque regnis imperantes ditibus

Sternet solo : torrentibus

E fortuitis, dum fugam premet, sitim

Victor levabit igneām.

8 Ergo subactis hostibus, cœlo caput

Tollet decorum gloria.

M m 2

PSAL.

Melchisedecis] Quasi dicas, *Regis justitiae* : Volunt autem hoc cognomen fuisse Semi filii Nohæ, qui habitaverit in Salem (quæ postea fuit Hierosolyma) & præcipuus doct̄or & gubernator Ecclesiæ sui temporis fuerit. Ex hoc autem *Psalmo*, & ex septimo Cap. Epist. ad *Ebraeos* patet, magnum hunc Melchisedecum typum fuisse Christi, Sacerdotis æterni. Dicitur enim sine patre, sine matre, sine genealogia, neque initium dierum, neque finem vitæ habens, manere Sacerdos in perpetuum : sicuti etiam filius Dei, non tantum sine patre ex virgine, sed etiam sine matre ex Deo natus, sine dierum initio existit, antequam ex matre virgine carnem assumeret ; neque ullum vitæ finem est habiturus. C.

Sacrorum antistitem] Id est, summum aut primum Sacerdotem; sic dictum, quod cæteris antestet aut antecellat. Cicero quoque *Antistites ceremoniarum* & *sacrorum* nominat in oratione pro domo sua. Ab hoc deductum fœmininum *Antistita*, pro primaria Sacerdote, usurpatur a Plauto & Cicerone. Alias *Antistes* in genere quoque dicitur is, qui reliquos excellit aut primas tenet. Ita Servius Sulpitius appellatus est *Antistes juris*; Plato, *Antistes sapientiae*.

7 Torrentibus e fortuitis] Dumque hostes fugientes urgetur, ostium potitus, vehementem bibendi cupiditatem e flaviis ratis ei forte obviis imminet. f.

C A R M. G E N. iv.

Psaltes suo exemplo hortatur Ecclesiam ad laudandum Deum, ob ampla ejus opera erga Israelitas, & sanctum ejus fœdus: hinc recordatus officii piorum erga Deum, omnes provocat ad reverentiam & laudationem ejus.

- S**ive inter fidos tractem secreta sodales,
Seu sancti stipante caterva
Me populi loquar, alme parens, te peccore toto
Usque canam: tua munera grato
- 2** Ore feram, magna æternæ miracula dextræ:
Magna quidem, sed & inclyta certe,
Et manifesta bonis, studio scrutante fideli.
- 3** Quicquid enim gerit, omnia splendor,
Omnia divina majestas luce resplendens
Illustrat: dum sidera terras
Ignea lustrabunt, hunc justum semper & æquum
Sera agnoscet secula nepotum.
- 4** Nec quæ primævi quondam stupuere parentes
Attoniti, mirandaque natis,
Invida delebunt oblia: parcere largus
Nempe parens, facilisque quærelis
- 5** Flectere cor miseris: spoliis ex hoste superbo
Direptis decoravit amicos.
Nec cum gente sua percussi fœderis illum
Immemorem ulla redarguet ætas.
- 6** Ostenditque suas per facta illustria vires,
Quum populatus regna superba,
Dimensusque novis hostilia rura colonis,
Dilecta dedit oppida genti.
- 7** Quicquid agit loquiturque, fides immobilis actus
Æqui & regula dirigit omnes.

Quæ jubet. æqua jubet, nulloque interlita fuco,
 Aut tacitam celantia fraudem;
 3 Quæque nec æterno volventia secula lapsu
 Interimant, aut tempore carpant.
 Quippe adstans fidei firmæ constantia & æquum
 Perpetuo rata jussa tuentur.
 2 Quum premeret Pharii imperium crudele tyranni
 Selecta de gente nepotes:
 Excusitque jugum, & Regis fera jussa superbi
 Exuit, æternaque beatis
 Libertate frui donarat, pignora fera
 Si jurata parentibus olim
 Intemerata piæ servassent födera legis:
 Födera nullis irrita feclis.
 Quippe Dei sanctum est & formidabile nomen,
 Ac sancte sua pacta tuetur:
 Exigit & duras violato födere pœnas.

10 Hunc

[Interlita fuco] Interlino, compositum a Lino, levi litum.
 Alias, *fucus* proprie insectum est, simile quidem api, sed magius; sed apis potius imperfecta, carens aculeo, non mellificans, sed mel aliarum strenue devorans: *Immunisque sedens aliena ad babula fucus*, ut de eo Virgilius. Unde etiam Varro furem vocat. Et per metaphoram, fuci dicuntur otiosi, & ignavi ventres, aliorum tantum fruges consumere nati. Alias etiam accipitur pro colore quo lanæ & panni inficiuntur, ut, præter naturalem, aliud colorem nanciscantur. Item pro medicamento seu lenocinio quo facies pingitur, ut speciosior videatur quam revera est: qua significatione hic usurpatur. C.

- 10 Hunc colere ex animoque vereri,
Vivendi recte fons & sapientia prima est.
Hanc cunctos qui dirigit actus
Ad metam, vere sapit: hunc ventura nepotuna
Semper dicent secula beatum.

 Apparet hunc *Psalmum*, & alios aliquot sequentes, quorum communis inscriptio est HALLELUAH, sive a *Davide*, sive ab aliis prophetis & cantoribus editi fuerint, idcirco scriptos suisse, ut in solennibus præteritum festis, concurrens in templum populus, sacrificiorum & aliorum sacrorum iituum finem hunc esse intelligeret; non ut in operibus illis remissio peccatorum & justitia quereretur, sed ut illis visibilibus signis admonitus, unusquisque ad res ipsas significatas (Christum videlicet & promissa in ipso beneficia) vera fide assurget, & Dei beneficentiam serua confessione celebraret. Beza.

P S A L. C X I I . C A R M. G E N. iii.

Psalmes pios bortatur ad laudationem Dei propter felicitatem omnimodam quam largitur bonis.

- B Eatus ille, qui Deum rerum patrem
Pietate non ficta colit:
Deique gaudet legibus: mores suos
Formare ad illas nititur.
- 2 Late per urbes divites potentiam
Ejus propago proferet:
Prolem piorum numinis benignitas
Larga beabit dextera.
- 3 Res affluenter suppetet semper domi
Illi: nec ætas longior
Obliterabit æquitatis gloriam
- 4 Fructumque. Quum premet malos
Fortuna, saeo gestiens ludibrio
Mutare summis infima,

Be-

- Benignitatis tum suæ justis Deus
Lucem in tenebris ofieret.
Clemens bonusque in omnibus periculis
Stirpem piorum muniet.
Misertus inopis vir bonus, larga manu
Succuret indigentia:
Sic cuncta justo temperans examine,
Nec verba temere ut excidant
Non turbo fortis cuncta quatentis, loco
Movebit illum, nec dies
Suprema famam condet ejus invido
Oblivii silentio.
Non livor illum falsa gaudens spargere
Terrebit, aut calumnia:
Bellive rumor, aut egestas lurida,
Fragorque lethi proximi.
Sed mente firma provocat discrimina,
Deoque solo nititur.
Ceu cana rupes murmurantis æquoris
Sperrnit minaces impetus:
Sic ille certa interritus fiducia
Sortis procellas sustinet:
Ac sustinebit, dum ruinas hostium
Salvus suorum adspexerit.
Opes volucris instar auræ mobiles
Largitus est egentibus;
Sibi æquitatis gloriam superstitem
Servavit: orbe gloriam
Vivaciorem, nec senectæ dentibus
Æruginosæ obnoxiam.
Dum laude clarum, reque lautum splendida
Spectabit impius pium,

Curæque mentem vellicabunt anxiæ,
 Succumque carpent corporis ;
Dentem fatigans dente ringetur, lue
 Se macerabit tabida.
Dominus malorum vota ridet irrita,
 Spes ut modestas promovet.

10 *Dentem fatigans dente] Frendens, Periphrasis, Vide Psal*
xxxv.

P S A L. C X I I I . C A R M. G E N. XXV.

David Ecclesiam Dei suo exemplo provocat ad laudationem ejus propter maiestatem, providentiam & administrationem mirificam & gloriosam ejus.

- P**Sallite Dominum pueri, Domini
 Nomen festo tollite cantu.
2 Nomen Domini sic celebretur,
 Ut seclorum in secula longi
 Nulla oblivia sentiat ævi.
3 Primo a carcere solis Eoi
 Ad purpureos usque occasus,
 Omnes Domini nomen adorent,
4 Qui gentes super arduis omnes
 Celsas ætheris incolit arces :
 Cujus longe gloria mundi
 Trans flammantia mœnia vecta est.
5 O pietatis nescia veræ
 Pectora ! ritu sacra nefando
 O qui fingitis, anne deorum
 Quenquam Domino similem nostro
6 Nostris ? quem super ardua cœli
 Culmina positum nil latet imæ

Sub cava clausum viscera terræ;
Nil humano procul adspectu
Trans multiplices ætheris orbes.

- 7 Inopem terræ qui prostratum
Suscitat, & de pulvere egenum
8 Tollit, ut alto positus scilio
Populi primos carpat honores.
9 Qui maternos sterili fructus
Exoratus donat, & orbos
Læta renovat prole penates.

P S A L. C X I V. C A R M. G E N. xxii.

Propheta narrat admirabilem consternationem rerum creatarum in adventu Dei cum populo suo; causamque consternationis petens, eas respondentes fingit, omnem potentiam gloriamque Deo tribuentes.

- Q uum domus Isacidum patrias remearet ad oras,
Barbaraque invisæ linqueret arva Phari:
2 Ipse Deus Judam cœlesti numine tutum
Fecit: erat populi signifer ipse sui.
3 Vedit & attonitas trepidum mare diffidit undas:
Jordanis refugas in caput egit aquas.
4 Dura per intonsos salierunt culmina montes,
Ut saturas gestit dux gregis inter oves:
Celsaque frondentes movere cacumina colles,
Agnus ut in pratis luxuriare solet.
5 Quid mare vidisti solito cur cesseris alveo?
Cur fugis in fontes fluminis unda tuos?
6 Cur ita concusso saliistis vertice montes,
Ut satur exsultat dux gregis inter oves?
Cur ita frondenti saliistis vertice colles,
Agnus ut in pratis luxuriare solet?

- 7 Nempe Dei trepidum præsentia terruit orbem,
Cui cadit in Solymos victima multa focos.
8 Qui lapidum venas laticum laxavit in usum,
Cui fluxit largo flumine dura filex.

P S A L. CXV. C A R M. G E N. iii.

Ecclesia servari a Deo petit; propter gloriam ipsius; idololatras perdi: singulos ad fidem hortatur, promissiones accommodat, & laudes Dei se in hac vita prædicaturum spondet.

- T**E magne rector orbis, haud victoriam
Ex hoste sævo poscimus,
Nos ut per omnes fama gentes differat,
Nec apparatu ut splendido
Per ora vulgi nos triumphus aureo
Curru superbos transferat:
Sed impiarum ut secla gentium sciant
Te largum opis cultoribus
Tuis, fideque semper immutabili
Promissa promptum solvere.
- 2 Ne forte rebus infoientes prosperis,
Ubi nunc Deus vester? rogent.
- 3 Deus astra noster incolens, mortalium
Nutu suo res temperat.
- 4 At impiarum finxit error gentium
Manu Deos inutiles.
Aurum caminis excoquers, aut malleis
Massa e sequaci bracteas

Du-

4 *Massa e sequaci bracteas]* Quæ scilicet istu malleorum diduci & dilatari potest, & quæ, dum movetur aut plicatur, crepitat; hujusmodi enim laminæ, seu lamellæ potius tenuissimæ, Latinis Bractæe appellantur. C.

Leni crepitabat brattea vento. Virg. vi Æneid

- Ducens, figura multiformi ludicra
Affixit aris numina.
- 5 Inane vocis os habent: oculos habent,
Orbes inanes luminis.
- 6 Naribus odores nec trahunt, nec auribus
Surdis sonores hauriunt:
- 7 Palpare manibus non queunt, torpentibus
Nec ingredi vestigiis.
Nec vox anhelis edita e pulmonibus,
Cavo recurrit gutture.
- 8 Quicunque tales fingit aut colit Deos,
Dii ipse similis sit suis.
- 9 At tu Jacobi gens, loca fiduciam
Omnem salutis in Deo,
Qui te potenti sublevabit dextera,
Et in periclis proteget.
- 10 Et vos Aronis posteri, spem ponite
Omnem salutis in Deo,
Qui vos potenti sublevabit dextera,
Et in periclis proteget.
- 11 Quicunque cultor es Dei, fiduciam
Loca salutis in Deo,
Qui te potenti sublevabit dextera,
Et in periclis proteget.

N n . 2

12 Qui

5 *Inane vocis os habent]* Hi autem Dii, os quidem, sed mutum tamen habent, ideoque nil se colentibus respondere queunt: Oculos habent, circulos tamen cœcos, nec quid in mundo geratur cernentes. *f.*

6 *Naribus odores]* Nec jucundos florum spiritus per nasum ducunt: Nec auribus, audiendi potestate carentibus, sonos pre-cum ullarum trahunt. *f.*

7 *Palpare manibus]* Nec tactu manibus sentire queunt, aut quicquam cuiquam tribuere. *f.*

- 12 Qui nos favore semper amplexus memor
Fovit foveatque sedulo:
Cunctos Jacobi qui fovebit posteros,
Aronis & sacrum genus.
- 13 Qui se colentes, sive juvenes, seu senes,
Fovebit & custodiet.
- 14 Qui nescue donis semper augebit novis,
Et liberorum liberos.
- 15 Nam nos profanis segregavit gentibus,
Cœli solique conditor:
- 16 Cœlum sibi ipse regiam fecit, solum
Sedem dedit mortalibus:
- 17 Remunerantes muneribus illum ut suis
Rerum parentem agnoscerent.
Neque ora laudes in tuas solvent, pater,
Quos mors tegit silentio.
- 18 Nos te parentem agnoscimus, qui spiritu
Vitalis auræ vescimur.
Te prosequemur laudibus, dum lucido
Sol axe terras ambiet.

P S A L. C X V I. C A R M. G E N. xxiv.

David, deducta arca Dei Ierusalaima; in Ecclesia amorem suum
erga Deum profitetur, beneficiorum acceptorum nomine: pericula
sua, fidem & infirmitatem narrat; salutem Dei omnibus modis
predicat; ac postremo petit in eadem salute servari, ut Deum am-
plius prædicet.

TOto pectore diligam
Unice & Dominum colam,

Qui

18 Dum lucido sol axe] Dum sol currat lucente terras circum-
ibit. J.

- Qui lenis mihi supplici
Non duram appulit aurem.
 2 Aurem qui mihi supplici
Non duram dedit : hunc ego,
Donec pectora spiritus
Pulset, semper amabo.
 3 Jam mors ante oculos erat,
Jam stabam super aggerem
Busti, jam dolor anxius
Omni ex parte premebat :
 4 Exspes tum prece supplice
Oravi Dominum : Pater,
Quæso, inquam, miserabili
Saltem consule vitæ.
 5 O justum Dominum & bonum,
 6 Et primum veniæ! auxili
Is me & consilii indigum
Sævo texit ab hoste.
 7 Ergo mens tibi redditæ
Mærorem cohibe; & Deus
Quæ larga tribuit manu
Donis læta fruare.
 8 Vitam e faucibus eruit
Mortis, & lacrymas genis
Abstergit, stabili & pede
Firmavit tibi gressum.
 9 Tutus præsidio Dei
Degam: & polliciti fide
Fretus non dubia, canam
Grato pectore laudes.

10 Laf-

³ Super aggerem busti] Jam super tumulum sepulchri mei sta-
bam. J.

10 Lassus, rebus & asperis

Afflictus, trepida fuga

Vitæ prospiciens meæ,

11 Sic mecum ipse loquebar;

Nulli certa homini fides:

At rerum arbiter optimus,

Unus polliciti tenax,

Unus fallere nescit.

12 Tot liber toties malis,

Tot auctus toties bonis,

Quo tandem officio tibi

Coner solvere grates?

13 Te festa dape, te prece,

Te libamine prosequar,

Te vitæ columen meæ,

Grata voce fatebor:

14 Te vitæ columen meæ

In cœtu populi tui

Grata prosequar hostia,

Damnatus tibi voti,

15 Ele-

11¹ *Polliciti tenax*] Servans promissorum; sicuti Horatius jumentum & tenacem propositi virum, vocat integrum & constantem.

13 *Te festa dape, &c.*] Te nimirum epulis sacris, & oratione colere conabor, & poculum libaminis in manus sumptum prægustando, liberationem hanc me tibi acceptam ferre palam testificabor. *f.*

14 *Damnatus voti*] Quod postea dicit *reus voti*: qui enim voto facto aliquid se præstiturum promisit, ille tamdiu obligatus & quasi *damnatus* atque obstrictus est, donec, voto soluto, seipsum liberet. Virg. *Damnatis tu quoque votis.* Pro quo jurit consulti veteres dicebant *Damnas*: ut, *Damnas esto*, i. e. obligatus ad hoc vel illud faciendum. *C.*

- 4 Electos, genitor, tuo
Custos præsidio tegis,
Nec per vim pereuntium
Manes linquis inultos.
- 5 Tu servum Dominus tuum,
Ancillæ sobolem tuæ
Me, minacibus hostium
Viñclis eripuisti.
- 7 Te, rerum pater optime,
Semper laudibus eferam :
Nomen in dubiis tuum
Usurpabo periclis.
- 8 Te voti reus, erutus
Morti, prosequar hostia,
- 9 Sacri limen ad atrii,
Sacræ redditus urbi.

P S A L. C X V I I . C A R M. G E N. x.

Psaltes hortatur gentes ut regnum Christi celebrent.

O Mnes ubique gentium
Quos solis ambit orbita,
Rerum parentis optimi
Laudes libenter pangite.
Agnoscite indulgentiam
Benignius nos in dies
Foventis, & constantiam
Promissa certam reddere.

P S A L.

18, 19. *Te voti reus, &c.]* Tibique quod vovi debens, votoue persolvendo obligatus, & a morte liberatus ; cum Hieropolymæ restitutus ero, ad introitum vestibuli templi tui victimam bi sacrificabo. *F*

C A R M. G E N. ii.

David; *typus Christi, Ecclesiam ad Dei laudes predicandas hortatus, a suo exemplo commendat liberationes ejus, & suam ipsius fidem: eum, tum suis tum Ecclesia totius verbis, celebrat. Figurat Ecclesiam euntem in templum, gratias agentem Deo, precantem in futurum; & sacerdotes Ecclesia benedicentes, sacrificiaque impetrantes, omnes denique Deum laudibus efferentes.*

- E**IA Deum laudate, Deum facilemque bonumque,
Larga benignum semper indulgentia.
 2 Eia Dei, soboles Jacobi, dicite laudes,
Larga benigni semper indulgentia.
 3 Eia Deum canat Aronis numerosa propago,
Larga benignum semper indulgentia.
 4 Eia Dei pura cultor pietate, fatere
Larga benignum semper indulgentia.
 5 Audiit orantem Dominus me rebus in arctis;
Ac liberavit illico ex angustiis.
 6 Ille mihi assistat solus: non arma, nec ulla
Humana mi vis adferet formidinem.
 7 Ille mihi auxilio sit solus: lumina damnis
Explebo (nec me decipit spes) hostium.
 8 Tuitius a rerum Domino est sperare salutem,
Confidere armis quam virorum fortium:
 9 Tuitius a rerum Domino est sperare salutem,
Confidere opibus quam potentum principum.
 10 In me conjurent populi omni ex parte propinqui,
Dei faventis conteram cunctos ope:

Cir-

Eia] Modo adhortantis est: *Martialis, Eia age, rumpe moras.*
Interdum, corripiens: Terent. in Eunicho, *Eia haud sic decet.*
Varios præterea usus habet, quos ex ipsis passim autoribus non
difficile est deprehendere.

- 11 Circundent omnique premant ex parte licebit,
Dei faventis conteram cunctos ope:
- 12 Circundent omnique premant ex parte licebit,
Quam nube densa vere se fundunt apes,
Non secus ac siccas ignis violentia spinas,
Dei faventis conteram cunctos ope.
- 13 Improbe quid frustra labefactum evertere tentas?
Dei potentis sustinet me dextera.
- 14 Ille meæ vires: illum mea carmina pangent
Unum: salutis unus auctor est meæ.
- 15 Cunctaque justorum pariter tentoria plaudent;
Meæ salutis pariter auctorem Deum
Laudabunt: cantuque ferent ad sidera dextram
Belli potentem, divitem victoriæ.
- 16 Dextram armis, dextram præstantem robore,
dextram
Belli potentem, divitem victoriæ:
- 17 Sæva quid insultas mihi mors? tua tela reconde:
Frustra minaci territas me spiculo.
Vivo equidem, vivusque feram super æthera cantu
Raram benigni numinis clementiam.
- 18 Jure parens bonus ærumna me afflixit acerba:
At imminentem reppulit mortem tamen.
- 19 Pandite pontifices sacri mihi limina templi,
Salute parta ut laude prosequar Deum.

O o

20 Hæc

- 11 Licebit] Pro licet, aut quamvis. Ita Martialis, Lib. vii.
— Sint astra licebit,
Non deerit populo te veniente dies.
Immo Horat. Epop. xv.
Sis peccore & multa dives tellure licebit.
- 17 Frustra minaci territas me spiculo] Incassum enim me, ja-
culo tuo interitum minante, terrere conaris. f.

- 20 Hæc est illa Deo gratissima janua, justis
Votis aperta dehinc futura janua.
- 21 Te merito, pater alme, canam : tu rebus in ar-
atis
Aurem applicasti supplici placabiiem :
Sospes, & infesto, duce te, sum tutus ab hoste :
- 22 Et molientum tecta quem rejecerat
Artificum improbitas lapidem, fastigia summi
Late refulgens jam coronat anguli.
- 23 Scilicet arcano factum est hoc numine, nostra
Attonita factum quod stupescunt lumina.
- 24 O lux festa, O lux jucunda ad gaudia nata,
Cœlestis in nos lux favoris conïcia !
- 25 Usque favæ, custosque tui, pater optime, Regis
Sis, & secundos cœpta duc ad exitus.
- 26 O fœlix, iterum O fœlix, quem rector olympi
Populo salutis misit auctorem suo !
Nos, quibus est sacri custodia credita templi,
Vobis precamur, cuncta vertant prospere.
- 27 Unus enim Dominus rerum moderatur habenas,
Qui gratiæ in nos lumen offundit suæ.
Lætitia celebrate diem, fœtusque bidentis
Tenellus aræ vinctus astet cornibus.
- 28 Te Dominum, te mente colam, te voce fatebor :
Tuumque semper nomen laude prosequar.
- 29 Eia Deum laudate, Deum facilemque bonumque
Larga benignum semper indulgentia.

PSAL.

22 Et molientum tecta] Lapis etiam ille quem architecti im-
probi, templum mole magna ædificantes, ceu non convenientem
contempserunt, jam late conspicuus sumnum angulum hono-
rat, totam ipsius structuræ molem sustinens. *F.*

27 Fœtusque bidentis, &c.] Agnusque tener ad angulum aræ
alligatus affixat. *F.*

C A R M. G E N. xxiv.

David in gravissimo suo exilio seipsum hoc Psalmo consolans, felicitatem piorum in studiis, fide & obsequio voluntatis Dei positam esse docet: ideoque in notitia illius, studio, fide & obsequio informari a Deo petit; & ab omnibus impedimentis sue carnis, peccati, mundi, Satana, hostiumque omnium conservari, Ac postremo, sibi de tota antealta vita, & equitate in causa bene conscientis, Deo seipsum & reliqua vita sua administrationem commendat, ad gloriam ipsius & salutem suam.

Aleph.

O Beatos, qui sequuntur orbitam legis Dei :
2 O beatos qui monenti sponte parent numini,
3 Labe puri nec relinquunt lege iussum tramitem,
4 Quem severitate dura nos tenere præcipis.
5 O gradum regas labantem sic, monenti ut paream;
6 A tuis attenta iussis nusquam ut errent lumina :
7 Tum ducem canam æquitatis candido te pectore.
8 Obsequar tibi : obsequentem tu tibi ne defere.

Beth.

9 Quid juventam, ne labafcat, servat æque ac lex tua?
10 Hinc ne aberrem, modo laboro : tu laborantem
rege.
11 Ne vacillet pes, meo tua verba condo pectore.
12 Rector orbis, æquitatis regulam tuæ doce
13 Me, tui oris verba semper ore mediter ut meo :
14 Illa longe cariora semper auro ut æstimem :
15 Illa cogitem, illa secter, illa mirer unice :
16 Illa nulla e corde nostro deleant oblivia.

Gimel.

17 **18** Da tuæ legi obsequenti vivere : ut propius tui
Conspicer pacti æquitatem, pande mentis lumina.

- 19 Inquiline jussa legis ne tuæ celaveris.
 20 Fœderum leges tuorum ægra mens desiderat:
 21 O, tuæ legis superbū qui premis fastidium,
 22 23 Me tuæ legis sequacem vindica : cui divites
 Arroganter obloquuntur, jussa quod servem tua,
 24 E tuo sermone vitæ quod capessam formulam.

Daleth.

- 25 Æger animus languet : ægrum recrea verbo tuo
 26 27 Cordis arcanas latebras prodidi tibi : rudem
 Tu doce præferque lucem, scita mediter ut tua,
 28 Et cor anxium tui verbi erigas solatio.
 29 Absque fucō fat tuarum scita legum ut diligam
 30 Recta sector, instituta spæcto semper ad tua.
 31 Lex tua animo sculpta inhæret : spem meam ne
 defere.
 32 Pande iter tuæ æquitatis : te comes latus sequar

He.

- 33 Legum iter monstra tuarum : fœdus erudi tuum.
 34 Fœdus ut legemque totis imbibam præcordiis,
 35 Cunera ut instituta recta sector usque semita,
 36 Sordidis averte curis jussa pectus ad tua :
 37 Flecte lumina, impias ne vanitates hauriant.
 38 Languidum excita : face ut te timeat animus ac
 amet.
 39 Libera probro a pudendo me benignus arbiter.
 40 Tua statuta diligentem servet æquitas tua.

Vau.

- 41 Me' bonus respice opiferque fœderis memor tui,
 42 Ora claudam ut exprobranti spem tuæ fiduciae.
43 Spec

43 Spes salutis, veritatem ab ore ne tuam eripe.
 44 45 Semper ut tuis statutis audiens, tuto gradu
 46 Ambulem, tua iussa quæro sola. Coram regibus
 Diferam (nec me pudebit) de tuis sermonibus.
 47 48 Hos amavi, & hos amabo, & obsequens his,
 brachia
 Tollam : ut usque & usque volvam hos ore, men-
 te cogitem.

Zain.

49 Sis memor pacti, columna quæ meæ fiduciæ est :
 50 Quod levat mœrentem, & ægrum e fauce mortis
 eripit.
 51 52 Rideant licet superbi, te sequar : legem tuam
 Usque repétam, in rebus arctis hoc erit solatium.
 53 Impios quum legis hostes cerno, totus horreo.
 54 Carmen hæc erit mihi, orbem donec hospes hunc
 eolam.
 55 Hanc ut obseruem tenebræ me silentes admonent :
 56 Illa mentem cura semper unice exercet meam.

Heth.

57 Obsequi tibi, mihi una est spes, opes, hæreditas.
 58 Ut bonus promissa præstes, unice unum id ambio.
 59 Actiones vitæ ut omnes ad tuam componerem
 60 Legem : ad hanc custodiendam qua licet me con-
 fero.
 61 Impeditus impiorum vinculis hanc cogito.
 62 Hujus ergo nocte surgens prosequar te laudibus.
 63 64 Qui verentur hanc, amicis utor : hanc, parens
 bone,
 Qui tua benignitate cuncta repleas, edoce.

Teth,

62 Hujus ergo] Id est Legis tua causa.

Teth.

65 Domine ades, pollicita servo fac benigne appare-
ant.

66 In tua lege acquiescam : me doce legem tuam.

67 Vix malo coacta leges mens sequi didicit tuas.

68 Scita, fons benignitatis, tua benigne me doce.

69 Me superbi criminantur : corde toto ego te sequar.

70 Jussa me juvant tua ; illis mens hebefcit prosperis.

71 Erudisti me malis, ut legi adhæream tuæ,

72 Hæream ut legi, auri acervis gratori gentibus.

Jod.

73 Da manu tua creato nosse vim legis tuæ

74 Me pii læti obsequentem legibus spectant tuis.

75 Justa lex tua est : premis me jure justus arbiter.

76 At libenter audientem iusta me tua recrea.

77 Tibi libenter obsequentem præveni clementia.

78 Servulum tuum prementem comprime arroganti-
am.

79 Me tuæ legi obsequentes obsequentem diligent.

80 Nec ferat tibi obsecundans pura mens infamiam.

Caph.

81 Deficit mens spe salutis, spes nec illam deficit.

82 Lassa languent lumina : utris corpus instar aridi

83 Tabuit : solare promissi in malis memorem tui.

84 Quis ferendi finis ? hostem quando punies meum ?

85 Mihi tuæ legis superbis hostis effudit scrobem.

86 Äqua lex, promissa certa sunt tua : hostes confice.

87 Qui premunt me, quod te in uno collocem fiduci-
am.

88 Scita fac ut ad tua omnes actiones dirigam.

Lamed.

67 Vix malo coacta] Sæpe per damna & pœnas eductus, vix
didici statutis tuis parere.

Lamed.

- 9 Certa eunt promissa, certa stat tuis verbis fides,
 10 Dum polo stellæ micabunt, herba terras vestiet;
 11 Sempiterno quæ recursu legibus parent tuis.
 12 Obruissent me dolores, ni affuisset lex tua,
 13 Lex salubris: nulla nobis tollet hanc oblivio.
 14 Sum tuus, tua instituta diligentes diligo.
 15 Impii mortem parabant scita meditanti tua.
 16 Cæteris est finis: illa sola semper permanent.

Mem.

- 17 O tuam quam legem amavi! semper illam cogito:
 18 Hostibus prudentiorem me meis hæc reddidit.
 19 Factus huic fui obsequendo doctior doctoribus.
 20 Huic quod audiam, senecta astutior sum callida:
 21 Huic ut obsequar, malorum flecto gressum a
 semitis.
 22 Te docente non recedo paullulum a verbis tuis,
 23 Faucibus mei suavi melle suavioribus.
 24 Eruditus his, recedo a semita mendacii.

Nun.

- 25 Sancta lex, velut lucerna, dirigit pedes meos.
 26 Obstinavi animum tuis ut obsequar sermonibus.
 27 Obrutum malis, tuorum fœderum memor, leva.
 28 Edoce me iussa, & oris hanc bonus cape victi-
 mam;
 29 Iussa non rejecta, quamvis undique instarent
 mala:
 30 Hæc nec abjeci impiorum pene clausus retibus.
 31 Hæc voluptas, hoc mihi unum gaudium, hæc
 hæreditas.

32 Hic

112 Hic scopus mihi manebit, viuis aura dum fruar.

Samech.

- 113 Diligo legem tuam, sicut malos abominor.
 114 Unica es spes, una verbis in tuis fiducia,
 115 Ut dei mandata servem, hinc impii facessite,
 116 Me tuo sermone fulci, ne sequar spes irritas.
 117 Te regente salvus usque justa diligam tua.
 118 Perfugas calcas tuos, qui vana frustra cogitant,
 119 Legem amo tuam, quod omnes impios extermines.
 120 Corpus horret quum severum cogito te judicem.

Ain.

- 121 Aequa ne me diligentem desere opprimentibus.
 122 Justa fac amem superbo tutus a ludibrio.
 123 Dum salutem spero, scita specto dum tua, lumina
 124 Lassia languent: tu benignus edoce servum tua
 125 Placita: legum fac tuarum intelligat mysteria.
 126 Tempus instat puniendi legis adversarios.
 127 At tuum fœdus mihi auro est carius carissimo:
 128 Hoc amo, huic errore missò dirigo vitæ ordinem.

Pe.

- 129 Mira rituum tuorum mens colit mysteria.
 130 Verba pectori imperito luminis sunt janua.
 131 Faucibus tua verba apertis duco, vitæ ut spiritum.

123 Ceu

99 *Doctior doctoribus] Insignis aliquid re ipsa amplificandi modus, per comparationem. Qui enim præstantibus in rea aliqua præstantior est, ejus præstantiam verosimile est minime esse vulgarem. Talia sunt illa Virgiliana & Horatiana : Formosi pecoris custers formosier ipse. O matre pulcra filia pulcrior.*

- 123 Ceu soles te diligentes, intuere me bonus.
 123 Dirige ad tua verba gressus : tum scelus non op-
 primet.
 134 Me. Tuæ legi, impiorum liber a calumnia,
 135 Obsequar : bonus intuere me, tuam ut legem
 sequar.
 136 Si quis hanc spernit, fluunt mihi more rivi la-
 crysæ.

Zade.

- 137 Justus es creator orbis: iusta iussa sunt tua:
 138 Plena lex est æquitatis : certa verbis veritas.
 139 Rumpor ira, quum scelestis impie contemnitur.
 140 Sermo purus instar ignis : servus hunc amat tuus.
 141 Impii spernant licebit me, tuam legem sequar.
 142 Jussa stant tua sempiterna mota nullo turbine.
 143 Turbidis mihi illa rebus anxium cor recreant.
 144 Scire legem da tuam : vitam mihi donaveris.

Coph.

- 145 Corde toto audi vocantem, legi ut obsequar tuæ,
 146 Invoco, adjuva invocantem, fœdus ut colam
 tuum.
 147 Invoco te mane, verbis in tuis fiducia est.
 148 Nocte vigiles anteverti, verba mediter ut tua.
 149 Me benigne audi, ut soles, & fauce mortis eripe.
 150 Impii me persequuntur, legis experres tuæ.
 151 Tu propinqua, Domine, iussa cuius omnia iusta
 sunt.
 152 Iussa firma fine nullo, firma nullo exordio.

P p

Res.

Res.

- 153 Adspice afflictum: leva me, fœderis memorem
tui.
- 154 Fœderis memor meam vitam patronus assere.
- 155 Impii male interibunt, jussa qui tua negligunt.
- 156 O bonus sine fine, robora, ut soles, vitam meam.
- 157 Me prementum multitudo a lege non flectit tua.
- 158 Mœret animus intuendo pacta qui spernunt tua.
- 159 Tu bonus tua jussa amantem me vicissim recrea.
- 160 Cuncta promissa tua nullum fixa norunt terminum.

Sin.

- 161 Me premit tyrannis: at cor verba meditatur tua.
- 162 Verba gratiora gazis aureis animo meo.
- 163 Diligo legem tuam, ceu vanitatem abominor.
- 164 Septies tuam æquitatem me canente lux videt.
- 165 Legem amantibus tuam pax multa, nulla offendio.
- 166 Spectat a te mens salutem, nixa promissis tuis.
- 167 Mens amat promissiones unice & servat tuas.
- 168 Servo tua pacta, ut vicissim tu vitam observas
meam.

Thau.

- 168 Invocanti da tuarum scire legum abscondita:
- 169 Invocantem libera me, fœderis memor tui.
- 170 Te docente prædicabit os tuas laudes: tua
- 171 Jussa lingua nuntiabit, jussa longe æquissima.
- 172 Dextera tua obsequentem jussibus juva tuis.
- 173 Abs te opem spero: tuarum scita legum diligo.
- 174 Sospita me, ut prædicem te: lex juvabit me tua.
- 175 Me, vagam ut pecudem, require fœderis me-
morem tui.

C A R M. G E N. iii.

David Rex narrat liberationem acceptam divinitus a suis calamitatibus; orationemque commemorat qua apud Deum conquestus est, tum de calumniis, tum de persecutionibus & exilio qua ipsi fuerant perferenda.

Hinc me obsidebant bella, & hinc calumniae
Livor faces admoverat:
Ad te refugi destitutus omnibus,
Rerum creator optime.
Te voce supplex invocavi, tu meas
Non lentus audisti preces.
2 A fraudulentæ toxicæ linguae Deus
Me protege & mendaciis.
3 O lingua fraudis machinatrix impiæ,
Qua spe meum oppugnas caput?
4 Scythæ ferocis lingua pestilentior
Tinctis veneno spiculis:
Ignis voracis lingua flammis acrior,
Quum silva flagrat arida.

P p 2

5 Heu

4 Scythæ] Scythia compleætitur regiones & gentes amplissimas & populosissimas, tam in Europa quam in Asia, versus Septentrionem habitantes; in quibus etiam sunt Mesechitæ, quorum Psalmus meminit, sic dicti a Mesech filio Japheti, a quo gens illa propagata est. Mesech, i. e. tendens arcum: quo etiam nomine Scytha hoc loco celebrantur. Vox autem Kedareorum, quæ in Ebraeo est, deducitur a Kedar filio Ismaelis, a quo dicti sunt Kedarai, vel Kedaren, populi Arabiæ, quos posteri Saracenos appellavere, Nomen habent a nigredine; ut quodammodo simul debeat David, quod sibi conversandum sit cum nigris, id est, improbis & sceleratis: C.

Quum silva flagrat] In fontibus Hebræis lingua hæc virulenta & dolosa, nominatim comparatur carbonibus juniperorum. Scribut

- 5 Heu vita tristis, vita dura & anxia,
Per invios erratica
Montes, latrones inter, atque inhospita
Gentis feræ mapalia :
6 Mens ægra vitæ carpitur fastidio,
Hostes quietis accolens ;
7 Hostes quietis, blanda quos oratio
Ferociores efficit :
Quos innocentis mentio concordia
Ad bella sæva exasperet.

P S A L. CXXI. C A R M. G E N. xvii.

David conflictum animi sui in periculis exponens ad Deum, conversa oratione se committit ei, & confirmat in fide promissionum ejus.

- DUM ferox armis inimicus instat,
Ad montes vaga lumina
Proximos circumfero, si quid illinc
Forte appareat auxili.
2 At mihi cœli Dominus solique
Certam solus opem feret.
3 Ille (quid vano trepidans tumultu
Cor pulsas mihi pectora ?)

Ille

bunt autem de materia juniperi accensa, quod mirum in modum adorat, & ignem vel ad integrum annum foveat, modo cinere cooperiatur. De eadem Plinius scribit, quod serpentes ipsam fugiant, ideoque etiam homines eo tutius sub ea quiescere possent, quod de propheta Elia, *i Reg. xix. 17. C.*

5 *Mapalia & Magalia*] Proprie sunt tinguria Maurorum & Numidarum ægestium, oblonga, incurvis lateribus tecta, quasi navium carinæ ; ut Salustius describit in Jugurtha. C.

Ille sanctorum (mihi crede) custos
 Noctes excubat, & dies.
 Vieta nec blandi illecebris soporis
 Unquam lumina dimovet.
 Leniter passis tibi semper alis
 Umbræ more supervolat,
 Ne cutem solis violentioris
 Urant spicula de die,
 Nocte ne lunæ nebulosioris
 Artus degravet halitus.
 Seu domi clausus lateas, latentem
 Clavis servat in ædibus :
 Seu foris pacis obeas amicæ,
 Seu bellî fera munera,
 Sospitem e cunctis Dominus periclis
 Semper te bonus eruet.

P S A L. CXXII. C A R M. G E N. xxvi.

avid Ecclesiæ studiis & officioso cultu Dei recreatus, laetitiam suam prædicat : urbis, ecclesiæ & regni totius statum commendat : omnibus bene precatur, & omnia bona a se spondet.

O Lux candida, lux mihi
 Læti conscia nuncii.
 Jam pleno stata tempora
 Reddit circulus anno :

Jam

6 Artus degravet halitus] Corpus pigrum aut infirmum reddit. *f.*

8 Seu foris pacis obeas amicæ] Sive extra ædes tranquillitatis iudæ officia administres. *f.*

1 Jam pleno stata tempora] Jam solis circuitus, anno perfecto, impus solenne restituitur. *f.*

- Jam festi revocant dies
Augustam Domini ad domum :
- 2 Jam sacri pedibus premam
Lætus limina templi,
- 3 Jam visam Solymę̄ edita
Cœlo culmina, & ædium
Moles nobilium, & suo
Angustam populo urbem :
- 4 Urbem, quam procul ultimis
Terræ finibus exciti
Petunt Ifacidae, ut Deum
Placent more parentum :
- 5 Jussam cœlitus oppidis
Urbem jus dare cæteris ;
Et sedem fore Davidis
Cuncta in secula proli.
- 6 Mater nobilis urbium,
Semper te bona pax amet ;
Et te semper amantibus
Cedant omnia recte.
- 7 Semper pax tua mœnia
Colat : semper in ædibus
Tuis copia dextera
Larga munera fundat.
- 8 Dulcis Ifacidum domus,
Te pax incola fospitet :
Sedes numinis, omnia
Succedant tibi fauste.

P S A

*5 Jussam cœlitus oppidis) Urbem illam, quam Deus e cœlo v
luit urbibus cæteris imperare. J.*

C A R M. G E N. vi.

cllesia gravissime oppressa, se ad Deum erigit, gratiam ejus implorat, & hostibus Dei male precatur.

AD te levavi, Rex, pater, & Deus;
Ad te levavi lumina, qui procul
Contagio humano remotus,
Templa habitas radiata cœli.
Ut servus observat Domini manus,
Gestus & omnes lumine mobili;
Arguta ceu nutus acutis
Serva oculos dominæ tuetur:
Te nostra spectant, te, Domine & Deus,
Intenta mentis lumina, dum graves
Iras remittas, servulisque
Des veniam bonus atque pacem,
Jam lenis in nos respice: servulis
Jam parce tandem, parce fidelibus,
Quos hostis insultans superbo
Ludificatque premitque vultu.
Contemptus hosti ac opprobrium sumus,
Vitæque tædet: ferre animus nequit
Supercili fastum superbi,
Ludibriumque opibus tumentum.

P S A L.

2 Arguta ceu nutus acutis, &c.) Sicuti famulus heri actiones, omnesque corporis motus oculis argutis attentus respicit; ancillaque strenue auxilium petitura, omnes dominæ motus oculis intentatis inspectans notat. F.

C A R M . G E N . xxiv.

Ecclesia mirificas Dei liberationes & conatibus mundi praedicans, benedicit Deo, & se in posterum de ope illius confirmat.

Ni faventis affuisset numinis præsentia,
 2 (Dicat Isaci propago) numinis præsentia
 Ni faventis affuisset, quum veniret perditum
 Nos superba multitudo, freta stultis viribus,
 3 Forte vivos devorassent, debilesque & pauculos :
 Ira fervidi furoris, avidâ nostri sanguinis,
 4 Obruisset instar undæ nos procellâ cladium :
 More torrentis nivali ab imbre turgidi, impetus
 5 Nos repente sustulisset : usque ad animam gurgites,
 Usque ad animam transiissent gurgites impervii.
 6 Sempiterna laus Deo sit, qui suos non tradidit
 Dentibus prædam cruentis perfidarum gentium.
 7 Cassibus fractis dolosites fospites evasimus :
 Capta veluti jam volucris rete fugit aucupis.
 8 In Deo nostræ salutis spes reposta est unico,
 Qui solum cœlumq[ue] fecit vi potentis dexteræ.

P S A L . C X X V . C A R M . G E N . xvi.

Psaltes stabilitatem Ecclesiae praedicat, & instabilitatem afflictionum ejus : deinde Deum erat pro sanctificatione illius & prosperitate, improbis ejeclis.

Sionis arcem non aquilo impotens
 Saxo sedentem perpetuo quatit,

Ni-

Nigrantibus non Auster alis

Imbriferas glomerans procellas.

2 Quicunque vere spem locat in Deo,
Non hostis hunc vis, non quatiet dolus :

Si fractus illabatur orbis,

Incolumis fugiet ruinam.

Ut civitatem mœnia montium

Sanctam tuentur, sic Dominus suos

Vi cingit arcana, nec unquam

Præsidii viduos relinquit.

3 Nec impiorum perpetuo jugo

Sinet piorum progeniem premi,

Ne turpibus contaminetur

Flagitiis labefacta mentem.

4 Ut affluenter fac bona sint bonis,

5 Ut continenter fac male sit malis,

De calle quos recti illecebris

Impietas male fana flexit.

Fac, sancte rerum conditor, ut domum

Beata semper pax colat Ifaci :

Tranquillitas secura pulchræ

Exhilaret Solymæ colonos.

Q q

P S A L.

2 Si fractus] Desumpfit hæc ex oda 3, Lib. 3 Horatii:

2 Mœnia montium] Sunt enim montes, urbem aliquam circundantes, ejus quasi munimenta & mœnia. C.

Præsidio viduos] Præsidio destitutos. Vide Psal: Ixviii.

5 De calle quos recti, &c.] Quos prava & infana de Deo opinio, turpium voluptatum causa, de via virtutis avertit. J.

5. Colonos] Colonus duo significat, nam aliquando coloni dicuntur, qui a metropoli (sic enim civitas dicebatur, quæ coloniam emittebat) in alium locum habitandi causa deducebantur: quandoque vero coloni agrorum cultores dicuntur.

Ecclesia admirabilem sibi & gentibus liberationem suam a Deo fāctam praedicat, eandemque optat ab illo perfici.

QUUM pater omnipotens captam remeare Sionem,

Dulcemque iussit patriam revisere,

Attoniti stupere animi, nec opinaque secum
Metum librantes inter & spem gaudia.

Vixque sibi credunt: veluti qui noctis opacæ
Sopore pulso mane versat somnia.

2 Pro lacrymis redeunt risus: sua gaudia quisque
Sermone celebrat, patrium laudans Deum.

Nec minus attonito stetit ad miracula vultu.
Sic barbarorum turba secum mussitans,

En pater ille deum, quot signa ostendit amoris!
Hujus saluti gentis usque ut prospicit!

3 Nec falso: nam signa Deus monstravit amoris
Præclara, nostræ dum saluti prospicit.

Ergo alacres læto testamur gaudia plausu.

4 At tu benigne fac parens ut cæteri
Jam redeant, plenisque viis sic agmen inundet,

Ut æstuosi quum flat Austri spiritus,
Indignata suis cohiberi flumina rīpis,

Vaga per agros murmurant licentia.

5 Qui male fœcundæ commisit semina terræ,
Et corde tristis multa volvit anxio.

Si

1 *Metum librantes*] Varie affecti, alternis, jam spe, jam metu,
animum subeuntibus. C.

Veluti qui noctis opacæ] Illi non absimiles, qui mane e somno
excitatus, visa per noctem obscuram secum retractat. f.

1 *Nec opinaque*] Gaudia insperata inter expectationem boni,
malique timorem secum expidentes. f.

Si venit uberior fæges imbribus aucta benignis,
 Exsultat hilari cor metentis gaudio.
 Nos quoque longa fugæ post tædia, postque labores,
 Læti arva dulcis patriæ revisimus.
 Te patrium canimusque Deum, semperque canemus:
 Agimusque memores atque agemus gratias.

P S A L. CXXVII. C A R M. G E N. iii.

Psaltes nil posse aut comparari aut conservari, ac ne genus quidem propagari docet sine benedictione Dei, ac proinde omnia ab illo exspectanda esse.

Ni cœpta Dominus juverit, frustra struis
 Moles superbas ædium.
Ni Dominus urbem servet, incassum excubat
 Muris vigil custodia.
2 Frustra antevertis mane solem, & vespere
 Sero domum reverteris:
 Victum labore vix parabis anxio,
 Ni Dominus admirit manum.
 At ille amicis interim suis dabit
 Purum soporem somniis:
3 Domumque dulci prole fœtam liberum
 Præbebit. Hæc hæreditas,
 Hæc illa merces, qua beat caros sibi
 Rerum ille Dominus omnium.

Q q 2

4 Non

[**3** Domumque dulci prole fœtam liberum, &c.] Domumque dabit
 jucunda filiorum sobole refertam. Hoc illud patrimonium est,
 hoc illud præmium, quo Dominus ille rerum omnium amicos
 suos augere solet. *f.*

- 4 Non sic timori est dexteram telis gravis
Bellator hostis hostibus,
Ut quem parentem masculæ propaginis
Favor beavit numinis.
- 5 O ter beatum & amplius, qui talibus
Pharetram sagittis impleat.
Non ad tribunal erubescet jurgia
Procacis adversarii.

P S A L. CXXVIII. C A R M. G E N. xxvi.

Psaltes piorum felicitate proposita, demonstrat quam grato animo sit percipienda benedictio Dei publica in Ecclesiam, & privata inpios singulos.

Felix O ter & amplius,
Quem timor Domini tenet,
Quem non illius a via
Flebit devius error.

2 Felix, & tibi prospere
Cedent omnia: nam tuo
Carpes dulcia fercula
Comparata labore.

3 Instar palmitis uberi
Proventu gravi, & coma
Cingentis viridi domum,
Te conjux hilarabit.

Ceu

- 4 Non sic timori, &c.] Inimicus bellicosus, manum gerens jacula instruetam, non est hostibus suis tam formidabilis, &c. f.
2 Carpes dulcia fercula] Cibos enim suaves accipies. f.
3 Instar palmitis uberi proventu gravi] modo vitis multo fructu oneratae. f.
Et coma cingentis] i. e. Frondibus ambientis f.

Ceu plantaria fertili
Pubescunt oleæ solo,
Jucundo tibi liberi
Cingent agmine mensam.

4 Quem timor Domini tenet,
Inter talia commoda
Vitæ tempora transfiget.

5 At te ex arce Sionis
Ditabit Domini manus
Larga: & conspicies bonis
Florcentem Solymam, tibi
Donec vita manebit.

6 Prolis adspicies tuæ
Longa stirpe propaginem;
Festa semper & Isaci
Latos pace nepotes.

P S A L. CXXIX. C A R M. G E N. xxiv.

Ecclesia suas in præsenti seculo afflictiones a mundo, & liberationes a Deo prædicat, funestumque adversariorum exitium.

JUre dicat grex bonorum, Mille me molestiis
2 Factio pressit malorum: prima ab usque ori-
gine
Factio

Plantaria pubescunt oleæ solo] Sicut olivæ teneræ in terra fæcunda adolescunt. *F.*

Plantaria] Plantarium, Virgilio, planta aut stirps est quælibet, quæ in terram depangitur. Plinio etiam seminarium est, novellis arbusculis constitutum, unde Plantæ novellæ alio transfe-
runtur. *C.*

Pubescunt] Germinant, adolescunt. Virg. & Georg. *Largo pu-*
bescit vinea fœtu. *C.*

Factio pressit malorum mille me molestiis :
Nec tamen subvertere unquam quivit ullis machi-
nis.

- 3 Terga fævis exaravit verberum vibicibus :
Terga longis secta sulcis, hostis ad fastidium :
4 Sed parens rerum benignus vincla rupit impia,
Meque nervo liberavit servitutis asperæ.
5 Qui Sionis non amico spectat arces lumine,
Vota semper vana volvat, spes inanes nutriat :
6 Marceat, seu sole marcat herba languens torrido,
Herba summis nata tectis, quæ repente corruit
Ante falcis plagam acutæ, sicca marcidis comis :
7 Unde nec sinum replevit qui maniplos colligit :
Nec manum messor perustus, prata tondens florea,
8 Nec viator ominatus prospera est metentibus,
Sic precatus, Arva lata, & arva lauta, & roscida,

Hunc

3 Terga fævis exaravit, &c.] Dorsum illa quidem nostrum, flagellorum cicatricibus, inhumanæ crudelitatis testibus, inscripsit. *F.*

Sulcis] Vide *Psal. xxxviii.*

Hostis ad fastidium] Insignis amplificatio supplicii, cuius etiam hostem, alias infestum & crudelem, capiat fastidium: id enim grave & diuturnum esse necesse est. Vide *Psal. cv. C.*

4 *Nervo servitutis]* Vinculis, carcere. Terent. *In nervum potitus ibit.* i. e. in vincula. *C.*

6 Ceu sole marcat herba languens torrido] Tabescat tamen, ceu herba paulatim deficiens, sole vehementer calente, exarsit. *F.*

Ante falcis plagam acutæ, sicca marcidis comis] Quæque sine succo, radicibus marcentibus, antequam falce demetitur, subito cadit. *F.*

7 *Messor perustus prata tondens florea]* Nec fœniseca sole torridus, dum prata floribus abundantia secat. *F.*

8 *Arva lata, & arva lauta, & roscida]* O arva aspectu jucunda ! arva pulchra ! roreque multo aspersa. *F!*

Hunc in annum, & usque in annos hunc sequentes, numinis
Vos favor semper benigni servet, ornet, augeat.

P S A L. CXXX. C A R M. G E N. viii.

Psaltes sibi maximas liberationes obtigisse narrat invocando Deum;
ideoque se Deo confidere, & Ecclesiam ad fiduciam eandem hortatur promissionibus.

- C**Urarum ràpidis fluctibus obrutus,
Arcanis animi de penetralibus,
Audi verba precantis,
Clamavi, pater optime:
2 Audi verba pater, quæ tibi supplices
Multo cum gemitu fundimus: applica
Intentam bonus aurem
Tristes ad querimonias.
3 Si vindex tetricus facta nefarie
Pœnis cuncta velis plectere, quis sibi
Tam confidit, acerbum
Ut non horreat exitum?
4 At tu non furiis tristis es asperis,
Sed largus veniæ, & munificus parens:
Ut te jure colamus,
Legum & iussa salubria.
5 Nam spes polliciti me recreat tui,
Promissique fides fallere nescii,
Et fiducia certa
Mentem sustinet anxiam.

6 Non

³ *Si vindex tetricus]* Si quidem ut ultor severus omnia scelerata nostra suppliciis punire velis. ⁷
⁴ *Non furiis tristis es asperis]* Non furenter irasceris. C.

- 6 Non sic præcipiti nocte vigil diem
 Observat roseum, non roseum vigil
 Phœbi sic avet ortum,
 Ut flagrat mea mens Deum.
- 7 Securi in Domino figite spem pii,
 Non duro veniam supplicibus dare;
 Et prompto dare pressis
 Duro servitio manum.
- 8 Electi generis progeniem gravi
 Pressam servitio ex hostibus afferet:
 Et de morte redemptam
 Noxis eximet omnibus.

P S A L. CXXXI. C A R M. G E N. xxvii.

David demissum suum animum supplicemque professus, Ecclesiam ad humilitatem simplicitatemque cohortatur.

SI spiritu impotenti,
 Si lumine insolenti
 Elatus ambulavi;
 Si virium mearum
 Fiducia superbus
 Despicerim minores;
 Si mentis arrogantis

Sub-

6 *Non sic præcipiti nocte, &c.]* Qui sub noctem extremam vigilias agit, non ita avide ortum diei exspectat; excubitor, inquam, non ita cupide exortum solis, roseo colore aera tingentis, exoptat. *f.*

Noxis eximet] Liberabit a peccato & omni malo. *C.*

Pressam servitio afferet] Prolem gentis Judaicæ, sibi peculiaris sub dominis imperiosis affligam, ex inimicorum potestate vindicabit. *f.*

Sublime vectus alis,
 Majora quam liceret
 Speravi, cogitavi :
 2 Ni vota temperavi
 Modeftia falubri :
 Nil deprecor, rogo, ve,
 Nullam recuso pœnari.
 Qualis puer tenellus
 Vix lacte pulsus, unam
 Suspirat in parentem,
 Hanc spectat, hac ab una
 Dependet, ambit unam :
 Æterne rector orbis,
 Te mens mea intuetur
 Unum, uni adhæret, unum
 Te vindicem salutis
 3 Agnoscit. O piorum
 Propago sancta patrum,
 Unum Deum parentum
 Spectate, spes in uno
 Locate, cuncta ab uno
 Sperate : spem nec unquam
 Fovebitis caducam.

R r'

P S A L.

1 Sublime vectus] Pro sublimiter ; Adjectivum-neutram pro
 Adverbio, more Græco.

Virg. Raptæ spirans immane securi. i. e. immaniter.
 Talia sunt, Longum latari, acerba fremere, inexpletum lacrymari,
 indomitum furere, torvum videre. Vide similia Psalmo xl. C.

Majora quam liceret] Altiora quam oportebat. f.

2 Puer lacte pulsus] Vix ablactatus, vel, vix nutricis sua ob-
 litus. f.

Unam ambit] Unam cupit. f.

C A R M. G E N. i.

David arcā Dei dūcturus Ierusalaimā, sollicitudinem suam, votū officiumque exponit Deo: orat ut Deus veniat in civitatem suam, & regno, sacerdotio populoque benefaciat; ideoque promissiones ante a Deo factas adducit.

Davidis esto memor, genitor, memor esto labborum

Quos tulit, in rebus tua jussa sequutus egenis.

- 2 Ille tibi, Hebreæ gentis Deus unice, votis Obstrinxit caput, & promissis ora reclusit:
- 3 Non ædes prius ingrediār, mollive reponam
- 4 Membra toro, aut oculis dulcem indulgebo sopperem,
- 5 Quām fanum inveniam, & sacri fundamina templi Designem, sanctisque locum dimetiar aris.
- 6 Fama licet patriæ multum promitteret oræ, Inter saxa tamen silvestribus obsita dumis Monstravit Deus ipse locum. Deus ipse perenne Hic templum, templique sacræ sedem innuit aris,
- 7 Ergo alacres gratam Domino properemus ad ædem: Scamna pedum pronis veneremur vultibus: & tu
- 8 Sancte parens, bonus ac placidus cape vota, tuamque Lætus adi sedem: neu dēdignare penates

Qui

2 *Et promissis ora reclusit]* Sicque loquutus est hæc pollicendo. *f.*

5 *Quām fanum inveniam, &c.]* Quam templo ædificando locum invenero, ædisque sacræ fundamenta notem, sedemque altaribus Dei certa mensura comprehendam. *f.*

6 *Sylvestribus obsita dumis]* Inter colles Signis, arboribus syvalicis tum operatos. *f.*

- 9 Qui memorem æterni servabunt fœderis arcam.
 9 Templa sacerdotes casti tueantur, & omnes
 Qui tua rite piis venerantur numina sacræ,
 10 Lætitia exsultent. Si David pectoræ puro
 Te coluit, ne Davidicæ nunc respue prolixi
 Dona, tui populi cui frena tenenda dedisti.
 11 Davidi enim quondam (neque jam sententia ver-
 tet
 Ulla tuam mentem) jurasti: E stirpe propago
 Nata tua solium & sceptrum retinebit avitum.
 12 Quod si posteritas seruet mea fœdera, pactis
 Si steterit, leges si non temerarit avitas,
 Nulla dies folio, vis nulla extrudet avito,
 Et natos natorum, & qui nascentur ab illis
 13 Ipse mihi sedem elegi sine fine Sionem,
 14 Quam colerem: hic mihi certa quies, hic certa
 voluptas:
 15 Hæc mihi grata domus: cœli indulgentia fruges
 Faxo alat, & duros large saturabo colonos.
 16 Templa tuebuntur casti iustique ministri,
 Lætitiaque piis perfundam pectora certa:
 17 Davidicoque novum producam e femine germen,
 Quod late in populos fundet sua brachia: stirpi
 Prospiciam seræ solium quæ illustret avitum,
 Claraque per cunctas diffundat lumina terras.
 18 At pudor, & turpes maculas infamia spargens,
 Hostibus inficiet vultus. Jessæa propago
 Floredit, cingetque sacrum diadema crinem.
 Transmittetque suam longæva in secula famam.

R r 2

P S A L.

15 Cœli indulgentia fruges faxo alit] Efficiam insuper ut cœli
 favor omnes terræ fructus nutriat: 7.

C A R M. G E N. iii.

David communionem sanctorum celebrat, & elegantibus comparationibus figurat bona, amoenitatemque illius.

Nil caritate mutua fratrum, nihil
Jucundius concordia ;
Non aura suavis balsami, quum funditur
Aronis in sacrum caput,
Et imbre læto proluens barbam & sinus
Limbum pererrat aureum :
Non ros, tenella gemmulis argenteis
Pingens Sionis gramina,
Aut verna dulci inebrians uligine
Hermonis intonsi juga.

Fraterna quam pax incolit, domum juvat
Dominus benigna dextera :
Et opibus auget : filiorum & filios
Multis propagat seculis.

3 Inebrians uligine] Insignis metaph. Sicuti enim haustu vipi largiore corpus humectatur, & homo inebriatur. ita imbrinum humore terra irrigatur & fœcundatur. Est autem uligo propriæ naturalis terræ humor, ex ea nunquam recedens. C.

*Hermonis intonsi] Cuicis virgulta vere novo frondentia nondum sunt amputata. Hoc enim est montes & arbores, quorum folia & frondes poetis comæ sunt, tondere. Horat. *Durus ut ilex tonsa bipennibus.* E converso dixit Virg. *Ipse caput tonsa foliis evinctus olivæ.* Vide Psal. xc. C.*

P S A L. CXXXIV. C A R M. G E N. iii.

Psaltes Ecclesiam totam hortatur ut benedicat Deo, adjunctis missionibus.

Domi ministri, nocte qui custodiae
Sancti excubatis atrii,

Laudate

Laudate Dominum, laudibus donec sacre
Nox annuit silentio.

2 Interque laudes mentibus puris manus.
Cœlo supinas tollite.

Et vos beabit Dominus invicem omnibus
Cœli solique commodis:
Dominus Sionem qui tuetur, unicus
Cœli solique conditor.

P S A L. CXXXV. C A R M. G E N. i.

Psalmus Ecclesiam hortatur ad laudandum Deum, omnipotentia in res creatas & inimicos ipsos, bonitatisque erga Ecclesiam nomine: que omnia per comparationem idolorum gravissime amplificat.

V 1 Os quibus est sacri custodia credita templi,
2 Eia Deum laudate: Deum celebrate ministri,
Qui sacra assidua vigilatis ad atria cura.
3 Eia Deum laudate bonum, nomenque beatum
Tollite perpetuo vestro super æthera cantu.
4 Quippe Jacobum ultro legit, lectumque dicavit
Hunc sibi, ceu privam patrimoni in secula sortem.
5 Nota quidem Domini est immensa potentia, notum
Numen; quippe deos sub se premet altior omnes,
Quos alii stolidi placant ceu numina cura.
6 Versat enim nutu cœlo, terraque, marique,
Aut si quod cæcis clausum est penetrale tenebris
7 Naturæ, quodcunque libet: de viscere terræ
Evocat, & liquido suspendit in aere nubes:
Fulguribusque vagis venientes prævenit imbres:
Deque suis promit ventorum flamina gazis.

8 Ille

4 Privam] Privum est, quod unius enjusque proprium &
peculiare est. Horat. *Conducto navigio aque Nauseat ac locuples,*
quem dicit priua triremis. C.

- 8 Ille hominum primos fœtus, pecudumque per arva
9 Divitis Ægypti stravit: regemque superbū,
Et quicumque bibunt septemflua flumina Nili,
10 Terruit ostentis: validis ille oppida muris
Turrīta evertit: numeroſo milite cinctos
Cum stirpe extinxit violento funere reges:
11 Stravit Amorrhæum valida virtute Seonem,
Quique Basan Ogus magna ditione tenebat,
Regnaque non uni Cananeia subdita sceptro:
12 Arvaque dejectis nuper viduata tyrannis,
Accepere novos Jacobi e stirpe colonos.
13 Sancte parens rerum, qui justo examine nosti
14 Parcere subjectis, & debellare superbos,
Posteritas te fera canet: tua splendida facta
Nulla unquam ex animis tollent oblivia nostris.
15 At sibi quæ variis finxit simulacra figuris
Vana supersticio, calidis fornacibus aurum
Argentumve liquans, nil sunt nisi ludicra dextræ
16 Humanæ commenta: illis os vocis inane:
17 Lucis egent oculi: surdas sonus advolet aures;
Et patulas frustra nares jucundus odorū
Halitus incurſat: calidus non pectora pulſat
18 Spiritus. O quisquis ludibria talia fingit,
Aut colit, ipſe ſuis ſimilis diis exigat ævum,

9 Septem flumina Nili] Quia Nilus septem ostiis celeberrimis in mare Aegyptium influit. Quorum nominā vide apud Melam. C.

11 Amorhaem] Qui sic dicti sunt ab Amorhaeo filio Chanaan, & ultra ac cis Jordanem longe lateque habitarunt, antequam ab Israelitis eiicerentur. C.

¹ Seos] Rex Amorphaeum, quem, cum Israelitis iter intercluderet, interfecit Moses, & regionem ejus occupatam Reubensis & Gaditis assignavit. C.

Mentis inops, & lucis egens: non aure nec ore
 Accipiat redditave sonos: nec nare sagaci
 Sentiat halantes per prata nitentia flores.
 Tu vero genus a magno Israele profectum,
 Et domus Aronis, genitique e sanguine Levi,
 Et quicunque pio rerum venerare parentem
 Obsequio, laudate Deum, qui tecta Sionis
 Ardua, qui sacram Solymæ bonus incolit ædem.

P S A L. CXXXVI. C A R M. G E N. ii.

Saltes hortatur Ecclesiam ad prædiandas Dei laudes, propter beneficentissimam naturam & majestatem ipsius, benigneque opera in creatione, administratione & conservatione rerum omnium, ac imprimis Ecclesia demonstrata.

Eia Deum laudate, Deum facilemque bonumque,
 Larga benignum semper indulgentia.
 Eia Deum laudate: Deus namque ille deorum est,
 Larga benignus semper indulgentia.
 Cui domini rerum submittunt sceptræ tyranni,
 Larga benigno semper indulgentia.
 Qui facit attonito solus miracula mundo,
 Larga benignus semper indulgentia.
 Qui nitidos mire arte polum convolvit in orbes,
 Larga benignus semper indulgentia.
 Qui liquidis terras emergere jussit ab undis,
 Larga benignus semper indulgentia.
 Qui vitreo accendit flammantia lumina cœlo,
 Larga benignus semper indulgentia.

Qui

- 8 Qui solem auricomum jussit dare jura diei,
Larga benignus semper indulgentia.
- 9 Qui lunam & stellas tenebras distinguere, noctis
Jussit, benigna semper indulgentia.
- 10 Pignora prima Phari qui fato extinxit acerbo,
Larga benignus semper indulgentia.
- 11 Isacidas medio incolumes ex hoste recepit,
12 Larga benignus semper indulgentia.
- 13 Qui rubri Oceani torpentes diffidit undas,
Larga benignus semper indulgentia.
- 14 Perque undas fissas sobolem traduxit Abrami,
Larga benignus semper indulgentia.
- 15 Pharonem & Pharios submersit gurgite currus,
Larga benignus semper indulgentia.
- 16 Deduxitque suos deserta per avia tutos,
Larga benignus semper indulgentia.
- 17 Et validos merita prostravit clade tyrannos,
18 Larga benignus semper indulgentia.
- 19 Stravit Amorrhæum valida virtute Seonem,
Larga benignus semper indulgentia.
- 20 Stravit & incassum confisum viribus Ogum,
Larga benignus semper indulgentia.
- 21 Metatusque novis agrum est utriusque colonis,
Larga benignus semper indulgentia.
- 22 Isacidis habitare suis dedit hostica rura,
Larga benignus semper indulgentia.
- 23 Qui nos in rebus miseros respexit egenis,
Larga benignus semper indulgentia.
- 24 Avertitque ferum nostris cervicibus hostem,
Larga benignus semper indulgentia.
- 25 Qui genti vitam humanæ victumque ministrat,
Larga benignus semper indulgentia.

6 Afrigeros laudate Deum qui temperat orbes,
Larga benignus semper indulgentia:

P S A L. CXXXVII. C A R M. G E N. xxii

Sacerdotes & Levitæ captivi ad sacras cantiones cantandas sollicitatè ostendunt a se bona fide fieri non posse: in luctu suo constanter permanent, Edomaisque & Babylonis severissimum Dei judicium imprecantur atque denuntiant.

- D**Um procul a patria mœsti Babylonis in oris,
Fluminis ad liquidas forte sedemus aquas;
Illa animum subiit species miseranda Sionis,
Et nunquam patrii tecta videnda soli.
Flevimus, & gemitus luctantia verba repressit:
Inque sinus liquidæ decidit imber aquæ.
2 Muta super virides pendebant nablia ramos,
Et falices tacitas sustinuere lyras.
3 Ecce ferox dominus, Solymæ populator opinæ,
Exigit in mediis carmina læta malis:
Qui patriam exilio nobis mutavit acerbo,
Nos jubet ad patrios verba referre modos,
Quale canebamus, steterat dum celsa Sionis
Regia, finitimiis invidiosâ locis.
4 Siccine divinos Babylon irrideat hymnos?
Audiat & sanctos terra profana modos?
5 O Solymæ, o adyta, & facri penetralia templi,
Ullane vos animo deleat hora meo?
Comprecor, ante meæ capiant me oblivia dextræ,
Nec memor argutæ sit mea dextra lyræ:
6 Os mihi destituat vox, arescente palato,
Hæreat ad fauces aspera lingua meas;
Prima mihi vestræ nisi sint præconia laudis;
Hinc nisi lætitiaæ surgat origo meæ.

P S A L. CXXXVIII.

- 7 At tu (quæ nostræ insultavit lata rapinæ)
Gentis Idumææ tu memor esto, pater.
Diripite, ex imis evertite fundamentis,
Æquaque (clamabant) reddite te&ta solo.
- 8 Tu quoque crudeles Babylon dabis impia pœnas :
Et rerum instabiles experiere vices.
- 9 Felix qui nostris accedet cladibus ultior.
Reddet ad exemplum qui tibi damna tuum.
Felix qui tenero consperget saxa cerebro,
Eripiens gremio pignora cara tuo.

P S A L. CXXXVIII. C A R M. G E N. xxviii.

David Deum celebrat propter benignum & verbum & opera ejus erga se : a gentibus suo exemplo celebratum iri docet, ac postremo se committit Deo.

- P**ectore te grato Dominumque Deumque fatebor,
Coram superbis regibus,
Et tua facta canam.
- 2 Ad tua templa oculis, animo ad tua numina spectans,
Nomen celebrabo tuum,
Perpetuamque fidem :
- 3 Qui donis promissa novis cumulata rependis,
Audis vocantem, robora
Das animo trepido.
- 4 Te, quacunque patet tellus circumflua ponto,
Reges fatebuntur Deum,
Quum sine labe fidem
- 5 Audierint : ritusque tuos super æthera cantu
Ferent, tuæque gloriæ
Ad jubar attoniti.

6 Nam

7 Evertite fundamentis) Versus Spondaicus, habens in quinta regione spondæum.

- 6 Nam liquidi quanquam trans ignea mœnia mundi
Beatus in te permanes:
Attamen haud humiles
- 7 Despicis; elatosque premis: discrimina mille
Passim mihi circumstrepant,
Te duce tutus ero,
Tu valida obsistes dextra furialibus ausis
Qui me laceſſunt hostium:
- 8 Incolumique dabis
Quod supereſt, ſi quid supereſt: bonitate perenni;
Quo cœperas gradu, tuæ
Facta tuere manus.

8 Quod supereſt, ſi quid supereſt,) Elegans. Qualis ill Ciceroniana. Quid ſit, quod ſe a me removit, ſi modo removit, ignoror. aut etiam illa Horatiana. Quod ſpiro & placeo, ſi placeo tuum eſt.

P S A L. CXXXIX C A R M. G E N. iii.

David ſe tutum & omni ex parte Deo perſpectum eſſe agnoscens, profitetur ſtudium ſuum adhærendi Deo & fugiendi a malo: ac poſtremo ad conſirmandam hanc profeſſionem ſuam, ſi opus erit, ſe amplius probandum committit Deo.

- M**omenta vitæ nulla te latent meæ,
Rector benigne cœlitum.
2 Seu ſedeo, ſive furgo, ſeu quid cogito,
Tu cuncta præſens adſpicis.
3 Lux ſive curam, ſeu quietem nox tulit,
Curam & quietem temperas.

S s 2

Nec

1 Momenta) Momentum a moveo, eſt minimum temporis ſpatium, a niſtu oculi Germanis dictum, Vult enim dicere, nullam vel minimam vitæ ſuæ partem Deo incompertam eſſe. Momentum quoque in lancibus libræ, iam in hanc, iam in illam partem vergentium, notum eſt, C.

- 4 Nec te minutæ voculæ fugit sonus,
Quam lingua temere fuderit.
- 5 Et os & humeros, totiusque corporis
Sic arte mira fabricam
- 6 Finxisti, acumen nullum ut humani ingeni
Ratiove possit assequi.
- 7 Quonam ergo vultum fugero tuum? quibus
Clausus latebris occular?
- 8 Petamne cœlum? præsto es hic: ad inferos
Demergar? illinc non abes.
- 9 Aurora curru me volucri ut deferat
Ad occidentis limitem,
- 10 Hic deprehendes me, nec hic tutus tuæ
Vitabo fulmen dexteræ.
- 11 Incauta mens si forte secum cogitet,
Nox me tenebris occulet,
Obscura tenebris nostra nox luce est tibi
Meridiana clarior:
- 12 Tibi nec tenebræ sunt tenebræ, nec tuæ
Nox ulla providentia est.
- 13 Arcana mentis tu tenes, qui pectoris
Arcana fabricatus es.
Qui me parentis ventre conditum, cutis
Tenello amictu involveras.
- 14 Compago mira corporis nostri tuæ
Miraculum est solertia:
Stupenda cujus opera nec nostra assequi,
Sed nec negare mens potest
- 15 Nam nulla nostri tam minuta est corporis
Pars, ut tuam scientiam
Eugiat: nec ulla claustra pectoris latent
Te conditorem pectoris.

- 16 Massæ recentis rudia adhuc primordia,
 Rudisque massæ semina,
 Ceu scripta haberet, corporisque lineas,
 Motum statumque noveras.
 Et membra nondum quum forent, quid adderent
 Dies sciebas singuli.
- 17 Hæc mente tacita cogitanti mihi, stupor
 Torporque sensus alligat:
 Animus labascit quum tuæ miracula
 Perpendo mecum dexteræ.
- 18 Citius inibo numerum, arenæ in littore
 Quot volvat æstus corpora:
 Quamvis ocellis pervigil nunquam meis
 Dulcem soporem indulsero.
- 19 O quando perdes impios, rerum parens?
 O quando sanguinarios.
- 20 A me repelles, qui scelesti nomini
 Et numini illudunt tuo?
- 21 Te quisquis odit, non ego odi? non tuos
 Hostes habebam pro hostibus?
- 22 Odi profecto: nec tuis ex hostibus
 Amicus est quisquam mihi.
- 23 Revolve mentis intimos sinus Deus,
 Latebrasque nostri pectoris;
 Nisi hic amorem videris tui, nisi
 Animum obsequi nunquam pigrum,
- 24 Si par scelestis scelere sum, vita parem
 Da cum scelestis exitum.

C A R M. G E N. vi.

David Deum supplicat pro liberatione sua ; impiis adversariis
precatur ; & seipsum confirmat in fiducia certa iustitiae ja-
tisque Dei.

- A** Terne rerum conditor, a malæ
Linguæ veneno me bonus assere,
Me amque perjuri tuere
Hostis ab insidiis salutem;
- 3 Qui fraude tecta bella nefaria
4 Ciet : nec atris mitior anguibus
Vibratque linguam virulentam, &
Ore vomit rabido venenum.
- 5 Averte fraudem, & me violentiæ
6 Hostis f'celesti subtrahe, qui mea
Vestigia observat, scrobesque
Objiciens, laqueosque tendens.
- 7 At tu, salutis præsidium meæ,
8 Audi precantem : tu Dominus mihi
Deusque : tu me liberasti
Incolumem crepero e duello.
- 9 Idem impiorum nunc bonus irrita
Fac vota : s'vam frange superbiam ;
- 10 Virusque linguæ pestilentis
In domini exitium refunde.
- 11 Dejecta cœlo flammea perfidos
Procella fundat præcipiti fuga,
Cœcosque propellat profundas
Perpetui in barathri tenebras.

12 Lir

6 Scrobesque objiciens] i. e. Fossas effodiens. *f.*

7 Incolumem crepero e duello] Tu me telis impetum e bel-
dubio salvum præstitisti. *f.*

2 Linguae loquacis perfida vanitas
Nunquam quieto deget in otio:
Sed impie dignum patratis
Exitium Domino parabit.

3 At impiorum a vi Dominus suos
Et fraude vindex asseret: ut pii
Numen Dei præsens potensque
Perpetuo celebrent honore.

P S A L. C X L I. C A R M. G E N. iii.

David tribulibus suis mandato Schaulis ipsum persequentibus, openi
Dei implorat: improbitatem authorum persecutionis suae exponit,
fidemque suam; quibus nominibus servari a Deo petit.

A Urem vocanti da parens propere, meas
Audi preces salutifer.
Quum verba fundo tristis, & puras manus
Attollo, sic preces meas
Manusque puras respice, ac si thureo
Odore mane te colam:
Ac si colam te victima & libamine
Sero rubente vespere.
3 Freno coerce linguam, ad oris januam
Fac excubet custodia.
4 Fac mens sequatur recta, fac in lubricam
Ne flectat in erroris viam.

Fac

12 Linguae loquacis perfida vanitas] Pro hominibus garrulis,
perfidis & vanis. Sicuti Psal. i, impætas, pro hominibus impiis. C.

2 Odore thureo] Qui ex thure exhalat.

Solis est thurea virga Sabais. Virg. C.

Libamine] Pro libatione religiosa. C.

3 Ad oris januam fac excubet custodia] Ad oris fortes fac ut vi-
giliæ excubent, ne quid temere vel in patienter effutiam. C.

- Fac ne scelesto gaudeat cœtu, neque
Mensa fruatur impia.
- ¶ Me malo justus inçrepet, me verberet,
Quam palpet impius, comam
- ¶ Quam rore nardi spargat. Impii, precor,
Et impiorum præfides,
- De rupis altæ quum ruent specula, sui
Supplicia sceleris ut luant;
- Tum subeat animum consciū, salubriter
Quod me monentem spreverint.
- ¶ Sic mortis horror ossium compagines
Mihi laxat, ut cæſe jacent
- Fagi per arva fissâ cuneis fragmina.
- ¶ Tu sancte rector cœlitum,
Spes una nobis es salutis, unicum
- Agnoscimus te vindicem.
- ¶ Vitam tuere ab impiorum cassibus,
A fraude quam struunt mihi.
- ¶ Compos salutis impios fac in sua
Cernam ruentes retia.

P S A L.

5 *Palpet*] Palpo, palpas, vel, Palpor; palparis, palpari, Deponens, i. e. blande, leniter, & quasi tentando prensare, demulcere vel tangere. Accipitur fere pro adulari: nam is assentatorum gestus est. Hinc apud Plautum & alios sunt nomina Palpo, onis; palpator & palpatio, pro adulatore & adulatione; *Quem munere palpat.* Juvenal. C.

Comam quam rore nardi spargat] Crinesque unguento nardino imbuat. J.

6 *Salubriter*] Adverbium a Plinio usurpatum; a quo *salubriss* & *saluberrime*. C.

7 *Sic mortis horror ossium compagines, &c.*] Mortis metus sic mibi juncturas solidarum corporis partium dissolvit, ut fragmenta arboris ferro dejectæ, per campos abjecta jacent, divisa instrumentis ligneis aut ferreis, at distinendum partes immisss. J.

C A R M. G E N. xvii.

*David a Schaule & comitatu ejus circumclusus, Deum orat pro sa-
lute sua, ad gloriam ipsius in Ecclesia prædicandam.*

- 1 Nvoco supplex Dominum, manusque
Tendo ad sidera supplices.
- 2 Mentis huic pando lacrymas: querelis
Imploro miseris opem.
- 3 Pectus afflictum dolor obruebat:
Quanvis, Rex bone cœlitum,
Puriter vitæ mihi tu peractæ
Esse arbiter optimus.
- 4 Quum domo gressum tamen efferebam,
Tendebant mihi retia.
- 5 Nec mihi notus, nec amicus usquam,
Quoquo lumina verteram.
Exitus nusquam, fuga nulla, nemo
Qui me fospite plauderet.
- 6 Ergo te, rerum pater, invocavi,
Unum præsidium in malis:
Tu meæ vires, mea spes, opesque,
Dum sedes hominum colo.
- 7 Da meis aurem facilem querelis
Fracti cladibus ultimis.
Assere a sœvi manibus tyranni,
Qui me fortior opprimit.
- 8 Carceris vitam rape de tenebris,
Ut te laudibus efferam:

T t

Te-

6 *Dum sedes hominum colo*] i. e. Dum vivo & habito inter ho-
mines *f.*

7 *Cladibus ultimis*] Malis extremis. *f.*

Teque conventus celebret piorum,
Promtum ferre piis opem.

P S A L. CXLIII. C A R M. G E N. XV.

David Deum implorans, indignitatem suam confitetur, injuriam sibi factam in hac causa narrat, & angustias animi sui; ac propterea a Deo servari & insitui petit; inimicos vero perdi, ad gloriam ipsius.

Audi vocantcm rebus in asperis,
Et lenis aurem da precibus meis,
Rerum creator: quaque soles fide
Et æquitate ex hostibus eripe.

2 Juris severi ne trutina meam
Expende viam: nemo hominum innocens
Sic est, tribunal possit ut ad tuum
Se profiteri crimine liberum.

3 En hostis atrox imminet, & premit
Stratum: tenebris tristibus abditus,
Et lucis exsors dego, velut specu
Quos in sepulchri mors fera condidit.

4 Mens pene curis obruta volvere
Priora cœpit tempora, quum patres,
Spes quos fovebat præsidii tui,
De fauce lethi sæpe revelleres.

5 Hac recreatus rursus imagine,
Imploro supplex auxilium tuum,

In-

2 *Juris severi trutina]* i. e. Sammo jure. *f.*

3 *Et premit stratum]* Dejetumque vexat. *f.*

Lucis exsors] Tenebricosus, aut tenebris inclusus. Vide Psa. xci. C.

Intenta mens te respicit, arida
Tellus ut imbres sub cane torrido.

Non lentus audi, nam mihi spiritus
Vix fessa pulsat pectora: si tui
Avertis oris lumen amabile,
Mors atra siccis faucibus imminet.

Spe mens labores auxilii tui
Fert: spectat unum te, pater optime.
Audi precantem lenis, & exitum
Jamjam obruturis pande periculis.

Ab hoste sævo protege me, meæ
Custos salutis: prava repellere
Mentem manumque, & recta capessere
Doce, unicum te qui veneror Deum.

Arcana fac vis numinis ut tui
Per plana gressum dirigat, ut tua
Mandata secter: neu male credulum
Error malorum vertat in orbitam.

Ut nulla numen non celebret tuum
Et æquitatem natio, recrea
Me destitutum præsidio: & malis
Hostis scelesti libera ab artibus.

Favoris umbra me solita tege,
Et, qui me acerbis usque doloribus
Afflit, hostem perde nefarium,
Servumque serva perpetuo tuum.

C A R M. G E N. xiii.

David prædicata Dei erga se & humanum genus beneficentia, hostibus male precatur ; sibi totique regno salutem & benedictionem omnimodam exoptat, & commendat felicitatem populi Dei.

Q UO te, Rex hominum, carmine prosequar ?
Qui firmas animum robore, qui manum
Et bellare doces, & dubii regis
Per discrimina prælia.

2 Quod vivo & valeo, tutus & hostium
A fraude, eximia fulgeo gloria :
Quod late validis impero gentibus,
Totum muneris id tui est.

3 O rerum genitor, quantulus est homo
Hac quem prosequeris munificentia,
Et curas patria sollicitudine !

4 Figmentum fragilis lutis,
Quo nec bulla levis vanior est, neque
Quæ mentes agitant somnia turbidas,
Nec serum fugiens umbra crepusculum,
Nec fumi volucris vapor.

5 Cœli pande fores, Rex bone cœlitum,
Ac de sidereis labere sedibus :

6 Montes nube operi : per liquidi aeris
Campos fulgura trajice.

Turbatos trepida sparge fuga impios,
Et sparzos jaculis perde sequacibus :

7 Por-

4 *Figmentum fragilis lutis*] Statua e luto fluxo, quod cito dissolvi potest, efficta. *f.*

6 *Jaculis sequacibus*] Sequax dicitur, quod strenue & cupide insegitur. Tribuitur hoc epitheton a poetis passim capris, oculis,

- 7 Porrectaque manu me, pater optime,
Sævis eripe fluctibus.
Hostis pelle malam vim bonus impii :
8 Linguae vaniloquæ reprime toxica :
Assuetæque dolis pestiferis manus
Vires contere viribus.
9 Ut te nostra novo carmine barbitos
10 Dicat, subsidio qui recreas tuo
Reges: qui gravibus fæpe periculis
Vitam Davidis eripis.
11 Hostis pelle malam vim procul impii :
Linguae vaniloquæ reprime toxica :
Assuetæque dolis pestiferis manus
Vires contere viribus.
12 Natorum sfooles crescat, ut ubere
Surgit silva solo laurea : virgines
Cultu sic niteant, ut laquearibus

Tern-

lis, fluctibus ; item curis, quæ nullis profectionibus, navigatio-
nibus aut armis atceri possunt quin insequantur.

Reveraque metus hominum, curæque sequaces,

Nec metuunt sonitus armorum, nec fera tela. Lucret.

Ita hic jaculum sequax, quod sequi non definit antequam vulnæ-
ret, quasi siti quadam, & cupiditate nocendi teneatur ; ut Ho-
merus quoque de hujusmodi sagittis loqui solet. C.

12 *Laquearibus*] Laquearia & Lacunaria, partes sunt ædium
seu conclave, oppositæ pavimento quod pedibus teritur ; quia
autem partes illæ conelavium superiores, studiose a magnificis
exornari solent. *Tetra laquearia* sunt Horatio, domus principum
& magnatum splendidae, quas circum curas & solicitudines vo-
litare afferit. Eodemque modo, Cicero vocat *porticum pavimen-
tatum* ; sicuti enim pavimentum decus est ejus partis cubiculi
quod pedibus teritur, ita lacunar ornat eam quæ supra caput
est partem ; quam vocem etiam nonnulli ad cœlum stellis di-
stinctum eleganter transtulerunt, pro cœlo, dicentes *Laquearia
cœli*. C.

Templorum tholus aureis.

13 Stipentur gravidis horrea frugibus:
Pleno cuncta penu copia fuggerat:
Fœcundi pecoris non capiant greges
Lætis pascua saltibus.

14 Pingues plaustra boves & nitidi trahant:
Nec tristi resonent compita classico,
Nec fletu plateæ: nec furor hosticus
Clausis affremat oppidis.

15 Felicem populum, inter bona talia
Qui vitam in tacito transigit otio.
Felicem populum ter quater, omnium
Cui rerum pater est Deus.

P S A L. CXLV. C A R M. G E N. xxix.

David seipsum & res omnes creatas ad Dei laudes prædicandas ex-citans, celebrat magnificam potentiam, & justissimam benignitatem illius, quam erga omnes exhibet.

TE Regem Dominumqæ canam, dum lucida volvet
Lucidus astra polus,
Et unicum colam Deum.

2 Lu-

*Aureis] i. e. Pulchris, speciosis; quæ enim præ aliis pulchra & speciosa sunt, poetis *aurea* dicuntur: Ut, *Venus aurea*, *lumen aureum*, *liber aureus*, *auro magis aurea virtus*. C.*

Tholus] Proprie concamerationis aut fornicis medium, seu umbilicus, in quem laterum aut trabium capita coeunt, cui antiquitus voventium anathemata, seu donaria votiva affigebantur.

*— si qua ipse meis venatibus auxi,
Suspendive tholo, aut sacra ad fastigia fixi. Virg. 9. C.*

- 2 Luce canam te, nocte canam te: nulla carebit
 Laudibus hora tuis,
 Rerum creator & salus.
- 3 Magne parens, nullo cui clausa potentia fine est,
 Secula cuncta tuas
- 4 Laudes sonabunt: & patres
- 5 Longævi tua facta canent, seræque nepotum
 Per seriem soboli
 Prodent: nec ætas gloriam
- 6 Nesciet ulla tuam: mirandaque facta decusque
 Ille memor referet;
- 7 Hic magnitudinem canet:
- 8 Ille bonum feret & justum, & placabilis iræ,
 Et veniæ facilem, &
 Larga benignum dextera.
- 9 Totque inter decora, & laudum præconia nulle
 Emoritura die,
 Nil clarius clementia.
- 10 Ergo, parens rerum, stellantis machina cœli
 Cuncta suo gremio
 Complexa prædicat tuum.
- 11 Robur: & intacti scelerum contagie nefanda,
 Te celebrant alacres,
 Tuique vires imperi
- 12 Per populos late vulgant: ne nescia sceptri
 Terra sit ulla tui,
 Et gloriæ & potentiae.

13 Im-

11 *Centagium*] Contagium, ii, Contagio, onis, & Contages, is, accipiuntur pro morbo aut re aliqua vitiola, quæ contage nocet, & veneno suo aliquos inficit.
Quae contagie sua palloribus omnia pingunt. Lucret. C.

- 13 Imperium sine fine tibi : nec legibus ævi
 Subdita sceptræ tenes,
 Aut clausa metis temporum.
- 14 Tu lapsos rursum attollis, firmasque labantes:
 Incolumesque foves
 Vitæ beatæ commodis.
- 15 Te volucrum pecudumque genus, te fæva fera-
 rum
 Secula respiciunt
 Unum, suoque tempore
- 16 Accipiunt victimum : tu dextram pandis, & omne
 De locuplete penu
 Animal benigne recreas.
- 17 Quicquid agis, justeque & sancte agis : impiger
 aurem
- 18 Supplicibus facilem
- 19 Præbes : opisque compotes
 Dimittis puro qui pectore cunque precantur,
 Auxilioque piis
- 20 Præfens es, & periculis
 Eruis e cunctis qui te venerantur amantque:
 Cumque suo scelere
 A stirpe vellis impios.
- 21 Ergo omnes te jure canent, nomenque tacebit
 Natio nulla tuum
 In seculorum secula.

P S A L.

15 Ferarum secula] Vide *Psal.* lxxvii.19 Opisque compotes] Ope videlicet imprestrata, aut cum votis
 totum suorum facti sunt compotes. C.

19 Qui pectore cunque] Pro quicunque pectore, per Tmesin.

C A R M. G E N. vi.

Psaltes se & pios hortatus ad laudes Dei ipse soli afferendas, eum laudat, singulorum erga pios beneficiorum, creationis, conservationis administrationisque rerum omnium, & regni aeterni nomine;

- T**E, magne rerum conditor, & tuas
 2 Sonabo laudes, factaque posteris
 Miranda prodam, dum recurret
 Per calidos mihi sanguis artus.
 3 Securitatem ne stabilem tibi
 Promitte, regum præsidio : neque
 De stirpe mortali & caduca
 Pone tibi columen salutis.
 4 Ut membra liquit spiritus, in suam
 Terrena moles terram ambit, & diu
 Consulta vanescunt, & auras
 Irrita per vacuas feruntur.
 5 O ter beatum, quem Deus ætheris
 Fido tuetur præsidio, suas
 Qui spes opesque omnes in uno
 Constituit Domino Decque;
 6 Qui terram & æquor condidit & poluni
 Et quicquid æquor terraque continet
 Polusque : qui promissa præstat
 Perpetuo stabilis tenore.
 7 Qui nec tyranni vi finit opprimi
 Infirmiorem, aut esurie premi ;
 Qui carcerum exemptos tenebris
 Compedibus levat innocentes.

V y

¶ Qui

¹ Esurie] Pro fame. Apud Catullum est esuritis ; apud Varonem, esurigo, eadem significatione, ab eis. C.

- 8 Qui nocte pulsa luminis aurei
 Cæcis refundit luminibus jubar :
 Greſſusque firmat claudicantes,
 Justitiamque amat æquus æquam.
- 9 Cura fideli qui fovet advenam,
 Orbæ marito qui viduæ favet,
 Orbos puellos qui tuetur,
 Et scelerum labefactat artes.
- 10 Rex ergo habenas imperii tuus,
 Sion, tenebit, sidera dum polum
 Pingent, & obliquum per orbem
 Sol rutilos agitabit axes.

P S A L. CXLVII. C A R M. G E N. ii.¹

*Psalmus Ecclesiam kōrtatur ad prædicandum nomen Dei, propter libera-
 rationes beneficiaque ejus erga ipsam, & propter constantiam ope-
 rum & verbi.*

- F**IA Deum laudate, Deo date carmina digna :
 Certe eruditus dignus ille est carmine :

2 Qui Solymam instaurat rursus, passimque per or-
 bem
 Sparfos reducit exules Abramidas :
 3 Qui fractos animi levat, & corda anxia lenit :
 Mulcet dolores, mitigatque vulnera :

4 Qui

10 Sidera dum polum pingent) Dum stellæ cœlum ornabunt. *f.*
 3 Fractos animi) i. e. animo fractos, seu pusillanimos, poeti-
 ce. Eodem modo, *egregius, præstans, lapsus, victus, &c* alia si-
 milia, cum voce *animi* passim a poetis conjunguntur. Et paulo
 post, hoc ipso Psalmus dicit, *simplex animi. C.*

- 4 Qui numerat tacito labentia sidera mundo,
Suisque quæque nuncupat vocabulis.
- 5 Magna Dei virtus, immensa potentia : nulla
Quam lingua fari possit, aut mens cogitet.
- 6 Qui mite ingenium fovet, allevat, auget honore :
Humique sternit impiam superbiam.
- 7 Eia Deum cantate, Deo persolvite grates ;
Grato benignum canite patrem barbito :
- 8 Qui cœlum obnubit tenebris, terram rigat imbre ;
Montesque lœto vestit altos gramine :
- 9 Qui pecudum genti larga dat pabula dextra,
Corvoque victum se roganti sufficit.
- 10 Quem neque magnanimum delectat robur equorum,
Nec vis ferocis aut lacertus militis :
- 11 Sed pietas animi simplex, & in illius una
Quæ spem salutis collocet clementia.
- 12 Eia, Dei laudes Solymææ pangite turres :
Benignitatem mons Sionis prædica,
- 13 Qui portarum aditus claustris firmavit ahens ;
Civesque cunctis commodis auxit tuos.
- 14 Qui te pace beat lœta, & defendit ab hoste :
Et messe flava tritici campos tegit.

V V 2

15 Cu-

13 *Abenis*) Vocabulum poeticum, diversimode, pro ratione carminis, usurpatum : in soluta oratione, dicimus *aneus*; hinc poetæ, diphthongo per Dialysin, & aspirationis Epenthesin, divisæ, dixerunt *abeneus*.

— hic murus abeneus esto,

Nil conscire sibi, nulla pallescere culpa. Horat.

Ex hac voce producta, alii item fecere contractam, exempta e penultima litera *e*, & dixerunt *abenus*. Propert. forma celator *abenæ*, pro *aneæ* vel *areæ*. Eodem modo pro *eburneus* dixerunt *burnus*. C.

- 15 Cujus ad imperium fundit sua munera tellus :
Natura cujus promta paret jussibus.
- 16 Qui nivibus celsos operit, ceu vellere, montes :
Densas pruinias cineris instar dejicit.
- 17 Et glacie lapsus solidarum frenat aquarum :
Cujus rigorem quis feret mortalium ?
- 18 Quim libuit, moiles glacies tabescit in undas,
Adspirat aura mitior, rivi fluunt.
- 19 Ostenditque suam per signa illustria mentem :
Legesque Abrami tradidit nepotibus.
- 20 Non ita se populis aliis monstravit amicum,
Qui scita legum nesciunt cœlestium.

P S A L. CXLVIII. C A R M. G E N. X.

Psaltes res omnes creatas a summo ad imum hortatur ut Deum celebrant, propter majestatem ipsius, & beneficentiam erga Ecclesiam.

- L**audate Dominum cœlum
Chori beati, qui procul
Contagio mortalium
Templa ætheris tuemini.
- 2 Laudate Dominum, quos sibi
Adesse jussit angelos :
Laudate Dominum exercitus
Parere prompti jussibus.
- 3 Laudate Dominum, qui diem
Sol, luna noctem illuminas :

Lau-

17 Et glacie frenat) Insignis Metaphora ; glacies enim cursum fluminis sistit, eaque ripis suis quasi alligat & adstringit, ut freno equi cursus sistitur, quod hoc loco est frenare lapsus riuarum : glacie vero liquefacta & soluta, mox decrementa riuamina praeterirent, ut canit Horat. L. 4, Ode 3. C.

Laudate Dominum lucidis
Stellæ decoræ flammulis.

4 Laudate eum rotatiles
Tot orbium compagines,
Et unda longe celsior
Campis nitentis aeris.

5 Huic cuncta laudes dicite,
Numenque cuncta pangite,
Quod cuncta nutu condidit,
Et cuncta nutu sustinet :

6 Fixitque firmo cardine,
Ne vi senectæ corruant :
Certisque vinxit legibus,
Quas transgredi non audeant.

7 Laudate Dominum sub specus
Terræ dracones abditi :
Et vasta cete, quæ sinus
Ponti repostos finditis.

8 Ignes, nives, & grandines,
Vaporque, & auræ spiritus,
Ad iussa Domini mobiles
Circumrotantes turbines :

9 Colles feraces, & feri
Montes, & omnes arbores ;
Seu montibus rigescitis,
Seu cultibus mansuescitis :

10 Mi-

4 Rotatiles) Vox a poeta, ut videtur, novata : est autem rotatile, quod rotæ instar in orbem potest circumagi, quales sunt circuli illi cœlestes de quibus hic loquitur. C.

7 Et vasta cete) Vide Psal. civ.

Repostos) Pro repositos; Virg. *Manet alta mente reposum.* Et impostor, quasi impostor, qui fraudulenter aliis imponit. Vide Psal. xlvi. C.

- 10 Mites feræque bestiæ,
 Humique lente reptiles,
 Et quæ liquentes aeris
 Campos volando carpitis :
- 11 Reges & orbis præsides,
 Et nationes liberæ,
 Et pauperi plebeculæ
 Qui jus ab alto dicitis :
- 12 Et vos juventa florea,
 Latæ puelli & virginæ,
 Senesque vitæ in ultimo
 Jamjam exituri limine,
- 13 Laudate Dominum : numini
 Sit ejus uni gloria,
 Unumque noscat omnium
 Cœlum solumque principem,
- 14 Hunc omne in ævum laudibus
 Propago tollat Isaci :
 Sibi dicatam qui bonis
 Gentem beavit omnibus.

P S A L. CXLIX. C A R M. G E N. X.

Psaltes Ecclesiam hortatur ut Deum collaudet, propter benevolentiam
 & salutem ab eo acceptam, denique propter verbum ipsius potentissimum Ecclesiæ traditum.

- C**Antate Domino canticum
 Novum : sonet laus illius
 Cœtus per omnes, qui sacris
 Non se profanis poluunt.
- 2 Obleget Isaci genus
 Auctore se suo, suo
 Regi Sionis arduæ
 Congratulentur filiaæ :

- 3 Nomen celebrent illius
 Lætis choris & tympanis ;
 Ejusque laudes accinant
 Blande canoro pectine.
- 4 Gentem bonus parens suam
 Amore sancto amplectitur,
 Mitemque mansuetudinem,
 Firmat salute immobili :
- 5 Cœtus piorum ut gestiant
 Foris paratu splendido,
 Domique secum clanculum
 Lætentur in cubilibus.
- 6 In ore, rerum præsidis
 Laus continenter personet :
 Utrinque acuti in dexteris
 Vibrentur enses vindices :
- 7 In se ferarum ut gentium
 Crudelitatem vindicent :
 Et in futurum iras, minas,
 Superbiamque comprimant.
- 8 Reges suorum ut hostium
 Arctis catenis alligent ;
 Et ferreis coercéant
 Vinclis ferocees principes.
- 9 Pœnas secundum cœlitus
 Praescripta ab iis ut exigant,
 Et laus piorum pervolet
 Omnes per orbis cardines.

P S A L.

Filia Sionis) Id est, virgines & matronæ Hierosolymitanæ.
 Sicuti Horat. od. 3. lib. 4.

Ubi per sobolem Romæ, intelligit adolescentes & cives Romanos, ex urbe Roma, tanquam ex matre oriundos.

3 *Pectine*) Pecten hoc loco idem est cum plectro, de quo supra Psal. 30. Virgil. *Fam pectine pulsat eburus:*

C A R M. G E N. X.

Psaltes Ecclesiam hortatur ut Deum omnibus modis laudet, propter sanctitatem, potentiam & magnificentiam ejus.

- L**audate Dominum, lucidum,
Templum colentem siderum
Qui vi suæ potentia
Firmavit orbis cardines.
2 Laudate Dominum fortiter
Ubique gestis inclytum :
Laudate magnitudinem
Captum supra mortalium.
3 Laudate Dominum bellicæ
Claris tubæ clangoribus :
Laudate Dominum nabiis,
Lyrisque blande garrulis.
4 Laudate Dominum tympanis,
Choriq[ue] festi cantibus :
Laudate Dominum fidibus, &
Sonore dulci tibæ.
5 Laudate eum tinnitibus
Lætis canori cymbali.
6 Hunc cuncta laudent, quæ trahunt
Vitalis auræ spiritum.

AN-

Nabiis) Vide Psal. 33.

Cymbalis) De hoc. Psal. 68:

Sonore) Pro sonitu, more Lurcettii & Virgilii, quorum illæ
in primo.

Leptido qua sunt fucata sonore:

Idem canor, pro cantu dixit in quarto.

Parvus ut est cycni melior canor, ille gruum quam

Clamor in æthereis dispersus nubibus Austri. C:

F I N I S.



